

Handwritten text, possibly a title or date, partially obscured by a horizontal line.

Las 22

Lit. II















Vorag. Maria.

F. S.



SERMONES A V R E I DE MARIA VIRGINE D E I M A T R E,

Omni doctrina, & magnis Sacre Scripturę sensibus
referti, Concionatoribus Verbi diuini, Parochis,
ac etiam viris pijs & doctis, apprime necessarij.

AUCTORE R. P. IACOBO VORAGINE
Instituti Dominicani, Archiepiscopo Ianuensi.

Auctoris Vita ex Vetustissimis Scriptoribus addita.

Cum duplici indice Sermonum & rerum memorabilium.



V E N E T I I S,


M D X C.

Ad Signum Concordiæ.

SEYMOUR
V. R. I.

DE MARIA VIRGINE
DEI MATRIS

[Faint, illegible handwriting]



22011 211734237

443

ANGELO COSPO

VIRO PERILLVSTRI

I VIRIS CONS.

ET EQVITI S. STEPHANI

MVLTIIS . TITVLIS DIGNO .

Nicolaus Angelinus.



I tibi maiestas impe-
rij , & uniuersi prin-
cipatum colatum fo-
ret , quemadmodum
Tito quondam Vr-
bis Imperatori ; ea
proculdubio nostrum hoc seculum pari le-
titia gauderet ; cum lectas in te humani ge-
neris delitias inspicit , orbisque amor , at-
que honor tuo pectore candidato spariari
concernit . Quoniam quidem , clarissimis
in omnes experimentis , beneficentissimum

animum patefacis, ac diligentia quadam
singulari, cunctis qui ad te confugiunt,
quod optant agere studes; ut Titus ille,
diei iacturam plorans, in quo de aliquo
quicquam meritus non es. Verum enim-
vero fatentur omnes, quod & sivebus,
& potestate, haud illi certamen facias,
propensa tamen viuacitate, quam animi
promptitudine detegis, ita virorum anhe-
lationi persoluis, quod nobilis, & officio-
sus eques, ut isdem beneuolus Impera-
tor, non praeffiori laude praedicaris. His
ego etiam impulsor, vires ad tuam gra-
tiam intendendum: cuius quidem fructus,
cum quàm plurimis uberrimi fuerint,
mihi quoque persuadeo, quod hac tam la-
ta munificentia indignum, me illis un-
quam temporis iudicabis. Atque hanc
visus sum occasionem nancisci, laudes
Virginis Deiparae, a Voragine eleganti
admo.

admodum uerborum specie, atque uberri-
mis misteriorum monumentis traditas, &
si typis non excusas, centum ferè annos
quasi sub terra obliuione sepultas, vel
amissas iterum in lucem extollere. Tuum
quidem pium desiderium ambit animum,
& Clericorum habitu; quinimo iamdiu
Cruce Sancti Stephani Equitum insi-
gnitus, cum in obseruandis curijs, tum
etiam armorum exercitio, rectissimam &
nobilem Christi vitam ducere posse quem-
libet enunciaſti: atque simul legum pru-
dentia temetipsum ad semitam uera glo-
ria direxiſti. Quapropter Authoris gra-
uitas, materiesq; suprema consideratione
summa, dignitatis tua aggregationis cumu-
lo conueniet facile. Et eo amplius, quo-
niam ob singularissimum tuum in Prædi-
catorum familiam affectum, venerabili,
& magno huic Patri haud quaquam in-
dignum

dignum erit , si tuo nomine prodierit in
manus hominum . Suscipe igitur Equi-
um decus redeuntem ad te Voraginem ,
seruitutis mea qua te prosequi vehemen-
ter cupio signum . Et scias velim , quod
si munusculum hoc meum , gratum tibi
comperuero ; alacriorem mihi ipsi animum
redditurum , ad aliorum atque etiam ma-
iorum tibi cogitandam editionem . Et si-
cut , alter ille Angelus Cospus , in au-
ctoribus grauitate præditis transferendis,
magnopere bonarum literarum studio pro-
fuit : ipse etiam qui illum nomine instau-
ras , idem opus studiosorum Mæcenæ
perficies absolutissimè , dum eos fouebis ,
ac fauebis . Vale.

VORAGINIS VITA A NICOLAO ANGELI- NO DELINEATA.



VORAGINES oppidum, aliàs
Castrum Virginis nūcupatum,
inter Genuam urbem, & Saba-
tium, est in ora Ligustica situm;
quamuis Genuensibus ipsis ad-
dictum, iurisdictione tamen in
suburbia quamplurima, pagos-
que magnos plena potitur. Ibi ortus est Iacobus,
qui sæculi declinans perniciem, Genuæ in Con-
uentu Diui Dominici, togam Prædicatorum su-
scepit, in quo patres litteris, & pietate florebant;
cum quibus ipse ætatem utiliter, scientiarum stu-
dio, ac uitæ probitate transegit. Quare, meritò ei
Lombardiæ superioris gubernandæ prouinciæ mu-
nus iniungitur. Primo quidem anno Domini
MCCCLXXII. Bononiæ electus, & confirma-
tus, adeo meritorum Patrum, & fratrum partem
est assequutus, ut per decennium tali officio fun-
ctus sit; ita F. Ioanne Vercellense, tunc Generali
ordinis disponente. Secundo autem, & rursus in
eadem Ciuitate Bononiæ anno MCCCLXXXI:
Prior prouincialis præfigitur; & quinque annos
perquàm mirabile, & laudabiliter administrauit,
vnde maximam est apud illius ætatis uiros doctri-
na, & sanctitate præditos nomen clarissimum ade-

ptus. Nam sacrarum litterarum studio mancipatus,
earumque lectione, & prædicatione perfrequens,
vir quidem magna, uariæq; eruditionis euasit; &
ulti a modum facundia, ingenij promptitudine, lo-
cutionis claritate, & eminentium misteriorum vber-
tate repletas. Fuit Augustini operum ita sectator
præcipuus, ut omnia fere memoria retineret. Pri-
mus fidelitate summa, atq; solertia, multa utriusq;
testamenti Italico sermone conscripsit; & supra
omnes suæ ætatis coetaneos, ac fermè etiam
recentiores cunctos, aptiori, longeq; meliori mo-
do, sermones nouit, & conciones adnotare. Ino-
& si eo tempore barbarie undique obtuso compo-
neret; adeo tamen ingeniosè ignauiam illam eli-
minare dignuit, ut charissimus ubiq; semperque
fuerit declamatoribus, non sine præstanti eorum
emolumento; dum noua iugiter ab eo hauriuntur,
a quodam ueluti inexplebili, profunda q; scriptu-
rarum, sensuum, & sententiarum Voragine. Inde
Trithemius ait, eum ab ubertate, & exuperantia Vo-
raginem appellatum, quam assiduo litterarum sa-
crarum exercitio, nactum ostendit. Cuius quidem
testimonio patet quàm cœlebris extiterit Iacobi o-
pinio, apud Authorem hunc uel egregium, licet
aliunde ut diximus fuerit ita uocatus. Sui monu-
menta Iacobus literis prodidit: etenim ex diuini Au-
gustini doctrina, ut apud multa excerpens, Dei geni-
tricis laudes, nec non & sermones pro diebus qua-
dragesimalæ, Sanctorum festis, ac Dominicis anni,
florida qua pollebat eloquentia reliquit. Præterea

ut ingenij sui ad omne studiorum genus pandere
aptitudinem, Longobardorum historiam, genuen-
sium Cronicam, & multorum uitas Sanctorum,
elegantiore literatura tanta, ac gestorum copia, &
fidelitate digessit, quanta in eius generis ab homi-
nibus, desiderari potest maxima, qui facta hæc per-
scrutando uaria perlegerunt: sicque iure illis pri-
mam sedem dedere omnes. Hisce igitur, & quam
similibus plurimis, vir Iacobus magni nominis
vbique locorum notus, Genuensis Archipræsul de-
claratur anno, M C C X C I I. Et uacante illis die-
bus Apostolica Sede, Cardinalium Collegium in
Vrbis Genuensis honorem, a Cardinali Hostiensi
Episcopo, (qui Papam consecrat) eum consecrari
decreuit. Ad hanc pastorem curam euectus, ue-
rè patris ac speculatoris munus, & dignitatem com-
pleuit: nihil quicquam prætermittens, quod sui
temporis prælatorum uigilantiæ, prudentiæ, man-
suetudinis, iustitiæ ac ceterarum uirtutum oneri con-
ueniret. Et inter nonnulla dignissima memorata
illud insigne notatum est. Quoniam Guelforum,
& Gibellinorum furor, Genuensem ciuitatem di-
scriminibus haud paucis labefactatam, ac per an-
nos quinquaginta, seditionibus, & domesticis hu-
ius rei causa concertationibus, eò deductam con-
spiciens, ut actum prorsus de ea fuerit; insigni qua-
dam unione, paci uoluit restituere. Nam obse-
crando, increpando, atque iram diuinæ ultionis
obtestatione minando, nunquam defuit: & præ-
fatæ pacis intuitu Pontificijs indumentis, & insu-
la,

Ia, Ciuitatem equester obambulauit : atque huius
rei gratia uarias tunc piasque deuotissima dexteri-
tate composuit cęrimonias . Tandem ætate, ac
meritis prouectus, obit mense Iulio MCCCXCVIII.
& sepelitur in sacello maiori ad dexteram Domini-
cani templi, conditus sepulchro marmoreo, &
candido, a quo sub ara maiori quàm citius hono-
rificè locandus transferetur, Patrum illius cęno-
bij pietate, ac beneuolentia.



IACOBVS VORAGINES
ARCHIEPISCO-
PVS GENVENSIS.
LECTORIBVS.



*C*ogitavi dies antiquos, & annos æternos in mente habui: quoniam iam senili ætate confectus sum, & cælestis patriæ desiderio anxius, ideo dies antiquos vitæ meæ sæpe cogito, & annos æternos vitæ perpetuæ frequenter in mente recolo, uel reuoluo, ut sic ueraciter possim dicere cum Propheta, Cogitavi dies antiquos, Vtraq; autem cogitatio tam ætatis senilis, quàm vitæ cælestis salubriter me inducit, ne in tempore paruo, quod restat, animus meus torpescat ignavia, uel desidia resoluatur; sed potius in Dei laudem, & gloriosæ Matris eius, dies antiquos meos finiam, ut sic annos æternos, sæliciter apprehendam, & quamuis Pontificali infula insignitus, quamuis in Episcopali speculo constitutus, cito tamen in cinerem resoluar, & in uentrem communis Matris cito ingrediar, ut ibidem me seruum ad requiem, donec in beata resurrectione, me pariat ad salutem. Quia igitur gloriosa Virgo Maria in se operantes, à peccato præseruat, & se laudantes copiosè remunerat, ipsa dicente, Qui elucidant me, uitam æternam habebunt,

bunt, & qui operantur in me non peccabunt. Ideo
volens suae commendationi operam dare, & Virgi-
neas laudes ipsamq; depromere, Praesens opusculum
ipsa inspirante incæpi, & ad finem per dæxi debitum,
ipsa adiuvante.



INDEX

INDEX RERVM MEMORABILIVM. QVÆ IN HOC OPERE CONTINENTVR.



a, primam faciem designat, b, uerò secundam.



- | | |
|---|-------|
| A mplitudo Mariz | 54.b |
| Ascensio Christi | 75.a |
| Assumptio Mariz in cœlum | 75.b |
| Angeli sunt lux | 100.b |
| Aqua uiua est Maria | 104.a |
| Accubitus Christi | 119.b |
| Albedo Mariz quid signifi-
cat | 146.a |
| Alina mystice | 156.a |
| Attractiua sunt multa | 189.b |
| B enedictio Mariz est
multiplex | 23.b |
| Benedicta est Maria su-
pra omnes | 24.b |
| Bona matrimoni Mariz | 274.a |
| A ducati condi-
tiones habet
Maria | 2.b |
| Auxilium Ma-
riz est efficax | 3.a |
| Amabat Maria Christum præ
alijs | 5.a |
| Amor Mariz multiplex | 5.a |
| Affectus Mariz | 5.a |
| Apes quattuor diligunt | 8.a |
| Aquanum diuersitas | 9.a |
| 67.b | |
| Auctoritas Mariz | 19.b |
| Auroræ conditiones | 20.a |
| Apostoli peccauerunt | 27.a |
| Aquæ cœli | 30.b |
| Animus Mariz | 53.b |

Beatus

beatus est uenter Mariæ, & loſe 185.a	
quare 191.a	Candor ueſtium miſticus 186.a
Breuiâ fuerunt uerba Mariæ 193.a	Conſideratio Mariæ pruden- tiſſima 186.b

C

D

C ibus Mariæ 1.b	D emonēs timent Ma- riam 15.b.19.a
35.a	20.b.56.a
Colores archus cœle- ſtis 12.a	Domus diuerſæ 15.b
Corpus Virginis debet hono- rari 13.b	Domus Mariæ 15.b
Cœlum quoties euacuatum 14.a	Deſpexit nullum Maria 37.a
Corpus Virginis 21.b	56.a
Curia cœli mittit literas. 25.a	Diaboli malitia 41.a
Candelæ ſignificationes. 26.a	Diaboli uicia 41.b
Cœlum triplex 30.a	Delitias quas habuit Virgo 46.b
Conditiones cinnamomi 31.b	Dies unde dicitur 47.b
Conuerſatio Mariæ 36.a	151.a
41.b	Diei partes conueniunt Ma- riam 48.a
Cuſtodita fuit Maria 44.b	Dilexit Maria Chriſtū 49.b
Coniunctio Chriſti, & Ma- riae 51.b	Diligat nos ualde ibi.
Compaſſio Maria 73.a	Difficilia tulit Maria 68.b
Cōfirmata fuit in gratia Ma- ria 77.b	Dolores Mariæ 99.b
Chaos inter Sanctos, & dam- natos 78.a	Dolorum amaritudo 105.a
Chriſtus eſt ſlos non horti, ſed campi 82.a	109.b
Conceptio Chriſti 88.b	Diuerſitas arborum in Ma- ria 136.a
Circudauiſt Virgo miracu- bus 194.b	Delectat nos undique Ma- ria 162.a
	Diuerſi ſponſi Mariæ 173.b
	Dirigit omnes Maria 175.a
	Diabolus caput eſt tribus re- bus 194.b
	Eua

E

Eva quę mala habuit
24.b

Eboris conditiones.

55.a

Eua multa amisit 76.a

Effectus gratiarum Marię
car. 102.b

Excellit Maria Angelos ibi-
dem.

Euę ubera mala 190.a

Ebrii in cęlo qui sint 29.b

F

Festinans iuit Maria in
montana 5.b.83.a

Filius bonus fuit Chri-
stus 16.a

Famosa fuit Maria 17.b

Famuli Marię 18.b.58.b

Ferculum quid significat .
54.a

Fluuij in Sac. Scrip. 64.b

Fontes multi 66.b

Funiculus triplex qui 83.a

Farinę significatio 83.b

Folia lilij quę 95.b

Fidem non amisit Virgo.
100.a

Fluminis impetus lętificans
car. 104.b

Filius Christus amauit ma-
trem 110.a

Frigidos inflamat Maria

113.b

Fugat dęmones 115.b

Fratres dicuntur multiplici-
ter 149.b

Famulatus Marię 158.a

Fructus Salutationis angeli-
cę. 165.b

Ferula Significat Mariam
71.a

G

Gabriel angelus 7.b

Gratia Marię 46.a

Gratia multiplex in
Maria 70.b

Gratiarum plenitudo est in
Maria 165.a

Grandis est Salutatio angeli
ca 165.a

H

Humanitas Christi
car. 38.b

Hora uespertina in
Maria 49.a

Horę diei Marię conueniunt
car. 49.a

Honorata est uirgo a multis
car. 84.a

Hospiti liberali uirgo assimi-
latur 93.b

Hiacinthinus color Sign. Ma-
ria 113.b

Homines illuminat Mariam
car. 107.a

Hono-

I N D E X.

Honorauit Christus matrem
car. 152.b

Litteras scribit Maria 15.b
Læsa semper fuit Maria.

59.b

Lumen in Virgine occulta-
tum 88.a

Intellectus, & affectus Ma-
rie 90.a

Lac Mariæ corporale, & spi-
rituale 90.b

Indigentia hominum.
38.b

Lilijs quare multa ornantur
95.b

Impossibilia que 39.b

Lucis multæ proprietates,
102.a

Ioannis Euang. laus 43.b

Lac est Maria 190.b

Ioannes Mariæ filius 63.b

Ioannes Baptista filius Ma-
riæ 63.b

Innocentia Christi 69.a

Inuenit bona multa Maria
76.a

Ignis Mariæ 87.b

Illuminata dicitur Maria.
106.b

Imago Beatæ Mariæ illibata
123.a

Inuenitur Christus non vbi-
libet 151.b

In Maria multa videntur.
172.b

In iudicio sedebit Virgo,
184.b

Iustitiæ partes in Maria,
200.b

I

Vx Mariæ 14.b

Lactis proprietates.
21.b

Litterarum genera 25.a

Matrimonium Mariæ
1.b

Magna in Mariæ sunt
facta 131.b

Monile habet quatuor.
34.b

Mixturæ mirabiles 40.b

Maternitas Mariæ tria facit
63.a

Mons fuit Maria 92.b

Manus Mariæ 102.b

Martir fuit Maria, & quo-
modo 108.a

Mater fuit Virgo 111.a

Medium terræ est caro Virgi-
nis 115.a

Mulierum status 158.a

Mortale peccatum non fuit
in Maria 170.b

Mysteria diuina cognouit Ma-
ria 171.a

Magnus, & parvus est Chri-
stus

I N D E X.

flus 188.a
Mammilla mistica est Maria

P

190.b.
Multi imitantes Mariam .
198.b

N

N Obilis fuit Virgo.
17.2
Numerus senarius .

30.2
Numerus millenarius .
64.b

Non potuit peccare Virgo.
44.a
Nomen Marię . 174.b

O

O Culi Marię 6.b
Odor, color, sapor Ma-
rię 32.a

Omnes seruiunt Virgini .
52.b

Orantibus adsunt Angeli .
87.a
Oliuę fructus in Maria .
127.2

Officium miserendi est in
Maria 131.b

Originale peccatum quo-
modo fuit in Maria .
169.a

Os Marię quando apertum
182.b

P Vlchritudo Marię .
16.b
Proprietates columbę .
35.b

Potens fuit Maria • 60.b
Passio Christi 62.a
Paradisus ostenditur 66.a
Perseuerantia Marię 69.b
Partus Marię fuit magnus
74.b

Plenitudo multiplex 76.b
Paupertas Ioseph 86.b
Pietas Marię 97.b
Perseuerantia eius 98.a
Panem de longe portauit Ma-
ria 122.a
Pasqua varia ecclesię 133.a
Pluuia in Maria 191.a

Q

Q Vę fuerunt in ventre
Marię 11.a
Quattuor prerogati-
ua Marię 26.a
Quattuor in Christi conce-
ptione 89.b
Quinque digiti Marię .
102.b
Quę dicit contra nos Diab.
116.a
Quelibet persona Trinit. se-
cit noua in Maria 123.b
b Quot

I N D E X.

Quot conditiones sunt nubis
tot in Maria. 125.a

115.a
Sancti quam uitam habeant
in mundo 135.a
Sancti sunt uestis Mariæ
175.b

R

Reuelat archana Ma-
ria 19.a

Respondet Diabolo pro
nobis Maria 116.b

Rubedo in Maria 147.b

Requies plena in Maria.
153.b

Respondit multa Angelus
Marię 154.a

Rubigo ablata a uase misti-
co 189.a

S

Sonus musicus 14.a
Sponsus nobilis uirginis
17.b

Solida Maria fuit amando
Deum 32.b

Sanguis Christi 45.b

Solarium fecit Maria 54.a

Sponsus que requirit a spon-
sa 57.b

Sapientia Marię 60.b

Substantiæ fructus Christi
70.a

Sollicita fuit Maria 73.a

Sanctorum quędam uirtutes
77.a

Spiritum Sanctum quę custo-
diuit 87.a

Septima stella est Maria.

T

Tentationes hominum
20.a

Timor Marię 51.a

Thalamum fecit Maria.
54.a

Thalamus unde dicitur.
178.b

Thalamus Virginis Horidus
179.a

Thalamus uirginis habet cu-
bicula 179.b

Templi Marię Auctores.
180.a

Terra omnibusque elemen-
tis ornata 181.a

Terra quando est bona.
181.b

Triticum acerius est Maria.
192.b

V

Votum Marię 1.b
Verba Marię 1.b. 135.b

Voluntas Marię 6.b

Virtutes quę in Maria 10.a

Vterus Virginis 21.b
Vir-

I N D E X.

Virgines quæ habent	<u>23.a</u>	Deo seruiuit	119.b
Vulnera sanat Virgo	<u>32.a</u>	Vita actiua, & cõtemplatiua	
Virtus uerborum Mariæ	<u>32.a</u>	Mariæ	<u>130.a</u>
Victoria Virginis	41.b	Videntes Mariam non eam	
Vestimenta dat Maria	<u>70.b</u>	concupiscebant	146.b
Valis habet bona	<u>82.a</u>	Venialiter non peccauit Ma-	
Vita Mariæ tota sancta fuit		ria	<u>170.b</u>
<u>96.a</u>		Virtus attractiua Mariæ.	
Vnde orti sũt dolores Mariæ	<u>105.b</u>	<u>174.b</u>	
Virgo Maria ī quolibet actu		Vestis Christi fuit Maria,	
		<u>191.a</u>	

F I N I S.



INDEX SERMONVM QVAE IN HOC OPERE CONTINENTVR.



a, primam faciem designat, b, verò secundam.



VOTVPLEX abstinentia fuit in
Virgine Maria. Sermo primus.
car. 1.a

Quas qualesque causas Beata Virgo pro
nobis coram Deo assumpsit. sermo ij.

car. 2.a

Adiutrix nostra fuit Beata Virgo secundum quat-
tuor causarum genera. ser. iij 3.a

Quibus rationibus Beata Virgo amigdalo assimiletur.
ser. iij 4.a

Circa tria amor Beatae Virginis uersabatur. sermo v.
ibid. b

Quattuor ex signis cognoscitur Beata Virgo fuisse
ancilla Dei. sermo vi. 5.b

Per quem angelum annunciatio Beatae Virginis fieri
debit. sermo vij. 7.a

Quomodo apis dici Beata Virgo potuit. sermo viij.
car.

S E R M O N V M.

car.	8.a
Aqueductus quibus rationibus Beata Virgo appel-	
letur. sermo ix.	ibid.b
Comparatur Beata Virgo arbori caelesti quoad folia,	
flore. & fructus. sermo x.	10.a
Repraesentatur Beata Virgo per arcam quam Deo fe-	
cit Moses. sermo xi.	ibid.b
Beata Virgo arcui caelesti assimilatur ob generatio-	
nem, dispositionem, & colorationem. sermo xij.	
car.	11.b
Rationes redduntur, quia in celum Beata Virgo sic	
assumpta in corpore, & anima. sermo xij.	
car.	12.b
Assumptio Beatae Virginis in celum quibus myste-	
rijs sit facta. sermo xiiij.	13.b
Ex parte Dei quibus rationibus assumi Beata Virgo	
debit in celum in anima, & corpore. sermo xv.	
car.	15.a
Per salutationem angelicam probatur Beata Virgo	
habuisse gradus omnes spirituales. sermo xvi.	
car.	16.b
Quibus rationibus Beata Virgo caeli imperatrix &	
augusta dicatur. sermo xvij.	18.a
Cause quattuor recensentur, quibus Beata Virgo vo-	
catur aurora. sermo xviii.	20.a
Beata Virgo balsamum potest dici pluribus proprie-	
tatibus. sermo xix.	21.a
Generationes quae sint a quibus dicta est beata ipsa	
Virgo. sermo xx.	22.b
Inter mulieres benedicta quomodo Beata Virgo pre-	
	b 3 dica

I N D E X

dicatur. sermo xxi.	23.b
In curia cælesti Beata Virgo cancellaria meritò habetur. sermo xxij.	25.a
In festo purificationis cur deferuntur candela Beate Virgini. sermo xxij.	26.a
Non potuisse in Virg. casum in peccatum aliquem incidere. sermo xxiii.	27.a
Ex proprietatibus cedri ex eo quoque nomine potest appellari. Beata Virgo. sermo xxv.	ibid.b
Beata Virgo Spiritus Sancti cellaria iure dicenda. sermo xxvi.	29.a
Beata Virgo equiparatur cælo sidereo, crystallino, & empireo. sermo xxvij.	30.a
Quinque signis optimi cinnamomi quinque laudes Beate Virginis celebrantur. sermo xxvij. car. te	31.b
Ex perfectione cypressi declaratur Beata Virg. similis perfectio. sermo xxix.	32.b
Vt collum ornatur monili, sic decorata Beata Virgo describitur. sermo xxx.	33.b
Quibus commendatur columba, similibus commendatur Beata Virgo. sermo xxxi.	35.a
Dotibus animi communibus Beata Virgo, non particularibus tantum conspicua redditur. ser. xxxii. car.	37.a
Mirabiles qualitates quæ erant in ipso conceptu Beate Virginis, idest, Christo. sermo xxxiii. car.	38.a
Longe dissimilis est Christi conceptus in B. Virgine conceptui humano. sermo xxxij.	39.a

S E R M O N V M .

Quibus uiribus Beata Virgo contrinuit serpentis caput, eiusque uires. sermo xxxv. 41.a

Excellit sanctitate, fructuositate, & honestate Beate Virginis conuersatio. sermo xxxvi. 42.a

Nulli labi, nullique corruptioni fuit obnoxium corpus beate Virginis. sermo xxxvii. 43.b

Quibus usibus conuenit crater, similibus accommodatur Beata Virgo. sermo xxxviii. 145.a

Abundat Beata Virgo delitiis tam spiritualibus quam celestibus tam hic quam in patria. sermo xxxix. 46.b

Partes diei Beata Virg. laudibus conueniunt. sermo xl. 47.b

Celebris fuit B. Virginis Caritas, & dilectio. sermo xli. 49.a

Explicatur Beata Virginis triplex dolor. sermo xlii. 50.b

Prædicatur merito Beata Virgo cæli & mundi totius domina. sermo xliii. 51.b

Etiam Beata Virgo conuenienter Domus Dei cantatur. sermo xliii. 53.a

Pro structura domus congruit eidem Beata Virgo. sermo xlv. ibid.b

Quæ habet propria Ebur, similia B. Virgo uidetur habere. sermo xlvi. 55.a

Quibus Elefas dicitur pollere, similibus Beata Virgo commendatur. sermo xlvii. 161.b

Laudatur Beata Virgo & ihs, quibus electa & præelecta fuit. sermo lviii. 57.a

- Gratias & eleemosynas quas Deus dat per Beatam
Virginem distribuit. sermo xlix. 58.a
- Exterioris & interioris faciei pulchritudine fuit ac-
cepta Deo Beata Virgo. sermo l. 59.a
- Enumerantur ea quibus Beata Virgo fuit famosa apud
angelos, & homines. sermo li. 60.a
- Quantam fidem habuit Beata Virgo, qua eam Elisa-
beth commendavit. sermo lii. 61.a
- Ex filiationis bonis laudabilibus Beata Virgo lauda-
tur, quæ cum Deo unum eundemq; habuit filium.
sermo liii. 62.b
- Spiritus Sanctus tanquam fluvius in Virginem Bea-
tam, & per eam in nos emanavit. sermo liiii.
car. 64.a
- Ad quæ fons est idoneus, ad similia Beata Virgo quæ
fons Dei est, uim habet. sermo lv. 65.b
- Cum dicatur fons Beata Virgo, ex tribus ad eum pro-
portionibus prædicatur. sermo lvi. 66.b
- Arduum quid & forte in Beata Virgine sit, ostendi-
tur. sermo lvii. 68.b
- Duo considerantur, per quæ fructus Beatæ Virg. qui
est Christus, celebratur. sermo lviii. 70.a
- Persequitur eiusdem fructus miras proprietates. ser-
mo lix. 71.a
- Vt Galbanus habet arborem, liquorem, & uirtu-
tem, ita iis refertur Beata Virgo. sermo lx.
car. 71.a
- Similibus laudatur Beata Virgo, quibus gallina ha-
bens pullos. sermo lxi. ibid.b
- Dum uineret quinque gaudiis Beata Virgo frueba-
tur.

S E R M O N V M.

- tur. sermo lxij. 74.a
 Apud Deum inuenit gratiam Beata Virgo, sed qualem, qualiter, & propter quid, hic discere. ser. lxiii. car. 76.a
 Septem modis habuisse gratiam dicitur Beata Virgo. sermo lxiiij. ibid.b
 Beata Virgo quomodo habuit gratiam puram, plenam, & super plenam. sermo lxv. 78.a
 Declaratur qualis habitatio fuerit Dei Beata Virgo. sermo lxvi. 79.a
 Quibus honoribus Christus Beatam Virginem dignatus est in uita, in morte, & post. sermo lxvij. car. 80.b
 Commendatur Beata Virgo humilitate in uerbo, in animo signo & facto celebrata. sermo lxviii. car. 81.b
 Humilitas Beatæ Virginis quam profunda, quam honorata, & quam uirtuosa indicetur. sermo lxix. car. 83.a
 Officia tria sunt hydryæ, similibus officijs Beata Virgo fulget, sermo lxx. 85.a
 Tria considerantur, eo quod Beata Virgo ignem Spiritus Sancti recepit. sermo lxxi. 86.b
 Quæ concurrerint, cum Beata Virgo concepit. sermo lxxij. 88.a
 Concurrerunt quatuor, cum filius Dei incarnatus est. sermo lxxiij. 89.b
 Pia consideratio circa lat Beatæ Virginis. sermo lxxiiij. 90.a
 Ex debito, merito, merito, & exemplo laudanda est. Beata

I N D E X

Beata Virgo. sermo lxxv.	91.a
Secundum libani significatum, Beata Virginis exprimitur spiritus anima, & corpus. sermo lxxvi. car.	92.b
Aequiparatur multis liberalitas Beata Virginis. sermo lxxvij.	93.a
Potentia liberi arbitrii quatuor modis consideratur, & eoque B. Virgo commendatur. sermo lxxviii. ibidem.b	
Quibus causis Beata Virgo ut lilium celebretur. sermo lxxix.	94.a
Lux & lumen tribuitur Beata Virgini. varijs respectibus. sermo lxxx.	96.a
Beata Virgo pie consideratur, cur dicatur Luna. sermo lxxxi.	97.a
Quae lucis discrimina habet Luna, aequalia habet & Beata Virgo. sermo lxxxij.	98.a
Apte referuntur ad Beatam Virginem accidentia Lunae circa lumen. sermo lxxxiii.	99.a
A proprietatibus lucis dicitur lux merito Beata Virgo. sermo lxxxiiij.	100.a
Dignitas Beatę Virginis, pulchritudo, & bonitas facit ut dicatur lux. sermo lxxxv.	101.b
Quia Beata Virgo quinque effectus habet gratiarum, manus Dei dici potest. sermo lxxxvi.	102.b
Gratiarum gradus, qui fuerunt in Beata Virgine, eam dici Mare approbant. sermo lxxxvij. car.	104.a
Merito equiparatur B. Virgo Margarita preciosa. sermo lxxxviij.	105.b
	De

S E R M O N V M.

De significato nominis *Marię*. sermo lxxxix.
car. 106.b

Non quidem martyrum. passa est materiale Beata Virgo, sed quam simillimum. sermo xc.
car. 108.b

Dolor B. Virginis in Christi passione ex tribus causatus est. sermo xci.
109.b

Erga filium Beata Virgo tripliciter fuit affecta. sermo xcii.
110.b

Beata Virgo non tantum mater simpliciter consideratur, sed cum miris adiunctis. sermo xciii.
car. 111.b

Respectu filij, uel sui, uel nostri dicitur mater Beata Virgo. sermo xciiii.
112.b

Iuxta quattuor modos maternitatis Beata Virgo dicitur habere filios. sermo xcv.
114.a

Sex modi explicantur quibus fuit nostra Mediatrix Beata Virgo. sermo xcvi.
ibid.b

Quibus ministra dicatur Beata Virgo, eiusq; officia. sermo xcvii.
116.b

Vt myrrha predicatur Beata Virgo. sermo xcviil.
car. 117.b

Secundum quæ B. Virginis misericordia præstat alijs sermo xcix.
ibid.

Laudatur B. Virgo pro Nardo illa de qua in canticis. sermo c.
119.a

Quinque rationibus commendabilis est Natiuitas B. Virginis. sermo ci.
120.a

Assimilanda est Beata Virgo nani pluribus rationibus & modis. sermo cii.
121.b

Genera quattuor nobilitatis asseruntur fuisse in beata Virgine. sermo ciii. 122.b

In beata Virgine plura facta fuerunt noua. sermo ciiii. 123.b

Quæ considerantur de Nube talia comparantur in beata Virgine. sermo cv. 124.b

Ex odore, & modis quibus odor emittitur, insignis est beata Virgo. sermo cvi. 126.a

Contemplatur beata Virgo ut oliua. sermo cvii. car. 127.b

Prout oliua significat misericordiam, ita predicatur beata Virgo. sermo cviii. 128.b

Probatur conuenire beatę Virgini, quod dicitur elegisse optimam partem. sermo cix. 129.a

Amænissimo horto assimilatur apte Beata Virgo. sermo cx. 131.a

Ex ijs dicitur ouis Beata Virgo, quibus prädita est ouis. sermo cx. 132.b

Celebratur Beata Virgo laudibus Palmę congruentibus. sermo cxii. 134.a

Quę amœnum reddunt Paradisum, eadem in beatam Virginem conferuntur. sermo cxiii. 136.a

Mulierum aliarum partus quibus differat a partu Beate Virginis. sermo cxiiii. 137.b

Præditum esse partum Beate Virginis tribus miris qualitatibus ostendit. sermo cxv. 138.b

Consecuta est beata Virgo plenitudinem gratiarum omnium. sermo cxvi. 140.a

Ob multa eaque præclara uocatur porta beata Virgo. & portenaria. sermo cxvii. 141.b

S E R M O N V M.

- Apud regem aeternum Deum pollet magna potestate
 beata Virgo. sermo cxviii. 143.b*
*Non solum a speciebus pulchritudinis extollitur bea-
 ta Virgo, sed etiam ab eius causis. sermo cxix.
 car. 144.b*
*Exprimuntur quæ B. virginis pulchritudinem consti-
 tuant. sermo cxx. 146.a*
*Gradus generaquæ puritatis recensentur B. virginis.
 sermo cxxi. 148.a*
*Nequaquam indignis purificatione beatam Virgi-
 nem probatur, sermo cxxii. 149.a*
*Voluit tamen ipsa beata Virgo ex tribus purificari.
 sermo cxxiii. 150.a*
*Inuenit quidem beata Virgo Deum, quia se eum sciuit
 querere. sermo cxxiiii. 151.b*
*Mentis quiete potiebatur beata Virgo, eo quod ad op-
 tima utebatur ea. sermo cxxv. 153.a*
*Quæ sit B. virginis cum Angelo quæ & quam sancta
 fuerint, docet. sermo cxxvi. 154.b*
*Cum sit beata virgo Regina cæli, ex hoc habuit sex
 prerogativas. sermo cxxvii. 156.a*
*ubi & quibus requieuit beata virgo. sermo cxxviii.
 car. 159.a*
*Christi incarnatio seu Beata virginis fecunditas
 assignatur Rori. sermo 129. ibid.*
*Similitudines rosæ attribuuntur beata virgini. sermo
 cxxx. 161.a*
*Angelica Salutatio ad virginem a quibus, qualiter,
 & propter quid sit dicenda. sermo cxxxi. car-
 te. 163.a*
Eadem

- Eadem Saluatio quę attulerit Diabolo, beatę virgi
 ni, & nobis. sermo cxxxii. 165.a
 Causas continet omnes saluatio illa ipsa, quibus
 meretur beata virgo saluari. sermo cxxxiii.
 car. 166.a
 Beata virgo sanctificata fuit secundum quadruplicem
 statum. sermo cxxxiii. 168.b
 Afferitur B. virginis sanctificatio in utero matris
 sue. sermo cxxxv. 170.a
 Mirabilis cognitio & sapientia B. virginis celebra-
 tur. sermo cxxxvi. ibid.
 Appellatur speculum beata virgo congruis rationi-
 bus. sermo cxxxvii. 171.b
 Ecce virginis defenditur puritas, licet sponsum ha-
 buerit. sermo cxxxviii. 172.a
 Tramontana stella ex multis beatam virginem signi-
 ficat. sermo cxxxix. 174.a
 Beatę virginis laudes sumuntur a stella matutina. ser-
 mo cxi. 176.a
 A stelle puritate, aspectu, & motu, similitudina-
 rię honoratur beata virgo. sermo cxli. 177.a
 Sterus beatę virginis fuit thalamus Christi, sed do-
 tibus ornatus nariis. sermo cxlii. 178.a
 A causa efficienti, materiali, formali, & finali
 beata virgo Dei templum uocatur. sermo cxliii.
 car. 179.b
 Afferuntur plures causę, cur beata virgo terra di ci
 possit. sermo cxliiii. 181.a
 Ex tribus beata virgo assimilanda est terrę. sermo
 cxlv. ibid.b
 dispen-

S E R M O N V M.

- Dispensatrix beata virgo est triplicis thesauri Dei.*
sermo cxlvi. 183.a
- ut thronus modo stat pro solio, modo pro ordine*
Angelico, ita beatę virginis attribuitur. sermo
cxlvii. 184.a
- Cum beata virgo turbata est in Salutatione Ange-*
li, quę consideranda ueniant. sermo cxlviii.
car. 185.b
- Pulchra sunt, quę conueniunt, ut uas Dei dicatur B.*
virgo. sermo cxlix. 188.a
- Beatę virginis ubera ut eius pietatem notant, ita spi-*
ritualia dicuntur. sermo cli. 189.b
- Ea referuntur de beata virgine, quę item de vellere.*
sermo cli. 190.b
- Beatę virginis venter fuit beatus, quia mirabilia*
septem complexus est. sermo clii. 191.b
- Beatę virginis uerba laudanda sunt quinque condi-*
tionibus. sermo cliii. 193.a
- ut pulchrę dicatur virga beata virgo, flos & ipsa-*
met consideratur. sermo cliiii. 194.a
- Nomina, quę decent uirgam, eadem beatam virginē*
decent. sermo clv. 195.b
- Iuxta tria tempora partus fuit virgo. sermo clvi.*
car. 196.a
- Probatur uirginitas beatę virginis. sermo clvii.*
car. 197.a
- Recte instituit uitam tuam beata virgo & quan-*
tum ad se & quantum ad alios. sermo clviii.
car. 199.a
- Laudes uitę laudibus conueniunt B. virginis. sermo*
clix.

INDEX SERMONVM.

clviii.

201.b

vnitas secundum sua quattuor significata aptatur

Beatae uirgini, & Christo: sermo clx. 203.a

Vulnera exponuntur, quae laudes & gloriam beatae

uirginis terminant. sermo ultimus. 204.a

Finis Indicis Sermonum.



SERMONES

A V R E I

DE BEATA MARIA

V I R G I N E

P A R O C H I I S, A N I M A E

curatoribus, & verbi Dei Concionatoribus ualde necessarij.

*Auctore R. P. Iacobo de Voragine Ord.
Præd. Archiepiscopi Ianuensis.*

QVOTVPLEX ABSTINENTIA FVIT IN
Virgine Maria. Sermo Primus.



ABSTINENTIA multiplex fuit in Virgine Maria. Est enim quadruplex genus, siue species abstinentiæ.

Prima est abstinere ab omnibus nociuis, de qua dicitur 1. Cor. 9. Omnis qui in agone cōtendit, ab omnibus se abstinet. Ita sunt nociua vitia, & peccata q̄ ab ipsis semper est abstinendum. Eccl. 3. Cor sapiens & intelligibile, abstinebit, se à peccatis.

Secunda abstinentia est quandoque a licitis, quia sicut dicitur 1. Cor. 9. Omnia mihi licent, sed non omnia expediūt.

Tertia abstinentia est à superfluis, sicut à superfluitate curarum, & diuitiarum. Istam tamen abstinentiam non habent

A pecca-

Sermo I.

peccatores. Eccl. 1. Peccatori dedit Deus afflictionem, & curā
superflua, ut addat, & cōgreget, & tradat ei, quę placuit Deo.

Quarta est abstinere à necessarijs sicut à cibo, & potu. Ibi-
dem. Cogitavi in corde meo abstrahere à uino carnem meā.
Istam talem abstinentiam habebat Dauiel qui dixit Dan. 10.
Panem desiderabilem non comedi, & caro, & uinum non in-
troierunt in os meum.

Ista quadruplex abstinentia inuenitur fuisse in Maria. Ip-
sa nanque abstinuit ab omnibus nociuis, quia nulli unquam
nocuit, nullum unquam lēsit. Hieron. in epist. ad Cromatiū,
& Heliodorum. Mariam irascentem nullus vnquam uidit, ma-
ledicentem nullus unquam audiuit. Ambro. in lib. de virgini-
bus. Sollicita erat Maria nullum ledere, omnibus bene uelle,
assurgere maioribus natu, & qualibus non inuidere, fugere ia-
ctantiam, rationem sequi, amare virtute. Quando illa vultu
lēsit parentes? Quando fastidiuit humilem? quando irrisit
debilem? quando uitauit inopem?

Secundò abstinuit à licitis. Licitum quidem erat matrimo-
nium contrahere, sed ista ab isto licito abstinuit, & perpetuā
virginitatem Deo uouit. Vnde dixit, quomodo fiet istud quo-
niam uirum non cognosco, idest me non cognoscituram pro-
pono. Consensit quidem in matrimonium quantum ad con-
iugalem habitationem simpliciter, quantum uero ad carna-
lem copulam non consensit, nisi sub conditione, uidelicet si
aliter Deo placeret. Hugo de sancto Victo. Suscepit virgo cō-
iugium, sed non mutauit virginitatis propositum. Item qui-
dem fides, & proprietates confitetur, quod eius perfectionem
nullatenus immutauit coniugalis, consensus, sicut ipsius casti-
tatem non uiolauit conceptus, nec integritatem non abstulit
partus.

Tertiò abstinuit à superfluis, quia nec superflua habuit, si-
cut patet in sui purificatione ubi agnum emere non potuit,
nec superflua dixit, quia non est locuta nisi uerba, quę spectāt
ad Dei honorem, & proximi ædificationem, uel ad suę humi-
litis ostensionem, nec superflua, sed utilia, & necessaria co-
gitauit. Vnde dicitur Luc. 1. Cogitabat qualis esset ista salu-
ratio. Nec superflus concupiuit, sed vnum tantum necessariū,
scilicet

scilicet adherere, & frui Deo, Luc. 1. Porro unum est necessarium Ma. op. partem, &c.

Quarto abstinuit à necessarijs, sicut à cibo, & potu, & alijs necessitatibus corporis. Amb. ubi supra. Si quando Mariæ reficiendi successisset uoluntas, cibus plerunque obuius, qui mortem arceret non delicias ministraret. Dormire non prius cupiditas, quàm necessitas fuit. Et tamen cum quiesceret corpus, uigilabat animus, qui frequenter in somnis, aut lecta repetit, aut somno interrupto continuat, aut disposita gerit, aut gerendo pronunciat.

*QVAS QVALESQVE CAUSAS B. V. PRO
nobis coram Deo assumpsit. Sermo II.*



ADVOCATA nostra est Maria, quæ causas nostras coram Deo assumens. Ipsas sapienter incipit. Inceptras multis allegationibus eas defendit. Et ad finem prosperum producit.

Primo enim sapienter incipit, quia primo captat beniuolentiam. Secundò insinuat nostram miseriam. Vltimo petit Dei misericordiam. Ideò significata est per mulierem illam sapientissimam, quæ dixit ad David. 2. Reg. 14. Sicut angelus domini, sic & dominus meus rex, ut nec maledictione, nec benedictione moueatur. Ecce captatio beniuolentiæ, Deus enim est tantæ bonitatis, quòd nec nostris benedictionibus extollitur, nec nostris peccatis, & maledictionibus commouetur. Deinde subdit. Omnes morimur, & quasi aqua dilabimur, quæ non reuertuntur. Ecce insinuatio nostræ miseriz. Homo enim est spiritus uadens, & non rediens. Deinde subdit. Reduc abiectum tuum, idest peccatorem quem abiecasti per culpam, reduc per tuam misericordiam, Ecce imploratio misericordiæ.

Secundò causas nostras multis allegationibus defendit. Et primo sapienti uerbo. Ideò significata est per Abigail cui dixit David 1. Reg. 25. c. Benedictum eloquium tuum, & benedicta tu, quæ prohibuisti me, ne ulciscerer me in manu mea. Ecce audius uocem tuam, & honoravi faciem tuam. Bernar.

Sermo II.

Aduocatam præmisit peregrinatio nostra, quæ tanquam iudicis mater, & mater misericordiæ suppliciter, & efficaciter nostra negocia pertractabit.

Secundò aduocat pietatis signo. Bern. Securū accessum habet, ò homo ad Deum, ubi mater ante filium, ubi filius ante patrem, mater ostendit filio pectus, & ubera, filius ostendit patri latus, & vulnera. Nulla ergo poterit esse repulsa, ubi tot concurrunt charitatis, & pietatis insignia.

Tertiò aduocat sanctitatis meritò. Si enim merita aliorum sanctorum pro nobis intercedunt apud Deum, multò fortius illa, quæ etiam plenitudinem obtinet meritorum, quæ dicit Eccle. 24. In me omnis gratia uitæ, & ueritatis, in me omnis spes uitæ, & uirtutis.

Quartò aduocat ardenti desiderio. Desideria enim sanctorum sunt intercessionem pro nobis apud Deum. Vnde dictum fuit Dan. 9. Ego autem ueni, ut indicarem tibi, quia vir desideriorum es. Et ipsa dicit Cant. 2. Cum esset rex in accubitu suo, nardus mea dedit odorem suum. Nardus est herba calida, & signat eius desideria inflammata, quæ ad Deum ascendant, & gratum odorem sibi faciunt.

Tertiò causas nostras ad finem debitum perducit. Tunc aduocatus causam suam ad finem debitum perducit, quando est sollicitus, & peritus, & in curia graciosus. Debet quidem aduocatus esse diligens, & sollicitus, quia sæpe aduocatus ex sua negligentia succumbit in causa. Debet esse sapiens, & peritus, ut sapienter sciat inuenire uiam, quæ faciat pro causa sua. Debet esse graciosus coram rege, & familia regis, quia si odiosus esset nihil proficeret. Talis aduocata est uirgo Maria. psal. Astitit regina à dextris tuis. Ecce quantæ sollicitudinis, & diligentie est. Non enim ad horam recedit, sed à dextris Dei semper stat, & pro peccatoribus orat. Sequitur. In uestitu deaurato. Ecce quantæ est sapientie. Per aurum enim in sacra scriptura intelligitur sapientia diuina. Alij igitur sancti habuerunt aurum, idest sapientiam diuinam, sed nullus uestitus fuit auro, nisi uirgo beata. Tunc enim diuina sapientia ipsam uestiuit, quando nouem menses in eius utero habitauit. Sequitur. Circundata uarietate. Ecce quantæ est gratie.

gratie. Nam coram rege, & eius familia in tantum est gratiosa, quod omnes eam circundant, associant, & honorant. In cœlo enim tot sunt uarietates, quot sunt sanctorum ordines, qui tanquam domicelli, & domicelle, reginam suam associant. Istam talem aduocatam sanctus Bernardus inuocat dicens. Domina nostra, mediatrix nostra, aduocata nostra, tuo filio nos recommenda, tuo filio nos representa. Fac ò benedicta per gratiam quam inuenisti, per prærogatiuam quam meruisti, per misericordiam quam peperisti, ut sicut te nunciare dignatus est fieri particeps infirmitatis, & miserie nostræ, sic quoque te intercedente participes nos faciat gloriæ, & beatitudinis suæ Iesus Christus filius tuus, qui est super omnia, Deus in sæcula benedictus. Amen.

ADIVTRIX NOSTRA FUIT B. V. SECUNDO :

dum quatuor causarum genera. Sermo III.

ADIVTRIX nostra est uirgo Maria. Ipsa enim fuit adiutrix nostræ redemptionis, & nostræ iustificationis quantum ad quatuor genera causarum.

Primo quantum ad causam efficientem, quia illum genuit, qui nostram salutem operatus est. Secundo quantum ad causam materialem, quia de suis uisceribus nostræ redemptionis in materiam ministravit. Tertio quantum ad causam formalem, quia per suam sanctam cōversationem nobis exemplum bene uiuendi præbuit. Quarto quantum ad causam finalem, quia ad beatitudinem consequendam nobis à Deo data fuit, unde dicitur Apoc. 12. quod in capite eius erat corona stellarum duodecim, quia omnes sancti per ipsam sunt coronati.

Secundo ipsa est adiutrix nostræ iustificationis. Circa cuius adiutorium tria sunt uidenda, scilicet, quàm efficaciter adiuuat, qualiter & propter quid. Multi sunt qui adiuuant, sed non efficaciter, aut quia non possunt, aut quia nesciunt, aut quia nolunt. Ipsa autem habet adiuuandi posse, quia ipsa est mater omnipotentis. Eccl. 24. In Hierusalem potestas mea. Habet adiuuandi nosse, quia ipsa est mater sapientis.

Sermo III.

Prouerb. 14. Sapiens mulier edificat domum suam. Habe adiuuandi uelle, quia ipsa est mater misericordiar. Ideo dicitur Eccl. 24. Ego mater pulchrę dilectionis, timoris, & agnitionis, & sanctę speci. Ipsa est tantę potentię, quod demonibus est ad terrorem. Ideo dicitur mater timoris. Est tantę sapientię, quod errantibus est ad directionem. Ideo dicitur mater agnitionis, & est tantę pietatis, quod desperantibus est ad spę, & ad reductionem. Ideo dicitur mater sanctę speci. Bernardus. Non deest ei potestas, quia est mater omnipotentię, nec uoluntas, quia est mater misericordiar, nec industria, quia est mater sapientię. Secundò uidendum est qualiter adiuuat. Ipsa quidem adiuuat hominem in omni statu, scilicet in uita, in morte, & post mortem. Vnde cantatur de ea. Maria mater gratię, mater misericordiar, tu nos ab hoste protege, & hora mortis suscipe. Adiuuat quidem in uita, tam bonos, quàm malos. Bonos scilicet in gratia conseruando. Ideo dicitur. Mater gratię. Malos uero ad misericordiam reducendo. Ideo dicitur, Mater misericordiar. Adiuuat, & in morte ab insidijs protegendo. Ideo subditur. Tu nos ab hoste protege. Adiuuat post mortem animas in suis manibus suscipiendo, & eas in cœlum deducendo. Ideo subditur. In hora mortis suscipe.

Tertiò uidendum est, propter quid adiuuat. Circa quod notandum est, quod plura sunt, propter quę tenetur iuuare nos. Primò enim propter debitum. Ipsa enim multum tenetur peccatoribus sicut dicit Aug. quia per eos habet quicquid habet, quia peccatores si nos non fuissetus, Christus de ea carnem non suscepisset, & sic ipsa mater Dei non fuisset. Nos igitur sibi tenemur, quia per ipsam nos sumus reconciliati. Et ipsa tenetur, quia pro nobis ipsa est mater. Secundò propter officium commissum. Deus enim de ea confidens omnes gratias sibi fiendas commisit, & ipsa officium suum diligenter facit. Nam iuuat tribulatos dando eis patientiam. Prouerb. vltim. Confidit in ea cor uiri sui, & spolijs non indigebit. Et sequitur. De nocte surrexit, ut scilicet, tribulatis subueniat. Adiuuat tribulatos dando uictoriam, unde sequitur. Dedit prædam domesticis suis. Adiuuat in Dei amore famelicos,

licos, dando eis refectiōem internam, unde subditur. Et cibaria ancillis suis. Tertiò propter animum suum viscerosum. Nam diuina pietas in eius utero nouem mensibus habitauit, & ideo ipsam totam pietate repleuit. Bernardus. Quid mirū si pietatem exhibent viscera pietatis? Nonne qui pomum in mann sua tenuerit dimidia diei hora, reliqua diei parte pomi seruabit odorem? Quantum ergo illa viscera pietatis uirtus affectus affecit, in quibus nouem mensibus diuina pietas requieuit. Quatò propter diuinæ bonitatis beneficium. Si enim Deus sibi in tantum fuit liberalis, non debet ipsa pro nobis esse auara, sed de plenitudine nobis effundere, quā accepit, de qua ipsa dicit Eccl. 24. In plenitudine sanctorum detentio mea. Legitur 3. Reg. 1. quòd Bersabee filio suo regnū suis precibus impetrauit. Bersabee interpretatur. Puteus satietatis. Puteus noster, idest animus noster, aut est siccus, aut est semiplenus. Puteus autem virginis fuit plenus, & superplenus, & ideo de sua plenitudine debet nobis effundere.

QVIBVS RATIONIBVS B. V. AMIGDALO
assimiletur. *Sermo IIII.*

MIGDALVS significat Mariam virginem, ratio-
 ne, arboris, floris, & fructus.

A Arbor enim amigdali fuit tripliciter mundata, & depurata. Dicit enim Isid. quòd quando radix amigdali est amara dulcoratur, & depuratur per surculum arboris pietè. Iste surculus est uerbum Dei. Iac. 1. Suscipite insitum uerbum. Istum surculum Maria insitum in corde habebat. Luc. 2. Maria conseruabat omnia uerba hæc, conferens in corde suo. Et iam mundabat ipsam. Io. 15. Iam uos mundi estis propter sermonem quem locutus sum uobis. Paladius quoque dicit, quòd amigdalus amaritudine liberatur per immissionē cunei in radicem. Iste cuneus est spiritus sanctus, qui nodum omnis peccati ab ea expulit, & abiecit Philosophus quoque dicit, quòd si amigdalus uetusta, scilauis perforetur emitter gēma, & depurabitur humor in medulla, & amplius fructificabit. Per istud foramen intelligitur occulta inspiratio Dei, de qua dicitur Cant. 5. Dilectus meus misit manum suam per

✠ 4 foramen

Sermo IIII.

foramen. Legitur quoque Exo. i s. quodd aquæ Marath delcoratæ sunt per immissionem ligni. Per istud lignum intelligitur filius Dei, qui plantatus fuit secus decursus aquarum. Maria igitur fuit perfectè depurata, & mundata, & per sermonem diuinum eius animum adimplentem, & per spiritum sanctum eam sanctificantem, & per diuinam inspirationem eius mentem penetrantem, & per filium Dei in eius uterum immittentem.

Secundò dicitur amigdalus ratione floris. Sicut enim amigdalus ante omnes arbores flores producit, sic & ipsa ante omnes mulieres uotum virginittis emisit, & post eam multæ. Ps. Adducentur regi virgines post eam. Ex ista virginittis promissione secuta est conuersio gentium, & reprobatio Iudæorum. Eccl. vii. Florebit amigdalus, & dissipabitur caparis; impinguabitur locusta, Tunc amigdalus floruit, quādo virgo beata uotum virginittis emisit. Et tunc locusta, idest gentilitas instabilis, & uaga, gratia spiritus sancti impinguata fuit. Caparus uero, idest populus Iudæorum in dissipationem iuit. Caparus enim est frutex spinosus super terram expansus, & significat populum Iudaicum durum, & rebellem, & terrenis semper adhærentem.

Tertiò dicitur amigdalus ratione fructus. Nam eius fructus sunt nuces longæ. Dicit autem Aug. in sermone ubi loquitur de virga Aaron, quæ protulit nuces, quodd in nuce sunt tria, scilicet, corium, testa, & nucleum. Per corium signatur caro Christi, quæ habuit asperitatem, & amaritudinem passionis. Per nucleum intelligitur eius diuinitas, quæ habuit dulcedinem, & dat illuminationem. Per testam, quæ est inter nucleum, & corium media, significatur eius anima, quæ fuit firma contra omnia aduersa, & quæ est media inter naturam diuinam, & carnem, quæ mediante anima, diuinitas ipsa fuit carni vnita.

CIRCA TRIA AMOR BEATÆ VIRGINIS uersabatur. Sermo V.

AMOR beatæ Mariæ uersabatur circa amorem filij, uel circa amorem Dei, uel circa amorē terrenorum. Amabat quidem

quidem filium amore præcordiali, & intimo. Amabat Deum amore seraphico. Amabat cætera omnia amore ordinato. Filium quidem amabat amore præcordiali, & intimo, quod taliter ostendi potest. In Christo enim erat triplex substantia, scilicet, caro, anima, & deitas. In matre similiter erant tria caro, anima & spiritus. Erat igitur inter matrem, & filium triplex coniunctio, scilicet, carnis ad carnem secundum naturam, animæ ad animam secundum amicitiam, & spiritus ad deitatem secundum gratiam.

Amabat igitur Christum amore naturæ, ut mater filium. Amore gratiæ, ut creatura creatorem suum. Amore amicitiae, ut amica dilectum. Tam magnus igitur amor fuit matris ad filium, quod ipsa tota erat in amorem conversa. Sicut enim ferrum missum in igne totus efficitur ignis, sic ipsa charitate succensa, tota facta est charitas, quia ipsa tota in amorem conversa, & liquefacta erat. Cant. 5. Anima mea liquefacta est, &c. Quia ipsa tota erat amore vulnerata, unde dicit sponsa. Vulnerata charitate ego sum.

Secundò ipsa amabat Deum amore seraphico. Sicut autem dicit Dionysius in angelica Hierar. Amor Seraphin est mobilis, acutus, calidus, & superferuidus. Amor igitur Dei fecit eam mobilem ad cito credendum Deo. Secundò fecit eam acutam, idest humilem ad subiiciendum se Deo. Sicut enim superbia facit hominem grossum, sic humilitas facit subtile, & acutum. Ita duo tangit cum dixit. Ecce ancilla domini: Ecce humilitas in subiiciendo se Deo. Fiat mihi semper uerbum tuum. Ecce magnanimitas in credendo. De his duobus dicit Bern. Ista tanta humilitas, non minuit eius magnanimitatem, nec tanta eius magnanimitas, ut in sui æstimatione esset humilis, & nihilominus in promissionis credulitate magnanimis. Agit hoc nimirum in seruis Dei diuinæ gratiæ prærogativa, ut eos, nec humilitas pusillanimes, nec magnanimitas faciat arrogantes. Teruò facit eam calidam, idest ualde feruentem, quia mox ad alia uirtutum conscendit, quod significatum est in hoc, quod concepto saluatore statim abiit in montana. Ambrosius super Luc. Abiit in montana non quasi incredula de oraculo, nec quasi incerta de nuncio, nec quasi dubitans

dubitans de exemplo, sed quasi læta pro uoto, religiosa pro officio, festiua pro gaudio. Quo enim iam Deo plena, nisi ad superiora conscenderet. Et hoc cum festinatione, quia nescit tarda molimina spiritus, scilicet, gratia; Beda in homel. Abijt in montana, quæ gustata suauitate supernorum ciuium, humilitatis gressibus se ad alta virtutum transtulit. Tres autem causas ponit Amb. quare iuit cum festinatione. Vna est, quia nolebat diu morari in publico. Secunda est, quia impellebatur ab immenso gaudio. Tertia est ad innuendum, quod feruentes debent esse illi, qui sunt pleni spiritu sancto. Quare fecit eam superferuidam, idest in solo Dei amore quiescentem. Omnem enim amorem mundanum impatienter se rebat, & solum Dei amorem anhelabat, Cant. 5. Nunciate dilecto meo, quia amore languo.

Tertiò amabat cætera omnia amore ordinato. Nam secundum Augu. quatuor sunt gradus amoris. Primò enim debemus, quod supra nos est diligere, scilicet, Deum, deinde, quod nos sumus, deinde quæ iuxta nos est, scilicet, proximum, deinde quod infra nos est. Beata igitur virgo ordinatum amorem habuit, quia quod super se erat reuerenter diligebat, scilicet, Deum. Et quod iuxta se erat, scilicet, filium dilexit dulciter. Quod ipsa erat, scilicet, seipsam dilexit sapienter. Quod infra se erat, scilicet, genus humanum dilexit misericorditer. Propter ista quatuor ipsa dicit Eccl. vigesimo quarto, Ego mater pulchræ dilectionis, & timoris, & agnitionis, & sanctæ spei. Ipsa enim fuit mater pulchræ dilectionis, quo ad filium, qui præ sui pulchritudine est diligendus, quem dilexit dulciter, & timoris, quo ad Deum, quem timore filiali dilexit reuerenter, & agnitionis, quo ad se, quia se dilexit sapienter, & sanctæ spei, quo ad genus humanum, quod dilexit misericorditer.

QUATVOR EX SIGNIS COGNOSCITVR

B.V. fuisse ancilla Dei.

Sermo VI.

A

N CILLA Dei est virgo Maria, quæ dixit. Ecce ancilla, Sunt autem quatuor signa, per quæ cognoscitur.

Primum

Primum est, quando in humilitate se conseruat semper. Talis ancilla fuit Hester regina, quæ dixit Hester. 14. Tu scis Domine quòd abhominiter signum supbiae, & gloriæ meæ, & nunquam letata sum ancilla tua nisi in te Domine Deus, Commendabilis fuit tanta humilitas, quæ cum esset regina, tamen sic erat humillima. Humilitas enim honorata multum est Deo grata. Iſtam humilitatem habuit Virgo beata, quæ licet fuerit ab angelo reuerenter salutata, licet à Patre cœlesti, ab eterna fuerit electa, & præelecta, licet filio fuerit impregnata, licet à spiritu sancto fuerit omni gratia repleta, licet à tota Trinitate in reginam sit electa, & assumpta, tamen recognoscit se minimam ancillam, dicens. Respexit humilitatem ancillæ suæ. Ber. super missus est. Quæ est hæc tam sublimis humilitas, quæ honori cedere nouit inolescere gloria nescit. Dei mater eligitur, & ancillam se nominat. Non est magnum esse humilem in abiectione. Magna uerò prorsus, & rara uirtutis humilitas honorata.

Secundum signum est, quando iram Dñi placat, & reconciliat. Talis ancilla fuit Abigail, quæ David iratum placauit, unde ipsa dixit 1. Reg. 15, Loquatur obsecro ancilla tua in auribus tuis, & audi uerba famulæ tuæ. Talis ancilla Dei fuit beata virgo, quæ Deum contra genus humanum iratum sua humilitate placauit. Eua habuit duos Dominos, scilicet, maritum, & Dei filium, sed unum fecit eici de Paradiso, aliū fecit suspendi in ligno. Econtrario similiter Maria habuit duos patres, & Dominos, scilicet, Dei filium, & genus humanum cuius ipsa fuit filia, sed unum, scilicet, Dei filium, de cœlo ad iram deduxit, & nouem mēſibus in suo utero habitare fecit. Alium, scilicet, genus humanum Deo reconciliauit. Aug. mater generis humani, poenam intulit mundo, genitrix Domini nostri gaudium attulit mūdo. Auſtrix peccati Eua. Auſtrix meriti Maria. Eua occidendo obfuit, Maria uiuificando profuit, percussit illa, sanauit ista.

Tertium signum est, quando inimicos Domini sui non recipit, sed ipsos confutat, & expellit. Talis ancilla fuit Iudith: quæ Holofernem interfecit, Et dixit Iudith. 13. Non permittit me Dominus ancillam suam coinquinari, sed sine pollutione

lutione peccati reuocauit me uobis , gaudentem in uictoria sua in euasione mea , & in liberatione uestra . Talis ancilla fuit uirgo beata, quæ caput dæmonum, idest ipsum principē dæmoniorum contriuit. Gen. 13. Ipsa conteret caput tuum . Quæ potestatem eius ligauit. Iob. 40. Ligabis eum ancillis tuis . Quæ in tota curia infernali magnam confusionem fecit, Iudith. 14. Vna mulier Hebræa fecit confusionem in domo Nabuchodonosor . Istam talem ancillam non permisit Deus coinquinari , quia seruauit eius uirginitatem , & fuit sine pollutione , quia habuit totius peccati immunitatem . Ipsa de inimico Dei fecit magnam uictoriam . Ipsa euasit carnis spurcitiam . Ipsa fecit liberationem nostram . Qualiter autem potestatem dæmonis contriuit dicit Bern. Multis uersutis serpens insidiatus est calcaneo Mariæ, sed facta causa, quoniam omnem prauitatem hæreticā ipsa sola contriuit . Arius siquidem non de substantia carnis suæ Christum edidisse illa dogmatizabat . Alius non paruulum peperisse, sed repperisse sibillabat. Sed contriti sunt insidiatores concubati sunt supplantatores confutati sunt derogatores, & eam dicunt beatam omnes generationes.

Quartum signum est, quando ad omnem obedientiam se parat, iuxta illud psal. Ecce sicut oculi seruorum in manibus dominorum suorum, &c. Per oculos intelliguntur intellectus, & affectus . Per manum Dei intelligitur eius potentia , uel ipse filius Dei . Sicut enim homo operatur per manū, sic per ipsum omnia facta sunt. Vel per manum intelligitur eius uoluntas, quia sicut homo operatur manu, ita Deus sola uoluntate operatur . Vnde dicit Aug. quod Dei facere est à se fieri uelle . Beata igitur uirgo Maria ancilla Domini, oculos suos, scilicet, intellectum, & affectum habuit in manibus Dei, idest in potentia Dei, considerando in seipsa opera suæ potentiz, unde ipsa dicit . Quia fecit mihi magna, qui potens est. Itē fecit potentiam in brachio suo . Habuit intellectum, & affectum in manu Dei, idest in filio Dei, ipsum super omnem intellectum angelicum cognoscendo, & eum super omnia diligendo . Habuit etiam oculos suos, idest totum affectum , & attentionem suam in manu Dei, idest in uoluntate Dei, quia quicquid

quicquid Deus uoluit ipsa uoluit semper. Nam si Deus uoluit, ut uotum uirginitatis emitteret, statim emisit. Si uoluit ut matrimonio consentiret, statim consensit. Si uoluit, ut Dei filium conciperet, statim desiderauit. Si uoluit, ut in Ægyptum iret, statim iuit. Si uoluit, ut de Ægypto rediret, statim redijt. Ecce quō oculi sui semper fuerunt in manu Dei.

PER QUEM ANGELVM ANNUNCIATIO

Beata Virgo fieri debuit. *and Sermo VII.*

ANNUNCIATIO filij Dei, quæ facta fuit beatæ uirgini, non debuit fieri per aliquem hominem, sed per Angelum, & non per Angelum missum ab aliquo angelo, sed missum à Deo, nec per angelum infimum, sed per summum.

Debuit igitur fieri per angelum multiplici ratione. Vna est, ut modus redemptionis respondeat modo perditionis, ut sicut Eua à malo angelo edocta, fuit occasio nostræ perditionis, sic Maria à bono angelo instructa, fieret causa nostræ salutis. Beda, quia mors intrauit per foeminam, aptè redijt uitā per foeminā. Illa siquidem à diabolo seducta per serpentem, gustum necis uiro obtulit. Hæc à Deo per angelū edocta mundo salutis auctorem edidit. Prouerb. 14. Mors & uita in manu lingue, serpentis fuit mors pestiferæ suggestionis. In manu lingue fuit mors dubitationis. In manu lingue Adæ fuit mors stultæ excusationis, sed in manu lingue uirginis fuit uita nostræ salutis. Secunda ratio est, ut inter homines, & angelos pax reformaretur. Angelus quidem oderat hominem, quia ipsum sua restauratione defraudauerat. Homo odiebat angelum, quia per ipsum deceptus erat. Et quia Christus carnem assumebat, ut utrosque reconciliaret, ideo uterque in hoc negocio uoluit, ut ministerium exhiberet. Col. 1. Pacificans per sanguinem crucis eius, siue quæ in cœlis, siue quæ in terris sunt. Tertia ratio est, quia pro minoribus negocijs Deus angelos sæpe mittere consueuit. Nam misit Raphaellem ad curationem infirmitatum. Misit Gabrielem ad liberationem captiuorum. Dan. 9. Misit Michaellem ad expugnationem

Sermo VII.

pugnationem inimicorum, ut habetur Apoca. 12. Congruū igitur fuit, ut angelus mitteretur ad annuncian- dum illum, qui ueniebat ad infirmitatum curationem, ad captiuorum libera- tionem, & ad hostium expugnationem. Isa. 64. Spiritus Domi- ni super me, & infra, ut mederer contritis corde. Ecce infir- mitatum curatio. Et prædicarem captiui indulgentiam. Ec- ce captiuorum liberatio. Et diem ultionis Deo nostro. Ecce hostium expugnatio. Quarta ratio est, quia uirgo beata uirginitatem seruabat, hominum consortia fugiebat, angelos sæpe uidere consueuerat. Quia uirginitatem seruabat, debuit ab angelo saluari. Quia hominum consortia fugiebat, de- buit ab angelo uisitari. Quia angelos sæpe uidere consueue- rat, debuit in hoc negotio eius familiariter coniungi. Hiero- nymus. Profecto ad uirginem angelus mitti debuit, quoniam est semper cognata uirginitas. Profecto enim in carne præ- ter carnem uiuere angelica uita est non humana, unde in car- ne angelicam gloriam quærere, maius meritum est, quàm ha- bere. Esse quippe angelicum fœlicitatis est esse uirginem uir- tutis, dum hæc gratia obtinere nititur, quod habet angelus essentia.

Secundò iste angelus non debuit mitti ab alio angelo, sed à Deo, & hoc triplici causa. Prima ratione negotij pro quo mittebatur, quod tam grande erat, quod ad istud non debuit mitti aliquis sublegatus, sicut fuisset angelus, qui missus fuisset ab angelo, nec aliquis simpliciter legatus, sicut fuisset angelus aliquis, sed legatus talis, ut Archangelus Gabriel, qui Deo semper assistit. Luc. 1. c. Ego sum Angelus Gabriel, qui sto ante Deū. Secunda causa est rōne uirginis, quia secū- dum Bernardum non fuisset conueniens, ut Deus tale secre- tum angelis reuelasset, prius quam uirgini, excepto, scilicet, Angelo Gabriele. Et ista fuerunt quatuor, sicut dicit Bernar- ad Hugonem de sancto Victore, scilicet, tempus, locus, mo- dus, & persona eligenda. Cætera enim multis prophetis re- uelata sunt. Tertia causa est ratione cuiusdam congruitatis. Debuit enim mitti à patre, quia opus erat potentiz. A filio, quia erat opus sapientiz, A spiritu, quia erat opus gratiz, & misericordiz,

Tertiò

Tertiò non debuit mitti Angelus infimus, sed summus, sicut fuit Angelus Gabriel. Bern. Non arbitròr hunc Angelū ad virginem missum de minoribus esse, qui qualibet ex causa solent ad terras crebra fungi legatione. Eius autem magnitudo apparet ex tribus magnis officijs, quæ sibi Deus in sua curia commisit. Primum est reuelatio secretorum, unde dicitur Dan. 7. Gabriel fac istam intelligere uisionem. Secundum est victoria præliorum, unde dicit quædam glosa super Dan. quod Gabriel præpositus est à Deo prælijs grādis. Tertium est assistentia ante Deum. Vnde ipse dicit. Ego sum Gabriel angelus, quia sto ante Deum, Magnum est igitur secreta reuelare, Maius est victoriam præliorum concedere. Maximum est ante Deum semper assistere.

*QUOMODO APIS DICI BEATA VIRGO
potuit. Sermo VIII.*

APIS dicitur virgo Maria, quia fuit brevis per humilitatem, uolatilis per supernorum contemplationem, mellificans per cœlestis fructus productionem. De his tribus. Eccl. 11. Brevis in uolatilibus apis, & initium dulcoris habet fructus illius. De ista ape dicit Ambrosius in libro de virginibus. Apis rore pascitur, & concubitus nescit, mella componit. Sic B. V. rore cœlesti, i. gratia spiritus sancti pasta fuit, Virgo permansit, Paradisi dulcedinem generauit.

Notandum, quod apes quatuor diligunt. Primò aerem serenum, quia tunc plus de rore inuenitur, & in tempore pluuioso à uolatu impediuntur. Secundò abundantiam florum. Tertiò suauem sonum. Nam dicit Aristo. per cantilenas, & suaves sonos attrahuntur. Quartò dulce uinum, quia deficiente mille dulci uino pascuntur. Ista quatuor virgo beata dilexit, & in se habuit. Primò serenitatem internæ conscientiæ. psal. Omnis gloria eius filiæ regis ab intus. Secundò flores uirtutum, & omnis gratiæ, idest uirtutum diuersitate. Tertiò sonum allocutionis diuinæ. De quo sono dicitur ibidem. Audi filia, & uide, &c. Cant. 5. Vox dilecti mei pulsanctis, ape scilicet,

Sermo IX.

ri mihi soror mea. Quartò vinum iocunditatis internæ. Cant. 7. Guttur tuum, sicut uinum optimum, dignum dilecto meo ad bibendum, labijsque & dentibus eius ad ruminandum. De his quatuor dicitur, Cant. 2. En dilectus meus loquitur mihi. Ecce interna allocutio. Surge, propera amica mea, & ueni. Nam hyems transijt, imber abiit, & recessit, ecce serenitas cōscientiæ. Flores apparuerunt in terra nostra. Ecce diuersitas uirtutum, & gratiæ. Vineæ florentes dederunt odorem suum. Ecce uinum iocunditatis internæ. Tunc enim dant odorem animæ tanquam florentes uineæ quando coram Deo redolēt interna iocunditate.

*AQUAEDUCTVS QVIBVS RATIONIBVS
Beata Virgo appelletur. Sermo IX.*

AQUAEDUCTVS fuit virgo Maria, quæ dicit Eccl. 24. Ego quasi aquæductus exiui de Paradiso, idest de delitijs misericordiarum Dei. Per istum aquæductum fluunt aquæ gratiarum de cœlo in mundum. Vnde sequitur. Rigabo hortum plantationum. Et quia istæ aquæductus in tantum necessarius est, quòd diabolus ipsum frangere conatur. Hoc significatum est Iudith. 7. ubi dicitur, quòd Holofernes præcepit incidi aquæductum, quia per illum influebat fons in ciuitate. Tunc autem diabolus incidit, quando nos ab eius deuotione retrahit. Istæ autem aquæductus commendabilis est, ex parte sui, ex parte nostri, & ex parte modi, & ex parte aquæ.

Ex parte quidem sui commendabilis est, quia habet effluere, & refluere. Nam aquæ gratiarum per ipsum aquæductum nobis de cœlo effluunt. Sap. 5. c. Venerunt mihi omnia bona pariter cum illa, & innumerabilis honestas per manus illius. Ipse etiam aquæ gratiarum ad cœlum refluunt, dum ipsa ad referendum Deo gratias nos inducit iuxta illud Eccl. 1. Ad locum unde exeunt flumina redeunt, ut iterum fluant. Est etiam iste aquæductus commendabilis ex parte sui, quia habet magnam longitudinem, & sublimitatem. Eius autem longitudo tanta est, quòd attingit à cœlo usque ad terram, Bern. Aquæductus

ductus est Maria cuius nimirum sumitas inter scalæ Iacob cœlos tangit, immo etiam transcenditur illum aquarum fontē, quæ super cœlos sunt, attingem, posset. Latitudo autem istius aqueductus tanta fuit, quod etiam fontem diuinum capere potuit. Bern. Natus est fons usque ad nos, quia descendit illa cœlestis uena per aqueductum, nam tamen nobis fontis copiam exhibens, sed stellicidia gratiæ, cordibus nostris arcutibus infundens. Alij quidem plus, alij quidē minus accipiunt. Plus equidem aqueductus, ut cæteri de plenitudine, sed non plenitudinem ipsam accipiunt. Bern. Aqueductus est Maria, quæ plenitudinem fontis de corde patris accepit, & nobis illum non prout est, sed prout capere poteramus edidit. Altitudo uero istius aqueductus tanta fuit, quod usque ad fontē totius diuinitatis se erexit, & illum attigit. Bern. Quomodo hic noster aqueductus fontem illum attigit tam sublimem, quo putas nisi uehementia desiderij, seruore deuotionis, puritate orationis. Quomodo igitur maiestatem attigit inaccessam, nisi pulsando, petendo, quærendo.

Secundò istę aqueductus commendabilis est ex parte nostri. Nos enim aquas gratiarum de cœlo habere non poteramus propter nimiam cœli altitudinem, & nimiam nostri depressionem. Et ideo oportuit, ut in medio esset aqueductus. Bern. Propterea humano generi tanto tempore fluente gratiæ defuerunt, quia nondum intercesserat aqueductus. Idem. Quæramus gratiam, sed per inuentionem gratiæ Mariam. Cæterum illud quicquid est, quod offerre Deo pars Mariæ commédare memento, ut eodem alueo ad gratiæ largitorem, gratia redeat quo influxit. Neque enim impotens erat Deus sine hoc aqueductu gratiam prout uellet infundere, sed tibi uoluit nihilominus uehiculum prouidere, quia fortè manus tuæ plene sunt sanguine. Itaque modicum, quod Deo offerre desideras, grauissimum illi, & omni acceptione dignissimum. Mariæ manibus offerenda trade si non uis repulsam sustinere.

Tertiò istę aqueductus commendabilis est ex parte modi. Iste autem modus duplex est. Primus est, quia diuersimodè se diffundit. Nam quibusdam se diffundit in modum aque

putei, quibusdam in modum aque fontis, quibusdam in modum aque fluminis. Putens habet aquas occultas, & cum labore eductas, & quantum ad hoc ipsa se diffundit peccatoribus, quia aqua gratiæ est in eis occulta, sed tamen per laborem poenitentiae potest hauriri. Aqua uero fontis sine labore hauritur, & continuè emanat. Et quantum ad hoc diffundit se bonis, & sibi deuotis, quia eis continuè gratiam suam tribuit, & sine multo labore se eis diffundit. Aqua uero fluminis in magna abundantia emanat, & quantum ad hoc diffundit se beatis quibus largiter, & abundanter aquam spiritus sancti tribuit. Ista triplex differentia tangitur cum dicitur Cant. 4. Fons hortorum. Ecce quia communicat se bonis, & deuotis in modum fontis. Putens aquarum uiuentium. Ecce quia communicat se peccatoribus in modum putei uiuificantis. Quæ fluunt impetu de libano. Ecce quia communicat se beatis in modum fluminis in abundantia, & cum impetu decurrentis. Secundus modus est, quia abundanter, & largiter se diffundit. Aqua quidem largiter se diffundere, & fluere consuevit multis de causis.

Primò ex nimia repletionem, sicut patet in flumine repleto, quod in loca uicina se diffundit. Et quia beata uirgo nimis est repleta, ideo de sua plenitudine in corda per deuotionem sibi uicina se diffundit. Eccl. 24. In plenitudine sanctorum de repleto mea. Ideo uocauit eam Angelus gratia plena.

Secundò ex uiolentia uentorum impressione, sicut patet in mari, quod quando uiolentia uentorum impellitur intumescit atque diffunditur. Auster enim spiritus sancti sic eius mentem afflauit, quod ad diffundendum spiritualiter impellit. Cant. 4. Surge aquilo, & ueni auster, & perfla ortum meum, & fluent aromata illius.

Tertiò ex nimia, & uehementi ebullitione. Quando enim uas nimis ebullit tunc aquam extra proijcit. Ignis quidem spiritus sancti sic eius mentem inflammauit, & sic eam ebullire facit, quod ad spargendum nobis aquam suæ gratiæ ipse impellitur, ut non sit, qui se abscondat à calore eius.

Quartò ex uasis concussionem. Si enim uas plenum aqua concutitur, mox aqua effunditur. Ipsa autem Dei situla gratia Dei

Dei repleta, & ideo si quis eam cum deuotione tetigerit, mox gratiam suam effundit. Nume. 24 c. Fluet aqua, idest gratiæ abundantia, de situla eius, i. de Virgine Maria matre eius.

Quintò ex uallium depreffione. Sicut enim aqua se in ualles diffundit, & in loca depreffa, sic & ipsa aquam suæ gratiæ immittit in corda humiliū. Ps. Qui emittit fontes in cōuallib,

Sextò ex lunæ uirtuosa operatione, ex qua fiunt fluxus, & refluxus in mari. Luna est virgo Maria, à qua procedit fluxus gratiarum, dum nobis gratiam effundit, procedunt, & refluxus dum omnia ad Deum per recognitionem gratiarum refundere nos inducit. Eccl. 1. Ad loca, vnde exeunt flumina reuertuntur, ut iterum fluant.

Quattò istæ aquæ ductus commendabilis est ex parte aquæ, quæ habet aquas purissimas. Tunc autem secundum Aristo. aqua est pura, quando nullum habet colorem, nullum odorē, nullum saporem. Aqua igitur gratiæ beatæ Mariæ est pura, quia aufert à nobis colorem, idest mundanam conuersationem. Rom. 12. Nolite conformari huic sæculo, &c. Aufert odorem, idest præteritorum peccatorum uanam recordationem, quem odorem habebant, qui dicebant Nume. 11. cap. Recordamur piscium, quos comedebamus in Ægypto gratis, &c. Aufert saporem, idest mundi amorē, ut scilicet, amor mūdi sibi despiciat amor Dei sibi sapiat, q̃a sicut dicit Chrysostomus. Verè non habet super terram, quòd, amat, qui donum cœlestē in ueritate gustauerit.

COMPARATVR B. V. ARBORI COELESTI,

quo ad folia flores, & fructus.

Sermo X.

ARBOR cœlestis, est Virgo Maria, quæ protulit folia flores, & fructus, Folia fuerunt eius uerba, de quibus dicitur Apoc. 22 Et folia ligni ad sanitatem gentium vnum epim folium fuit ad sanationē carnalis concupiscentiæ cum dixit. Quomodo fiet istud, qm̃ uirum non cognosco? Aliud ualeat ad sanationem superbiæ, cum ait, Respexit humilitatem ancillæ suæ. Tertium ualeat ad sanationem auaritiæ, cum dixit. Esurientes impleuit bonis. Flores fuerunt uirtutes, quos flores habuit in triplici excellentia.

Sermo X.

Primò, quia flos virginittis in ipfa primo apparuit. Cant. 1. Flores apparuerunt in terra noſtra, idelt in Virgine Maria, quæ dicitur terra, iuxta illud Iſa. 45. Aperiatur terra, & germinet ſaluatorem.

Secundò, quia in floribus uirtutum fuit tota circumdata, & uallata, ita ut nec in modico impuritas in eius cor mittere potuerit, unde cantatur de ea. Sicut dies uerni circumdabant eam flores roſarum, & lilia conuallium. Iſtam talem circumdationem, & uallationem non habuerunt aliæ uirgines, nec alij ſancti, quia nullus unquam fuit, ita uallatus uirtutibus, quin hauſerit cum aliquo ſeſu corporis aliquam impuritatem ſaltem ueniale.

Tertiò, quia floribus uirtutum ſic fuit uallata ſulcita, & confirmata, ut nunquam potuerit per peccetum inquinari. Cant. 2. Fulcite me floribus. Iſtud tale fulcimentum non habuerunt alij ſancti, quin à uirtutibus per peccatum cadere potuerint. Fructus autè huius arboris fuerunt eius opera. Cant. 7. Videamus ſi flores parturiunt fructus. Maximè autem fructus huius arboris fuit ille, de quo dicitur. Benedictus fructus uentris tui. Iſte enim fructus uerè fuit benedictus, ſcilicet, in odore, colore, & ſapore. Eſt enim ſuauiſ ad odorandum. Eccle. 24. Ego quaſi uitis fructificauit ſuauiſtatem odoris. Eſt ueniſtus. & honorabilis ad inttendum, unde ſequitur. Et flores mei fructus honoris. Eſt dulcis ad guſtandum. Cant. 2. Fructus eius dulcis gutturi meo.

REPRÆSENTATUR B. V. PER ARCAM,
quam Deo fecit Moſes. Sermo XI.

ARCHA Dei, quam fecit Moſes fuit Virgo Maria, quæ commendabilis eſt, ex cauſa efficienſi, materiali, & finali. Cauſa autem efficiens eſt ipſe Deus, qui ipſā fecit, & habitauit. pſal. Homo natus eſt in ea, & ipſe fundauit eam altiffimus. Deus in B. Virgine fuit altus, quando eam in utero ſanctificauit. Fuit altior, quando de ea integra uirginitate naſci uoluit. Fuit altiffimus, quando ipſam ſuper omnes Angelos exaltauit. Materiā autem huius archæ fuit
de

de lignis Sethim, quæ ligna secundum Hierò. habent leuitatem, pulchritudinem, fortitudinem, & imputribilitatem, per quæ intelliguntur quatuor dotes corporis eius. Corpus enim modo est leue per subtilitatem, pulchrum per claritatem, fortè per agilitatem, & imputribile per immortalitatem.

Forma autem huius archæ fuit, quia habuit in longitudine 2. cubitos, & semissem, idest quinque palmos. Iosephus uocat hic cubitum duos palmos. Fuit ergo ista archa spiritualis quinque palmorum in longitudine, quia beata virgo quinque sensus suos usque in finem puros seruauit.

Fuit etiam archa trium palmorum in altitudine, quia restaurationem angelorum, saluationem hominum, & renouationem omnium creaturarum procurauit. Habuit autem archa cubitum, & semissem in altitudine, quia eius celsitudo angelicam, & humanam naturam excellebat, sed usque ad filij excellentiam non attingebat.

Finis autem huius archæ fuit, ut contineret virgam Aaron, tabulas testamenti, & urnam auream, in qua erat manna. Ista autem archa spiritualis virgo beata intra se continuit Christum, in quo fuerunt tres substantiæ, scilicet, deitas dulcissima, quæ signatur per tabulas, in quibus scripta erat sapientia Dei, caro mundissima, quæ resurrexit, quæ signatur per virgam Aaron, quæ fronduerat, & anima purissima, quæ signatur per manna. Vel potest dici, quod in hac archa fuit manna dulcis contemplationis, & virga, idest rectitudo perfectæ operationis. Virgo enim fronduit, & fructum produxit, quia uita actiua est magis fructuosa, quàm contemplatiua. Fuerunt etiam tabulæ sapientiæ, & discretionis. Quælibet enim uita, tam actiua, quàm contemplatiua indiget discretionis maturata. Ab ista archa habemus multa beneficia.

Primò in periculis magnum auxilium, quod figuratum est Nume. 10. ubi dicebat Moyses in elenatione archæ. Sure domine, & dissipentur inimici tui.

Secundò, in dubijs magnum consilium, quod signatum est 1. Reg. 24. ubi cum uellet Saul consulem Dominum dixit. applica archam domini.

Tertiò in aduersitatibus magnum solatium, quod signat.

Sermo XII.

3. Reg. 2. ubi dixit Salomon Abiathar sacerdoti, Vir quidem mortis es, sed hodie nolo te interfici, quia portasti archam Domini.

Quartò inter amorem Dei, & mundi facit diuisionem, Hoc significatum est Iosua. 3. Vbi dicitur, quòd cum sacerdotes, qui portabāt archam fuissent in flumine, atque protinus sūt diuise, ita quòd superiores intumuerunt ad modum fontis, inferiores autem descenderunt usque in mare mortuum. Aqua superior est amor Dei, qui eleuat usque ad cœlum. Aqua inferior est amor mundi, qui facit effluere usque in infernum.

Quintò dat gratiæ sanctificationem. Psal. Surge Domine in requiem tuam, &c.

Sextò dat gloriæ benedictionem, quod significatum est 2. Reg. 6. Vbi dicitur, qui ad introitum archæ domini in domum Ebededon dominus ei benedixit. De ista archa sic dicit Amb. Archa intrinsecus portabat testamenti tabulas. Maria autem testamenti portabat hæredem. Illa intra se legem, hæc euangelium retinebat. Illa uocem habebat, hæc uerbū uerum. Illa intus forisq; auri nitore radiabat, sed beata uirgo intus forisq; uirginitatis splendore fulgebat. Illa terreno ornabatur auro, ista cœlesti.

BEATA VIRGO ARCVI COELESTI ASSIMILATUR ob generationem, dispositionem, & colorationem. Sermo XII.

ARCHVS cœlestis signat Mariam Virginem, propter generationem, dispositionem, & colorationem. Generatur autem archus cœlestis ex reflexione radij solaris in nubem lucidā, concuam, & aquosam. Beata uirgo fuit nubes in quantum fuit à terrenis elenata per cœlestium contēplationem, & concua per humilitatem, & aquosa per compassionem, & pietatem, quia eius cor erat molle, ductile ad compatiendum. Radius igitur solaris, idest gratia Dei in Mariam, quæ fuit nubes lucida, concua, & aquosa re fluxit, & sic eam archum cœlestem fecit.

Secundò

Secundò dicitur archus cœlestis propter dispositionem. Archus enim ille ita est dispositus, quòd est sine chorda, & sagitta, & uersus nos tenet cornua. Quidā sunt sicut archus cum chorda, & sagitta, qui extenduntur à nimia seueritate, & faciunt sagittas, idest comminationes cum nimia crudelitate, & tenent cornua uersus se, scilicet, indulgentiā, & beneficentiam, quia nec inimicis suis uolunt parcere, nec beneficia exhibere. Sed beata virgo est sine chorda seueritatis, quia tota est iustissima, & sine sagitta comminationis, & timoris, quia est tota dulcissima. Bernar. Quid humana fragilitas iræ trepidat ad Mariam, nihil in ea auius est nihil terribile, tota suauis est habet autem duo cornua, scilicet, gratiam, & misericordiam, & ista tenet aduersus nos, quia iustis dat gratiam, & peccatoribus misericordiam, & ideo uocatur mater gratiæ, & misericordiæ.

Tertiò dicitur archus cœlestis propter colorationem. Archus enim illa ex quatuor elementis contrahit colores, ut dicit Beda. Nam ex igne contrahit colorem rubeum, ex aqua cœruleū, ex aere hiacinthinum, ex terra uiridem. Isti quatuor colores fuerunt spiritualiter in ipsa. Habuit enim colorem rubeum, quia tota fuit igne amoris inflammata, & istum colorem igneum traxit ab illo igne, de quo dicitur Hebræo. 12. Deus noster ignis consumens est. Secundò habuit colorem cœruleum, quia tota fuit præ compassionem liquida effusa, iuxta illud Psal. Factum est cor meum tanquam cera liquefscens. Et istum colorem traxit ab aqua, idest à mentis suę puritate, quia in mente suā semper fuit serenitas puritatis. Tertiò habuit colorem hiacinthinum. Et istum colorem traxit ab aere, idest à mentis suę puritate, quia in mente suā semper fuit serenitas mentis.

Quartò habuit colorem uiridē, quia tota fuit in cōuersatione uiridis, & amēna. Et istum colorem traxit à terra, id est à seipsa, ex qua uirtutes generabantur, per quas Deo, & hominibus gratiosa reddebatur. Eius enim uiror uirtutum omnium aliorum sanctorum, & gratias superabat. Eccle. 40. Gratiā, & speciem desiderabit oculus tuus, & super hoc uirides factiones, idest uirtutes uirentes ex terrā virginea procedentes.

Sermo XIII.

Qualiter autem fuerit Deo gratiosa dicit Fulbertus Carnocen-
sis episcopus. Virtutes Mariæ depromebant in cogitatione,
& affectione cordis, idest ineffabilem armoniam, quam ipsa
creatrix, & inhabitatrix eius Dei sapientia delectabatur au-
dire. Coruscabat quoque foris, & in superficie sermonis, &
inuis unde possent homines glorificare Deum, & salutem
recipere.

RATIONES REDDVNTVR, QVIA IN COE-
lum Beata Virgo sit assumpta in corpore, &
anima. Sermo XIII

ASSVMPTA est Maria in cœlum cum corpore, &
anima, quod quidem conueniens fuit multiplici ra-
tione. Prima sumitur ex parte sui. Secūda ex parte
Dei. Tertia ex parte nostri.

Ex parte sui fuit eius magna dignitas. Et ista fuit quincu-
plex prout ostendit Aug. in quodam sermone.

Prima, quia ipsa fuit mater Christi deifica, & ideo debuit
honorari, & ideo dicit. Putredo, & uermis est obprobrium hu-
manæ conditionis. Ad hoc obprobrio cum Iesus sit alienus,
natura Mariæ excipitur, quam Iesus de ipsa assumpsisse pro-
batur. Caro enim Iesu caro Mariæ est. Istud ergo sacratissi-
mum corpus, de quo Christus carnem assumpsit uermibus
escam traditum esse, quia sentire non ualeo, dicere pertime-
sko. Letatur ergo Maria lætitia inenarrabili, anima, & corpo-
re in proprio filio, per proprium filium quem in utero gessit,
quem genuit, quem fouit, quem aluit Dei genetrix, Dei ser-
uitrix. Videmus etiam, quod Christus totus uoluit esse ma-
tris suæ, quia patrem carnalem habere uoluit. Voluit & ma-
trem totam esse suam, quia alios filios non generauit. Qui
igitur noluit eā communicare homini, quō cōicabit uermi?
Et qui ex ea noluit generare filios, quomodo ex ea uoluit ge-
nerare uermes putridos? Debit ergo honorando matrem
seruare præceptum, quo dixit. Honora patrem tuum, &
matrem.

Secunda est, quia fuit fidelis Christi ministra, & ideo de-
buit

buit exaltari. Io. 12. Vbi ego sum illic, & minister meus erit. Minистра Christi fuit Maria, quæ ipsū in utero gessit, partū-
que profusum aluit, & fouit, & in præsepio reclinauit, in Æ-
gyptum fugiens abscondit, & omnem infantiam eius prose-
cuta est pio mentis affectu, ita ut usque ad crucem ab eius nō
recessit conspectu, nec solum pio gressu, nerumetiam affectu
imitationis. Fuit ergo fide, & opere Christi ministratrix, &
usque ad mortē eius deuota seruitrix. Si igitur ubi ministros
esse vult ipsa nou fuerit, ubi ergo erit. Si autem ibi, nunquid
æquali gratia potietur? Et si æquali gratia, ubi est æqua Dei
censura, quæ reddit unicuique secundum meritum? Si meri-
to præ omnibus Mariæ uiuenti dānata est gratia, nūquid erit
mortuę imminuta? Absit. Nam si omnium sanctorum mors
est preciosa, sanē Mariæ est preciosissima.

Tertia est, quia fuit Christi uestis deaurata, & ideo debuit
integra reseruari. Idem Aug. Si elegit diuina uoluntas trium-
puetorum uestimenta in igne seruare illæsa, cur abnuat in
matre propria, quod elegit in ueste aliena?

Quarta est, quia fuit archa Dei sanctificata, & ideo debuit
in templo cœlesti collocari. Dama. Hodie virgo templo cœ-
lesti uehitur sacra, & animata archa in templo non manu fa-
cto reponitur. Columba innocens auolans ex archa, idest cor-
pore, quod Domini suscepit pedibus requiem adiuenit.

Quinta est, quia fuit thesaurus, & gemma preciosa, & iō
debuit in thesauro cœlesti reponi. Aug. Thronum Dei thala-
mum Domini cœli, etque tabernaculum Christi. Dignum est
enim esse, ubi ipse est tam preciosum thesaurum dignius est
seruare cœlum, quàm terra.

Secunda ratio sumitur ex parte Dei, scilicet, eius magna
liberalitas. Deus enim intantum est liberalis sanctis, quod
non solum animas glorificat, sed etiam corpora multiplici
honore illustrat. Quædam enim eorum corpora integra, &
illæsa seruantur. Quædam miraculorum gloria illustrantur.
Quædam uisitatione fidelium frequentantur. Quorundam
sepulchra gemmis, & auro adornantur. Quibusdam angeli-
cis manibus monumenta præparantur. Si ergo corpus eius es-
set in terra, cum sibi nihil tale impendatur, uideretur Christus

honorem

6701

Sermo XIII.

honorem materni corporis contempsisse. Hieronymus in sermone de assumptione. Legimus, quàm sæpe ad funera sanctorum angelos aduenisse, & animas eorum usque ad cœlos cum laudibus, & hymnis detulisse, & eosdem multo lumine resplenduisse. Insuper adhuc viuentes in carne ibidem miri odoris fragrantiam persensisse. Si igitur talia, & tanta circa defunctos Deus dignatus est exhibere, quanto magis eius genitrici in die obitus sui credendum est cœlorum militia obuiam aduenisse, eamque ingenti lumine circumfulsisse, & usque ad thronum gloriæ perduxisse.

Tertia sumitur ex parte nostri. Et ista est duplex. Vna est magna nostra utilitas, quia ex hoc maximè scēminis magna spes resurrectionis, & ascensionis datur. Sicut enim Christus dedit uiris, spem resurrectionis, & ascensionis ex sua resurrectione, & ascensione, sic dedit magnam spem scēminis ex matris suæ resurrectione, & assumptione. Secunda est humanæ naturæ magna sublimitas, quæ humanā naturā in Christo, & in matre eius est super omnes angelos sublimata. Ipsi enim angeli minorationem humanæ naturæ sciebant ex hoc in prima creatione, iuxta illud Psalm. Minuisti cum paulominus ab angelis. Adæquationem etiam didicerant, & hoc in tempore gratiæ, ubi angeli hominibus, homines angelis adæquare possunt. Sublimationem autem credere non ualebant, & ideo uidentes naturam nostram in Christo, & in matre super ipsos exaltari admirantes dixerunt Isa. 40. Quis est iste, qui uenit de Edom. &c. Et de matre, quæ est ista, quæ progreditur quasi aurora confurgens.

ASSUMPTIO BEATÆ VIRGINIS IN CŒLUM.
hinc quibus mysterijs sit facta. Sermo XIII.

ASSUMPTIO Beatæ Mariæ in cœlum, facta est multipliciter.

Primo enim assumpta est cum honorabili societate. Istud significatum est 2. Reg. 6. Vbi dicitur, quod Dauid, & omnis Israel deducebant archam Domini cum gaudio. Et erant cum Dauid septem chori. Per Dauid Christus intelligitur.

tur. Per septem choros universitas angelorum, & sanctorum figuratur, quia septenarius est numerus universitatis, uel per septem choros intelliguntur Angeli Patriarchæ, Prophetæ, Apostoli, Martyres, Cōfessōres, & virgines, qui omnes ipsam honorabiliter deduxerunt. Et meritò, quia isti omnes honorare tenebantur, scilicet, angeli, quia ipsa uitam duxit angelicam. Patriarchæ, quia de eorum stirpe descendit. Prophetæ, quia ipsa spiritu prophetiæ plena fuit. Apostoli, quia ipsa eorum magistra extitit. Martyres, quia ipsa gladio passionis perforata fuit. Confessōres, quia ipsa sola fidem in passione Christi confessā fuit. Virgines, quia ipsa primiceria virginū extitit. Bis igitur euacuatum fuit cœlum. Primò, quando Christus ascendit, quia nullus in cœlo angelus tunc remansit, sed omnes Christo obuiam uenerunt. Secundò quando uirgo assumpta fuit, quia omnes angeli, & animæ sanctorum, & ipse Christus sibi obuiam uenerunt. Tertiā euacuabitur in iudicio, quia omnes in ualle Josaphat proficiſcentur.

Secundò assumpta est cum ineffabili iocunditate, quod significatum est 2 Reg*6. Vbi dicitur. David autem, & omnis Israel deducebant archam testamenti Domini in iubilo, & clangore buccinæ. Et ibidem. David autem, & omnis domus Israel ludebāt totam Domino in omnibus lignis fabrefactis cytharis, & liris. Vbi norandum est, quòd sicut dicit Aug. super Psal. Triplex est sonus missicus. Vnus qui fit uoce, sicut in cantu. Alius qui fit flatu, sicut in buccina. Tertius, qui fit cū pulsu sicut in cythara. Primus, qui fit cū uoce tangitur cū dicitur in iubilo. Est enim iubilatio cantus modulatio. Secundus, qui fit cum flatu tangitur cum dicitur. In clangore buccine. Tertius, qui fit cum pulsu tangitur, cum dicitur. In omnibus lignis fabrefactis, & cytharis, & liris. Per hoc ergo, qd dicitur, quòd ista archa Dei deducta sit cum iubilo, &c. Datur intelligi, quòd ibi fuerunt omnia genera musicorum. Hieronymus in sermone de assumptione. Nulli dubium est totam illam cœlestem curiam superne Hierusalem ineffabili letitia tunc exultasse, & tunc iocundatam fuisse ineffabili charitate, tuncque congratulatione iubilasse. Nec immerito. Creditur enim, quòd ipse saluator totus festinus occurre-

Sermo XIII.

rit, & eam cum gaudio secū in throno collocauerit, alioquin quomodo crederetur impleuisse, quod ipse præcepit in lege. Honora patrem tuum, & matrem.

Tertiò assumpta est cum mirabili claritate, de cuius claritate dicitur Can. 6. Quæ est ista, quæ progreditur quasi auro-
ra, pulchra ut Luna, electa ut Sol. Fu t autem luce multipli-
ci perfusa. Lucē supersubstantiali, quia Christus, qui est uera
lux obuiam sibi uenit, & eam associauit. Secundò luce spi-
rituali, idest anima sua omni luce, & gloria illustrata. Isa. 58.
Implebit Dominus splendoribus animam tuam. Tertiò luce
corporali, quia eius corpus immortalitate, & claritate resplē-
duit. Si enim fulgebunt iusti, sicut Sol, ut habetur Mat. 13.
quanto magis corpus illius, qui Deum portauit. Quartò luce
rationali, quia omnes sancti, qui erant in cælo eam associaue-
runt. Vnde cantat ecclesia. Sicut dies uerni circumdabant
eam flores rosarum, & lilia conuallium. Flores rosarum sunt
martires. Lilia conuallium sunt cōfessores, & virgines. Quin-
tò luce intellectuali, idest luce angelica, quia omnes angeli eā
associauerunt, quorum quidam præcedebant tanquam domi-
celli. Quidam concomitabantur tanquam baiuli. Quidam
sequebantur tanquam fideles ministri. Omnes autem iubila-
bant tanquam ioculatores deuoti. Ecce quàm luminosa, ascē-
dit, quia à superiori illuminata fuit luce supersubstantiali, ab
inferiori luce intellectuali, & rationali, ab interiori luce spiri-
tuali, ab exteriori luce corporali.

Quartò assumpta est cum terribili potestate, iuxta illud
Cant. 6. Terribilis ut castrorum acies ordinata. Tam terribi-
lis quidem fuit eius assumptio demonibus, quòd ipsi, scilicet,
dæmones, qui morantur in isto aere caliginoso pœnitus aufu-
gerunt. Nec mirum fugerunt enim à tam honorabili societa-
te. Can. 7. Quid uides in summitate nisi choros castrorum, idest
choros angelorum, & sanctorum omnium. Fugerunt vulnera-
ti à tam ineffabili iocunditate. Dæmones enim semper sunt
in luctu. Eccl. 22. Musica in luctu importuna narratio. Fuge-
runt excecari à tam mirabili claritate. Ipsi enim tanquam no-
ctua claritatem diuinam ferre non possunt. Malitia enim eo-
rum pœnitus eos excecavit. Sap. 2. Excecavit eos malitia eo-
rum,

rum. Fugerūt tremefacti à tam terribili potestate. Sicut enim canis cum videt virgam, qua percussus est, territus fugit. Sic & dæmones cum viderunt virgam Iesse in cœlum deduci territi aufugerūt. Isa. 30. à uoce Domini pauebit Assur, idest diabolus virga percussus. Modò etiam dæmonibus est ualde terribilis. Nam terribilis est dæmoni nominatio eius, salutaris eius, & laudatio eius. Quando enim audit nomen eius ita est ei ac si sentiret clauam, cum qua percuteretur. Num. 24. Consurget virga de Israel, & percutiet duces Moab. Unde cum in forma humana quidam mulierem uexaret, & illa nec per aquam benedictam nec per signum crucis eum expellere posset, tandem edocta, à quodam viro sancto dixit. Sancta Maria adiuua me. Mox ille tanquam claua percussus obmutuit, & tandem ad se rediens ait. Malus diabolus intret in buccam illius, qui te docuit, & sic euauit. Quando audit salutationem eius, ita est ac si audiret tonitruū, quo terreatur. Psal. Vox tonitruui tui in rota. Tunc enim diabolus tanquam insanus rotatur, & terretur. Quando enim insuper audit laudationem eius, ita est, ac si sentiret gladium, quo iugularetur. Hoc significatū est Iudith. 14. Vbi dicitur, quòd ipsa Iudith cum pugione amputauit caput Holofernīs. Iudith interpretatur cōstans, uel glorificans, & signat Mariam, quæ semper Deum glorificauit.

EX PARTE DEI QVIBVS RATIONIBVS
*assumi BV debuit in cœlum in anima, &
 corpore. Sermo XV.*

ASSUMI debuit in cœlum Virgo Maria in corpore, & anima, quia hoc competit diuinæ iustitiæ, sapientiæ, & bonitati immensæ, & suæ potentiæ.

Iustitiæ quidem Dei conuenit, quia si Deus honorat tantum corpora sanctorum, iustitia dei requirit, quòd honoraret corpus matris eius si esset in terris. Videmus enim quòd in magno honore vult Deus haberi crucem suam corpora sanctorum, imagines pictas eorum, & archam figuratiuam ueteris testamenti. Si enim in tanto honore habetur crux, quæ Christum ad horam portauit, in maiori honore debet haberi

haberi corpus illud, in quo Christus nouem mensibus habitauit. Si in tanto honore vult haberi corpora sanctorum, qui fuerunt spiritus sancti organa, in maiori honore debet haberi corpus illud, quod fuit, & spiritus sancti organum, & Christi speciali domicillum, & totius trinitatis nobile triclinium. Si in tanto honore habentur imagines pictę, in maiori honore debet haberi corpus illud, in quo imago Dei illibata permansit, in qua filius Dei, qui est imago patris habitauit, per quam imago nostra, quę erat corrupta reparata fuit. Si in tāto honore habita fuit archa testamenti, quia ibi fuit virga Aaron, manna, & tabulę conscriptę, in maiori honore debet haberi archa istī sanctificata, in qua habitauit virga Aaron, idest caro Christi, quę floruit, māna, idest diuinitas, quę omnem dulcedinem habuit, & tabula conscripta, i. anima Christi, quę omni sapientia plena fuit.

Secundò hoc competit diuinę iustitię. Sicut enim dicitur Sap. 9. Sapientia ædificauit sibi domum. Sapiens architectus domum facit pulchram intus, & extra. Sunt domus quędam pulchrę foris, sed turpes intus, sicut Hypocrite. De quibus dicitur Matt. 23. Vhe vobis Scribe, & Pharisei Hypocrite, qui estis similes se pulchris dealbatis, &c. Alię sunt pulchrę intus, sed turpes exterius, sicut sunt serui Dei, qui sunt pulchri intus per puritatem, sed turpes videntur exterius, quia à mundanis honoribus contemnantur. Alię sunt pulchrę intus, & extra, sicut erunt beati quorum corpus est lucidum, & anima est lucida, & pręclara. Domus igitur beatę Virginis, & in pręsenti uita tota fuit pulchra, & interius in anima per puritatē, & exterius in corpore per virginitatē. Si igitur sapientia Dei in hac uita sibi ædificauit domum tam pulchram, ad eandem sapientiam pertinet post hanc uitam pulchritudinē non diminuerē, sed augere potius, ut sit pulchra intus in anima p̄ foelicitatem, & extra in corpore per immortalitatem. Ideo sponsus eam alloquitur dicens Can. 4. Tota pulchra es amica mea.

Tertiò hoc competit filij Dei bonitati. Boni enim filij est magis parcere matri, quàm sibi. Tam bonus filius fuit Christus, quòd in hac uita maximè in partu magis pepercit ma-

tri, quàm sibi, quia matrem tunc uoluit gaudere, iuxta illud Dum paris, & gaudes, &c. Ipse autem secundum morem puerilem fleuit, iuxta illud Sapient. 7. Primam uocem similem omnibus emisit plorans. Cum igitur post hanc uitam sibi pepercerit ab illa sententia, qua dictum fuit. Puluis es, & in puluerem reuerteris. Credendum est, quòd tam bonus filius matri similiter in hoc pepercerit, ut corpus suum non corrumpere, nec in puluerem reuerteretur. Boni filij etiam est matris memor esse inter aduersa, & inter prospera. Videmus. n. quòd Christus tam bonus filius fuit, quòd inter aduersa suæ passionis curam habuit matris. Si igitur curam habuit de eadem dum esset inter aduersa, & dum esset passibilis, & mortalis, nunquid postquam fuit inter prospera, idest inter bona paterna, & postquàm factus immortalis, & gloriosus de ea amplius non curabit. Boni etiam filij est magis uelle, quòd mater honoretur, quàm ipse. Tam bonus filius fuit Christus, quòd corpus matris in præsentì uita ualde honorauit, quia de eius utero carnem suscepit, sigillum uirginitatis in ea seruauit, sibi semper subditus fuit. Qui igitur tantum matrem honorauit in terris, nunquid eam desepxit honorare in cælis Boni etiam filij est uelle, ut magis seruiatur matri, quàm sibi. Olim datæ fuerant duæ sententiæ à Deo. Vna communiter homini, & mulieri. Puluis es, & in puluerem reuerteris. Alia tantum mulieri. In dolore paries filios tuos. Christus igitur exceptus fuit à prima sententia, & matrem excepit à secunda. Ad bonitatem igitur tanti filij pertinet, quòd matrem excipiat à prima sententia, scilicet, in puluerem reuerteris, qui tantæ bonitatis fuit, quod ipsam excepit à secunda, quia non in dolore, sed in gaudio filium parturiuit.

Quartò hoc competit suæ potentia. De hoc sic dicit August. Si in potestate Dei est de sanctorum capite capillum non perire, est & matrem suam in anima, & in corpore integram posse seruare. Quod si nullus fidelium dubitet hoc eum posse, cur dubitandum est etiam hoc eum uelle? Ionam in uentre cæti præter naturalem usum seruauit incorruptum sola misericordia. Mariam corruptam præter naturam non seruauit gratia, Seruatus est Daniel in intemperatissima fame le-

Sermo XVI.

num, & non est seruāda Maria tot dorata meritis dignitatū?
Quam ergo in uita præ cæteris gratia sui conceptus hono-
rauit, credere pium est, quòd eam in morte singulari saluatio-
ne, & gratia speciali honorauit. Potuit enim & à puluere, &
à putredine alienam facere, qui ex aliena nascens potuit
virginem relinquere. Postquam autem Augustinus ista mul-
tis rationibus ostendit in fine sic concludit. Si ergo dixi, ut
debui, approba Christe, obsecro tu, & tui. Si ergo non dixi, ut
debui, ignosce tu, & tui.

PER SALVATIONEM ANGELICAM
*probatur Beata Virgo habuisse gradus omnes
spirituales. Sermo XVI.*

AVE Maria gratia plena Dominus tecum, &c. Sicut
dicit Bernar. in quodam sermone, ista saluatio in se-
cretario trinitatis Dei facta est, & digito Dei scripta.
Et cum in consistorio cœlestis palatij a notatione di-
uinæ maiestatis sumpsisset originem, uni de fortissimis pala-
tij ad deferendum est data, scilicet, Gabrieli, qui Dei fortitu-
do interpretatur. Mittitur itaque Gabriel angelus, & egredi-
tur de Rege ad reginam, de Imperatore ad imperatricem, de
ciuibus cœli ad dominam palatij. In ista igitur saluatione
angelica datur intelligi, quòd beata virgo habuit omnes gra-
tias spirituales, quas cæteræ mulieres habere desiderant tem-
poraliter. Desiderant enim habere pulchritudinem, nobilita-
tem, diuitiarum ubertatem, sponsum pulchrum, & nobilem,
famam celebrem, & nobilem prolem.

Primò igitur Virgo beata habuit magnam pulchritudi-
nem. Tunc autem anima est pulchra, quando est sine pecca-
ti macula, & illud notatur cum dicitur. Ave, id est, sine ve
aliquius peccati, siue originalis, siue mortalis, siue uenialis. Ideo
sponsus eam alloquitur dicens. Can. 4. Tota pulchra es ami-
ca mea, & macula non est in te. Ipsa enim fuit pulchra, quia
sine peccato originali. Fuit tota pulchra, quia sine pecca-
to mortali. Et fuit Dei amica, quia tota pulchra amore
cœlesti,

Secundò habuit magnam nobilitatē . Ideo dicitur Maria, quæ interpretatur domina . Est autem triplex nobilitas, scilicet, originalis, moris , & uirtutis . Ista triplici nobilitate ipsa prædicta fuit .

Primò nobilitate originis, quia de stirpe regali progenita . Vnde cantat ecclesia . Regali ex progenie Maria, &c .

Secundò nobilitate moris, quia fuit morum honestate præ clara . Vnde Amb. in lib. de virginibus loquens de ea ait . Hinc sumatis exempla uiuendi, ubi tanquam in exemplari magistra expressè probitatis, quod corrigere, quid effugere, quid tenere debeatis, ostenditur .

Tertiò nobilitate uirtutis, quia omni uirtute fuit repleta . Eccl. 24 . In me omnis gratia uitæ , & ueritatis, in me omnis spes uitæ, & uirtutis . P'sal . Astitit regina à dextris tuis . Ecce nobilitas . In uestitu deaurato, scilicet, in corpore morum honestate præclaro . Ecce nobilitas moris . Circundata uarietate, idest uirtutum multiplicitate . Ecce nobilitas uirtutis .

Tertiò habuit spiritualium diuitiarum ubertatem . Ideo dicitur gratia plena . Prouerb. ultim . Multæ filia congregauerunt diuitias , tu supergressa es uniuerfas . Verè supergressa, quia cum cæteræ habeant aliquam mensuram gratiæ , easq; cæteræ habuerunt particulariter, ista habuit uniuersaliter . . Sicut enim secundum philosophum ea , quæ sparsa sunt in animalibus per naturam, collecta sunt in hominibus per rationem, ut simplicitas in columba, benignitas in agno, liberalitas in leone, ita omnes gratiæ, quæ alijs sunt datæ, in Maria simul fuerunt collectæ . Hieronymus . Verè gratia plena , quia cæteræ per partes, in Maria autem se tota infundit gratiæ plenitudo . Idem . Talibus decebat virginem oppignorari uirtutibus, ut esset gratia plena, quæ dedit cælis gloriā, terris Deum, pacemque refundit, gentibus fidem, uitjs finē, uitæ ordinem , moribus disciplinam . Verè supergressa, quia non tantum habuit plenitudinem gratiæ ad sufficientiam, sicut habent omnes sancti, non tantum abundantiam, sicut habuerunt apostoli, sed etiam habuit ad superfluentiam . Vnde ipsa dicit Eccl. 24 . In plenitudine sanctorum detentio mea . Bernar . Legimus Stephanum plenum Spiritu sancto . Apo-

Sermo XVII.

Rolos plenos Spiritu sancto, sed longè, & dissimiliter à Maria, quia nec in illo habitauit corporaliter diuinitatis plenitudo, nec illi conceperunt de Spiritu sancto. De eius superfluentia dicit Bern. De eius plenitudine capiunt uniuersi, scilicet, egri curationem, tristes consolationem, peccatores ueniam, iusti gratiam, angeli lætitiā, filius hominis humanæ carnis substantiam, tota trinitas gloriam.

Quartò habuit sponsum nobilem, ideo dicitur, Dominus tecum. s. dominus pater, qui eam suo filio desponsauit. Dominus filius, qui de ea carnem suscepit, Dominus spiritus sanctus, qui eius conceptus operatus fuit. Et sic pater quantæ sit potentia, cum qua est pater, quantæ si sapiētiæ, cum qua est filius, quantæ sit clementia, & misericordia, cum qua est spiritus sanctus. Et sic saluare, & adinuare nos potest, quia in ea est patris potentia. Scit & nouit, quia in ea est filij sapientia. Et vult, quia in ea est spiritus sancti clementia. Ber. Dominus tecum. Non solum filius quem carne induis, sed etiam spiritus sanctus, de quo cōcepis, & ipse pater qui genuit, quē concipis. Parer inquam tecum, qui suum filium facit, & tuū. Filius tecum, qui ad comedendum in te mirabile sacramentum miro modo, & sibi reservat genitale secretum, & tibi seruat integrum virginale signaculum. Spiritus sanctus, qui est tecum, qui cum patre, & filio tuum sanctificauit uterum.

Quintò habuit famam celebrem, ideo dicitur. Benedicta tu in mulieribus. Ipsa etiam ait. Ecce enim ex hoc beatā me dicens omnes generationes, quia omnes coniugatae propter prolem, quā habuit. Omnes viduæ propter viduitatem, quā post mortem Ioseph seruauit. Omnes virgines, quia integritatem mentis, & corporis habuit. Vel potest dici, quod ipsa fuit famosa Deo per humilitatem, per quam Deum ad terrā traxit. Aug. Facta est humilitas scala cœlestis, per quā Deus ad terram descendit. Fuit famosa angelis per virginitatem, Hieronymus. Bene angelus ad virginem mittitur, quia semper est angelus cognata virginitas. Fuit famosa hominibus p fœcunditatem, quia nobis edidit saluatorem. De his tribus dicitur Iudith. 15. Tu gloria Hierusalem, idest Dei, in quo est gloria, & visio nostræ pacis. Tu lætitia Israel, idest angelorum,

lorum, qui semper vident faciem patris. Tu honorificentia populi nostri, idest totius generis humani. Et sequitur, quia fecisti uiliter, quia, scilicet, Deum per tuam humilitatē ad terram traxisti. Et confortatum est cor tuum, quia per tuam fecunditatem salutem humano generi meruisti. Eo quod castitatem amaueris, & ideo te per virginitatem angelis sociasti. Bern. Bene gratia plena, quia Deo angelis, & hominibus grata. Deo per humilitatem, angelis per virginitatem, hominibus per fecunditatem.

Sexto habuit nobilem prolem, ideo dicitur. Benedictus fructus uentris tui. De ista benedictione fructus dicitur Gen. 27. in benedictione facta Iacob. Det tibi Deus de rore cœli, & de pinguedine terræ, abundantiam frumenti, vini, & olei. Et in Psal. dicitur. A fructu frumenti, uini, & olei, &c. In isto igitur fructu beatæ virginis sunt tria, scilicet, caro, quæ signatur per frumentum, quæ fuit mortua in passione, sed pullula lauit in resurrectione, & multum fructum attulit in spiritus sancti missione. Io. 12. Nisi granum, frumenti cadens in terra mortuum fuerit. Per oleum intelligitur anima eius, quæ oleo spiritus sancti fuit totaliter puncta. Psalm. Vixit te Deus, Deus tuus oleo lætitiæ præ consortibus tuis. Per uinum, quod lætificat cor hominis intelligitur eius diuinitas, in cuius uisione consistit gaudium, & iubilus omnium sanctorum. Iob. 33. Videbis faciem eius in iubilo.

QUIBUS RATIONIBUS BEATA VIRGO

cœli imperatrix, & augusta dicatur.

111. Sermo XVII.

AUGUSTA, & Imperatrix cœli est Maria ratione propinquitatis, dignitatis, potestatis, & auctoritatis. Primo enim dicitur augusta, & imperatrix ratione propinquitatis, quæ tanta est inter ipsam, & cœlestem imperatorem, quod ipsa est mater eius, sponsa eius, & filia eius. Quod enim ipsa sit mater, & filia eius dicitur in Psal. Homo natus est in ea. Ecce quod ipsa est mater eius. Et ipse fundauit eam altissimus. Ecce quia ipsa filia est, & creatura eius.

C 2 Quomodo

Sermo XVII.

Quomodo sit sponsa eius dicitur Ioā. 3. Qui habet sponsam sponsus est. Quia igitur est mater imperatoris cœlestis, ideo super ipsum maternæ auctoritatis imperium habet, & potest sibi tanquam mater filio imperare. Hoc significatum est 3. Reg. 2. ubi mater Salomon dixit ei. Petitionem unam peto à te, ne confundas faciem meam. Tunc enim faciem suam confunderet, quando illud, quod peteret denegaret. Ideo rex sibi respondit. Pete mater misericordiæ, neque enim fas est, ut auertā faciem meam. Quia ipsa est filia eius, ideo ipse ad eam habet paternum affectum. Psal. Audi filia, & uide, & inclina, &c. usque Deus tuus. Quia uero est sponsa eius, idest ad ipsā habet amorem sincerum. Sap. 8. Hanc amavi, & exquisiui à iuuentute mea, & quesui eam mihi sponsam assumere, & amator factus sum formæ illius. Rectè igitur in cœlesti palatio, ipsa est domina, & augusta, quæ ipsius imperatoris meruit esse mater, sponsa, & filia.

Secundò dicitur augusta, & imperatrix ratione dignitatis. De cuius dignitate dicitur in Psalm. Astitit regina à dextris tuis in uestitu deaurato circumdata uarietate, ubi eius dignitas denotatur quantum ad tria.

Primò quantum ad locum, cum dicitur. Astitit regina à dextris tuis. Istud figuratum fuit tertio Reg. secundo, ubi dicitur. Positus est thronus matris eius, quæ sedet à dextris eius.

Secundò quārum ad habitum cum dicitur in uestitu deaurato. Apoc. 19. c. Vxor agni præparauit se, & datum ei, ut cooperiat se byssino splendenti, & candido. Prouer. ult. Byssus, & purpura indumentum eius.

Tertiò quantum ad obsequium famulorum cum dicitur. Circundata uarietate, idest angelorum, & sanctorum uniuersitate. Omnes enim angeli, & sancti, sibi tanquam dominę, & augustę humiliter famulantur. De famulatu angelorum dicit sanctus Gerandus episcopus, & martyr in suis homelijs. Solus Dominus Iesus Christus potest eam magnificare, qui quemadmodum fecit, ut ab ipsa maiestate continuè laudem accipiat, & honorem angelicis stipata choris. Archangelicis uallata thronis. Thronorum hincinde possessa iubilationibus.

bus. Dominationum circumdata irpudijs. Principatuum circumscripta obsequijs. Potestatum amplexa plausibus. Virtutum citata honoribus. Cherubin circumstantia in purificationibus. Seraphin undique possessa ineffabilibus cantationibus. Qualiter autem ceteri sancti eidem famulantur dicit idem ibidem. Apostolorum splendidissimus, ordo ineffabili laude ipsam extollit; Martyrum exercitus omnimodè supplicat domine tantę. Confessorum multitudine innumerabile continuum sibi personat canticum. Virginum candidissima concio iugem choream ad suam celebrat gloriam. Deinde subdit. Inuite etiam sibi infernus ululat, & procacissimi dæmones conclamant.

Tertiò dicitur augusta, & imperatrix ratione imperij, & potestatis. Ipsa enim tanquam domina, & augusta angelos in ministerium mittit, & eis secreta palatij committit. Dæmones uero tanquam proditores, de cœlesti palatio expellit. Quod enim angelos mittat, & sibi secreta palatij committat, dicit Bernar. in quodam sermone. Persuadit immo nos compellit celsitudo tua credere, ut in regno filij beatissima Virgo Maria imperio se principes, quòd per angelorum ministeria, tuis sæpe deuotis subuenias. Si angelus angelum mittit, confidenter credere debet Christiana deuotio, quòd imperatrix angelorum tanto magis habet angelos ad obsequium, quanto differentius præ illis nomen hæreditauit. Si enim Iosue Rex Israel iussu solem stare, quomodo non omnia sydera ad nutum gloriosè imperatricis discurrant. Deinde subdit, Si Cherubin, & Seraphin de fonte bibentes inferioribus angelis quædam archana reuelant, quanto magis Gloriosa Virgo de occultis filij amplexus eius degustata mysteria angelis copiosius effundit. Quod uero dæmones tanquam palatij proditores expellat dicit Fulbertus Carnocensis Episcopus. Maria mater misericordiæ materna dignitate facta est, & erga superos imperiosa, secundum charitatem, & super inferos per districtiōem, ubique imperiosa, ubique magnifica, cui certè proprium est, & angelos sanctos in ministerium mittere, & ad beneplacitum suorum inferiorum pacta celsare.

Sermo XVI.

Quartò dicitur augusta, & impetratrix ratione auctoritatis. Tātam enim habet auctoritatem in cœlesti palatio, quòd omnibus alijs sanctis inter medijs omiſſis ad ipsam licet ab omni grauiamine appellare tanquam ad dominam, & augustam. Siue quis grauetur à corpore proprio, siue à diabolo, siue etiam ab ipso Deo. Siquis enim grauatur à diabolo ad ipsam appellare potest, sicut ad dominam, & augustam, sicut fecit Theophilus, qui ab episcopo suo à uice dominatu depositus in tantam desperationem cecidit, quòd diaboli seruum se fecit, & de sua seruitute manu propria Cyrographum cōscripsit, & diabolo tradidit. Postmodum ad cor suum rediens, & pœnitens ad dominam, & augustam appellauit, & ipsa totum irritum fecit, & diabolo Cyrographum Theophilo reddere præcepit, & sic ipsum in statum pristinum restituit, & gratiam, & ueniam promeruit. Secundò licet appellare ad ipsam si quis grauatur à tyranno. Istud pater in beato Basilio episcopo, cui cum Iulianus apostata ad prælium uadens minatus fuisset, quòd in reditu suo ciuitatem destrueret, sanctus Basilius ad dominam, & augustam appellauit. Quæ quendā militem Mercurium nomine, iam defunctum suscitauit. Qui super equum conscendens, & ad Iulianum pergens, & lanceam fortiter vibrans ipsum occidit. Ideo dicit sanctus Philiberrus. Veniāt ad beatam Mariam iusti effectum celerem pcepturi, ueniant, & peccatores cum Theophilo desideratam misericordiam adepturi. Tertiò licet ad ipsam appellare si quis grauatur à corpore proprio. Exemplū istud patet in Maria Aegyptiaca, quæ multo tempore carnali concupiscentiæ deseruiuit, sed tandem ad dominam, & augustam confugit, & ipsam appellauit, & sic concupiscentiam uicit, & castitatē seruauit. Refert etiam sanctus Hugo Cluniacensis Abbas, quod quidam ad sanctum Iacobum pergeret, & in fornicationem cecidisset, diabolus in forma sancti Iacobi sibi apparuit, ei que dixit, quòd ueniam consequi non posset nisi genitalia sibi abscideret, & seipsum occideret, quod cum fecisset, & demones eius animam ad infernum traheret, sanctus Iacobus ei obuiauit, & ad dominam, & augustam appellauit. Quæ iudicauit, & sententiā dedit, ut anima illius ad corpus rediret,

& ibi

& ibi de peccato, quod egerat pœnitentiam ageret. Quod & factum est. Ecce quia iste fuit grauatus à corpore proprio dū fornicationem est lapsus, sed tamen à domina, & augusta fuit adiutus. Quartò licet ad ipsam appellare si quis à iustitia Dei sentit se grauari. Hoc significatum est Hester. 5. Cum rex Assuerus cum Iudæis esset iratus regina Hester ad eum placā dum accessit. Cui rex dixit. Etiam si dimidiam partem regni mei petieris dabo tibi. Ista est Virgo Maria, cum qua regnū suum diuisit. Cum enim Deus habeat iustitiam, & misericordiam, iustitiam sibi retinuit, & matri misericordiam cōcessit. Et ideo si quis sentit se grauari à foro iustitiæ, appellet ad forum misericordiæ matris Dei. Hebr. 4. c. Adeamus cum fiducia ad thronum gratiæ, ut misericordiam consequamur, & gratiam inueniamus in auxilio opportuno. Thronus Dei est mater Dei, in quo ipse nouem mensibus sedit, & est thronus gratiæ, & misericordiæ, quia omnes gratias, & misericordias sibi fiedas commisit. Thronus autem iustitiæ est thronus Dei, de quo dicitur in Psal. Thronus tuus Deus in sæculum sæculi, &c. Siquis igitur grauatur à throno diuinæ iustitiæ appellet ad thronum misericordiæ Domine, & augustæ.

CAVSÆ QUATVOR RECENSENTVR.

quibus Beata Virgo uocatur aurora.

Sermo XVIII.

AURORA dicitur Virgo Maria, iuxta illud Cant. 6. Quæ est ista, quæ progreditur quasi aurora confurgens, &c. Comparatur autem auroræ quatuor de causis :

Prima quātū sumitur ex parte sui, & hoc propter fecunditatem, virginitatem, & suauitatem. Sicut enim ros in auro ra descendens, & Conchas marinas fecundat, & Margaritas in eis gignit, sic ros spiritus sancti in eam superueniens eam fecundauit, & Christi conceptum fecit. Et sicut ros in auro ra descendens super herbas eas in vi rore custodit, sic filius Dei eius uterum in virorem suæ virginitatis conseruauit, unde cantat ecclesia. Descendit in uterum virginis, sicut ros sup

gramen. Et sicut māna in aurora descendebat, sic & tota dulcedo cœlestis in eius uterum descendit, & postea in natiuitate per totum mundum sparsum fuit, vnde cantat ecclesia. Hodie per totum mundum mellisui facti sunt cœli.

Secunda ratio sumitur ex parte dæmonum quos ipsa in fugam vertit. Iob. 24. dicitur de latronibus, idest dæmonibus, Si subito apparuerit aurora, idest Virgo Maria, arbitrantur umbra mortis, idest fugiunt tanquam insani.

Secundò eos in profundum inferni demersit. Hoc significatum est Exod. 24. Quod adueniente aurora, siue vigilia matutina submersus est in profundum totus exercitus Pharaonis.

Tertiò omnia opera tenebrarum diaboli fugauit: Sicut enim aurora tenebras expellit, & lucem adducit, sic & ipsa omnia opera tenebrarum expellit, & lucem adducit gratiæ ita ut modo possimus dicere. Nox præcessit, dies autem appropinquauit.

Tertia ratio sumitur ex parte angelorum, quos ipsa lætificat. Sicut enim in aurora aues cantum resumunt, sic in ortu istius aurore angeli lætificati fuerunt, intantum, quòd ipsi angeli, qui prius nolebant nos illuminare, purgare, & perficere, postmodum adueniente ista aurora ceperunt nos disporre ad illuminationem gratiæ, purgationem culpæ, & perfectionem gloriæ. Ista tria signantur Gen. 22. Nam cum angelus dixisset ad Iacob. Dimitte me, aurora est, eum dimittere noluit donec tria beneficia ab eo affectus est, scilicet, purgationem suæ affectiue, quod notatur in eo, quod dicitur, quod emarcuit neruus femoris eius. Illuminationem intellectuè, quod notatur per hoc, quòd imposuit sibi nomen Israel, idest vir videns Deum. Et perfectionem gloriæ, quod notatur per hoc, quòd benedictionem ab eo obtinuit, illam, scilicet, de qua dicitur Ephe. 1. Benedixit nos omni benedictione in cœlestibus.

Quarta ratio sumitur ex parte hominum, quos ipsa confortauit. Prius enim infestabantur homines multiplici tentatione. Impediebantur à bono opere, & retrahebantur à finali consumatione, sed in aduentu istius aurore omnia ista cessauerunt.

uerunt. Psal. Ortus est Sol, idest beata Virgo nata est, & congregata sunt dæmones, scilicet, in cubilibus suis collocabuntur, idest in inferno. Ecce tentationum cessatio. Exibit homo ad opus suum. Ecce ad bene operandum expeditio Et ad operationem suam vsque ad uesperam. Ecce ad bene operandū perseuerancia, & finalis consumatio,

Nota autem, quòd aurora, & diluculo idem sunt, scilicet, aer primo illuminatus, sed tamen diluculum à luce, aurora uero ab aere nomen traxit. Per diluculum igitur Christus, per auroram uerò Virgo beata intelligitur. Iob. 38. Nunquid post ortum tuum præcepisti diluculo, & ostendisti auroræ locum eius. Lux de se secundum Dionysium est inuisibilis nisi incorporetur. Vnde adueniente ad nostrum emispectrum luce solari grossiori aere incorporatur, & sic diluculum, & aurora efficitur. Deus igitur qui de se est lux inaccessibilis, de se erat inuisibilis, sed adueniēte ad nostram habitationem grossiori materiæ, idest naturæ humanæ se uniuit, & sic diluculum fecit, quando scilicet uerbum caro factum est, & habitauit in nobis. Ipsa etiam lux in utero virginis se posuit, & sic auroram fecit. Deus igitur diluculo præcepit quando filium suum, qui est uera lux incarnari constituit. Auroræ uerò locum suum ostendit, quando in beata Maria habitationem elegit, iuxta illud psalm. Elegit eam in habitationem sibi.

BEATA VIRGO BALSAMVM

potest dici pluribus proprietatibus.

Sermo XIX.

BALSAMVM signat Virginem Mariam. Est autem balsamum arbor, siue frutex duorum cubitorum in quantitate., similis uiti in stipite, in folijs uerò similis ruiæ. Olim enim in uincis Engadmi nascebatur, sed facta captiuitate Iudæorum translatae sunt plantæ illæ in Ægyptum, & in quodam campo plantatae, ubi sunt septem fontes. In uno quorum fontium B. Virgo dum in Ægyptum fugeret, dī puerum balneasse. Sicut autem dicit glōsa Eccl. 24, Oīa quæ sunt in balsamo

Sermo IXX.

balsamo uirtuosa sunt, scilicet lignum fructus, & liquor. Lignum quidem est uirtuosum, & fructuosum. Fructus uirtuosissimus, & liquor fructuosus, & suauissimus. Et ideo bene per balsamum beata uirgo significatur, quia omnia, quæ in ipsa fuerunt fructuosa, uirtuosa, & fructifera extiterunt, scilicet, lignum, idest corpus uirgineum, quod intantum fuit fructuosum, quod Deum traxit in suum uterum. Cant. 3. Dum esset rex in accubitu suo nardus mea dedit odorem suum. Nardus est herba aromatica, & nigra, de qua preciosam conficitur unguentum. Eius quidem corpus fuit aromaticum per odorem puritatis. Eccl. 24. Sicut cinnamomum, & balsamum aromatizans odorem dedi. Sed habuit nigredinem humilitatis. Cantorum. i. Nigra sum, sed formosa filia Hierusalem. Et plena fuit unguentis omnium gratiarum. Can. 2. Trahe me post te in odorem unguentorum tuorum.

Secundò fructus balsami est preciosus. Est autem eius fructus in colore rubicundus, in odore aromaticus, & intus uideatur esse melleus, & significat fructum uirginis benedictum, scilicet Iesum Christum, in quo fuerunt tres substantia, scilicet, caro, quæ fuit in passione rubicunda. Isa. 63. Quare rubrum est indumentum tuum, &c. Anima, quæ fuit aromatica, idest odore omnium uirtutum fuit repleta. Cant. 3. Sicut uirgula fumi ex aromatibus. Et diuinitas, quæ est dulcedo, & suauitas nostra. Eccle. 24. Spiritus meus super mel dulcis, &c.

Tertiò est in balsamo liquor preciosus. Rami enim inciduntur, & inde stilat liquor balsami miri odoris. Et iste odor fuit in Virgine Gloriosa, quæ dicit Eccl. 24. Balsamum non mixtum odor meus. Et potest intelligi iste odor, uel de odore uteri uirginalis, uel de odore suo sanctitatis. Quando enim Virgo beata habebat in utero Christo, tunc ibi habebat balsamum, & ideo fuit odor balsami non mixti. Ibi nulla fuit commixtio, uel materia, quia natura diuina, & humana non fuerunt mixta, sed unita. Vnde cantat ecclesia, Quod fuit permansit, & quod non erat assumpsit, non commixtionem passus neque diuisionem. Nec fuit ibi commixtio seminum, quia Virgo non concepit humano semine, sed mystico spiramine. Nec fuit ibi commixtio uirtuosa per aliquod originale pec-

eatum. In alijs enim pueris peccatum originale admiscetur in conceptu, sed non in ortu, quia fuit cum originali concepta, sed sine peccato nata. In Christo autem non fuit mixtio, nec in conceptu, nec in ortu, quia sine peccato fuit conceptus, & natus. Quauis ibi non fuerit aliqua mixtio, & tamen ibi fuit triplex coniunctio, Nam sicut dicit Bernar. Coniuncta adinuicem sunt Deus, & homo, mater & virgo, fides & cor humanum. Vel istud quod dicitur. Quasi balsamum non mixtum odor meus, potest intelligi de odore suae sanctitatis. Balsamo quidem miscetur aliquando mel, aliquando oleum, & sic sophisticatur, & corrumpitur. Multi sunt qui admixti sunt melli carnis delectationis, & qui habent tantum oleum exterioris nitoris, & ideo sunt balsamum sophisticum. Beata autem virgo fuit balsamum non mixtum, quia non dilexit mel carnis delectationis, quia conseruauit integerrimam virginitatem, nec habuit tantum oleum exterioris nitoris, sed dilexit interiorem sanctitatem, iuxta illud Psal. Omnis gloria eius filiae regis abintus in fimbrijs aureis. Balsamum autem uerum non mixtum à balsamo mixto, & sanctificato per quatuor signa cognoscitur, per quae etiam Virgo beata balsamum uerum, & non mixtum esse comprobatur.

Primum signum est, quia balsamum purum si ponitur in panno, uel in ueste linea non maculat, nec inficit, si autem est mixtum, statim per maculas se diffundit. Pulchritudo mulieris, saepe aspicientem commaculat, iuxta illud Eccle. 4. Per speciem mulieris multi perierunt. Pulchritudo autem uirginis gloriose nullum aspicientem maculabat, sed potius abstergebat maculas. Quauis enim pulcherrima fuerit à nullo tamen nunquam potuit concupisci, quia odore suae sanctitatis corda penetrabit, & motus illicitos exstinguebat.

Secundum signum est si balsamum purum ponatur, in aqua statim fundum petit, & ibi quiescit. Si autem est balsamum mixtum statim superenatat. Aqua est fluxus mundanarum deliciarum, diuitiarum, & honorum, in qua aqua si aliqui ponuntur mox superenataant, idest per superbiam efferuntur. Virgo autem beata in maximo honore posita, se non extulit, sed mox fundum humilitatis petijt dicens. Ecce ancilla domini.

Tertium

Sermo X I X.

Tertium signum est, quia si balsamum purum ponatur in lacte statim coagulatur. Balsamum verò mixtum in ipso lacte diffunditur. Beata virgo est mons ille, de quo dicitur in Psal. Mons coagulatus, mons pinguis. Est enim quoddam lac liquidum, quoddam coagulatum, quoddam pingue. Cæteri autem sancti fuerunt lac liquidum, quia aut à Dei gratia aliquando effulserunt, aut effluere potuerunt. Heb. 2. Oportet nos observare ea, quæ audimus, ne fortè effluamus. Apostoli verò post aduentum spiritus sancti fuerunt quasi lac coagulatum, quia fuerunt in gratia solidati, & confortati, unde catur de eis. Et sicut lac coagulati sunt. Virgo igitur beata nunquam fuit lac liquidum, quia nunquam effluxit, nec effluere potuit, sed fuit mons coagulatus, & mons pinguis. Fuit enim mons propter altitudinem, & coagulatus propter gratiæ confirmationem, & pinguis propter spiritus sancti repletionem.

Quartum signum est, quia balsamum uerum si in manu teneatur, & radio solis exponatur, statim ignoscit, & calefcit, ita ut uix in manu teneri possit. Balsamum autem mixtum nihil horum facit. Radius solaris est uirtus spiritus sancti, qui illud balsamum, scilicet, virginis animum sic illustrauit, quòd ipsum ignitum totum, & feruidum fecit, immò ut amplius dicamus ipse radius solaris conuertit eam in solem, sicut habetur Apoc. 12. Quod ipsa erat sole amicta, sole, idest in radium diuini amoris, & gratiæ tota conuersa.

*GENERATIONES QUAE SINT A QUIBUS
dicta est Beata ipsa Virgo. Sermo X X.*

BEATA prædicatur Virgo Maria ab omnibus generationibus, iuxta illud Luc. 1. Beatam me dicent omnes generationes. Sunt autem generationes cœli, & terræ. Generationes cœli comprehenduntur in nouè ordinibus, qui omnes dicunt eam beatam, scilicet, Seraphin, quia fuit igne diuini amoris totaliter accensa, Cherubin, quia fuit splendore diuinæ cognitionis totaliter illustrata. Throni, quia fuit totaliter mente deuota, tranquilla, & quieta.

Domina-

Dominationes, quia corpori suo, & omnibus uitijs plenè dominata fuit. Potestates, quia potentiam dæmonum refrenauit. Virtutes, quia gloria miraculorum illustrata fuit. Principatus, quia de omnibus regnis provincijs magnam habet prouidentiam. Angeli, quia de omnibus hominibus, & singularibus personis magnam habet curam.

Generationes autem terræ consistunt in sex ordinibus sanctorum, qui omnes dicunt eam beatam ex ea, quòd omnes virtutes, quas ipsi habuerunt particulariter ipsa habuit universaliter, & magis excellenter. Nam in ea fuit fides Patriarcharum. Spiritus Prophetarum. Zelus Apostolorum. Constantia Martyrum. Sobrietas Confessorum. Et puritas Virginum, siue castitas. Vel dici potest, quòd sunt tres generationes. Vna purè spiritualium. Secunda purè corporalium. Tertia ex utraque composita, idest hominum. Prima generatio dicit eam beatam, quia genuit suum restauratorem. Secunda, quia genuit suum redemptorem. Tertia, quia genuit utriusque naturæ angelicæ, scilicet, & humanæ reparatorum. Vel dici potest, quòd secundum August. & Anselmum quatuor sunt generationes hominum. Vna est sine uiro, & fœmina, sicut Adam. Secunda de uiro, & sine fœmina, sicut Eua. Tertia est de uiro, & fœmina, sicut nos omnes generamur. Quarta est de fœmina sine uiro, sicut Christus generatus fuit. Bene igitur beatam Virginem beatam dicunt omnes generationes, quia tres primæ generationes beatificant, & glorificant, quartam generationem virginis ex eo, quòd per illam omnes ad cœlestem patriam reuertuntur, unde in primo parente fuerant expulsi, quod signatum est Gene. 25. ubi Deus dixit Abraham, quòd semen suum debebat esse peregrinum in Ægyptum usque ad quartam generationem. Generatione autem quarta, inquit, Dominus reuertetur huc.

Qualiter autem tres generationes debent eam dicere beatam dicit Ber. Letare Pater Adā, sed tu magis exulta ò Eua, quia sicut oīum parentes, sic omnium fuistis peremptores, & qđ infelicius est prius perēptores, q̃ parentes, propterea curre ò Eua ad Mariā, curre mater ad filiā, filia pro matre rñdeat,

Sermo XX.

Illā obprobrium auferat matris, ipsa pro patre mater satisficiat, quoniam si uir cecidit per foeminam, iam non erigitur, nisi per foeminam. Item currite nunc matres, & filiae, currite omnes, quæ post Euam parturimini, & parturitis cum tristitia. Adite virginalē thalamum, adite si potestis sororis uestre pudicū cubiculum. Vel potest dici, q̄ est una generatio in cœlo, scilicet, generatio angelorum. Alia erat in inferno, scilicet, generatio patrum. Tertia est in purgatorio, scilicet, generatio purgandorum. Quarta est in mundo, scilicet, generatio fidelium. Omnes istę generationes ipsam beatificant. Nam angeli per ipsam in numero reparantur, patres de infernali carcere liberantur, purgandi de purgatorio eripiuntur, fideles per ipsam saluantur. Ber. Ecce enim inquit Maria ex hoc beatam me dicent omnes generationes. Ecce intuentis, & demonstrantis est uerbum, Ac si dicat, Ecce iam uideo qđ futurum sit de me, quis fructus procedat ex me. Quot & quāta bona non mihi, sed omnibus generationibus proueniunt ex me. Nam & generatio angelica, per meum generatum reintegrabitur, & hominum generatio in Adam maledicta p̄ benedictum fructum uentris mei ad æternam benedictionem regenerabitur,

INTER MULIERES BENEDICTA QUOMODO *Beata Virgo prædicatur.* Sermo XXI.

BENEDICTA fuit Virgo Maria inter mulieres, in mulieribus, & super mulieres. De prima benedictione dicitur Luc. 1. Benedicta tu inter mulieres. De secunda ibidem. Benedicta tu in mulieribus. De tertia dicitur in figura Iudith, 13. Benedicta tu à Domino Deo excelso, p̄r omnibus mulieribus super terram. Ista autē triplex benedictio taliter accipi potest.

Prima enim, quā dicitur benedicta tu inter mulieres, accipitur p̄cenes statum, quia ipsa conuenit cum statu omnium mulierum, scilicet, cum virginibus, quia ipsa fuit uirgo incorrupta. Cum coniugatis, quia ipsa fuit coniugio copulata. Cum uiduis, quia ipsa fuit uidua derelicta. Si enim tem-

pore

pore passionis Ioseph sponsus suus uixisset, non est uerissimile, quod eam alteri recommendasset iam facta quiaquagenaria, quam recommendauit iuenculam. Propter hunc triplicem statum, potest sibi conuenire illud Eccl. 24. In Iacob inhabitata, idest in coniugatis, qui sunt in luctu mundanæ tribulationis. In Israel hæreditare, idest in uiduis, quæ debent Deum cõtemplando in orationibus uidere, Et in electis meis mitte radices, idest in uirginibus, quas Deus elegit, ut sibi ministrarent propter suam munditiã, iuxta illud Psal. Ambulās in uia immaculata hic mihi ministrabat.

Secunda benedictio, qua dicitur. Benedicta tu in mulieribus, accipitur penes fructum suum, siue meritum. Ipsa enim habuit fructum, & meritum omnium fœminarum. Habuit enim fructum tricesimum, qui debetur coniugatis. Fructum sexagesimum, qui debetur uiduis. Et fructum centesimum, qui debetur uirginibus. Ipsa enim fuit in domo Dei sicut lapis angularis, qui est in uno quoque pariete, non tantum totus in uno, nec totus in altero, sed eminet toti edificio. Sic beata Virgo Maria fuit in numero omnium martyrum, quo ad fœcunditatem. In numero uiduarum, quo ad sponsi subtractionem. In numero uirginum, quo ad incorruptionem, & tamen nec ex toro fuit in pariete matrum, quia fuit incorrupta, nec ex toto in pariete uiduarum, quia semper fuit cœlesti sponso associata, nec ex tota in pariete uirginum, quia fuit fœcunda. Quauis autem sic fuerit in istis parietibus, tamen eminet uniuersis.

Tertia benedictio, qua dicitur benedicta tu super omnes mulieres, accipitur penes quoddam singulare priuilegium, quod ipsa habet respectu omnium mulierum, scilicet, uirginum, uiduarum, & coniugatarum, quia quicquid in eis boni fuit in ipsa fuit, quicquid uero mali ipsa uitauit. In uirginitate enim est unum bonum, scilicet, integritas carnis, & unum malum, scilicet, sterilitas prolis. Similiter in uiduitate est unum bonum, scilicet, libertas animi, & unum malum, scilicet, sollicitudo consortij. Similiter in coniugio est unum bonum, scilicet, fœcunditas prolis, & unum malum, scilicet, corruptio carnis. Beata autem uirgo Maria fuit uirgo sine sterili-

Sermo XXI.

sterilitate, vidua sine sollicitudine, & coniugata sine corruptione. Vel fuit benedicta super omnes mulieres, idest super virgines, viduas, & coniugatas. Fuit enim benedicta super virgines in prioritate, quia primo virginitatem seruauit. In puritate, quam post Deum maiorem non habuit. In fecunditate, quia mater, & virgo fuit. Fuit benedicta super viduas, quia in orationibus fuit feruentissima. In operibus pietatis magis assidua. In castitate magis pura. Fuit benedicta super coniugatas, quia in ea fuit proles dignior, fides integrior & sacramentum, idest habitatio indiuisibilior. Aliter potest accipi ista triplex benedictio, qua dicitur, benedicta inter mulieres, in mulieribus, & super omnes mulieres.

Prima enim mulier superbiuit usque ad Deum, idest usque ad diuinitatis appetitum, contra Deum, idest contra Dei præceptum, & supra Deum, in hoc, scilicet, quod uoluit illud quod noluit eam uelle Deus, & ideo uoluntatem suam super uoluntatem Dei posuit. Et quia sic superbiuit ideo maledicta fuit. Beata autem Maria se humiliauit usque ad mulieres per conformitatem, quia tanquam una illarum se eis conformabat, sicut pater in sui purificatione, & ideo benedicta fuit inter mulieres. Humiliauit se non contra, sed propter mulieres, idest propter earum salutem. Nam quod Eua superbendo abstulit, humilitas Mariæ mulieribus restituit, & ideo benedicta fuit inter mulieres. Humiliauit se infra mulieres quā ancillam se nominauit, & ideo benedicta fuit super omnes mulieres, quia qui se humiliat, exaltabitur. De benedictione in mulieribus dicit Ber. Benedicta tu in mulieribus, quia generalem mulierū euasisti maledictionem, ut nec sterilis maneat, nec cum dolore parias. Concipies quippe, sed sine culpa, grauida eris, sed non grauata, paries, sed non cum tristitia, nescis uirum, & gignes filium, illius eris mater cuius Deus est pater, filius paternæ charitatis erit corona tuæ castitatis. Sapientia paterni cordis, erit fructus yteri virginalis, Deum denique paries, & de cælo concipies. De benedictione inter mulieres dicit Petrus Rauē. sup. Missus est. Verè benedicta inter mulieres, quia cælo fuit maior, fortior terra, orbe latior. Deum nanque mundus non capit. sola cepit, portauit eum, qui portat

portat orbem, suumque genuit genitorem, nutriuit omnium uiuentium nutritorem. Denique de benedictione super omnes mulieres dicit Hieronymus in sermone de assumptione. Benedicta, inquit, in mulieribus, idest plus benedicta, quam omnes mulieres, quia quicquid maledictionis per Euam diffusum est totum benedictio Mariæ abstulit, & refudit gratis. Item in alio sermone, Eua obfuit, Maria profuit, Eua luxit, Maria illuxit. Cadat imperium Euz, quia loti sumus per partum virginis Mariæ. Vel dicitur fuisse super omnes mulieres, quia triplici maledictioni olim mulieres erant subiectæ, scilicet, obprobrij, quo ad non concipientes, unde dixit Rachel Gen. 30. Abstulit dominus obprobrium meum. In dolore paries filios tuos. Sola igitur Maria super omnes mulieres est benedicta, cuius virginitati additur fecunditas, & fecunditati in conceptu sanctitas, & sanctitati in partu iocunditas.

IN CURIA COELESTI BEATA

Virgo cancellaria meritis habetur.

Sermo

XXII.

CANCELLARIA Dei est Maria in cœlesti curia. Videmus enim quod in curia domini Papæ conceduntur tria genera literarum.

Quædam sunt simplicis iustitiæ. Aliæ sunt puræ gratiæ. Tertiæ sunt mixtæ, scilicet, quæ continet iustitiam, & gratiam, Secundum istum modum Deus in curia cœlesti tres habet cancellarios. Vnus est ad quem spectat dare literas simplicis iustitiæ, & iste est Michael Archangelus, qui secundum picturarum repræsentationem animas ponderat in statera, scilicet, tam bonas, quam malas, ut bonis secundum magnitudinem meritorum, detur magnitudo præmiorum, Zach. 4. Exequabit gratiam gratiæ eius. Malus autem secundum mensuram delicti detur mensura supplicij. Apoc. 18. Quantum glorificauit se, & in delictijs fuit, tantum date ei tormentum, & luctum, ideo dicitur Prouer. 16. c. Pondus & statera iudicia domini sunt.

D

Alius

Sermo XXII.

Alius cancellarius est, ad quē spectat dare literas mixtas, iustitiæ, & misericordiæ. Et iste est beatus Petrus Apostolus, qui in palatio Dei est janitor constitutus, ubi sunt duæ portæ, scilicet, porta iustitiæ, & porta misericordiæ. Nam per portam iustitiæ ingrediuntur illi, qui saluantur ex operibus iustitiæ. Per portam misericordiæ illi, qui saluantur ex sola Dei gratia sine operibus. Istam differentiam tangit Apostolus Rom. 4. dicens. Ei autem qui operatur merces non imputatur secundum gratiam, sed secundum debitum. Ei autem qui non operatur credenti autem in eum, qui iustificat impium, reputatur eius fides ad iustitiam secundum propositum gratiæ Dei, ideo Petrus pingitur cum duabus clauibus, quia cum una aperit portam iustitiæ illis, scilicet, qui possunt dicere cum propheta. Aperite mihi portas iustitiæ, &c. Cum alia aperit portam gratiæ, & misericordiæ illis, scilicet, de quibus dicitur Ephe. 2. Gratia Dei sanctificati estis per fidem, & hoc non ex uobis; Dei enim donum est, non ex operibus nequis gloriatur.

Tertius cancellarius est, ad quem spectat dare literas puræ gratiæ, & misericordiæ. Et ista est Virgo Beata, ideo dicitur. Mater gratiæ, mater misericordiæ. Vnde refert Maurilius Rotomacensis Archiepiscopus, quod cum quidam beata Mariæ deuotus in tribulatione multa esset, beata Maria sibi apparuit, & an se recognosceret requisuit. Quo respondente, non, illa respondit. Ego sum misericordiæ mater. Deinde mater sancta, mater misericordiæ pietatis, & indulgentiæ, aperit sinum pietatis, & suscipe mortuos in peccatis. Istas autem literas misericordiæ dat tantum in præsentī, Nam animabus recedentibus quibusdam dat literas puræ gratiæ. Quibusdam dat literas simplicis iustitiæ, per quas mandat, ut fiat de eis condigna uindicta. Et quibusdam dat mixtas, scilicet iustitiæ, & gratiæ. Quidam fuerunt sibi ualde deuoti. Illis dat literas puræ gratiæ, per quas mandat, ut detur eis gloria sine aliqua purgatorij pœna. Alij fuerunt miseri, & indeuoti, sicut fuerunt peccatores. Istis dat literas simplicis iustitiæ, per quas mandat, ut fiat de eis condigna uindicta. Alij fuerunt deuotione tepidi, & remissi, Istis dat literas mixtas, scilicet,

iustitiæ,

iustitiæ, & gratiæ, per quas mandat, ut & eis fiat gratia, ppter deuotionem, sed tamen inferatur purgatorij pœna propter negligentiam, & torporem. Ista figurantur *Wester*, 8 ubi dicitur, quod *Hester* regina scripsit literas, ubi & *Iudæi* saluarentur, & hostes interficerentur, & ut pauperibus munuscula darentur. *Iudæi* sunt beatae *Mariæ* deuoti, qui ipsam laudauerunt, & glorificauerunt quia *Iudæus* interpretatur confitens. Isti portant secum literas suæ saluationis, hostes sunt peccatores miseri, qui portant secum literas suæ damnationis. Pauperes sunt in deuotione repidi, & egeni, & isti portant secum literas suæ purgationis, per quas mādatur, ut dentur eis munuscula, idest, parua præmia. Fiet quidem eis gratia, sed parua, & cum purgatorij pœna, propter negligentiam, & torporem.

IN FESTO PURIFICATIONIS CVR DEFERANTUR candelæ Beatæ Virgini. Sermo XXIII.

CANDELAS in purificatione deferimus ratione Virginis, Christi, & nostri. In Virgine enim fuerunt quatuor prærogatiuæ, quæ per candelam intelliguntur.

Prima est virginitas in carne, quæ significatur per ceram, quæ generatur ab apibus sine corruptione. *Isa. 7.* Ecce virgo concipiet, &c.

Secunda est puritas in mente, quæ significatur per licinum candidum inter ceram occultatum. *Psal.* Omnis gloria eius filiz regis, &c.

Tertia est sanctificatio in utroque, quæ signatur per hoc, quod candelæ illæ sanctificantur, & benediciuntur. *Psal.* Sanctificauit tabernaculum suum altissimus.

Quarta est claritas in conuersatione, quæ signatur per lumen. *Sapien. 4.* O quàm pulchra est casta generatio cum claritate.

Secundò deferimus candelas ratione Christi. Candela enim Christum significat ratione compositionis, & cōsumationis. Candela enim componitur ex cera, licino & lumine. In Christo quidem est triplex substantia, scilicet, cera, idest caro sine

Sermo XXIII.

semine generata. Psal. Factum est cor meum tanquam cēra, scilicet. per generationem, liquefcens, scilicet, per passionem. Secundò est ibi licinus, idest anima candore innocentie decorata, Sap. 7. Candor est enim lucis eternę. Tertiò est ibi lux, idest diuinitas luminosa. Ioan. 1. Erat lux uera. Et sicut ignis unitur ceterę mediante licino, sic diuinitas est unita carni mediante anima. De his tribus dicitur Cant. 1. Dilectus meus candidus propter candorem mentis. Rubicundus propter fulgorem deitatis. Electus ex milibus propter incorruptionem carnis. Secundò Christus significatur per candelam ratione consumptionis. Sicut enim candela se consumit tota in nostrum seruitium, sic Christus se consumit totum in nostrum obsequium. Nam consumpsit carnem per vulnerationem, & attritionem. Isa. 43. Vulneratus est propter iniquitates nostras, attritus est propter scelera nostra. Consumpsit sanguinem per totalem effusionem, unde angeli admirantes dixerunt Isa. 43. Quare rubrum est indumentum tuum, &c. Consumpsit animam per tristitiam, & dolorem. Mat. 26. Tristis est anima mea usque ad mortem. Consumpsit uitam per abbreviationem. Isa. 34. Pręcisa est uelut à texente uita mea. Consumpsit substantiam temporalem usque ad denudationem. Psal. Diuiserunt sibi uestimenta mea.

Tertiò deferimus candelas ratione nostri. Per candelas enim significatur, quòd debemus habere uitam sanctam, & famam pręclaram. Vitam autem sanctam faciunt operatio bona, fides recta, & intentio sincera. Operatio bona significatur per cēram, quia sicut cēra cœlesti rore gignitur, sic bona operatio tantum à Deo habetur. Phil. 2. Deus est, qui operatus est in nobis uelle, & perficere pro bona uoluntate. Fides intelligitur per lumen. Sicut enim candela sine lumine non lucet, sic operatio nostra sine fide Deo non placet. Heb. 11. Sine fide impossibile est placere Deo. Intentio recta significatur per licinum, qui quidem est occultus, & candidus, & luminis baiulus. Sic intentio debet esse occulta. Grego. Sic sit opus in publico, ut tamen intentio maneat in occulto. Debet esse candida. Mat. 6. Si oculus tuus fuerit simplex totum corpus tuum lucidum erit. Debet esse luminis baiulus, quia ipsa intentio

intentio debet coram Deo opera nostra representare, & remunerationem petere. Marth. 6. c. Pater tuus, qui uidet te in abscondito reddet tibi. Secundò per candelam significatur fama præclara. Candela enim accensa lucet, abscondita non lucet, extincta fêter. Sunt quidam feruentes in uita, & doctrina. Isti sunt sicut candela accensa, de quibus dicitur Ioâ. 6. Ipse erat lucerna ardens, & lucens. Alij sunt qui sunt contenti habere bonam uitam tantum, & abscondunt suâ scientiam. Isti sunt sicut candela abscondita, de quibus dicitur Lucæ. 11. Nemo accendit lucernam, & in abscondito ponit, &c. Alij sunt, qui nec ardent, nec lucent, sed fêtent per mala opera. Isti sunt sicut candela extincta, quæ quidem fêter, & non lucet. De quorum fêtore dicitur Isa. 24. De cadaueribus eorum ascendet fêtor. Animæ peccatorum sunt cadauera, quæ sunt mortuæ per peccatum, & de talibus cadaueribus ascendet fêtor per malum exemplum.

NON POTUISSE IN VIRGINE

casum in peccatum aliquem incidere.

Sermo

XXIIII.

C A S V S aliquis in peccatum in virginem incidere nō potuit. Omnis autem casus aut fit per infirmitatem humanam, aut per ignorantiam, & cecitatem humanam multam, aut per uoluntatem spontaneam, & certam malitiam. Nullo autem istorum modorum beata Virgo cadere potuit, quia fundata erat supra firmam petram, & super altitudinem potentie patris, sapientie filij, & gratie Spiritus sancti. Inter Apostolos autem fuerunt, qui aliquo istorum modorum ceciderunt. Petrus quidem cecidit per infirmitatem humanam, quando scilicet, timore mortis Christum negauit, quia nondum erat fundatus super altitudinem diuinæ potentie. Paulus cecidit per ignorantiam 1. Timo. 1. Ignorans feci in incredulitate, quia nondum erat fundatus super altitudinem diuinæ sapientie. Iudas cecidit per affectatam malitiam. Psal. Dilexit maledictionem, & ueniet ei, quia non erat fundatus super altitudinem diuinæ bonitatis.

Sermo XXV.

Virgo autem beata nullo istorum modorum cadere potuit, quia super altitudinem diuinæ potentiae, sapientiae, & gratiae firmiter stabilita erat. Eccl. 24. In me omnis gratia uitæ. Ecce quia stabilita fuit super altitudinem diuinæ gratiae, & ideo cadere non potuit per aliquam malitiam. Sequitur, & ueritatis. Ecce quia stabilita fuit super altitudinem diuinæ sapientiae, & ideo cadere non potuit per ignorantiam. Sequitur. In me omnis spes uitæ, & ueritatis. Ecce quia fundata fuit super altitudinem diuinæ virtutis, & potentiae, & ideo cadere non potuit per infirmitatem humanam. Maxime autem tempore passionis Christi Apostoli ceciderunt à fide. Luc. ult. Nos sperabamus, quod ipse esset redempturus Israel. Ceciderunt à gratia Christi, quia omnes mortaliter peccauerunt, & ideo Christi gratiam perdiderunt. Ceciderunt etiam à societate Christi. Ioan. 16. Venit hora, ut unusquisque dispergaminis in sua, & me solum relinquantis. Virgo autem beata à fide Christi cadere non potuit, quia omnia, quæ de ipso erant fuerat experta, & sancto spiritu edocta. Nec à gratia Christi, quia in utero matris fuerat sanctificata, & in gratia confirmata. Nec à societate Christi, quia semper fuit cruci affixa. Ioan. 19. Stabat iuxta crucem Iesu mater eius.

EX PROPRIETATIBVS CEDRI EX EO

quoque nomine potest appellari Beata Virgo.

Sermo

XXV.

CEDRVS signat Mariam, iuxta illud Eccl. 24. Quasi cedrus exaltata sum in libano. Sunt autem duo genera cedrorum, una quæ nascitur in libano. Alia quæ nascitur in locis marinis.

Prima est, quæ considerat quantū ad arborem, & fructum, & facū. Arbor autem istius cedri est alta, & impuibilis, odorifera, & semper uiuens. Sic beata Virgo fuit alta per celestium cōtemplationem. Eccl. 24. Ego in altissimis habito. Fuit impuibilis per omnimodam incorruptionem. Est enim archa Dei, quæ facta fuit de lignis Sethim, quæ sunt ligna incorruptibilia. Fuit odorifera, per repletionem omnium uirtutū

& ca-

& carismatum. Cant. 4. c. Odor unguentorum tuorum super omnia aromata. Hugo de sancto Victore. Nullus in gratia tibi similis esse potuit, per quam gratia super omnes filios hominum venit. Spiritus sanctus singulariter in tua humilitate requieuit, & in tua virginitate miraculum nulli comparabile fecit. Ideirco odor unguentorum tuorum super omnia aromata, filius tuus unctus, tu quoque uncta es. Ipse quidē super te, & prae cunctis participibus tuis, accepit unguenti plenitudinem, tu uero post ipsum prae cunctis suauitatem. Fuit etiā semper uirens, quia plantata fuit super aquas omnium gratiarum, iuxta illud Hier. 24. Erit quasi lignum, quod transplantatur iuxta aquas, quod ad humorem mittit radices suas, & non timebit cum uenerit aestus, & erit foliū eius uiridē, & in tēpore siccitatis non erit sollicitū. Hieronymus in sermone de assumptione. De hac sacratissima Virgine seculorum cōtemplator cōlestium in canticis ait. Vidi sponsam sicut colūbam ascendentem de super riuos aquarum, quia super aquam refectionis educauit eam dominus, ex qua multi riuī deducti sunt, & totam terram irrigant deliciarum.

Secundō cedrus quantum ad fructum consideratur. Nam poma illius cedri in aliqua parte sunt dulcia. In aliqua sunt acetosa. In aliqua parte inter dulce, & amarum, & acetosum sunt media. Similiter beata Virgo aliquando fuit plena dulcedine. Aliquando amaritudine. Aliquādo in utroque simul. Nam tota plena fuit dulcedine in Christi conceptione. Can. 4. Fatus distillans labia tua. Quae uerba exponens. Hugo de sancto Victore sic dicit. Mel erat diuinitas in ea. Terra uero humanitas tua, in me ipsum fautum mellis, quod est impressum in te assumptum est de te. Deinde subdit; O quam dulcis, & suauis es, quae sola digna eras, ut supernae dulcedinis osculum in tuo conceptu susceperes; & totius mundi suauitatem in partu, ideo mel, & lac sub lingua tua, hoc est uerbum patris sub carne tua. Sub lingua tua, quia absconditorum, mel & lac Deus, quam homo, uel diuinitas, & lac humanitas, quia mel de ore cœli exprimitur, & lac de carne. Secundō fuit plena amaritudine in filij passione. Ideo dixit ei Simeon, Tuam ipsius animam pertransibit gladius. Bernar. Animam

Christi non attigit crudelis lancea, quia iam Christus spiritum suum emiserat, sed tua anima, ibi erat, & ideo gladius doloris tuam animam pertransiuit, ut te plusquam martyrem, non immerito prædicemus, in qua nimirum sensum in corpore passionis excessit affectus compassionis. Tertiò fuit dulcis, & amara post Christi ascensionem. Amara quidè, propter filij subtractionem. Hieronymus in sermone de assumptione, Quantis putas virgo filij doloribus afficiebatur, quo desiderio æstuabat. dum animo cuncta reuolueret cuncta, quæ audierat, & uiderat, puto quòd quicquid humanæ uirtutis est cogitare non sufficiat. Nam & si diligebat ex toto corde Christum, nonis tamen inflamabatur quotidie præsentia absens affectibus desideriorum. Tanto siquidem ualidius quàm to diuinitus illustrabatur uisitationibus interius. Fuit autem plena consolatione propter filium, quem ad patris dexteram sublimari uidebat. Et fidelium instructionem, quia eorum magistra remanserat, & Apostolos, & discipulos docebat. Hieronymus ubi supra. Ecce Domino Iesu ascendente in cælum virgo uacat in scola uirtutum, ac meditat in lege mandatorum Dei, ut ipsa sit forma discipulis Christi, & exemplum perfectionis. Conuersabatur cum senatoribus cœli in cùria Paradisi, sub disciplina Spiritus sancti. Inuenitur prima inter primas cohortes summi regis, quorum uita iam non erat in terris, sed in cœlis.

Tertiò cedrus consideratur quantum ad sucum, qui multiplicem habet uirtutem. Nam caliginem oculorum detergit, tumorem deprimat, carnes à putrefactione custodit, & moribus serpentum subuenit. Iste sucus est amor diuinus, quo beata virgo nos in amorem diuinum nutrit, per quem in nobis multa beneficia facit. Nam detergit caliginem ignorantie lumine suæ ueritatis, ideo uocatur Eccl. 24. Mater agnitionis, quia ignorantiam depellit, & ueram de Deo cognitionem infundit. Prouer. 14. Sapiens mulier ædificat domum suam.

Secundò deprimat tumorem superbiæ exemplo suæ humilitatis. Non enim est aliquis ita superbus, nec ita sublimis, qui non debeat humiliari, ad considerationem tantæ humilitatis. Eccl. 24. Omnium excellentium, & sublimium colla propria

uirtute

virtute calcaui. Propria virtus virginis fuit humilitas, quādo ipsos ad humilitatem reuocat.

Tertiò custodit à putredine luxuriæ virtute suæ virginitatis, & puritatis, ideo assimilatur myrrhæ. Eccl. 24. Quasi myrrha electa dedi suauitatem odoris. Sicut enim myrrha conseruat carnem à putredine, sic eius puritas, & virginitas, nos conseruat à fetore carnis concupiscentiæ.

Quartò succurrit morsibus serpentum, idest dæmonum imperio suæ potestatis. Gen. 3. Ipsa conteret caput tuum. Tunc enim Maria caput serpentis conterit quando à nobis prauas cogitationes expellit.

Secundò est quædam cedrus maritima, quæ est parua, sed fructuosa, & odorifera, & significat beatam Virginem Mariam, quæ fuit parua per humilitatem, fructuosa per fecunditatem, & odorifera per sanctitatem. Poma autem huius cedri triplicem habent substantiam. Prima est calida. Media est temperata. Vltima frigida. Et significat Christum, qui fuit fructus huius cedri; in quo fuerunt tres substantiæ, scilicet, deitas, anima, & caro, prima, scilicet, deitas est ualde calida, quia omnium uitiorum consumptiua, & omnium cordiū inflammatoriua. Hebr. 12. Deus noster ignis consumens est. Media, scilicet, anima fuit ualde temperata, quia omnes uirtutes in ipsa suum tenere medium, & nulla unquam ad aliquod declinauit extremum. Vltima uerò & extrema substantia, scilicet, caro fuit frigida, quia ab omni inordinato calore fuit penitus aliena.

BEATA VIRGO SPIRITVS

Sancti cellaria iure dicenda.

Sermo XXVI.

CELLARIA Spiritus sancti est Virgo Maria. Habet enim Deus cellam vinariam, idest Spiritus sancti abundantiam, in qua Deus beatam Virginem introduxit, & eam cellariam suam fecit, iuxta illud Canticorum 1. Introduxit me rex in cellam vinariam. De ista autem cella propinat vinum illis, qui sunt in via, ad aliqualem sanietatē, & illis.

& illis, qui sunt in patria ad ebrietatem, iuxta illud Cantico-
rum. 5. Bibite amici, & inebriamini charissimi. Sancti qui
sunt in uia, sunt amici sui, sed illi, qui sunt in patria, sunt cha-
rissimi. Amici ergo bibunt, sed charissimi inebriantur, quia
sanctis qui sunt in mundo dat gratiam ad iustificationem. Il-
lis uero qui sunt in cœlo ad perfectam fruitionem.

Vel potest dici, quod amici Dei sunt angeli, qui sunt sibi in
intimo amore, & sunt chariores, quia naturæ conformitate
propinqui, & sunt charissimi, quia charissimo precio redem-
pti. Angeli igitur qui sunt amici bibunt, quia ex uisione di-
uinitatis, suas declarationes hauriunt. Homines uero beati q
sunt charissimi ebrij sunt. Nam bibunt quando suas delecta-
tiones hauriunt ex uisione diuinitatis, & redibunt, quado de-
lectationes suas hauriunt ex uisione humanitatis. Ebrietas
enim non causatur ex uno haustu, sed ex frequenti actu bibē-
di. Quia igitur sancti bibunt, ideo ebrij sunt. Istud autem ui-
num spiritus sancti, ista cellaria nobis abundanter propinat,
& ideo assimilatur crateri, & aquæductui. Crateri iuxta illud
Cant. 5. Umbilicus tuus crater tornatilis nunquam indigens
poculis. Ipsa enim est crater inquantum semper infundit, &
est tornatilis inquantum circumcirca semper inuadit, ut inne-
niet cui infundat, & est nunquam indigens poculis, quia nū-
quam euacuatur, sed semper plena inuenitur Eccl. 24. Sicut
aquæductus exiit de Paradiso. Bern. Vehementia desiderij,
feruore deuotionis, puritate orationis fontem attingit pieta-
tis, ut hauriret super angelos, q̄ refunderet hominibus aquā
uiuam, propterea enim tanto tempore fluente gratiæ defue-
runt, quia mundum intercesserat aquæductus. Sicut enim ui-
demus, quod in diuinis est emanatio per modum naturæ, per
quam filius procedit à patre, & per modum amoris, & libe-
ralitatis, per quem spiritus sanctus procedit à patre, & filio,
ita ab ista cellaria duo nobis beneficia proueniunt. Vnum per
modum naturæ, scilicet, filius, de quo Deo regratiamur. Psal.
Suscepimus Deus misericordiam tuam in medio templi tui.
Alium per modum amoris, & suæ liberalitatis, scilicet, dona
spiritus sancti, quæ per ipsam à filio obtinemus, unde non tã-
tum eius oratio, sed etiam eius saluatio tantæ fuit efficacis,
quod

quod Ioannes, & Elisabeth ad eius salutationem spiritus sancti gratia sunt repleti. Ista autem cellaria eodem cibo nos pascit, quo se, & eodem potu nos reficit, quo & seipsam. Vnde ipsa dicit de suo cibo, & potu. Cant. 5. Comedi fauam cum melle meo, bibi vinum meum cum lacte meo. Tunc fauam cum melle comedit, quando Christum in suo utero gestauit, in quo fuit cera charitatis, mel diuinitatis. Tunc enim vinum cum lacte bibit, quando spiritus sanctus eius animam impleuit vino cœlestis gratiæ, & eius carnem perfudit lacte virginalis munditiæ. Eodem modo ipsa nos pascit fauo mellis, quando facit nos delectari in Christo, in cera suæ humanitatis, & in melle suæ diuinitatis. Similiter potat nos vino, & lacte, quando dat nobis spiritualem leuitiam in mente, & munditiam in carne.

BEATA VIRGO AEQVIPARATUR COELO

Sidereo, Crystallino, & Empireo. Sermo XXVII.

COELUM dicitur Virgo Maria. Est autem triplex cœlum, scilicet, syderum, crystallinum, & empireum.

Primò cœlo, scilicet, sydero assimilatur Virgo Maria propter ornatum motum, & effectum. Sicut enim illud cœlum est ornatum varietate stellarum, sic Maria diuersitate uirtutum. Eccl. 43. Species cœli, idest, Mariæ, cœlestis gloria stellarum, idest gloriosa uarietas uirtutū. De ornatu istius cœli dicitur Apoc. 12. quod ipsa habebat in capite coronam stellarum duodecim. In duodenario autē duplex est senarius, qui est numerus perfectionis, & signat sanctos qui sunt in patria, & perfectos qui adhuc sunt in uia, qui omnes beatā Virginem tanquam reginam, & dominam honorant, coronant, & ornant.

Secundò propter motum. Sicut enim cœlum suā uirtute omnia sydera quoridie secum circumducit, sic Maria omnes sanctos ad intercedendum secum adducit. Motor autem istius cœli est ille, de quo dicitur in Psal. Verbo domini cœli firmati sunt. Ipsa igitur tali motione agitata mouetur ad Deum per feruentem amorem. Est enim rota Dei, de qua dicitur

Ezech. 1.

Sermo XXVII.

Ezech. 1. Quocunq; ibat spiritus illuc eunte spiritu, & totæ pariter eleuabantur sequentes eum. Spiritus enim vitæ erat in totis. Modo ad filium ipsum pro nobis orando. Modo ad angelos ipsos in nostrum ministerium dirigendo. Modo ad ipsos beatos, vt pro nobis orent exhortando. Ecce quanti motus, & mobilitatis est illud cœlum. Ideo dicitur Sap. 7. c. Omnibus mobilibus mobilior est sapientia.

Tertiò propter effectum. Sicut enim mediante cœlo, & suis luminaribus habemus omnia terræ nascentia, sic ab ipsa percipimus omnia Dei dona. Nam sicut cœlum terram visitat, & suis luminaribus ipsam fœcundat, & quodammodo suis imbris inebriat, & nubibus ipsam multiplicat in fructibus, & locupletat in auro, & argento, & lapidibus preciosis, ita Maria totam ecclesiam illustrat, & visitat suis exemplis. Inebriat Spiritus sancti donis, multiplicat in operibus bonis, & locupletat in virtutibus preciosis. De his quattuor dicitur in Ps. Visitasti terram, &c.

Secundum cœlum est cristallinum, quòd factum est de aquis quæ super cœlos sunt. Quæ quidem in modum cristalli sunt solidatæ. Isti cœlo cristallino Beata Virgo assimilatur ratione materiæ, efficaciar, & formæ. Materia quidem, vt dictum est sunt aquæ in modum cristalli solidatæ. Aquæ sunt cogitationes, & affectiones fluxibiles, quæ in nobis sæpe fluunt de vitio in vitium. Sed istæ aquæ in Beata Maria fuerunt solidæ, id est, in bono confirmatæ, fuerunt lucidæ, id est, purissimæ, & transparentes, & peruiæ, quia per illas Dei gloria contemplabatur, & intuebatur iuxta illud 2. Cor. 3. Nos autem reuelata facie gloriam Dei specularantes, &c.

Secundò ratione efficaciar. Dicunt enim, quòd influentia cœli syderei lucis disponit ad susceptionem vitæ vegetabilis. Influentia verò lucis cœli cristallini ad susceptionem vitæ sensibilis. Influentia autem lucis cœli empirei ad susceptionem vitæ rationalis. Sunt quidam, qui dant tantum flores. i. humanas cogitationes; i. bonas voluntates. Istis B. Virgo ad modum cœli syderei dat vitam vegetabilem, quia eos bonis operibus facit fructificare. Eccl. 3. c. Obaudite me diuini fructus, florere flores, & fructificate, &c. Alij sunt sine sensu de-

uotio.

uotionis, & sine motu progressionis, quia nec in bono proficiunt nec spiritualia sibi sapiunt. Istis admodum cœli cristallini infundit vitam sensibilem, dando eis, scilicet, sensum & motum, vt habeant sensum internæ deuotionis, & motum feruentis operationis. Alij sunt, qui in suis operationibus non obseruant nec motum, nec locum, nec tempus. Istis admodum cœli empirei infundit vitam rationalem, ut seruetur illud Rom. 12. Rationale obsequium vestrum.

Tertiò assimilatur cœlo cristallino ratione formæ: Est enim formæ sphericæ, quæ quidem est capacissima, perfectissima, & pulcherrima. Sic & ipsa fuit capacissima, quia Dei habitatio effecta. Vnde cantat ecclesia. Quia quem cœli capere non poterant tuo gremio contulisti. Fuit perfectissima, quia omnibus virtutibus accumulata, Eccles. 14. In me omnis gratia vix, & veritatis. Fuit pulcherrima, quia nulla macula etiam veniali fuit vnquam respersa. Cant. 4. Tota pulchra es amica mea, & macula non est in te.

Tertium cœlum est empireum, quod est habitatio omnium sanctorum, & istud cœlum est luciformæ, capacitatis summe, & sublimitatis immensæ. Assimilatur ergo isti cœlo Beata Virgo.

Primò propter ineffabilem claritatem, quia tota lucet, & resplendet. Apoc. 12. Mulier amicta Sole, & Luna sub pedibus eius, & in capite eius corona stellarum duodecim, ecce quia est lucida a parte inferiori, ideo dicitur Luna sub pedibus eius. A parte superiori, ideo dicitur quod in capite eius erat corona stellarum duodecim. Et a parte medij, ideo dicitur amicta Sole.

Secundo propter capacitatem. Sicut enim non potest excogitari aliquis locus maioris capacitatis, quàm cœlum empireum, sic nec aliqua creatura potest inueniri maioris charitatis, quàm Maria. Habuit enim amplum vterum in quo recepit Deum. Habuit amplum intellectum, quia habuit cognitionem omnium diuinorum. Habuit amplum affectum, quia per compassionem recipit miseras omnium afflictorum,

Tertio assimilatur cœlo empireo propter sublimitatem. Sicut enim illud cœlum est sublimius omnibus corporibus, sic & ipsa sublimior est omnibus creaturis spiritualibus tam angelicis, quàm rationabilibus. Psal. Eleuata est magnificentia tua, idest Virgo Maria, cui Dens magna fecit, & hoc super omnes cœlos tam materiales, quàm rationales, quia omnium sanctorum regina cōstituta. Ideo ipsa dicit. Quia fecit mihi magna qui potens est. Ber. Magnum est, q. mater sum, & magnum est, quod utrunque simul, & mater, & virgo sum. Sed cuius mater, vnigeniti Dei plasmatoris, & saluatoris omniū. Hugo de sancto Victore. Magnum utique fuit, ut Maria plasmatoris sui mater fieret. Magnum ut uirgo sine virili semine filium conciperet. Magnum ut virgo Dei patris uerbū carne sua indurum in utero gestaret. Hæc omnia magna sunt, sed ei, qui potens est, cui nulla sunt impossibilia, non est magnū,

QUINQUE SIGNIS OPTIMI CINAMOMI

quinque laudes Beate Virginis celebrantur.

Sermo XXVIII.

CINAMOMUM dicitur Virgo Maria iuxta illud Eccl. 24. Sicut cinamomum, & balsamum aromatizans odorem dedi. Est autem cinamomum species calida, sicca, & aromatica, sic & ipsa sicca fuit in carne per temperatiam, & siccitatem. Calida in anima per feruorem, & charitatem, aromatica in utroque per munditiam, & puritatem. Notandum autem quod cinamomum per quinque signa cognoscitur, quando, scilicet, est laudabile, & bonum, propter quæ beatam Mariam merito representant.

Primo ex colore, quia non debet esse subalbidum, nec nigrum, sed subruffum, sic nec ipsa fuit subalbida per uanā gloriam, nec nigram per alicuius peccati maculam, sed subruffa per charitatē succensam. Hieronymus in sermone de assumptione. Totam ipsam replenerat spiritus sancti gratia, totam diuinus amor incaluerat, ita quod in ea nihil esset, quod mundanus uiolaret affectus, sed ardor continuus, ac perfusi amoris ebrietas.

Secundū

Secundò cognoscitur ex odore, quia ex sua aromaticitate cerebrum multum confortat, & fluxum restringit: A cerebro autem fluunt sensus, & motus. Odor igitur sanctitatis, beata Mariæ confortat virtutem mortuam, dum eam allicit ad bene operandum. Confortat virtutem affectiuam, dum eam inflammatur ad diligendum. Confortat virtutem intellectuam, dum eam illuminat ad cognoscendum. Iste etiam odor suæ sanctitatis restringit fluxum carnalitatis, ideo assimilatur odori thuris, qui habet restringere fluxum reumatis. Cant. 4. Odor uestimentorum tuorum sicut odor thuris.

Tertiò cognoscitur ex sapore, quia appetitum acuit, ideo in salamentis apponi consuevit. Beata autem Virgo inflammatur nostrum desiderium, & acuit appetitum. Eccl. 24. Qui edunt me, adhuc esurient, & qui bibunt me, adhuc sitient.

Quartò cognoscitur ex subtilitate. Grossum enim cinamomum non est bonum, sed gracile, & subtile Ipsa autem non fuit grossa, sed valde subtilis per humilitatē. Ezech. 16. Induite me subtilibus. Tunc enim Deus beatam virginem uestiuit, quando dedit sibi humilitatem in corde, & mansuetudinem in conuersatione.

Quintò cognoscitur ex virtute. Cinamomum enim quando est bonum, & laudabile multiplicem habet virtutē, & maxime ualet contra vulnere labiorum. Quæ autem sunt vulnera labiorum nisi peccata cogitationum, & locutionum. Ista vulnera locutione sanat beata Virgo ex sua locutione modesta. Omnia enim uerba sua fuerunt vulnecum nostrorum medicina, & nostrarum locutionum exempla. Ipsa enim fuit discretæ in inquirendo quando dixit. Quomodo fiet istud. Fuit humilis in obediendo, quando dixit. Ecce ancilla domini. Fuit curialis in salutando, quando salutauit Elisabeth. Fuit grata in regratiando, quando, scilicet, beneficia Dei in se cognoscens, regratiata est Deo dicens, Magnificat anima mea dominum. Fuit modesta in reprehendendo, quando, scilicet, dixit. Fili quid fecisti nobis sic. Non enim eum maledixit, uel eum increpata fuit, sed cum modestia reprehendit. Fuit pia in compatiendo, quando compassa est sponso cui uinum defecerat, & ideo dixit filio. Vinum non habent. Fuit sapiens

in consulendo, quando dixit ministris. Quodcumque dixerit vobis facite.

EX PERFECTIÖNE CYPRESSI
declaratur Beata Virginis similis perfectio. Ser. XXIX.

CYPRESSVS representat Virginem beatam Mariā iuxta illud Eccl. 24. Quasi cypressus in monte Sion. Est autem cypressus arbor odorifera, solida, & virtuosa. De odore autem cypressi legitur, quod eius lignum præcisum, & aridum magis redolet, quàm viridè, & quod lignum cypressi igni appositum, multum redolet, & quod eius odor fugat serpentes, & uermes. Dicitur igitur beata Virgo cypressus ratione odoris. Fuit autem odorifera. Primò, quia fuit ab omni humore mundani amoris penitus exiccata. Secundò, quia fuit igni spiritus sancti apposita, immò fuit tota in ignem amoris conuersa. Tertiò, quia fuit soli diuino exposita, immò fuit tota ipso sole uestita. Apoc. 12. Mulier amicta sole. Et quia sic fuit tota odorifera, ideo odor suæ sanctitatis expellit serpentes, idest diabolicas tentationes, & uermes, idest malas cogitationes conscientiam comedentes.

Secundò cypressus est arbor solida, ex qua soliditate accidit, quod non potest putrescere, nec aliquo pondere flecti, & quod est apta conseruationi. Eodem modo Virgo beata sic fuit in Dei amore solidata, & gratia, quod eius corpus non potuit putrescere, nec in uita per aliquam corruptionem, quia fuit prædita virginitate, nec in morte per aliquam resolutionem, quia fuit uestita immortalitate. Est etiam cypressus sic solida, quod in turribus, uel in domibus posita nullo modo potest flecti, uel incuruari, sed semper in sua rectitudine perseverat. Sic beata Virgo intantum fuit in gratia Dei solidata, quod nullo pondere alicuius tribulationis nunquam fuit à sua rectitudine incuruata. Passa est enim magnum pondus tribulationis, quando puella tenera, & delicata, è nouo surgens à partu fuit in Ægyptum, & per septem annos ibi peregrina permansit. Passa est magnum pondus tribulationis quādo ante oculos suos vidit filium suum crucifigi, & vulnerari,

Et

Et quia solidata erat in gratia, ideo non potuit flecti per aliquam impatientiam, sed semper tenuit rectitudinem iustitiæ, fidei, & gratiæ. Nec mirum si sic fuit solidata, & firmata, quia septem columnis, idest, septem Spiritus Sancti donis nallata fuit. Prouer. 9. Sapientia edificauit sibi domum excidit columnas septem. Est etiam lignum cypressi aptum conseruationi. Fiant enim inde capsellæ, & alia uasa in quibus sancto rum reliquiæ conseruantur, quia propter suam stabilitatem non patitur ut res interpositæ aliquam patiatur corruptionem. Quia igitur Virgo Beata ualde solidata in proposito uirginitatis immo humilitatis fuit, ideo eius uterus fuit idoneus ad recipiendum conseruandum, & retinendum Dei filium quem nouem mensibus in suo utero conseruauit.

Tertio cypressus est arbor ualde fructuosa. Omnia enim quæ in cypresso sunt medicinalia, & uirtuosa sunt, scilicet, cortex, lignum, & fructus. Sic etiam omnia quæ fuerunt in Beata Virgine fructuosa fuerunt, scilicet, folia. id est, eius uerba. Cortex, idest, eius conuersatio exterior, & fructus, idest, eius opera.

Sed primo uideamus de uirtute eius foliorum, idest, uerborum. Nam unum uerbum dixit, scilicet, Ecce ancilla domini quod fuit tantæ uirtutis, quod Deum incarnari fecit.

Aliud uerbū dixit, scilicet, salutationis Heliſabeth, quod fuit tantæ uirtutis, quod Deum hominibus subditum esse fecit, unde sequitur. Et erat subditus illi.

Aliud fuit, scilicet, uinum non habent, quod fuit tantæ uirtutis, quod aquam in uinum conuertit.

Eius etiam cortex, scilicet, conuersatio tantæ fuit uirtutis, & gratiositatis, quod faciebat Deo magnam gloriam, angelo magnam lætitiā, hominibus magnam honorificentiam. Iudith. decimoquinto capit. Tu gloria Hierusalem, idest, Dei in quo est uisio pacis nostræ, tu lætitia Israel, idest, angelorum, qui uident Deum facie ad faciem, tu honorificentia populi nostri, idest, totius generis humani.

Est etiam fructus, idest, eius opera, quæ intantum fuerunt uirtuosa, quod sicut dicitur. Prou. ultimo. Manum suam misit ad fortia. Ista autem fortia, quæ fecit, notantur Iudith. 15.

Sermo XXX.

Postquam enim dixit. Tu gloria Hierusalem. Et subdit, Quia fecisti viriliter, & confortatum est cor tuum, eo quod castitatem amaueris, & manus Domini confortauit te, & eris benedicta in æternum. Ex quibus verbis habetur, quod quatuor sortia opera fecit. Vnum est, quia diabolicam uirtutem confregit, quod notatur cum dicitur. Quia fecisti uiriliter, & confortatum est cor tuum. Tunc enim uiriliter egit, quando caput Holofernis. i. uirtutem dæmonis confregit.

Secundum est quia carnalem concupiscentiam in se pœnitus resecauit, quod notatur cum dicitur. Eo quod castitatem amaueris,

Tertium, quia manum diuini auxilij ad se inclinauit, quod notatur cum dicitur. Ideo manus Domini confortauit te.

Quartum est, quia benedictionem æternæ gloriæ sibi acquisiuit, q̃ notatur cum dicitur, Et eris benedicta in æternum.

*VT COLLVM ORNATVR MONILI, SIC
decorata B. Virgo describitur. Ser. XXX.*

COLLVM dicitur Virgo Maria iuxta illud Cant. I. Collum tuum sicut monilia, ubi duo sunt videnda. Primo quare dicatur collum. Secundo quare dicatur monilia.

Circa primum notandum, quod ipsa assimilatur collo propter respectum ad Deum, ad seipsam, & ad nos, per respectum ad Deum dicitur collum triplici ratione.

Primo ratione coniunctionis. Sicut enim collum coniungit caput corpori, sic & ipsa coniungit Christum, qui est caput ecclesiæ, quæ est corpus suum. Hæc autem coniunctio & unio in eius utero facta fuit, quando, s. de ea carnem assumpsit, & sibi vniuit, quando, s. verbum caro factum est.

Secundo ratione mediationis. Sicut enim collum est medium inter caput, & corpus, sic & ipsa est mediatrix inter Deum, & nos, unde dicitur. Medium templum. Psal. Suscepimus Deus misericordiam tuam in medio templi tui. In templo quidem sunt tres diuisiones. Prima est sacrarium. Vltima est corpus ipsum. Media est choris, Sicut enim choris est

me.

medium inter sacrarium, & corpus, sic & ipsa est mediatrix inter Deum, & genus humanum.

Tertio ratione rectitudinis. Sicut enim collum est rectum, sic & ipsa in omnibus quæ agebat, rectam intentionem habebat. Cant. 7. Collum tuum sicut turris eburnea. Dicitur enim turris eburnea propter rectitudinem, & eburnea propter puritatem.

Secundo dicitur collum propter comparisonem ad seipsam, & hoc propter tria.

Primo enim propter eminentiam, & dignitatem. Sicut enim caput post collum præminet omnibus alijs membris, sic ipsa post Christum præminet omnibus sanctis, ideo assimilatur cedro. Eccl. 12. Quasi cedrus exaltata sum in libano. Sicut enim excedit omnes arbores in latitudine, sic ipsa excedit omnes sanctos in dignitate.

Secundo propter eloquentiæ gratiositatem. Sicut enim in collo formantur uerba, sic & ipsa in conspectu Dei pro nobis loquitur bona uerba, quæ uerba Deus audit libenter, ut dicat ei. Cant. 2. Sonet uox tua in auribus meis, uox enim tua dulcis, & facies aut decora.

Tertio propter compassionem, & pietatem. Sicut enim collum de facili flectitur, sic & ipsa de facili ad compassionem mouetur. Flectitur aut collum modo à dextris modo à sinistris, modo ante, & modo retro, sic & illa modo ad illos, qui sunt à dextris prosperitatis dando temperantiam, modo ad illos qui sunt à sinistris, i. in aduersitate dando patientiam, modo ad illos qui sunt à tergo, boni quidem habent faciem suam ante Deum, mali uero habent post tergum. Hier. 2. Verterunt ad me tergum, & non faciem. Flectitur ergo ad illos qui sunt ante Deum, conseruando eos in gratia, & ad illos qui sibi tergum uertunt, reducendo eos ad poenitentiam.

Tertio dicitur collum per respectum ad nos. Et hoc propter tria nobis necessaria.

Primo propter sustentationem. Sicut enim caput collum sustentat, sic & illa nos omnes sustentat. Ideo dicitur collum. i. columna. De qua columna dicitur Ecclesiast. 24. Thronus meus in columna subis. Thronus Dei fuit Virgo beata,

Sermo X X X.

quæ etiam est columna, in quantum sustentat nos, & est nubes in quantum nos à terrenis subleuat. Secundò propter subministrationem. Sicut enim à capite, mediante collo, in corpus descendunt omnia nutrimenta, sic & à Christo per Virginem in nos ueniunt omnia Dei dona, ipsa autem non est auara, sed semper manum suam aperit inopi, & nobis gratias spirituales tribuit. Prouerb. ult. Manum suam aperuit inopi. Tertio propter respirationem, & inspirationem. Sicut enim à collo aer interior emittitur, sic per ipsam Deo nostra deuotio præsentatur. Et sicut exterior aer per collum ad corpus trahitur, sic per ipsam nobis omnis gloria inspiratur. Eccl. 4. Sapientia filijs suis uitam inspirat.

Secundò uidendum est quare dicatur monilia. Circa quod sciendum, quòd monile est ornamentum pectorale, quòd conficitur ex auro, argento, & lapide precioso. Ex hijs tribus confectum est illud monile Dei. Ista sunt illa tria, de quibus dicitur. 1. Tim. 5. Integret spiritus uester, anima, & corpus, caro sine querela seruetur. Ipsa enim habuit corpus aureum, idest, incorruptum, animam argenteam, idest, lucidam, & puram, & spiritum coram Deo preciosum. Dicitur aut monile à munere, quia sponsi talia ornamenta sponsis suis dare consueuerunt, ut se ornent. Vel dicitur à muniendo, quia pectus munit sponsæ suæ ne aliquis impudicus manum apponat. Vel dicitur à mona, quia duo ora capitij iungit, & de ipsis quodammodo unum facit. Vel dicitur à monendo, quia amonebat abstinere ab illa uidentes, tanquam à coniugata. Olim enim solummodo nuptæ monilia deferebat. Et sic patet, quòd monile habet quattuor facere, scilicet, pectus ornare, pectus munire, diuisa coniungere, & omnes admonere. Ista quattuor facit nobis istud monile Dei. Nam nos ornat suis exemplis. Ecclesiast. 24. Sicut Sol oriens mundo in altissimis Deo, sic mulieris bonæ species ornamentum domus eius. Pectus nostrum munit suis prædicijs, ne dæmones illuc intrare possint. Et ideo dicitur Cant. 6. Terribilis ut castrorum acies ordinata. Diuisos, & sepatatos à Deo coniungit, & unit. Peccata enim à Deo diuidunt. Isa. 59. Iniquitates uestre diuiserunt in

ter uos, & Deum uestrum... Sed istos sic diuinos à Deo coniungit, cum eis ueniam acquirit. Alias nostras signat, per quod daemones admonentur ne eas contingant cum sint sp̃s s̃c̃i Dei, iuxta illud Osee 2. Sponsabo te mihi in fidem. Ad istud signaculum recipiendum admonet dicens Cant. 8. Pone me ut signaculum super cor tuum.

QVIBVS COMMENDATUR COLUMBA,

similibus commendatur Beata Virgo.

Sermo

XXXI.

COLUMBA significat Virginem Mariam propter plura in quibus ipsa columba commendabilis est.

Primò quantum ad nidum, quia non nidificat nec in terra nec in arbore, sed in foramine petrae. Sic B. Virgo. nō nidificauit, nec cor suum posuit in terrena cupiditate, nec in sublimi elatione, sed in filij sui uulneribus, & passione. Cant. 2. Surge propera amica mea, columba mea, & ueni in foraminibus petrae. Ista igitur columba habitabat in foraminibus petrae, quia per recordationem continuam semper erat in uulneribus Christi. Thren. 3. Recordare paupertatis, & transgressionis, i. transgredientis passionis abanthij, & fellis. Et ipsa respondet. Memoria memor ero, & tabesceat in me anima mea. Vel potest dici, quòd Christus habuit in praesenti plures nidos. s. praesepe, patibulum, & sepulchrū. In istis nidis Christi ipsa columba frequentissimè habitabat, quia loca Christi cum maxima deuotione uisitabat, unde dicit sanctus Odilo. Si scire uolumus quid Dei genitrix Virgo post filij resurrectionem agebat sine dubio loca dominicae Natiuitatis, Passionis, Sepulturae, & resurrectionis, & Ascensionis frequenter uisitabat, in eis lachrymas fundebat, & oris sui sanctissimi oscula imprimebat. Hiero. in sermone de assumptione. Fortassis præ nimio amore in loco in quo filius est sepultus dicitur eam habitasse. Credimus quantum pijs pasceretur internus amor obtutibus nō q̃ iam uiuens cum mortuis quæreretur. Hoc enim habet impatiens amor, ut q̃ desiderat semper inuenire credat. Ignorat

Sermo XXXI.

quippe iudicium, ratione multotiens caret, modum nescit, nec aliud cogitare potest quam quid diligit, amor enim non accipit de impossibilitate solatiū, nec de difficultate remediū.

Secundò est commendabilis quantum ad cibum quia nō comedit cadauera, sicut grana electa, sic Beata Virgo non afficiebatur circa terrena, uel mundana, scilicet circa celestia, & eterna. Pascebatur enim in illo grano frumēti de quo dicitur Ioan. 12. Nisi granum frumenti cadens in terra &c. Granum frumenti habet reficere, & satiare, & quantum ad hoc significat Christi diuinitatem, Psal. Ex adipe frumenti satiat te, habet exterius ruborem, & quantum ad hoc significat carnem Christi sanguine rubricatam. Isa. 63. Quare rubrum est indumentum tuum &c. Habet interius candorē, & quantum ad hoc signat eius animam, cadore mūditiæ fulgidam. Sap. 7. Candor est enim lucis propter ista tria dicit Virgo Beata Cant. 5. Dilectus meus candidus quantum ad animam fulgidam, & rubicundus quantum ad carnem cruciatam, electus ex militibus quantum ad diuinitatem supremā. Ista igitur columba isto tali grano uescebatur, quia circa Christi diuinitatē, & humanitatē plenissimē delectabatur.

Tertiò commendabilis est quantum ad gemitum, quia nō habet cantum uanitatis, sed gemitum compassionis. Ipsa. n. Virgo, & aliæ mulieres in Christi passione gemitus emittebant Isa. 60. Quasi columbæ meditantes gememus. Maxime ista columba, scilicet Virgo Beata tunc lachrymas efflueret, emisit. Anselmus. O domina mea Misericordissima quos fontes dicam, erupisse de pudicissimis oculis tuis cum attenderes unicum filium tuum innocentem coram te flagellari, ligari, mactari, & carnem de carne tua crudeliter dissecari, quibus singultibus extimabo pectus tuum uexatura esse cum audires. Mulier ecce filius tuus, & discipulo. Ecce mater tua. Bern. Tuam ipsius animam pertransibit gladius dicitur Mariæ, idest, dolor dominicę passionis acutissimus. Non enim potuit uidere filium crucifigi sine effectū materni doloris, quamuis speraret resurrecturum.

Quarto comendabilis est quantum ad uolatum, quia nō uolat solitaria sed gregatim associata. Beata Maria est mulier

mulier illa Sole amicta, de qua dicitur Apoc. 12. quod datæ sunt alæ duæ, ut uolaret in desertum. Istæ duæ alæ sunt amor, & spes cum quibus uolat in cœlum. Psal. Quis dabit mihi pennas sicut columbæ. Non autem sola uolabat, sed etiam alios ad secum uolandum attrahebat, scilicet, sanctos Apostolos, unde dicit sanctus Odilo. Deinde sibi ad notum refugium, scilicet, Apostolicum consortium intuitu dominicorum locorum peracto cum gaudio remeabat. Credimus ipsam interfuisse gaudijs dominicæ Ascensionis, & in die Penthecosten Spiritum sanctum recepisse. Hiero. in sermone de assumptione. Post Ascensionem Christi Mariæ conuersatio ad exemplum humanæ uitæ cum Apostolis usque ad dispersionem fuit, sicut Lucas commemorat in actibus dicens. Hi omnes erant perseverantes in oratione cum Maria matre Iesu. Eius autem conuersatio non fuit cum leuibus personis, sed aut erat cum Angelo Gabriele, aut cum Ioanne Euangelista, aut cum cæteris Apostolis, & ideo solitaria non erat, sed bene associata. Hieronymus in sermone de assumptione. Si quæretur quid post filij Ascensionem Virgo egerit unum pro certo est, quia Virgo sancta mente, ac corpore permansit, quam sanæ Gabriel Angelus tantquam cœlestis paranymphus intactam custodiuit, & Ioannes Apostolus cui Christus eam de cruce commisit Virginem uirgo setauit, suisque specialiter obsequijs deseruit. Non quia eximius Apostolorum chorus eam deseruerit, inter quos nimirum post resurrectionem intrans, & exiens familiariter de Christi Incarnatione ac resurrectione contulit.

Quintò commendabilis est quantum ad simplicem contitum. Habet enim columba magnam simplicitatem, iuxta illud Matth. 10. Estote prudentes sicut serpentes, & simplices sicut columbæ. Ideo dicitur Cant. 1. Oculi tui columbarum, idest, simpliciter aspicientes. Hieronymus in sermone de assumptione. Veni, inquit, columba mea, ueni de libano ueni. Non immerito de libano uenire iubetur, quia libanus candidatio interpretatur. Erat enim candida multis meritorum uirtutibus, ac dealbata niue. ead.

Sermo XXXI.

diſſior Spiritus ſancti muneribus, & in omnibus ſimplicitatē columbæ repræſentauit, quia quicquid in ea geſtum eſt, totum puritas ac ſimplicitas, totum ueritas, & gratia fuit, totū iuſtitia, & miſericordia, quæ de cœlo proſpexit. Habuit ergo beata uirgo ſimplicitatem in intentione, quia ſemper gloriā Dei quæſiuit. In affectione, quia Deum ſine admixtione mūdanī amoris ſemper dilexit. In operatione, quia omnia, quæ faciebat ad honorem Dei, & proximi faciebat. Talis ſimplicitas eſt multum Deo grata 1. Paral. vlt. Scio domine, quòd ſimplicitatem diligis. Sap. 1. In ſimplicitate cordis quærite illum.

Sextò commendabilis eſt quantum ad reſidentiam iuxta ſuenta aquarum. Cant. 5. Oculi tui ſicut columbæ ſuper riuos aquarum, quæ lactē ſunt lotę, & reſident iuxta ſuenta pleniffima. Hieronymus, ubi ſupra. De hac ſanctiſſimā Virgine qualiter in cœlum aſcendit ſecretorum cœleſtium contempletor in Cant. ait. Vide ſpecioſam ſicut columbam aſcendentem deſuper riuos aquarum. Quasi ſpecioſa colūba fuit quoniam illius columbæ ſpeciem, ac ſimplicitatem demōſtrauit, quæ ſuper Chriſtum uenit, quæ deſuper riuos aquarū uenit, quæ deſuper aquas educauerat eam Dñs, ex qua multi riuī deducti totam terram irrigant. Dicitur autem quòd columba i deo ſuper riuos aquarum moratur, ut inde umbram accipitris aſpiciat, uel ut contra eſtum ſe refrigeret. Sic beata uirgo iuxta plenitudinem Spiritus ſancti, ut inſidias diabolicas à ſuis fidelibus præcaueri faciat. Ideo ſignificatur per reginam Heſter, quæ malitiam Aman præcognouit, & populum ſuum ſaluauit.

Secundò, Sitim mundani amoris per diuinum amorem in ſe pēitus extinxit, quia ſicut dicit Auguſt. Qui biberit de fluuio Paradifi cuius gutta maior eſt Oceano, reſtat ut in eo ſitis mundi pēitus extingatur.

Tertiò contra eſtum omnium tribulationum ſe refrigerauit, iuxta illud Lucæ, 6, Inuenietis requiem animabus ueſtris.

DE QUATIBVS ANIMI COMMVNIBVS BEATA

Virgo, non particularibus tantum conspicua red-
ditur.

Sermo XXXII.

COMMUNIS persona non singularis fuit Virgo Ma-
ria, ut cum omnibus conveniret, & ad omnes se pertine-
re ostenderet.

Primò quidem ipsa fuit contemplativa, & activa. Sæpe
autem activi despiciunt contemplativos tanquam ociosos,
& contemplativi activos, tanquam terrenis actibus nimium
deditos. Ideo ipsa voluit esse in hoc duplici statu, ut utrunq;
approbaret. Ideo dicit Sol. Cant. 6. Electa ut Sol. Sicut enim
Sol est in medio planetarum, sic & ipsa est media activorum,
& contemplativorum. Planete verò superiores sunt contem-
plativi, quia magis Deo appropinquant. Planete verò infer-
iores sunt activi, qui magis implicantur terrenis. Ipsa igitur
tanquam sol est in medio inflammans contemplativos in di-
ligendis, & activos illuminans in agendis.

Secundò fuit virgo, & coniugata, virgines autem despicie-
bant coniugatas tanquam corruptas, & coniugatas despicie-
bant virgines tanquam infœcundas. Ideo ipsa in hoc dupli-
ci statu esse voluit, ut utrunque approbaret, ideo assignatur
per firmamentum, quod est in medio aquarum. Nam aquæ
superiores in cristallum convertè significant virginitatem.
Aquæ vero inferiores fluxibiles significant matrimonium.
Beata autem virgo tanquam firmamentum est in medio aqua-
rum multarum, virgines cõfirmans in propositum castitatis,
& coniugatis in studio bonæ operationis.

Tertiò ipsa fuit religiosa, & laica. Sæpe enim religiosi lai-
cos condemnant, & laici religiosos iudicant. Ideo beata vir-
go fuit claustralis, quia in thalamo suo habitabat, & foris nõ
exibat. Fuit laica, quia cæteris sœminis se conformabat, &
cum eis ad templum, & ad dies festivos festinabat. Ideo signi-
ficatur per templum. Psal. Suscepimus misericordiam tuam
in medio templi tui. Sicut enim templum est eccl̃e clericis, &
laicis, sic ad ipsam cõiter accedere possunt laici, ut sapienter
diligant, & religiosi, ut mundana contemnant.

Quartò

Sermo XXXII.

Quartò fuit prælata, & subdita. Sæpe enim prælati despiciunt subditos, & subditi iudicant prælatos. Ideo ipsa fuit prælata, quando in matrem domini fuit assumpta. Et tunc fecit se subditam quando se uocauit ancillam. Ideo significatur per lignum uitæ, de quo dicitur Gen. 2. c. Lignum uitæ in medio Paradisi. Paradisus est, in qua sunt omnes ecclesiæ prælati, & subditi, in quorum medio est beata uirgo tanquam lignum uitæ reficiens prælatos cibo sapientiæ. Eccle. 15. Cibaui illum pane uitæ, & intellectus. Et subditos cibo salutaris obedientiæ, de quo dicitur Ioan. 5. Meus cibus est, ut faciam uoluntatem eius, qui misit me.

Quintò fuit iusta, & tñ non uitauit peccatoris remedia, qñ s. purificari uoluit. Sæpe aut peccatores iusti despiciunt, & peccatores iustos uilipendunt. Et iò uoluit esse iusta, ut iusti gratiā inueniant, & uoluit hñe peccatorum remedia, ut peccatores in ea remedia inueniant. Ideo significatur per auroram Cant. 6. Quæ est ista, quæ progreditur quasi aurore con surgens, &c. Et per stellam matutinam. Eccl. 50. Quasi stella matutina in medio nebulæ. Aurora enim & stellæ sunt mediæ inter diem, & noctem, quia ipsa est media inter iustos, & peccatores. Ab ipsa enim iusti recipiunt gratiam, & peccatores ueniam.

Sextò fuit consolata, & tribulata. Sæpe enim tribulati iudicant consolatos, & consolati tribulatos condemnant. Ideo ipsa fuit in maxima consolatione quando angelus aduentū filij pronūciāuit sibi. unde ipsa dixit. Exultauit spiritus meus in Deo salutari meo. Et fuit in maxima tribulatione, quando filium suum crucifixum uidit. Luc. 2. Tuā ipsius animam pertransibit gladius. Ideo significatur per lunam Cant. 6. Pulchra, ut luna. Luna enim lucet in nocte quandoque etiam in die, sed tamen eius lux magis apparet nocte, quia uirgo lucet his, qui in die consolationis sunt ne euanescāt per inanem letitiam, & his qui sunt in nocte tribulationis, ne fragantur per impatientiam. Magis autem lucet his qui sunt in tribulatione, quā his qui sunt in consolatione.

Septimò fuit diues, & pauper. Sæpe autem diuites pauperes uilipendunt, & pauperes ipsos diuites esse præscitos credunt.

dunt. Ideo diuitias habere uoluit, quando Magi obtulerunt sibi aurum, & tamen habuit paupertatem, quando illud pauperibus erogauit, ut ex hoc daretur intelligi, quòd diuites, & pauperes possunt uenire in regnum, sed tutior est uia paupertatis, quàm ubertatis. Ideo significatur per oliuam, quæ est in campis, ad quam omnes tam diuites, quàm pauperes accedere possunt. Eccl. 14. Quasi oliua speciosa in campis. Ad ipsam enim accedunt pauperes, ut diuitijs ditetur spiritualibus. Accedunt diuites, ut in suis diuitijs dirigantur.

MIRABILES QUALITATES QUÆ

erant in ipso conceptu Beata Virginis, idest

Christo. Sermò XXXIII.

CONCEPTIO Mariæ, qua scilicet, Christum concepit, prædicta fuit per Isaiam Prophetam dicentem Isa. 7. Ecce uirgo concipiet. Secundò in prole uera diuinitas cum dicitur. Et uocabitur nomē eius Emanuel, idest nobiscum Deus. Tertiò in eadem prole uera humanitas, cū dicitur. Butyrum & mel comedet. Quartò utroque signo miraculosa sublimitas. Ideo præmittitur. Propter hoc dabit dominus ipse uobis signum.

Circa primum notandum, quòd sicut dicit Chryso. super Mat. Iudæi non dicunt. Ecce uirgo concipiet, sed ecce puella. Sed si puella idem est, quòd uirgo habemus propositum, Si uero puella communi lege coniugij esset in uero habitura, iam non esset signum, quia signum debet excedere omnem ordinem rerum. Fuit ergo uirgo in conceptu, & in partu, & hoc fuit signum mirabile. Aug. in sermone Castissimum. Quæ sūt Dei mirabilia, nisi quæ sunt homini impossibilia? Qui ergo lapideas inscripsit tabulas sine stillo ferreo, ipse grauidauit Mariam Spiritu sancto. Et qui produxit panem in eremo sine aratore, ipse ingrauidauit Mariam sine aratione. Et qui fecit uirgam Aaron sine pluuia germinare, ipse fecit filiā Dauid sine semine generare.

Secundò notatur in prole uera diuinitas, cum dicitur. Et uocabitur Emanuel, idest nobiscum Deus. Quod uerbum

Sermo XXXIII.

per tractās Hugo de sāto Victo. dicit. Deus nobiscū est quatuor modis, scilicet, per præsentiā maiestatis per participationem humanitatis, per uinculum charitatis, per patrociniū ueritatis.

In primò mala nostra cognoscit. In secundo expertus est. In tertio compatitur. In quarto aufert. Ber. quoque idem uerbum pettractans dicit: Triplex quidem erat humani generis indigentia, scilicet, auxiliij, consilij, & præsidiij. Nam faciles sumus ad seducendum, debiles ad operandum, fragiles ad resistendum. Si discernere uolumus inter bonum, & malum decipimur. Si tentamus facere bonum deficimus. Si conamur resistere malo deuincimur. Proinde necessaria est saluatoris præsentiā, ut sit nobis Deus qui per fidem in nobis habitans, cecitatem nostram illuminet, & nobiscum manens, infirmitatem nostram adiuuet, & pro nobis stans fragilitatem nostrā protegat, & propugnet.

Tertiò notatur in prole uera humanitas, cum dicit Butyrum, & mel comedit. Ber. Ac si diceretur. Erit paruulus, ac alimētis uescetur infantilibus, ut sciat, inquit, reprobare malum, & eligere bonum. Quæ uerba exponens Bern. dicit. Duo sunt in lacte ouis. scilicet, butyrum, quod est humidum, & pingue, & caseus, qui est aridus, & durus. Quis enim centesima est genus humanum, quā uerus pastor quæsiuit, & inuenit, in qua duo erant, scilicet, natura dulcis, & bona tanquam butyrum, & peccatum durum, & aridum, quod est caseus. Iste igitur paruulus sapienter elegit, quia naturam nostram accepit, & peccati corruptionem vitauit. Similiter & apis habet mel, & aculeum, & significat Deum, qui habet mel misericordiæ, & aculeum iustitiæ, iuxta illud Psalm. Misericordiam, & iudiciū cantabo tibi domine. Sed ista apis ad nos ueniens attulit mel misericordiæ, & aculeum reliquit, quia non uenit, ut iudicaret mundum, sed ut saluaret. Postea subdit Bern. Nolite tamen peccare in spe. Apis enim nostra aliquando reassumet aculeum acriter insigens medullis peccatorum, quia pater omne iudiciū dedit filio. Nunc autem paruulus noster butyrum, & mel comedit, quia bonum humanæ naturæ, & diuinæ misericordiæ sic in seipso uniuert, ut
esset

esset homo uerus peccatum non habens, & esset Deus misericors iudicium non exhibens.

Quartò notatur in utroque signo miraculosa sublimitas, cum subditur. Propter hoc dominus dabit ipse uobis signum. Iste rex secundum Bern. Erat homo humanæ sapientiæ astutus, & fastigio solij regalis elatus. Et ideo dixit ei Deus, ut peteret aliquod signum, in quo ostenderetur profunda Dei sapientia. Pete, inquit, à Domino signum, siue in excelsum supra, ubi ostenditur excellens Dei potentia, ut sic Dei sapientia eius astutiam confunderet, & eius potentia istius superbiam irritaret. Ipse tamen uoluit dare responsionem formâ pietatis habentem, sed non virtutem. Non petam, inquit, & non tenrabo dominum. Istud autem est Deo molestum, quando scilicet, quis non uult, uel per Dei sapientiam corrigi, uel per eius potentiam deterreretur. Ideo additur. Molesti estis, & Deo meo. Et propter hoc dabit dominus ipse uobis signum. Ecce uirgo concipiet, &c. Ac si dicat. Postquam non uultis signum profundæ sapientiæ, quæ astutiam confundat, nec potentiam, quæ superbiam constingat, dabo uobis signum gratiæ, & charitatis, quæ saltem uos alliciat, quia ecce uirgo concipiet, propter tale signum dicitur Eccl. 26. Innoua signa, immuta mirabilia. Conceptus fuit sine pudore, partus sine dolore. Puer qui nascitur Deus est. Mater, de qua nascitur uirgo est. Et partus ipse sine dolore est. Augustinus in libro de symbolo ponit ista tria signa, & mirabilia dicens. Pariter mater, & uirgo intacta est facta, factor omnium fit intus, omnia portans, portatur in manibus, rector totius orbis, lambit ubera regens sydera, tacet, & uerbum est.

LONGE DISSIMILIS EST CHRISTI
conceptus in Beata Virgo, conceptui humano.

Sermo

XXXIIII.

CONCEPTIO Christi in utero uirginali facta fuit
octauo Calendas Aprilis, & eodem die triginta tribus
annis

Sermo XXXIII.

annis passus fuit, sicut dicunt. Augustinus, Chrysostomus, & Bernardus. Ipsa conceptio Christi multum dissimilis est à nostra.

Primò enim conceptio nostra est immunda. Conceptio autem Christi fuit pura, & sancta, unde dixit Angelus Mariæ. Quod enim ex te nasceretur sanctum, &c. Nos enim cum peccato concipimur, & nascimur. Beata autem virgo fuit cum peccato concepta, sed sine peccato nata. Christus autem sine peccato conceptus, & natus. Et quia conceptio Christi fuit sic munda, ideo mundavit nostram immundam. Iob. 13. Quis potest facere mundum de immundo conceptum semine? nõne tu qui solus es? Bern. in sermone de Natiuitate Domini. Placebit ne tibi Domine Iesu, ut dones mihi uitam tuam, sicut donasti conceptionem tuam. Non solum autem ait Christus conceptionem meam, & uitam meam tibi donabo, sed & mortem, resurrectionem, ascensionem, & Spiritus sancti missionem tibi adijciam, ut conceptio mea mundet tuam, uita mea instruat tuam, mors & resurrectio mea præcedat tuam, ascensio mea præparet tuam.

Secundò conceptio nostra fit ex commixtione seminis utriusque parentis. Conceptio autem Christi facta fuit ex purissimis sanguinibus virginis, non ex virili semine, sed Spiritus sancti operatione, & uirtute. Ideo dixit Angelus Mariæ, Spiritus sanctus superueniet in te. Spiritus enim sanctus secundum Dam. in Maria superueniet, ut daret semine potentiam receptiuam diuinitatis, ut daret virgini potentiam generatiuam. Trium enim erant impossibilia, siue quod mater aliqua sine aliquo peccato pareret. Siue quod femina Deum conciperet. Siue quod virgo generaret. Spiritus igitur sanctus in eam superueniens dedit matri sanctificationis gratiam, ut sine peccato pareret. Psal. Sanctificauit tabernaculum suum altissimus. Dedit semine potentiam diuinitatis receptiuam, ut Deum conciperet. Apoc. 12. Mulier amicta sole, Tunc sole amicta fuit, quando Deum in utero suo concepit. Dedit virgini potentiam generatiuam, ut manens virgo generare posset. Isa. 7. Ecce virgo concipiet, &c. Hugo de sancto Victo. Non quod de Spiritus sancti substantia semē paritus accepit, sed

sed quia per amorem, & operationem spiritus sancti ex carne virginis diuino partu nostram substantiam ministravit. Quia in corde ipsius spiritus sanctus singulariter atdebatur. Ideo spiritus sanctus in eius carne mirabilia faciebat, & cuius dilectio in eius corde non suscepit socium, eius operatio in illius carne non habebat exemplum.

Tertiò conceptio nostra non statim perficitur, sed paulatim ad perfectionem ducitur. Nam sicut dicunt philosophi Corpus pueri in 46. diebus perficitur. Corpus autem puellæ in 86. In Christi autem conceptione non sic fuit, sed statim post consensum virginis plenus homo in anima, & corpore fuit, ita tamen quòd lineamenta membrorum visibus discerni non possent, & ideo paulatim ad perfectionem deducebantur, unde sequitur Ioan. 2. Quadraginta sex annis ædificatū est templum hoc. Augustinus Hic nummus domini corporis perfectioni congruit, quia ut dicunt philosophici tot diebus forma corporis humani perficitur. Non igitur fuit dominus in instanti suæ conceptionis perfectus corporali magnitudine, sed gratia & uirtute. Primò enim Adæ, quando factus est congruebat perfectio corporalis. Secundo uerò Adæ cœlesti congruebat perfectio spiritalis. Fuit autem Christus in utero virginis 276. diebus, qui faciunt 37. hebdomadas, & duos dies. Iste enim numerus secundum ordinem naturæ non errantis, nec deficientis congruit cuilibet post animæ infusionem in utero esistenti.

Quartò nostra conceptio est naturalis. Conceptio autem Christi fuit mirabilis, & ideo inuestigabilis. Illud enim incarnationis mysterium fuit miraculosum, quia fuit subitum Gabriele Angelo annunciante, & Spiritu sancto adueniente, mox uerbum in utero, mox intra uterum uerbum caro fuit insolitum, quia omnium nouorum uouissimum. Hiero. 31. Nouum faciet dominus super terram, formina circumdabit uirum. Fuit supra spem expectantium, quia genus humanum nunquam tantam gratiam se recepturum sperabat. Fuit supra facultatem nostræ rationis, & mentis. Hiero. in sermone de assumptione. Quod natura non habuit, usus nesciuit, ignorauit ratio, mens non capit humana, pauet cœlum, stupet terra, creatura

creatura omnis etiam celestis miratur. Hoc totum per Gabrie-
lem Mariæ diuinitus nunciatur. Qualiter autem ipsa conce-
ptio fuit mirabilis ostendit Bern. in sermone de uigilia nati-
uitatis Christi dicens. In illa assumptione fecit carni nostræ
Deus tres mixturas mirabiliter singulares, & singulariter mi-
rabiles. Coniuncta sunt adinuicem Deus, & homo, mater, &
Virgo, fides, & cor humanum. In prima commixtione trini-
tas est in substantijs, & unitas in personas, sicut in sua diui-
nitate trinitas est in personis, & unitas in substantia, & si-
cut iste persone non scindunt unitatem, nec unitas minuit
trinitatem, ita etiam persona hæc non cōfundit substantias,
nec ipse substantiæ dissipant unitatem.

Secunda est mater, & Virgo. A seculo quippe non est audi-
tum, quod Virgo peperit, & quod Virgo mater permanserit.

Tertia est fides, & cor humanum. Mirum est enim quo-
modo cor humanum hiis duobus fidem accommodauit, &
Deus homo esset, & quod uirgo peperisset. Sicut enim ferrū,
& teste non possunt coniungi sic nec hæc duo queunt misce-
ri si non misceat glutinum Spiritus Sancti. Quia igitur con-
ceptio sic mirabilis fuit, ideo fuit inuestigabilis propter q̄
dixit Ioan. ut habetur Io. 1. Cuius non sum dignus corrigiam
calciamēti soltere. Per pedē significatur diuinitas, per calcia-
mentum signatur caro, per corrigiam signatur anima. Sicut
enim pes mediante corrigia iungitur calciamento, sic di-
uinitas mediante anima carni unitur. Qui autem nescit me-
diū, ignorat extrema. Et quia Ioannes dixit se non esse
sufficientem intelligere uel alijs exponere Christi corrigiā. i.
eius animā, per consequens relinquitur q̄ non sit sufficiens
cognoscere eius pedem, i. eius diuinitatem, nec calciamentū
i. eius corpus de Spiritu Sācto gestum. De hoc sic Petrus Ra-
dicat. Hoc ineffabile sacrum dominicę conceptionis magis
conuenit credere, quam referre. Nam quod natura non ha-
bet, usus nescit, ignorat ratio, mens non sapit, cælum pauet,
terrā stupet, creaturā miratur, qualiter humanus sermo nat-
rabit. Quis enim attingeret archanum diuinitatis partum.
Causam rerum seculorum negotium diuinitatis & huma-
nitatis cōmercium hominem Deum. Hieronimus in sermo-

ne de

ne de assumptione. Fuit igitur mirabilis, quia fuit supra naturam, & ex eo quod sine dolore peperit, supra consuetudinē, ex eo quod sine peccato, & de Spiritu sancto concepit.

QVIBVS VIRIBVS BEATA VIRGO
contriuit serpentis caput, eiusq; uires. Ser. XXXV.

CONTRIUIT Virgo Maria caput serpentis infernalis, iuxta illud Gen. 3. Ipsa conteret caput tuum. Per caput potest intelligi eius suggestio, vel potestas, vel astutia. Primum caput, scilicet, suggestionis ipsa contriuit, & cōfregit, ita quod nulla ad ipsam appropinquare, uel accedere aua fuit. Fulbertus Carnocensis episcopus. Quid est caput serpentis conterere nisi principalem diaboli suggestionem resistendo superare? Et subdit. Beata igitur Maria eius caput contriuit in hoc, quod uirginitatem, & humilitatem seruauit. uirginitate nanque extinxit concupiscentiam carnis, humilitatem superbiam mentis. Secundum caput, scilicet, eius potestatem ipsa contriuit per filium quem genuit, qui diabolum suo dominio spoliavit. Tertium caput, scilicet, eius astutia diuiditur in tria capita, scilicet, in sapientiam terrenam, animalem, & diabolicam, sicut dicitur Iac. 3. Sed ipsa contriuit sapientiam terrenam per paupertatem, animalem, idest carnalem per uirginitatem. Et diabolicam, idest superbiam per humilitatem.

Vel potest dici, q̄ diabolus est malitiosus, immundus, superbus, & astutus. Ipsa enim contriuit malitiosum per charitatem suam. Iudith. 9. Percuties cum labijs charitatis meæ. Sicut enim uenenum serpens portat in ore, sic diabolus semper portat in suggestione. Et sicut serpens, quando lapidibus obruitur funditus necatur, sic diabolus orationibus B. Marię percutitur, & ab omni sua malitia enervatur. Ideo bene dicitur. Percuties labijs charitatis meæ. Labia charitatis sunt B. uirginis orationes, quas pro nobis effundit ex intimo affectu cordis. Secundo contriuit immundum per uirginitatem suam. Dæmones enim dicuntur immundi, quia diligunt immunditiā. Immunditias procurant, & suadent, & in cordibus

immundorum morantur libenter. Sed istos immundos ipsa contriuit merito suæ virginitatis, & puritatis. Iudith 9. Erat enim memoriale nominis tui cum manus femine deiecerit eum. Ista est illa manus, de qua dicitur Prouer. vlt. Manum suam misit ad fortia. Quæ autem sint illa fortia dicitur ibidem. Accinxit fortitudine lumbos suos, & roboraui brachiū suum. Tertiò contriuit superbium per humilitatem suam. Iudith. 14. Vna mulier Hebræa fecit confusionem in domo Nabuchodonosor. Sicut enim est magna confusio alicui giganti si vna puella ipsum ligaret, sic superbis dæmonibus fuit magna confusio, quando una puella per eius humilitatem, eorum superbiam superauit. Iob. 40. Ligabis eum ancillis tuis. Vna de maioribus ancillis Dei fuit Virgo Maria, quæ per suam humilitatem diaboli potestatem alligauit. Quartò contriuit diabolum astutum per suam sapientiam. Iudic. 4. In manu femine tradetur Syfara, idest diabolus. Ipse enim diabolus est ualde astutus 2. Cor. 12. Timeo autem ne sicut serpens Euam seduxit astutia, ita corrumpantur sensus uestri. Virgo autem sapiens est ualde. Prouer. 14. Sapiens mulier ædificat domum suam, idest militantem ecclesiam. Ipse igitur Syfara traditus est in manus femine, quia astutia diaboli tradita est sapientia Mariæ. quia illud quod diabolus astute cogitat, hoc ipsa sapienter ordinat. Ista est illa mulier sapiens, de qua dicitur 2. Reg. 20. c. Exclamaui mulier sapiens de ciuitate. Et infra. Ingredita est ergo ad omnem populum, & locuta est eis sapienter. Qui abscissum caput Sibe proiecerunt ad Ioab. Ista mulier sapiens ad Deum clamat, quando suis orationibus pro nobis apud Deum interpellat. Ista sapienter ad populum loquitur, quando eius inspirationibus illuminamur. Ista caput Sibe amputauit, quando diabolicas suggestiones frangit penitus, & enervat.

Vel potest dici, quòd per hoc, quod dicitur. Ipsa conteret caput tuum, ostenditur uictoria virginis super diabolum quadruplici ratione.

Primò ratione conterentis, cum dicitur, ipsa, quia non fuit vir, sed femina.

Secundò ratione modi conterendi, quia non percussit, nec vulnera-

vulnerauit, sed contriuit. Quod enim percutitur vulneratur, interdum sanatur, quod uero conteritur nunquam ulterius reparatur.

Tertiò ratione partis, quam contriuit, quia non eandem, sed caput, idest suggestionem suam, & ideo dicitur caput tuum. Serpens enim percussus in cauda euadit, in capite contritus nunquam resurgit.

Quartò ratione personæ, quam contriuit, quia non aliquem de paruis dæmonibus, sed ipsum principem dæmoniorum contriuit, quod notatur similiter per hoc, quod dicitur caput tuum. Ille enim serpens, qui Euam decepit figurabat personam Luciferi, qui est caput dæmonum.

EXCELLIT SANCTITATE, FRUCTUOSI-
tate, & honestate Beata Virginis conuersa-
tio, Sermo XXXVI.

CONVERSATIO Mariæ fuit ualde sancta, ualde fructuosa, & ualde honesta.

Valde sancta quidem fuit, quia non habitabit in terris, sed in cœlis. Eccle. 24. Ego in altissimis habito, Gyrum cœli circuiui sola. Ideo poterat dicere cum Apostolo Philip. 3. Nostra conuersatio in cœlis est. Conuersatio autem dicitur totam uitam hominis, scilicet, cogitationes cordis, locutiones oris, & effectus operis. Istis tribus modis conuersabatur in cœlis. Ideo dicitur de muliere forti Prouer. vlt. Gustauit, & uidit, quoniam bona est negociatio eius. Ecce quia in corde habuit desideria sapientia, Os suum aperuit sapientiæ, & lex clementiæ in lingua eius. Ecce quia in ore habuit uerba gratiosa. Accinxit fortitudine lumbos suos, & roborauit brachiū suū, Ecce quia habuit opera uirtuosa.

Secundò eius conuersatio fuit famosa, scilicet, Deo per humilitatem, angelo propter uirginitatem, hominibus propter fecunditatem. Iudith. 15. Tu gloria Hierusalem, idest Dei, in quo est uisio pacis, & hoc propter tuam humilitatem. Tu gloria Israel, idest angelorum, qui uident Deum facie ad faciem. Et hoc propter tuam uirginitatem. Tu honorificentia populi.

nostri. Et hoc propter tuam fecunditatem. De his tribus dicit Ber. super Missus est. Singularis Mariæ virginitas, quod non temerauit sed honorauit fecunditas, sed nihilominus spiritualis humilitas, quam non abstulit, sed, extulit incomparabilis propter fecunditas, quam virginitas simul concomitatur, & humilitas.

Tertiò eius conuersatio fuit ualde honesta, quia semper cum honestis personis fuit conuersata, scilicet, aut cum filio, aut cum angelo, aut cum cætu apostolico, aut cum Ioseph spò suo, aut cum Ioanne sibi in custodem deputato. Fuit igitur conuersata cum filio, quia ipsum nunquam deseruit, sed semper cum associata fuit. Nam secuta est eum nascentem Lucæ. 2. Inuenerunt Mariam, & Ioseph, & infantem positum in præsepio. In Ægyptum fugientem. Matt. 2. Surge, & accipe puerum, & matrem eius, & uade in terram Iudæ. In templo cum doctoribus disputantem. Luc. 2. Inuenerunt eum in templo, sedentem in medio doctorum. In nuptijs conuiuantem, Ioan. 2. Nuptiæ factæ sunt in Chana Galileæ, & erat mater Iesu ibi. In populo prædicantem, Matth. 12. Adhuc eo loquente ad turbas ecce mater eius, & fratres. &c. In patibulo morientem. Ioan. 19. Stabat iuxta crucem Iesu mater eius, &c. De tumulo resurgentem, quia sibi primo creditur apparuisse. In cælum ascendentem, unde dicit sanctus Odilo. Credimus ipsam interfuisse gaudijs ascensionis Domini, & in die Pentecostes Spiritus sancti gratiam cum Apostolis recepisse, quam constat à conceptione Christi plenissime habuisse.

Secundò conuersata fuit cum angelo, unde dicit Hieronymus in sermone de assumptione. Si quæretur quid egerit beatissima virgo post ascensionem filij, unum pro certo est, quia virgo sancta mente, ac corpore permansit, quam sanè Gabriel angelus cælestis paranymphus intactam custodiuit. Angelus enim custodiuit ipsam nascentem, ipsam in mundo conuersantem, ipsam ad cælestem patriam reuertentem. Ideo poterat dicere cum Iudith 13. Viuit dominus, quia custodiuit me angelus eius, & hic euntem, & ibi commorantem, & inde huc reuertentem.

Tertiò conuersata fuit cum cœtu apostolico. Hieronymus in sermone de assumpt. Post ascensionem Christi Mariæ conuersatio generaliter cū Apostolis usque ad eorum dispersionem fuit. Ipsa enim Apostolos lætificat præsentia sua. Unde quilibet apostolus potuit dicere illud Sap. 8. Intrans in domum meam conquiescam cum illa, non enim habet amaritudinem conuersatio illius, nec tedium conuictus illius, sed lætitiā, & gaudium.

Secundò instruebat eos doctrina sua. Hieronymus, ubi supra. Ecce Domino Iesu ascendente in cælum virgo cum apostolis uacat in scola virtutum, ac meditatur in lege mandatorum Dei, ut ipsa sit forma disciplinæ Christi, & virginibus cæteris exemplum perfectionis.

Quartò conuersata fuit cum sponso suo, uerum est tamen quoddam Ioseph propter virginis sanctitatem nolebat cum uirgine conuersari, sed uolebat ipsam occultè dimittere, unde dicit Origenes Ioseph uirtutem mysterij in ea cognoscebat, & indignum ideo sibi appropinquare æstimabat, humilians ergo se ante tantam, & ineffabilem rem se longe facere quærebat, sicut & beatus Petrus se humilians Domino dicebat. Recede à me domine, quia homo peccator sum. Ideo uoluit eam occultè dimittere dicens Maior est enim eius dignitas, super excellit eius sanctitas, nec meæ congruit dignitati. Chrysost. super Matth. O ineffabilis laus Mariæ, magis credebat Ioseph castitati eius, quàm utero eius, & plus gratiæ, quàm naturæ, conceptionem manifestè uidebat, & fornicationem suspicari non poterat. Possibilis credebat mulierem sine uirò concipere, quàm Mariam posse peccare.

Quintò conuersata fuit cum Ioanne Euangelista. Hieronymus, ubi supra. Quauis omnes Apostoli beatissimam uenerati sunt Ioannes tamen eidem amplius usque ad finem uitæ deseruiuit, quam sibi à benigno magistro commissam in suam quasi filius in matrem accepit, quando Christus sibi dixit. Mulier ecce filius tuus. Ipsa tamen de ista tali recommendatione consolationem non habuit, sed de ipsa magnum concepit dolorem. Berni in sermone de assumpt. Nonne plus, quàm gladius fuit sermo ille. Mulier ecce filius tuus.

Sermo XXXVII.

Ō commutationē Ioannes, tibi pro Iesu traditur, Seruus pro Domino. Discipulus pro magistro. Filius Zebedei pro filio Dei. Purus homo pro Deo uero.

*NULLI LABI, NULLIQUE CORRUPTIONI
fuit obnoxium corpus B. Virginis. Ser. XXXVII.*

CORPVS Beatæ Mariæ nulli corruptioni unquam fuit subiectum, nec in sua natiuitate, nec in filij sui conceptione, nec in uita, nec in morte. Nec mirum, quia corpus suum fuit in utero sanctificatum. In filij conceptione fuit solari radio illustratum. In uita sua fuit triplici custodia prætunitum. In morte sua fuit quadruplici prærogatiua dotatum.

Primò igitur corpus eius in natiuitate sua nulli corruptioni fuit subiectum, quia fuit in utero sanctificatum. Psal Sanctificauit tabernaculum suum altissimus. Ber. est itaque uirgo regina uerbis honorum titulis cumulata, quæ proculdubio sancta fuit antequam nata. Ildefons Toletanus Archiepiscopus. Si beata Maria in utero sanctificata non fuisset, eius natiuitas colenda non esset. Nullis ergo quando nata est delictis subiucit, nec originale peccatum in utero sanctificata contraxit.

Secundò corpus eius nulli corruptioni fuit subiectum in filij conceptione, quia fuit solari radio illustrata. Ista enim est illa mulier, de qua dicitur Apoc. 12. Mulier amicta sole. Sicut enim radium solis vitrum, & speculum intrat, & exit sine uitri corruptione, sic Christus in matrem suam intrauit, & exiit sine materni pudoris uiolatione. Augustinus, de hoc sic dicit in sermone de nat. Domini. Solis radius speculum penetrat, & soliditatem eius insensibili agilitate pertransit, & talis manet extrinsecus, qualis intrinsecus. Itaque fratres, nec cum ingreditur uiolat, nec cum egreditur dissipat, quia in ingressu, & egressu speculum integrum perseuerat. Deinde concludit. Speculum ergo non rumpit radius solis, & integritatē uirgininis ingressus, aut egressus uitare non potuit claritas
deitatis.

Tertiò

Tertiò corpus eius in uita nulli corruptioni fuit subiectũ, quia fuit triplici custodia præmunitum, scilicet, propria, angelica, & diuina. Per hanc triplicem custodiam dicitur Cant. 4. Hortus conclusus es soror mea, sponsa, hortus conclusus, fons signatus. Bis uocat eam hortum, conclusum. Fuit enim hortus conclusus quantum ad custodiam propriam, quia sensus suos, & cor suum semper custodiuit, & in thalamo se inclusit, ut quietius Deum exoraret, & sensus suos custodiret. Ber. super Missus est. Puto quòd angelus ingressus est in lecretarium pudici cubiculi, ubi fortassis, illa clauso super se ostiolo patrem suum orabat in abscondito. Clausit quidem illa ostium suum non angelis, sed hominibus. Non est ergo suspicandum, quòd angelus apertum inuenerit virginis ostium, cui nimirum erat in proposito frequentias hominum fugere, colloquia uitare, ne uel orantis silentium turbaretur, uel continentis castitas tentaretur, nec fuit angelo difficile per ostiolum clausum abscondita virginis penetrare cui utique ex naturæ suæ subtilitate quilibet corpus quantuncunque solidum, uel spissum, aut purum penetrabile fuit.

Secundò fuit hortus conclusus propter custodiam angelicam, quia angelus eam custodiuit. Ideo poterat dicere cum Iudith. 13. Viuit dominus, quia custodiuit me angelus eius, & hinc euntem, & ibi commorantem, & inde huc reuertentem. Virgo autem beata habuit nitam actiuam, quæ requirit magnam sollicitudinem. Et ideo hinc dicit euntem, habuit nitam cõtemplatiuam, quæ requirit mentis quietem. Et ideo subdit, & ibi commorantem, & nihilominus sui ipsius non obliuiscitur, sed ad sui custodiam reuertebatur. Et ideo subdit. Et inde huc reuertentem. Tertiò fuit fons signatus quantum ad custodiam diuinam. Deus enim ipsam significauit, quando eam sibi in sponsam elegit, & ideo ipse solus clauem portabat cuius thesaurus intus latebat. Istud signaculũ monet sponsus, ut ipsa super se accipiat. Cant. 8. Pone me sicut signaculum super cor tuum, ut signaculum super brachium, quia fortis est, ut mors dilectio tua. Ex quibus uerbis habetur, quòd Deus significauit in ea suam intellectuã, ita ut ne ea nihil possit intrare ignorantie. Ideo dicit. Pone

me sicut signaculum super cor tuum. Signauit eius operati-
nam, ita ut nihil in ea possit intrare negligentie. Ideo dicitur.
Ut signaculum super brachium tuum. Signauit eius affecti-
uam, ita ut in ea nihil intrare possit affectionis mundanæ.
Ideo subditur: Fortis est, ut mors dilectio tua.

Quartò eius corpus, nec in uita, nec in morte ulli corrup-
tionis subiaceret potuit, quia fuit quadruplici prærogatiua
dotatum.

Primò enim fuit à patre firmiter compaginatum. Cant.
9. Soror nostra parvula est, &c. Et infra. Si ostium est com-
pinguamus illud tabulis cedrinis. Corpus nostrum est com-
paginatum tabulis luteis. Iob. 4. Qui habitant domos luteas,
qui terrenum habent fundamentum consumentur uelut à ti-
nea. Et ideo ad quemlibet impulsu tentationis, uel tribula-
tionis cadit. Quando signatum est Dan. 2. Vbi dicitur, quòd
lapis percussit pedes fictiles statuæ, & statim comminuta est.
Corpus autem virginis fuit tabulis cedrinis compaginatum,
Lignum enim cedrinum est tam fortè, & solidum, quòd flecti
non potest per aliquam uiolentiam uel pondus. Sic & corpus
virginis fuit tam firmiter compaginatum, quòd in uita, nec
potuit frangi, uel flecti per peccatum, nec in morte potuit
frangi per aliquam corruptionem. Secundò eius corpus fuit
sapienter à filio temperatum. Corpus enim nostrum mul-
tas habet distemperantias, siue ex superfluitate humorum, si-
ue ex corruptione uitiorum, siue ex pugna, quæ est inter cor-
pus, & spiritum, & ideo cito cadit, siue in peccatum, siue in
mortem. Eze. 2. Edificabant parietem, & linebant eum luto
absque temperamento. Dic ad eos, qui liniunt absque tem-
peratura, quòd casurus sit. Illud autem distemperamentum
non fuit in corpore virginis, quia non fuit ibi corruptio hu-
morum, siue uitiorum, quia terra sua erat in aurum conuersa.
In aurum autem non incidit corruptio. Iob. 18. Glebæ illius
aurum. Nec fuit ibi distemperatiua, idest pugna inter corpus,
& spiritum suum, quia cum iam esset archa Dei omnia in ip-
sa fuerunt pacificata. Tertiò eius corpus fuit à spiritu sancto
clementer depuratum. Corpus autem nostrum habet multas
impuritates, sed ignis spiritus sancti omnem carnalitatem

extinxit in corpore virginis, & consumpsit, & ipsum ad omnem puritatem adduxit, unde potest dici sibi illud Isa. 1. Excoquam ad purum scoriam tuam. Tunc autem ignis Spiritus sancti omnem scoriam virginis excoxit, quando omnem carnalitatem, & omnem fomitem in ea consumpsit, & ad puritatem adduxit Malach. 3. Ipse enim quasi ignis conflans, & sedebit conflans, & emundabit argentum. Quartò eius corpus fuit à tota trinitate mirabiliter imbalsamatum. Tunc enim tota trinitas ipsam imbalsamavit, quando tota deitas in eius utero habitavit, & filius Dei de ea carnem assumpsit, & ideo ipsa dicit Eccles. 24. Quasi balsamum non mixtum odor meus, Deitas enim filij Dei fuit carni unita, sed non admixta. Ideo dicit. Quasi balsamum non mixtum odor meus. Bern. super illud. Spiritus sanctus superueniet in te. Preciosum illud balsamum tanta ibi copia, tanta influit plenitudine, ut plenissimè effluas circumquaque.

QVIBVS VSIBVS CONVENIT CRATER,

similibus accommodatur Beata Virgo.

Sermo

XXXVIII.

CRATER est Virgo Maria siue cratera, dicitur iuxta illud Cant. 7. Umbilicus tuus sicut crater tornatilis, nunquam indigens poculis. Et uocatur hic beata virgo crater, & umbilicus. Dicitur autem umbilicus beata virgo, quia sicut umbilicus est in medio corporis, sic & ipsa est. mediatrix generis humani. Psalm. Deus rex noster ante sæcula operatus est salutem in medio terræ. Bern. uidelicet, in utero virginis, ad quam sicut ad medium, sicut ad causam rerum, sicut ad negotium sæculorum respicium, & qui habitant in terra, & in inferno, & qui nos præcesserunt, & nos qui sumus, & qui nos sequentur, & nati uatorum, & qui ex eis nascentur, qui in cælo sunt, ut restaurentur. Qui sunt in inferno, ut eripiantur. Qui præcesserunt prophetæ, ut fideles inueniantur. Qui sequentur, ut glorificentur. Idcirco beatam te dicent omnes generationes.

Genitrix

Sermo XXXVIII.

Genitrix Dei, regina celi, Domina mundi, quæ generationibus cunctis uitam, & gloriam genuisti. In te reperiunt cuncti Angeli letitiam, iusti gratiam, peccatores ueniam. In te oculi totius creaturæ merito respiciunt, quoniam de te, & in te benigna manus omnipotentis quicquid creauerat recreauit.

Secundò dicitur crater in quantum fuit uas Dei, plenum gratiam, & Spiritu Sancto.

Notandum autem, quod in ueteri testamento ad tria utebatur cratera propter, quæ Beata Maria assimilatur.

Primò ad recipiendum sanguinem immolatum. Exo. 24. Tulit Moyses partem sanguinis, & misit in crateras, partem autem residuam fudit super altare. Sanguis Christi fuit quodammodo diuisus in duos, scilicet. in Virginem, & in Christum. Nā in Christi passione Virgo Beata fuit quodammodo tota sanguine Christi cruentata, & quodammodo cum filio martyrium passa iuxta illud Lucæ. 2. Tuam ipsius animā pertransibit gladius. Ideo poterat dicere illud Exo. 4. Sponsus sanguinum tu mihi es. Et tunc Sanguis Christi quodammodo positus fuit in cratera, id est, in Virgine Beata Christus etiam fuit totus sanguine cruentatus propter, quod angeli admirantes dixerit Isa. 63. Quare rubrum est indumentum tuum. Et tunc sanguis Christi fuit fusus super altare, i. super ipsum Christus, qui est inter nos, & Deum.

Secundò utebatur cratera ad sacrificia libantium. Nota, dicitur autem in historia scolastica, quod eorum, quæ Deo offerebantur, aut erat de animalibus, & dicebatur sacrificiū. Aut erat de sicca materia sicut de simila pane, & thure, & tunc propriè dicebatur oblatio. Aut erat de liquidis uino, & oleo. Et propriè dicebatur libamē siue libatio. In crateris igitur uinum, & oleum recipiebatur quando libatio Deo offerebatur. Beata igitur Maria fuit plena uino diuinę gratię ideo uocatur uitis. Eccl. 24. Quasi uitis fructificaui.

Tertiò utebatur ad effundendum sitientibus potum, unde dicitur in superiori auctoritate; Sicut crater tornatilis, nunquam indigens poculis. Beata igitur Maria despicientibus amorem mundi, & desiderantibus amorem Dei dat poculum, scili-

lum, scilicet vinum spiritus sancti, quod generat internam
 iocunditatem. Psal. Vinum lætifieat cor hominis, & generat
 puritatem, & munditiam. Zacha. 9. Vinum germinans virgi-
 nes. Et generat peccati amaritudinem. Cant. 8. c. Dabo tibi
 poculum ex myrrha conditum. Tertiò dicitur crater torna-
 tilis, quæ quidem habet formam sphericam. Forma autem
 spherica habet magnâ capacitatem, & interminabilitatem,
 motum facilem, & cursum uelocem. Ideo dicitur beata vir-
 go crater tornatilis. Primò propter capacitatem. Nam in-
 tra viscera suæ pietatis recipit omnia remedia, & auxilia
 nostræ salutis, iuxta illud Eccle. 24. In me omnis gratia vi-
 ræ, & ueritatis. Ex quibus uerbis habetur, quòd ipsa recipit
 iustos dando eis gratiam. Accipit peccatores dando eis ue-
 niam. Recipit ignorantes, & cæcos ostendendo eis verita-
 tem puram. Recipit desperantes dando eis spem certam.
 Recipit debiles, & infirmos dando eis virtutem, & constan-
 tiam. Secundò dicitur tornatilis propter interminabilita-
 tem, quia eius misericordia, nullo modo clauditur, nec fini-
 tur, sed à principio usque in finem uitæ nostræ, eius miseri-
 cordia nos comitatur. Tertiò dicitur tornatilis, quia habet
 motum facilem, & cursum uelocem. Quauis alij sancti de
 facili moueantur ad nostrum auxilium, ipsa tamen omnibus
 sanctis mouetur facilius ad nos. Sap. 7. Omnibus inobilibus,
 idest omnibus sanctis ad nostrum auxilium uenientibus, mo-
 bilior est sapientia, idest virgo beata, quæ Dei sapientiam
 generauit. Currit etiam uelociter ad nos, iuxta illud Cant.
 2. cap. Surge propera amica mea. Quarto dicitur crater
 nunquam indiget poculis, quia quantuncunque nobis gra-
 tiam Dei effundat, nunquam tamen deficit, sed amplius cre-
 scit, si tamen crescere posset. Videmus enim quòd quanto
 aliquis amat, tanto plus de amore effundit in ipsum, & tan-
 to amplius crescit amor in ipso amante, & ideo fons amo-
 ris de ipso fluxu amplius crescit. Renuendo uero amorem
 suum retinet, deficit, & atrescit. Qui enim amorem suum
 retinet ne in alium fluat, iam nil amoris habet, quia in eo
 aruit fons amoris. Quauis igitur ista cratera Dei semper
 effluat, nunquam tamen indiget poculis, quia semper est
 plena,

Sermo XXXIX.

plena, & super plena. Ideo dicitur Cant. 4. Fons horticorum puteus aquarum uiuentium, ipsa enim est fons, quia semper emanat, & est puteus aquarum uiuentium, quia anima arida uiuificat. Et fluit cum impetu de libano, quia mentes lo-
tificat. psal. Fluminis impetus letificat ciuitatem Dei.

ABVNDAT BEATA VIRGO DELITIIS
tam Spiritualibus quam Cœlestibus tam hic quam in patria. Sermo XXXIX.

DELITIIS habet Virgo Maria tam spirituales quam cœlestes, tam in hoc mundo quam in alio in xta illud Cant. ult. Quæ est ista, quæ ascendit de deserto delitijs affluens inixa super dilectum suum.

Primò igitur habuit delitias spirituales in hoc mundo, quæ fuerunt sex de quibus dicit Ber. sicut Qui Dei delicias dixerim, uirginitatis decus cum munere fecunditatis humilitatis insigne distillantē charitatis sauum, & in misericordie uiscera, plenitudinē gratiæ, prerogatiuā gloriæ singularis. Propter primas quatuor delitias dicitur Cant. 1. Cū esset rex in accubitu suo nardus mea dedit odorem suum. Ille rex habuit tres accubitus, sinum patris, uterum Virginis, & patibulum crucis. Nardus autem est herba humilis odorifera, & calida, per hoc, quòd est humilis notatur eius humilitas, per hoc, quòd est odorifera notatur eius Virginitas, per hoc, quòd est calida notatur eius charitas. Dum igitur esset rex in accubitu patris odorem dedit Mariæ humilitas quæ intantum Christo placuit, quòd ad eam descendit. Dū esset in accubitu uteri uirginalis odorem dedit eius uirginitas, quia eius puritate pascebatur. Cant. 2. Qui Pascitur inter lilia, i. corda mūda. Dum esset in accubitu crucis odorem dedit eius charitas, quia secundum Amb. Ad patiendum cū filio pro humano genere erat parata.

Propter alias tres delitias dicitur Cant. 3. Quæ est ista, quæ ascendit de deserto sicut uirgula fumi ex aromatibus myrrhæ, & thuris, & uniuersi pulueris pigmentarij. Fuit enim uirgula, quia fuit flexibilis ad pietatē. Ex aromatibus, quia

quia plena fuit odoribus omnium uirtutum. Et uniuersi pulueris pigmentarij: Vniuersi enim pulueres pigmētorum, sunt diuerſitates omnium uirtutum, & gratiarū, quia omnes gratias, & glorias, quas alij ſancti habuerunt particulariter, ipſa habuit uniuerſaliter.

Secundò habet delitias cœleſtes, & iſtę ſunt in triplici differentia. Sũt enim delitię generales, ſingulares, & ſpeciales. Delitię generales ſunt omnibus ſanctis communet, de quibus dicit Auguſtinus in libro de ciui. Dei. Ciuitas ſuperna uidet & amat, in æternitate Dei uiget, in ueritate Dei lucet, in ueritate Dei gaudet. Iſtę autem delitię communes, nobilius ſunt in uirgine, quàm in cæteris ſanctis, quia iocundius gaudet, clariuſ uidet, nobiliuſ uiget. Sap. 4. O quàm pulchra eſt caſta generatio cum claritate. In hoc, quòd dicit caſta generatio, notatur, quòd iocundius gaudet, de eo. ſ. quòd uirgo permansiſt, & tamen generauit. In hoc q̄ dicit cum claritate, notatur, q̄ clariuſ lucet, ſiue uidet. In hoc enim quod ſequitur. Immortalis eſt enim memoria illius, notatur quòd nobiliuſ uiget: Delitię autem ſpirituales ſunt, quas non omnes ſancti poſſidēt, ſed ſoli uirgines habent, ſcilicet, aureolam in capite, quod ſignificatum eſt. Exo. 25. Vbi dominus præcepit Moyſi, quòd ſuper menſam coronam auream facerent, coronam aureolā veſteſ fulgide in corpore. Apoc. 3. c. Ambulabunt mecum in albis. Ineffabile canticum in ore, ut habetur Apoc. 4. Et familiaritas in aſſociatione. Apocaly. 14. Hi omnes ſequuntur agnum quochnque ierit, hæ autem delitię ſpirituales glorioſius fuerunt in uirgine Maria, de qua dicitur Apoca. 12. Signum magnum apparuit in cælo mulier amiſta Sole, & Luna ſub pedibus eiſ, & in capite eiſ corona ſtellarum. 12. & in utero habens. Alię autem uirgines habent coronam aureolam. Hęc autem habet coronam ſtellarum. 12. adornatā. Alię decorantur ueſte alba. Hęc uero eſt ſole amiſta. Alię ſequuntur agnum pedibus ſiſ. Hęc autem habet Lunam, i. deſt militantem, & triumphantem eccleſiam ſub imperio ſuo. Alię cantant pro conſeruata uirginitate. Hęc autem pro uirginitate, & ſecunditate. Ideo dicitur in utero habens.

Sermo XL.

Tertio habet delicias singulares, quod notatur per hoc quod dicitur. Innixa super dilectum suum. Vbi notatur quod quatuor sunt eius deliciae singulares. Prima est securitas, & istam habuit maxime in mundo. Secura quidem erat, quia nunquam cadere poterat, quia super Deum innixa erat, Ps. Qui confidunt in Domino sicut mons Syon &c. Secunda est magna dignitas. Innixa enim erat ei à quo angelicae potestates reuelando resiliunt, & in cuius conspectum aspiciendo reuolunt, iuxta illud Tremunt uidentes Angeli. Tertia est eius familiaritas. Signum magnae familiaritatis fuit, quoniam Ioannes in sinu Christi recubuit, haec autem recubuit tanto dulcius quanto familiarius, quanto secretius, atque sublimius. Qui enim alicui rei innititur virtutem eius sibi assumit, & ea sicut vult utitur, sic & mater de potentia filij cui est innixa quantum vult sibi assumit. Ideo dicitur Eccl. 2.4. In Hierusalem potestas mea. Ber. Quando misereri non poterit mater omnipotentiae. Quarta est filij sui tota proprietas, quod notatur cum dicitur, Super dilectum suum, quia non fuit ibi aliquis pater carnalis, & ideo sibi merito attribuitur totus cum dicitur Super dilectum suum. Alij enim filij non sunt totaliter matris, sed sunt etiam & patris.

*PARTES DIEI B. VIRGINIS LAUDIBVS
conueniunt. Sermo XL.*

DIES dicitur à dyan quod est clarum, & significat Virginem Mariam quae fuit coelesti claritate perfusa. Si enim alij sancti dicuntur dies, iuxta illud Thess. 5. cap. Omnes vos filij lucis estis, & filij Dei, in quibus tamen fuit aliquando aliqua tenebra culpae, multo fortius ille debet dici dies, in quo semper lux diuina effulset, & nunquam in ea aliqua tenebra locum habuit. Si enim in isto mundo visibili corpus opacum, id est terra Soli se non interponeret, tunc Sol semper diem faceret, & nunquam nox esset. In Maria igitur nunquam aliquid fuit opacum, nihil terrenum, nihil rationi contrarium, & ideo nulla nox ibi potuit habere locum, sed semper tanquam dies lucida irradiauit. Zac. 1.4. Erat dies
qua

una quæ nota est Domino, non dies neque nox, id est, non vicissitudo dierum neque noctium. Ista talis dies quæ nunquam habuit noctem est Virgo Maria, quæ sicut dicitur Sap. 7. hæc est speciosior Sole. Illi enim non succedit nox. Sapientia autem vincit malitiam. De ista sapientia dicitur in Pl. Dies diei eructat verbum, & nox nocti indicat scientiam. Christus enim est dies, & Virgo est dies. Quando igitur insimul erant & mutuo loquebantur, tunc dies erat cum die, & dies diei verbum eructabat. Econtrario Adam erat nox, & Eva nox, & ambo uoluerunt habere Dei sapientiam, & ideo tunc nox nocti indicauit scientiam. Habet autem dies tres principales partes, scilicet, mane, & dicitur mane à mane quod est bonum, & luce quæ tunc incipit nihil est melius. Secunda pars est meridies, quasi mera dies. Tertia est vespere, quæ dicitur à stella occidentali quæ uesperus appellatur, & solem occidentem sequitur. Quantum verò ad istas tres partes diei, B. Virgo dicitur dies. Est enim dies quantum ad ipsam partem diei quæ est mane. Nam mane est finis dormitionis, & initium operationis, hora sobrietatis, & celebritate digestionis. Beata quidem Virgo fuit finis dormitionis. Peccatores enim dormiunt in peccatis. 1. Thes. 5. Qui dormiunt nocte dormiunt. Maria igitur est finis dormitionis, quia fecit finem uitij, & peccatis. Hiero, in sermone de assumpt. Talibus enim decebat Virginem oppignorari uirtutibus, ut esset gratia plena, quæ cælis dedit gloriam, terris Deum, pacemq; refudit, fidem gentibus, finem uitij, vitæ ordinem, moribus disciplinam. Secundò est initium operationis. Ante enim aduentum Christi homines bene operari non poterant, quia dæmones eos impediabant, sed ipsa dæmones impediētes expulit & homines ad bene operandum expeditos fecit. Pl. Ortus est Sol, id est, B. Virgo, & congregari sunt, scilicet, dæmones, & in cubilibus suis collocabuntur, id est, in inferno, & sic homo ibit securus ad bene operandum, unde sequitur, Exhibet homo ad opus suum. Tertiò fuit magnæ sobrietatis. Habuit enim sobrietatem in uerbo, quia raro inuenitur fuisse locuta. Glo. super Lucā. Si Maria inuenitur ante præceptum Apostoli tacere debemus post præceptum Apostoli magis doceri quàm docere.

docere. Habuit sobrietatem in cibo, unde dicit Amb. Si quando Maria esuriebat cibus plerumque obuius fuit, qui mortem arceret non delicias ministraret. Habuit sobrietatem in actu licito, siue coniugio, à quo uoluit abstinere, & uirginitatem conseruare, unde dixit angelo Lucæ. 2. Quomodo fiet istud, quoniam uirum non cognosco. Vbi dicit Amb. Non utique de effectu dubitauit, sed qualitatem effectus inquisiuit. Et subdit Amb. Legerat enim quòd uirgo generaret, sed nò quando generaret. Non ergo fidem regnauit, non officium recusauit. sed accommodauit affectum, & spondit obsequium. Quartò sicut mane est hora celebratę digestionis, sic Maria non proferebat uerba indigesta, idest impremeditata, & inconsiderata, sed ea prius digerebat, idest diligenter examinabat. Vnde dicitur Lucæ. 2. Cogitabat qualis esset ista saluatio. Ibidem. Maria conseruabat omnia uerba hæc, &c. ubi dicit Beda. Conferebat quæ acta uidebat habens, quæ agenda legerat, non tamen hæc ore promens, sed inclusa in corde seruans.

Secunda pars diei est meridies, idest media dies. Beata igitur Maria dicitur meridies, quia cæteris sanctis fuit magis calida, idest Dei amore accensa; immo fuit tota in ignem amoris conuersa. Hieronymus. Mariam totam replenerat Spiritus sancti gratia, totam diuinus amor incaluerat, ita ut in ea nihil esset, quod mundanus uiolaret affectus, sed ardor continuus ac perfusi amoris ebrietas. Secundò fuit magis cæteris sicca, idest ab omni humore concupiscentiæ penitus aliena, unde vocatur terra sitiens. Isa. 53. Et sicut radix de terra sitiens. Augu. super illud. Et uirtus altissimi obumbrabit tibi, ita ut nec estum patiaris libidinis, & mater sis creatoris, & idcirco eam Dei uirtus obumbrat ne portans Deum humana fragilitate succumbat. Tertiò fuit magis clara cæteris, idest luce diuinæ sapientiæ plena, unde Apoc. 12. Mulier amicta sole uocatur, idest sapientiæ diuinæ splendore. Nam sicut dicit Beda. Quando Maria salutauit Elisabeth scientiam prætoriorum præsentium, & futurorum sibi dedit. Præsentium quidem, quia ipsam matrem Dei esse cognouit, & fructum uentris sui benedixit. Prætoriorum autem, quia consensum Ma-

ria credentis innotuit. Futurorum vero, quia à domino proficienda, quæ illi dicta erant, aperuit. Deinde subdit. Quis ergo dicere vel existimare sufficit, quæ tunc gratia Spiritus sancti gessitricem repleuerat, cum tanta in matre præcursoris lux cœlestis emicuit. Est etiam Maria inter nos, & Deum medietrix effecta, de quo medio dicitur in Psal. Deus autem rex non ster ante sæcula operatus est salutem in medio terræ, idest in Maria Virgine. Item. Suscepimus Deus misericordiam tuam in medio templi tui, idest vteri virginalis.

Tertia pars diei est vespere. In hora autem vespertina homo à labore quiescit, cenam facit, & mercedem accipit, & in domum se recolligit. Unde etiam dicitur sero à clausis seris, quia quando vespere venit fores serantur, ut dicit Isid. Virgo igitur beata tanquam stella, quæ dicitur vespere, quæ semper solem, idest Christum concomitata fuit. Ista quatuor post mortem fidelibus suis facit. Primò nanque à laboribus suis eos quiescere facit, iuxta illud Apoc. 14. Amodo iam dicitur Spiritus, ut requiescant à laboribus suis. Secundò eis mercedem triauit. Illa autem merces est fructus ventris sui, idest filius suus benedictus. Psal. Cum dederit dilectis suis somnum, ecce hæreditas domini filij merces fructus ventris. Tertiò cum deuotjs suis cenam facit, in qua cena apponit panem vitæ; illum, scilicet, qui dicit Io. 6. Ego sum panis viuus. Eccl. 15. Cibauit illum pane uitæ, & intellectus. Apponit etiam cibum delectabilem, scilicet, seipsam, quæ dicit Eccl. 24. Qui edunt me adhuc esuriunt, & qui bibunt me adhuc sitient. Apponit etiam diuersa cibaria, idest diuersas refectiones, & gaudia. Pròu. vlti. Dedit prædam domesticis suis, & cibaria ancillis suis. Quartò deuotos suos in domum cœlestem introducit, ideo vocatur porta paradisi, & fenestra cœli, vnde cantat ecclesia. Intrent ut astra stebiles, cœli fenestra facta es.

CELEBRIS FUIT BEATÆ VIRGINIS

caritas & dilectio.

Sermo XLI.

DILECTIONEM duplicem habuit Virgo Maria. Vna est, qua dilexit filium suum.

G

Secunda

Secunda est qua dilexit genus humanum. Filium autem suum dilexit dulciter, fortiter, & sapienter. Tam dulciter eum dilexit, quod tota pro amore liquebat. Can. 5. Anima mea liquefacta est, quia tota pro amore languebat. Can. 2. Amore langueo, quia tota in amore sui conuersa erat. Sicut enim ignis ea in qua agit sibi assimilatur, & ad se conuertitur, sic ignis diuinus qui nouem mensibus in eius utero habitauit, eam totam ignitam fecit. Secundò dilexit filium fortiter, quia per multam tribulationem ab eius amore non potuit separari, immo cæteris Apostolis in Christi passione fugientibus, ipsa immobilis stetit. Fuerunt enim tunc quidam fortes quantum ad amorem sicut Apostoli. Alij quantum ad amorem, & corporalem associationem, sed non quantum ad fidem sicut sanctæ mulieres. Beata autem Virgo fuit fortis quantum ad amorem. Can. 8. Fortis est ut mors dilectio tua. Et quantum ad fidem Prouer. ult. Non exstinguetur in nocte, id est, in Christi passione lucerna eius, id est, fides Virginis. Et quantum ad corporalem associationem. Ioan. 19. Stabat iuxta crucem Iesu mater eius. Amb. super Lucam. Fugientibus Apostolis Maria iuxta crucem stabat, tamen non pignoris mortem, sed mundi salutem. Tertiò dilexit filium suum sapienter, quod in tribus apparet. Primò quia ipsum puerum ad Dei festiuitates ducebat. Secundò in hoc, quod filium licet grauissimos dolores in cruce passurum nunquam tamen sibi dissuasit, ne crucem ascenderet. Tertiò in hoc, quod licet uideret filium derideri, & vulnerari, nunquam tamen sibi dissuadere uoluit ut descenderet de cruce, sed potius uoluit ire usque ad mortem, ut ibi perseveraret. Immo ipsa stabat iuxta crucem, secum mori parata si oporteret. Ambr. super Lucam. Fortasse quia Maria cognouerat per filij mortem mundi redemptionem futuram, putabat aulam regalem se per suam mortem publico munere aliquid adiuncturam, sed ipse Christus qui factus est sicut homo sine adiutorio inter mortuos liber, suscepit quidem matris affectum non quæsiuit mundi redemptionem ad hominis auxilium. Ex hijs instruuntur parentes, quod filios suos dum adhuc sunt pueri debent bonis operibus assuefacere nec à bono proposito, & à poenitentia assumenda

eos retrahere, nec ut pœnitentiam assumptam deserant eis persuadere, sed potius ipsi cum filiis, vel exemplo filiorum debent se in cruce pœnitentiæ collocari.

Secunda est dilectio qua nos dilexit. Et ista dilectio est duplex, scilicet, ordinata. Can. 1. Ordinavit in me charitatem. Et dilectio pulchra. Eccles. 24. Ego mater pulchræ dilectionis. Habuit enim ipsam charitatem ordinatam. Primò ad id quod est supra se, id est, ad Deum perfectè obediendo. Nam legi Dei semper obediens fuit, sicut patet in filij circumcissione, & in sui purificatione. Secundo ad id quod est extra se, scilicet ad proximum ei compatiendo, sicut patet in nuptijs ubi deficiente uino sponso compassa fuit, ut habetur Ioã. 2. Ber. Deficiente uino in nuptijs uerecundiæ conuiuantium compassa est pijsima Virgo dicens filio, uinum nõ habent. Quid enim procederet de fonte pietatis nisi pietas. Quid inquam mirum si pietatem exhibent uiscera pietatis. Nonne qui dimidia diei parte pomum in manu sua tenuerit reliqua diei parte pomi seruabit odorem. Quantum ergo uiscera illa pietatis affectit, in quibus nouem mensibus pietas requieuit. Nã & ante eius mentem, quàm uentrem repleuit, & cum ex utero processit, ab animo non recessit. Tertiò ad id quod est infra se, scilicet, ad corpus suum ipsum rationi subiiciendo, & in uirginitate conseruando. Apocal. 12. Luna sub pedibus eius. Lunam sub pedibus eius habuit, quando corpus mutabile sub ratione subiecit. Quartò ad id quod est intra se, scilicet, ad animam suam eam in humilitate conseruando, seruans illud Deut. 4. Custodi temetipsum, & animam tuam sollicitè. Ber. super Missus est. Hæc quidem duæ uirtutes, scilicet, uirginitas, & humilitas multum Deo sunt acceptæ. Ber. Voluit Christus matrem suam esse virginem, de qua immaculata immaculatus procederet omnium maculas purgaturus. Voluit & humilem de qua humilis, & mitis prodiret, harum in se uirtutum hominibus exemplum. saluberrimum ostensurus, ut enim sanctum sanctorum, quæ erat acceptura sancta certi corpore munus accepit uirginitatis, ut esset & mente donum accepit humilitatis. Secundo eius dilectio fuit pulchra. Distinguit autem Aug. quadruplicem dilectionem. Vna est car-

lis, quæ est inter virum, & uxorem, quæ aliquando est turpis, quando, scilicet nimis carnaliter se amant. Alia est naturalis, quæ inter patrem, & filium, quæ est aliquando turpis, quando, id est, pater inordinate diligit filium. Tertia est socialis, quæ est inter amicum, & amicum, quæ aliquando est turpis, quando se in malum diligunt. Quarta est spiritualis, quæ est inter Deum, & animam. Et ista est pulchra dilectio cuius mater virgo beata est, quæ dicit Eccl. 24. Ego mater pulchræ dilectionis, &c. Ista autem dilectio pulchra in quatuor consistit. Primò in diligendo Deum. Istam pulchram dilectionem reprehendit se August. non habuisse in lib. confes. dicens. Sero te amaui pulchritudo tam antiqua, & tam noua, sero te amaui, intus eras, & ego foris, & in ista formosa, quæ fecisti deformis irruebā, mecum eras, & ego tecum nō eram. Secundò consistit in Deū diligendo, & habendo Dei sapientiam. Prou. 22. Appone cor tuum ad doctrinam meam, quæ pulchra erit cum seruaueris eam. Tertiò consistit in amando, & seruando præcepta, & cōsilia Dei. Prou. 3. Via eius via pulchræ, & semitæ eius pacifice. Quartò consistit in puritate mentis, & corporis, & honestate conuersationis. Sap. 4. O quam pulchra est casta generatio cum claritate.

EXPLICATVR BEATÆ VIRGINIS

triplex dolor.

Sermo XLIII.

DOLOREM habuit triplicem, in præsentī Virgo Maria.

Primus fuit quando Herodes quærebat puerum ad interficiendum, & ex hoc in Ægyptum ipsam fugere oportuit, & iste dolor causabatur. Primò ex timore Herodis ne, scilicet, ipsum puerum dum fugeret inueniret. Secundò ex labore itineris, quia puella tam tenerima, & delicata, & quæ de nouo à partu surrexerat, per vias tam longas, & asperas ire debebat. Tertiò ex consortio habitatoris, quia, scilicet, cum idolatris eam habitare oportebat, ubi per septem annos peregrina habitauit. Ex ista autem domini peregrinatione sanctorum persecutio designatur, Hiero. A cunabulis ecclesiæ non defuit

defuit iniquitas præmens, & iustitia patiens. Adhuc Christus in cunabulis erat, & iam cogeatur fugere, exulare, sæuitiam hostis timere. Chrys. super Mat. Quod post stellæ gloriosum indicium, Christus magos in perfidem remittit, & ipse cū matre in Ægyptum fugit, vt discamus ab ipsis vitæ principijs, ad tentationes, & insidias præparari, scientes tribulationes maximas inseparabiles comites esse virtutum. Nam ut statim ortus est Christus statim in eum sœuit tyrannus. Mater innoxia in regione barbarorum fugatur, magi tanquam rei clā fugiunt, sed misericors Deus melius rebus quædam et iocunda permiscet, quod certè in omnibus sanctis facit, quos nec tribulationes, nec iocunditates continuas habere permittit. Ideo autem Christus potius in Ægyptum, quàm in aliam regionem fugit, vt ipsam sanaret. Chrys. Recordatus est dominus quanta mala fecit super Ægyptum, & misit illuc filium suum, vt decem plagas Ægypti, vt vna media sanaret. Aug. Moyses in Ægypto clauferat diem, Christus adueniens clarissimam reddidit lucem. Fugit vt illuminaret, non vt timeret, fugit non formidine, sed pietate. Nam occultatur infans in Ægypto, vt regnet sancta maiestas in cœlo.

Secundus dolor fuit quando Christus in templo remansit, cui B. Virgo dixit. Fili quid fecisti nobis, sic &c. Vbi virgo ponit titulum magni honoris, & affectu magni doloris. Magnus honor notatur in hoc q̄ vocat eum filium suum. Bern. super Misus est. Fili quid fecisti nobis sic. Ecce Mariæ priuilegiū. Quis enim hoc audeat angelorum. Sufficit enim & pro magno habent q̄ cum sint spiritus ex conditione facti sunt angeli. i. nuncij Dei. Maria vero Deum maiestatis, & dominum angelorum suum filium appellat dicens fili quid fecisti nobis sic. Dolorem autem suum exprimit cum subdit. Ecce pater tuus, & ego dolentes quærebatumus te. Iste autem dolor causa batur ex triplici timore. Vnus erat s̄m Origenem, quia timebat ne Iudæos tanquam indignos reliquisset, & ad gētes prædicandas longe recessisset. Secundus erat s̄m eundem, quia timebat ne ad cœlum ascendisset, & ad patrem qui miserat rediuisset, & sic redemptionē nostrā non fecisset. Tertius erat, quia timebat ne in manibus filiorum Herodis deuenisset, vñ dicit

Sermo XLII.

glo. ibidem. Metuebat ne quòd Herodes in eius infantiam pertrahere quæsierat tunc iam in pueritia positum inuenta opportunitate interficeretur. Tertius dolor fuit tempore passionis de quo dixit Symeon Luc. 2. Tuam ipsius animam pertransibit gladius, ubi dicit Amb. Quamuis multæ tribulationes transuderint animam Mariæ, tamen hic specialiter designatur. quæ materna viscera transfixit Domino in cruce moriente, tanquam si Symeon diceret. Maternis tuis visceribus gladio tribulationis transuerberaberis. Videbis in cruce pendentem quem Angelo nunciante concepisti, quem manente uirginitate filium edidisti. Et subdit idem Ambr. Deniq; illo pendente in cruce iudei præsentés, ut descenderet insultabant. Apostoli fugientes illum de cruce descendere posse non credebant quem ut uidit Maria materna piaq; viscera ex eiusdē passione, gladio tribulationis transfiguntur. Sed ut uidere possimus quantum in ea fuerit dolor, uideamus quantum fuerit amor. In Christo nanque erat triplex substantia, scilicet, caro, anima, & deitas. In matre erat caro anima, & spiritus. Erat igitur inter matrem, & filium triplex coniunctio, scilicet carnis ad carnem secundum naturam. Animæ ad animam secundum amicitiam. Spiritus ad deitatem secundum gratiam. Dissecabatur igitur caro uirginis uidens carnem Christi tam crudeliter lacerari. Dissecabatur eius anima, uidens animam Christi tam grauiter contristari. Dissecabatur eius spiritus uidens Deitatem Christi tam ignominiosè tractari.

P R A E D I C A T U R M E R I T O B E A T A

Virgo cæli, & mundi totius domina.

Sermo XLIII.

DOMINA cæli, & mundi dicitur Virgo Maria, propter Dominium, propter multitudinem subditorum, & propter ius domini acquisitum.

Primo igitur dicitur domina propter dominium. De cuius dominio ipsa dicit Eccl. 24. Gremium cæli circuiui sola, & profundum abyssi penetraui, & in fluctibus maris ambulauī, &

in omni terra steti, in omni populo, & in omni gente primatum tenui. Ex quibus uerbis habetur, quod ipsa dominatur in cælo. Ideo dicit. Girum cæli circuiui. Ipsa enim tanquam domina cælum circuit, & ubiq; dñum accipit. Vel dñ girum cæli circuire, quia omnes sanctos cæli circunt, & girat, & eos ad intercedendum pro nobis sollicitè inducit. Et dicit sola, quia ipsa orante omnes orant, ipsa silente omnes silent. Anselmus. Te domina tacente nullus orabit nullus iuuabit, te orante omnes iuuabunt omnes orabunt. Secundò ostenditur, qd dominatur in inferno; unde subdit. Et profundum abyssi penetraui. Non enim dominatur tantum dæmonibus minoribus, uel mediocribus, qui sunt quasi in medio, sed etiam maximis, qui sunt quasi in profundo. Et ideo non dicit penetrari superficiem, uel medium, sed profundum abyssi. Tertio dominatur in purgatorio, ideo subditur. Et in fluctibus maris ambulaui. Et dicitur pœna purgatorij fluctus, quia est transitoria, & dicitur maris quia est amata. In illis fluctibus ipsa ambulat, quia meritis suis multos à penis illis liberat. Quarto dñatur in mundo, ideo subditur. In omni terra steti, idest, in omni populo, & in omni gente primatum tenui. In mundo quidem sunt tria genera hominum. Quidam sunt boni. Quidam sunt mali. Quidam sunt tepidi. Ipsa igitur dominatur malis eos ad pœnitentiam redicendo. Dominatur bonis eos in gratia conseruando. Dominatur tepidis eos feruenter proficere faciendo. Dominatur quidem malis, idest hominibus terrenis, ideo dicitur in omni terra steti. Inter peccatores enim non sedet, nec iacet, sed stat adiuuando, & à malis retrahendo. Dominatur & bonis, ideo subdit in omni populo. Populus enim dicitur à polis, quod est ciuitas, idest, ciuium unitas, & significat bonos in quibus una uoluntas est, qui dicunt cum Propheta. Vnam petij à Domino hanc requiram. In istis talibus Virgo dominatur, & primatum tenet dum eos in gratia Dei fouet. Dominatur etiam tepidis, ideo subdit. Et in omni gente primatum tenui. Gentes dicuntur quasi geniti. Talis est homo, quando ad fidem Christi conuertitur tunc spiritualiter generatur, iuxta illud 1. Corinth. 4. In Christo Iesu

Sermo XLIII.

Cor. 4. In Christo Iesu per Euangelium ego uos genui. *Quidam sunt, qui tales quales geniti sunt perseverant eo, quod in nullo bono proficiunt, nullam uirtutem apprehendunt. In talibus ipsa primatum tenet, quia eos ad feruenter operandū prouocat & inducit.*

Secundò dicitur domina propter ius dominij acquisitū. Acquit enim aliquis dominium alicuius rei, aut ratione emptionis, aut ratione operationis, sicut aliquis est dominus illius rei, quam operatus est, & quam in esse producit, aut ratione electionis sicut prelati acquirunt ius ratione electionis. Virgo igitur B. habet ius dominandi in cælo, & in terra. Primò ratione emptionis, quia cum filius suus nos emerit, & redemerit, ipsa ad hanc redemptionem faciendam mater est operata, nostræ redemptionis materiam ministrando. Ipsum filium suum Redemptorem nostrum nutriendo. Secundo ratione operationis, quia ipsa est mater Dei cuncta in esse produxit, & omnia quæ sunt filij, sunt matris. Tertiò ratione electionis, quia Deus ab æterno sibi eam in matrē elegit. Psal. Elegit eam Deus in habitationem sibi.

Tertiò dicitur domina propter multitudinem subditorū. Ipsa enim habet subditos, seruos, amicos, filios, & inimicos. Serui sunt de nouo conuersi. Amici sunt eius fideles, & deuoti. Filij sunt in cælo beati. Hostes sunt dæmones, & damnati. Istis quatuor generibus subditorum diuersimodè dominatur, quod innuitur Cāt. 6. Quæ est ista, quæ progreditur quasi aurora confurgens pulchra, ut Luna electa, ut Sol terribilis, ut castrorum acies ordinata. Seruis. n. de nouo conuersis dominatur tanquam aurora, quia ab eis depellit tenebras culpæ, & dat lucem gratiæ. Amicis. i. fidelibus, & deuotis dominatur eis tanquam Luna, quia dat eis lucem diuinæ sapiëntiæ, & rorem cœlestis gratiæ. Filijs. i. beatis dominatur tanquam Sol, quia replet eos clarissima Dei uisione, & feruentissimo Dei amore. Inimicis. i. dæmonibus dominatur tanquam acies ordinata militum, quia eos terret, eos expellit, & in fugam conuertit. De eius dominio potest exponi illud, quod dicitur Gen. 2. 1. Seruiant tibi populi. i. Gentiles ad fidem conuersi, & ad orientem tribus. i. populus Iudæorum. *Est Dominus fratrum tuorum,*

ignorum, i. Christianorum. Et incuruentur ante te filij matris
tuæ, i. omnes angeli, qui sunt filii triumphantis ecclesiæ, quæ
est etiam mater Virginis Mariæ.

ETIAM BEATA VIRGO CON-

uenienter domus Dei cantatur.

Sermo

XLIII.

DOMVS Dei est Virgo Maria, quam ipse Deus fun-
dauit. Ps. Homo natus est in ea, & ipse fundauit eam
altissimus. Fundatam edificauit Prou. 9. Edificauit sa-
pientia sibi domum ædificatam inhabitauit, Eccl. 24. Et qui
creauit me, requieuit in tabernaculo meo. Potest autem do-
mus considerari, prout est in fieri. Et tunc tria requiruntur.
De quibus sicut dicit Amb. in examer. bonus artifex primo
fundamentum ponit; fundamento posito ædificationis mem-
bra distinguit. Adiungit ornatum. Ista tria cœlestis artifex
circa domum istam seruauit.

Primò, n. ipsam fundauit. Ps. Fundamenta eius in montib,
sanctis. Per montes sanctos altitudo Trinitatis intelligitur.
Ipsa, n. fuit fundata super altitudinem potentie patris, quia
eam in bono confirmauit. Super altitudinem sapientie filij,
qui eam oī sapiētia illustrauit. Super altitudinē gratie spūs S.
qui eam in gratia stabiliiuit. Homo igitur de facili cadit, tum
quia hēt corpus luteū, tū quia fundū hēt terrenū, tum quia
hēt cor cinereū. De duobus primis dī Iob 4. Qui habitāt dō-
mos luteas, & terrenum habet fundū. Homo quidē habet
domū luteam, i. corpus, quod est domus animæ, qđ de luto
est formatū. Habet ēt fundū terrenum, qm spem suā ponit
super mundum. Talis est, sicut dī Matthæ. 6. Aedificauit do-
mum suam super arenam. De tertio dicitur Sap. 15. Cinis est
cor eius, & luto uiliior uita illius, quia p nimio ardore cōcu-
piscētiæ, & auaritiæ cor eius est in cinerem tēdactum. Non
est igitur mirū, si terrena domus hominis citò cadit; ex quo
habet corpus luteum, & fundamentum terrenum, & cor cine-
reum. Domus autem B. Mariæ nūquam cadere potuit ex eo,
q̄ fuit firmiter solidata. Quamuis, n. corpus suū fuerit luteū,

tamen in fornace diuini amoris sic fuit concrematum, & solidatum, quòd nihil ibi de carnalitate remansit. Eccl. 28. Vapor illius exurit carnes eius. Isa. 1. Excoquam ad purum scoriā tuam. Hiero. in sermone de assumptione. Puto quod quicquid est, credis, quicquid virtutis mentis humanæ si totum adhibeas non sufficeret, ut cogitare ualeat quanto virgo beata cremabatur ardore pij amoris.

Secundò habuit animum cœlestem, & deificatum, quia totus eius animus erat in Dei amore conuersus. Hiero. ubi supra. Non immerito de libano uenire iubetur. Erat enim nix dealbata candidior Spiritus sancti muneribus. Filius uero fecit pulchram eius mentem. Cum enim ipse sit splendor, & speculum sine macula ideo totum ventrem suum splendidum fecit quem nonē mensibus inhabitauit. Ambr. Quid nobilius matre Dei, quid splendidius ea, quam splendor elegit. Pater autem fecit pulchrum eius ventrem, & mentem, quia utrumque sanctificauit. Psal. Sanctificauit tabernaculum suum altissimus. Cant. 4. Tota pulchra es amica mea, &c. Fuit enim pulchra cuius ventrem filius sic illustrauit, fuit sine macula cuius ventrem Spiritus sanctus sic purgauit, & fuit tota pulchra cuius ventrem, & mentem pater sic sanctificauit. Postquam cœlestis artifex tam stabile fundamentum posuit, tam pulchrum edificiū crexit, ipsum edificiū ornauit atque depinxit, ponendo ibi triplicem colorem, scilicet, colorem albu puritatis, nigrum humilitatis, & rubeum charitatis. Cant. 1. Nigra sum, &c. Ecce nigredo humilitatis, Sed formosa. Ecce color albus puritatis. Sicut pelles Salomonis. Ecce color rubeus charitatis. Dicit enim glo. de pellibus rubricatis fecit sibi tabernaculum Salomon. Pulchra ergo commixto, scilicet, color albus, niger, & rubeus, quia pulchra coniunctio est puritas cum humilitate, & utraque cum charitate.

PRO STRUCTURA DOMVS CONGRUIT

eidem Beata Virgo.

Sermo XLV.

DOMVS autem ut decem est non tantum consideratur quantum ad fieri, ut supra decem est, sed etiam quantum ad

ad factum esse. Tunc enim tria requiruntur, ut dicit August. in lib. de tri. Bona, inquit, domus paribus membris bene disposita. De dispositione autem istius domus dicitur Canti. 2. Ferculum fecit sibi rex Salomon de lignis libani, columnas eius fecit argenteas, reclinatorium aureum, ascensum purpureum media charitate constravit. Ex quibus verbis habetur, quod Christus in ipsa domo fecit cenaculum ad vescendum, fecit cubiculum ad quiescendum, & fecit triplex solarium ad solatiandum.

Primò nanque fecit ibi cenaculū ad vescendum cum dicit, Ferculū fecit sibi rex Salomon. Est autem ferculum vas escarum. Beata autem virgo fuit vas escarum, quia portavit nobis panem cœlestem. Prouer. 21. Facta est quasi nauis institoris de longe portans panem suum. Fuit vas escarum, quia in ipsa se Christus cibauit dum de ipsa carnem assumpsit. Homo in ipsa se cibauit dum per fructum ventris sui æternā in ea inuenit satietatem. Secundò Christus in ea fecit thalamū ad quiescendum. Ideo dicitur. Reclinatorium aureum. Aurū enim est pulchrum, imputribile, & fulgidum. Sic eius virtus fuit aureus, quia fuit pulcher per honestatem morum. Fuit incorruptibilis per priuilegium virginitatis. Fuit fulgidus fulgore virtutum. Sap. 4. c. O quā pulchra est. Ecce pulchritudo morum. Casta generatio. Ecce virginitatis priuilegium. Cum claritate. Ecce fulgor virtutum. Tertiò Christus in ista domo fecit triplex solarium ad spatiandum, scilicet, solariū inferius, medium, & superius. Solarium inferius munivit columnis argenteis. Ideo dicitur columnas eius fecit argenteas. Medium pauimentauit lapidibus preciosis. Ideo dicitur. Media charitate constravit. Superius uero ornauit pannis sericis, atque purpureis. Ideo dicitur. Ascensum purpureum. Ista autem tria solaria accipiuntur penes illa tria, de quibus dicitur Thessal. 5. Ipse autem Deus pacis sanctificet vos per omnia, ut integer spiritus vester anima & corpus sine querela seruetur. Solarium igitur istius domus virginē fuit eius corpus. Medium fuit eius anima. Superius fuit eius spiritus. Eius igitur corpus, quod fuit solarium inferius fuit columnis argenteis præmunitum. De quibus columnis dicitur Prou. 9.

Sapientia ædificauit sibi domum excidit columnas septem. Iste septem columnæ fuerunt septem dona spiritus Sancti, quibus ipsa fuit repleta, ita q̃ eius sensualitas nūquam fuit ad malum proclina; sed semper fuit rationi cōsentanea. Anima eius fuit solarium medium, quæ fuit constrata; & pauimentata lapidibus preciosis, idest virtutibus diuinis. Ideo dicitur. Media charitate constrauit. Quamuis autem pauimentū fuerit constratum omnibus lapidibus, i. omnibus virtutibus preciosis, tamen de sola charitate fit mentio; quia omnes virtutes in charitate radicantur. Fuit enim pauimentata tribus uirtutibus Theologicis, quasi tribus lapidibus preciosis. Eccl. 24. Ego mater pulchre dilectionis, quantum ad charitatem. Et agnitionis quo ad fidem. Et sancte spei, quo ad spem. Fuit etiam pauimentata quatuor uirtutibus Politicis. Ipsa enim uixit temperatè, quod notatur cum dixit. Quoniam uirum non cognosco, prudenter, quod notatur per hoc, quod dicitur. Cogitabat qualis esset ista salutatio. Fortiter quia fuit turbata; sed non conturbata, quod notatur cum dixit. Ecce ancilla domini. Humilitas enim est pars iustitiæ. Spiritus eius fuit solarium superius, quod fuit ornatū pānis purpureis. Ideo dicitur, Ascensum purpureum. Eius enim spiritus fuit purpureus, siue quia charitate fuit inflammatus, siue quia dolore filij fuit uulneratus, siue quia passionis Christi semper fuit aspersus.

Secundò ista domus fuit ampla. Habuit enim magnum uterum ad capiendum Deum, unde cantat ecclesia. Quia quæ cœli capere non poterant tuo gremio contulisti. Ideo ipsa uocatur templum quasi tenens amplum. Psalm. Suscepimus Deus misericordiam tuam in medio templi tui. Secundò habuit amplum affectum ad compatiendum. Omnes enim recipit intra sua uiscera pietatis. Nam recipit iustos eis suam gratiam largiendo. Ibi recipit tēatos, eos ab insidijs diaboli protegendo. Ibi recipit peccatores, eis gratiam & misericordiam impetrando. Ibi recipit morientes, eorum animas in suis manibus suscipiendo. Propter ista quatuor dicit ecclesia. Maria mater gratiæ, Mater misericordiæ, &c.

Tertio habet ampla merita ad subueniendum. Omnib. n. in suis necessitatibus subuenit. Bern. Sileat misericordia tua

Virgo

Virgo Beata; si quis est, qui te innocatam in suis necessitatib. sibi senserit defuisse.

Tertio ista domus fuit lucida. De cuius Lucæ dicitur Cantic. 6. Quæ est ista, quæ progreditur quasi aurora, &c. Tunc enim in domo ista fulsit lux auroræ, quando in ventre matris fuit sanctificata, quia tunc omnē nubem peccati originalis spiritus Sanctus ab ea fugauit. Et ideo tota clara refulsit. 2. Reg. 23. Lux auroræ Oriente Sole mane, absque nubibus rutilat. Secundo fulsit lux Lunæ, quando fuit filio Dei impregnata. Sicut enim lux solis Lunæ corpori se coniungit, sic tunc diuinitas in eius utero sibi carnem vniuit. Tertio fulsit in ea Lux solis, quando in corpore, & anima fuit glorificata, tunc tota refulsit, quia omnis poenalitas ab ea fuit ablata, & gloria immortalitatis induta.

QVÆ HABET PROPRIA EBUR.

Similia Beata Virgo videtur habere.

Sermo XLVI.

EBUR habet candorem, ruborem, frigiditatem, & soliditatem. Candor significat puritatē, & virginitatē. Ideo dicit Cantic. 5. Venter tuus eburneus distinctus saphiris. Ebur, ut dictum est, habet candorem. Saphirus hēt colorem cœlestem, quo datur intelligi, quod eius puritas fuit candidior, quàm humana, & fuit cœlestior, quàm angelica. Ber. in serm. de Assumptione. Si diligenter attendas in maria singulas virtutes. inuenies singulares, quæ uidebantur esse communes. Quæ. n. uel angelica puritas illi puritati Virginis audeat cōparari, quæ digna fuit fieri sacrarium. s. & habitaculum filij Dei. Rubor signat eius charitatem, quæ in ipsa nunquam extingui potuit. Cantic. 8. Aquæ multæ non potuerunt extinguere charitatem, quæ diabolum percussit. Iudith 9. Percuties eum labijs charitatis tuæ. Quæ ipsam decorauit, & ornauit. Cantic. 3. Media charitate construit. ibidem 3. Ordinauit in me charitatem. De eius charitate dicit Bernar. Ipsa est mulier amicta Sole, quæ uelut alterum Solem induit, quia sicut ille indifferenter oris super bonos, & malos. sic ipsa quoque propria merita non respicit,

Sermo XLVII.

respicit, sed omnibus exorabilem facit se, & clementissimam se exponit. Omnium necessitates amplissimo misere affectu.

Frigiditas significat refrigerationem, & extinctionem somitis, vnde dixit angelus. Spiritus sanctus superueniet in te, & virtus altissimi obumbrabit tibi, idest te refrigerabit ab omni estu concupiscentiæ. August. in sermone de assumptione. Spiritus sanctus superueniet in te, ita ut nec estum patiaris libidinis, & mater sis creatoris. Et subdit. Idcirco quidem eam virtus obumbrat, ne portans Deum, fragilitas humana succumbat estus nostri corporis nesciat.

Soliditas significat constantiam suæ virtutis, quæ tanta fuit tempore passionis, quod ceteri apostoli fuerunt contracti. Ipsa vero sola solida, & firma permansit. Reg. 10. Fecit sibi Salomon thronum grandem de ebore. Ipsa quidem fuit thronus Dei, quia in ipsa Deus requieuit, Et fuit de ebore, quia solida, & firma permansit. Et fuit grandis, quia eius dignitas omnem dignitatem angelicam transcendit. Amb. super Lucam. Maria fugientibus Apostolis ante crucem stabat, & pijs oculis filij vulnera spectabat. Spectabat tamen non filij mortem, sed mundi salutem.

QVIBVS ELEPHAS DICITVR POLLERE,

similibus Beata Virgo commendatur.

Sermo

XLVII.

ELEPHAS significat Virginem Mariam, secundum Arist. Elephas habet plura commendabilia. Est enim inter cetera animalia magis obediens, maiori uigens sensu domesticabilis, & fele carens, & est inimicus draconis, & propter ista potest beata Virgo elephanti com parari.

Primò nanque elephas est multum obediens, quia liberato ri suo est semper obediens. Dicitur enim quod quando capitur grauissime à venatore verberatur, & accedens, qui vult ipsum emere fugit ipsum liberare, & sic elephas semper illū diligit, & ei semper obedit. Ista obedientia fuit excellenter in Virgine beata, quæ non tantum obediuit suo superiori, idest Deo, quando dixit, Ecce ancilla domini, sed etiam suo inferiori,

riori, idest Elisabeth, apud quam tribus mensibus stetit, & sibi in partu seruiuit. Obediuit etiam suo æquali, idest Ioseph, qui in quantum suus sponsus erat, sibi æqualis erat. Nam secuta est eum prægnans in Bethleem proficiscente, proficiscẽtem secuta est eum de Ægypto reuertentem.

Secundò elephas multum viget sensu, & intellectu, vnde ad nutum magistri sui regem adorat, aquam de fluuio, uel situla haurit, & circumstantes aspergit. Beata autem virgo super angelos, & homines sensu, & intellectu viguit, & profunda Dei mysteria, cæteris amplius cognouit. Ber. super missus est. Virtus, inquit, altissimi obumbrabit tibi, &c. Quis enim excepta fortassis illa, quæ hæc solam experiri meruit intellectu capere possit qualiter ille splendor inaccessibilis virginis visceribus se infuderit. Nam quòd sola per se trinitas, cum sola, & in sola Virgine voluit operari, soli datũ est experiri.

Tertiò elephas est valde domesticabilis, quia de facili domesticatur, & cum hominibus pacifice commoratur, sic beatã virgo fuit valde domestica per conformitatem morum. Non enim fuit singularis persona, sed communis. Nam voluit conuenire cum virginibus, ideo virginitatem vouit. Voluit conuenire cum coniugatis, ideo matrimonio consensit. Voluit conuenire cum viduis, ideo post mortem Ioseph vidualem vitam seruauit. Fuit etiam persona communis, quia placere studuit Deo hominibus, & angelis. Ber. in quodam ser. Benedicitur Maria gratia plena, quia Deo hominibus, & angelis fuit grata. Grata Deo per humilitatem, angelis per virginitatem, hominibus per fecunditatem.

Quartò elephas felle caret, & ideo naturaliter est benignus accidentaliter fit seuerus, scilicet, aut ad prælium, quando concitatur, aut quando nimis prouocatur. Sic beata virgo nõ habet fel alicuius indignationis, vel iracundiæ, sed tota est dulcis, atque suavis. Ber. super missus est. Quid humana fragilitas iræ trepidet ad Mariam, nihil in ea austum, nihil terribile, sed tota suavis est. Efficitur tamen seuera demonibus, quando pro nobis contra eos præliatur. Ideo dicitur Cant. 6. Terribilis, ut castrorum acies ordinata. Efficitur etiam seuera peccatoribus in iudicio, qui Deum in suis malis operibus

operibus prouocauerit, quia ulterius pro eis non orabit, nec eos amplius liberabit. Ideo assimilatur api, quæ naturaliter mellificat, accidentaliter vero pungit, quando scilicet, pronocatur, sic naturale officium virginis est habere dulcedinem misericordiae accidentaliter tamen in iudicio contra malos habebit severitatem iustitiæ.

Quintò elephas pugnat contra draconem, & duobus modis ipsum vincit. Primò eius caput conterendo, & tunc draco terribiliter plangit, iuxta illud Mich. i. Faciam planctum uelut draconum. Secundò aquam in eius faciem projiciendo. Nam in flumen se projicit, & quando draconem se appropinquare videt, aquam in eius faciem cum rostro projicit, & sic eum excæcat, & à se repellit. Eodem modo virgo diabolum uicit.

Primò, quia sub humilitate caput diaboli, idest eius superbiam contriuit. Gen. 2. Ipsa conteret caput tuum. Abach. 3. c. Percussisti caput de domo impij, &c. Sicut enim diabolus Eua uicit per superbiam, sic à Maria victus est per humilitatem veram. Bern. Eua per superbiam Dei creatura se esse non considerans Deo pacificari noluit. Maria uero factori suo humiliter se subdens ancillam nominauit. Ideoque illa abiecta est, ista uero electa.

Secundò diabolum uicit ipsum quodammodo excæcando, & in faciem suam aquam projiciendo. Diabolus autem obseruabat, si aliquando Virgo aliqua conciperet, ut sic mysterium Dominicæ incarnationis posset scire, sed uirgo eum excæcauit, & in faciem eius aquam proiecit, quando scilicet, uirum habere uoluit, quia tunc sibi mysterium occultauit. Bernar. Ideo Virgo Maria desponsatur, quia per hoc sanctum à casualibus absconditur, & à secretis cœlestibus hostis excluditur. Amb. Ideo Deus cœlauit suæ natiuitatis sacramentum, quia si princeps huius sæculi cognouisset nunquam pro salute nostra Christum crucifigi procurasset.

LAUDATUR BEATA VIRGO EX

*ijs, quibus electa, & praelecta fuit.**Sermo*

XLVIII.

ELECTA, & praelecta fuit Virgo Maria, iuxta illud. Elegit eam Deus, & praelegit eam. Fuit enim electa, ut esset mater Dei, fuit praelecta, ut esset sponsa Christi, habitat in tabernaculo Dei, ut sit regina coeli, & domina mundi, primo igitur fuit electa, ut esset mater Dei. Sunt autem quatuor secundum Bern. propter quae mater Dei promeruit fieri.

Vnum est ex parte nostra, scilicet, magna congruitas, unde dicitur in sermone de assumptione. Prudentissimus artifex Deus humanum genus quassatum non confregit, sed utilius omnino refecit, ut nobis, & nouum Adam ex veteri reformaret, & Euam in Mariam transfunderet. Et quidem cum omnis sufficientia nostra ex Deo sit, poterat Christus per se sibi sufficere, sed non erat nobis bonum esse hominem solum. Congruum fuit magis, ut utrique reparationi scilicet noster adesset, quam corruptioni venter defuisset.

Secundum est ex parte Dei. scilicet, magna eius bonitas. Videbat enim Deus, quod non audebat propter nimiam excellentiam suam homo ad eum accedere. Et ideo matrem voluit esse mediam, ad quam homo securus accedat, unde subdit Bern. Ideo homines uerentur maiestatem diuinam. Quid autem humana fragilitas accedere trepidet ad Mariam nihil in ea austerum nihil terribile est, sed tota suavis.

Tertium est ex parte virginis, scilicet, eius uirginitas.

Quartum est ex parte eiusdem. scilicet, humilitas. De his duobus dicit Bern. super missus est. Proinde factor hominum, ut homo fieret nasciturus de homine sibi talem matrem debuit eligere, quin potius condere, qualem & se decere sciebat, & sibi placitum esse nouerat. Voluit igitur esse virginem, de qua immaculata immaculatus procederet, maculas omnium purgaturus. Voluit & humilem, de qua mitis, & humilis corde prodiret harum in se virtutum hominibus exemplum saluberrimum ostensurus.

Sermo XLVIII.

Secundò fuit præelecta alijs omnibus, vt esset sponsa Christi. Deus enim pater ipsam in sponsam filio suo accepit, & Gabriel desponsandam commisit, vnde subdit Aug. in sermone de annunciatione. Dum Mariam tacitam fidem propositæ castitatis virgineo cultu celat, dum purpureos vultus candore mentis exuperat, placuit ipsa Deo, forma mentis, & corporis decore vestita, petitur ergo Maria cœlestibus regnis rex ipse stellato micans folio mandatum dirigit. Concionante itaque Deo mirantur sedes, stupent throni, ac diuinus silet exercitus, uade, inquit, Gabriel, & ethereas sedes rumpe, & consiliū nostrum Virgini defer Mariæ. Huic vnicum meum, & alteri donare nolo, vt illa sit mater cuius ego sum pater.

Consueuerunt autem sponsi circa sponas suas quinque requirere, quæ sunt. Singularitas amoris, pulchritudo corporis, nobilitas generis, morum honestas, & prolis fecunditas. Ista quinque fuerunt in ipsa sponsa Dei, iuxta illud Psalm. Audi filia, & vide, &c. vbi dicit. Bern. Audiuit. & credidit, vidit, & intellexit, auremque suam inclinauit ab obediendum, nec populum suum augere prolis successione, nec domui patris suum curauit hæredem relinquere, sed quicquid honoris in populo, quicquid de paterna domo rerum terrenarum habere potuit, quasi stercora reputauit, vt Christum lucrificaret. Secundum est pulchritudo corporis, vel potius mentis. Et subditur. Et concupiscet rex decorem tuum Cant. 4. Tota pulchra es amica mea, &c. Vbi dicit Hugo de sancto Victo. Quam pulchra es, & suauis, quam scrutator rex probat, quæ inspector cordium laudat, quam diligit actor pulchritudinis, cui testimonium perhibet actor veritatis. Tertium est nobilitas generis, parum autem valet nobilitas carnis, nisi sit nobilitas virtutis. Vnde subditur. Omnis gloria eius filia regis. Gloria enim exterior est ipsa, de qua dicit Eccl. 24. In me omnis gratia viæ, & veritatis, in me omnis spes uitæ, & uirtutis. Quartum morum honestas, ideo subdit. Circundata uarietate. Istæ varietates sunt diuersi mores. Nam modo habebat mores prætendentes magnam puritatem, modo pietatem, modo charitatem. Quintum est prolis fecunditas. Vnde subditur, Pro patribus tuis nati sunt tibi filij. Sicut Eua fuit ma-

ter omnium morientium, sic Maria fuit mater omnium uiuentium. August, in sermo. de annun. Erat Maria sine marito mater, cui ego sum sine coniugio pater, sic enim mundo succurrere uolo, ut iam non dicatur Eua mater uiuentiū, sed Maria.

Tertiò eam Deus facit habitare in tabernaculo suo, ut sit regina cœli, & domina mundi. Quælibet autem regina præ cæteris consuevit habere tria in palatio regali, scilicet, nobiliorem locum, ornatum, & famulatum. Ista tria regina ista habet. Ideo dicit propheta. Astitit regina à dextris tuis, hoc significatum est 3. Reg. ubi dicitur. Positus est thronus matris regis, quæ sedet à dextris eius. Secundò habet nobiliore ornatum. Ideo subditur, in uestitu deaurato, idest in corpore glorificato. De ornatu istius reginæ, dicitur Apoca. 12. Mulier amicta Sole, & Luna sub pedibus eius, & in capite corona stellarum duodecim. Tertiò habet nobiliorem famulatum, quia omnes angeli, & omnes sancti sibi famulatur, ideo subditur. Circundata uarietate. Vna uarietas est ordo angelorum, & omnium cœlestium spirituum. Secunda est ordo Patriarcharum. Tertia est ordo Prophetarum. Quarta est ordo Apostolorum. Quinta est ordo Martyrum. Sexta est ordo Confessorum. Septima est ordo Virginum. Oēs iste uarietates ipsam circundat, quia omnes tanquam domicelli, & domicellæ sibi assistunt, & eam circundant, quia omnes eam uenerantur, & laudant.

GRATIAS ET ELEEMOSYNAS QUAS

Deus dat, per Beatam Virginem distribuit.

Sermo

XLIX.

ELEEMOSYNARIA Dei est Virgo Maria. Omnes enim elemosynas, & gratias, quas Deus de cœlo in terram mittit, matri suæ sciendâs commisit. Bernar. Quia tu dignus nos eras, cui daretur fieri, datus est Mariæ, ut per eam acciperes, quicquid habes. Intantū eam enim Deus dilexit, ut nihil nos habere uoluerit, quod per manus eius nō transiret. Ipsa autem non est auara, sed dona gratiarum, dat

H 2 libera.

Sermo XLIX.

liberaliter, dat sapienter, & dat vtiliter, De liberalitate autem huius eleemosynariæ dicitur Prouer. vlti. Manum suam aperuit inopi, & palmas suas extendit ad pauperes. Cuius liberalitas in ijs uerbis ostenditur, & quia manus apertas habet, & quia eas plenas eleemosynis possidet. Nulla enim laus esset mulieri forti, si manus apertas teneret, & versus pauperes extenderet si ipsas vacuas haberet. Tenet igitur manum apertam, quia dat faciliter. Tenet eam extensam ad pauperes, quia dat communiter habet crateras eleemosynis plenas, q̃a dat omnibus abundanter.

Secundò ista eleemosynaria dat sapienter. Non enim dat omnibus equaliter, sed secundum maiorem indigentiam pauperum, & secundum exigentiam meritorum, dat & distribuit dona gratiarum, ideo dicitur ibidem. Omnes domestici eius uestiti duplicibus. Hic tanguntur ancillæ, & duo genera domesticorum. Ancillæ cibantur. Domesticorum quidam duplicibus uestiuntur, quidam præda ditantur. Habet igitur virgo quosdam famulos. Isti intelliguntur per primos domesticos, qui duplicibus uestiuntur, habet quosdam virginitate præditos, & intima sibi dilectione coniunctos. Isti intelliguntur per alios domesticos quibus præda diuiditur. Per famulos igitur, siue ancillas intelliguntur boni laici, qui præcepta Dei custodiunt. Istis dat cibaria, quia cibo diuinæ gratiæ eos pascit. Per domesticos quos duplicibus uestit intelliguntur religiosi, & uiri perfecti, quos uestit duplicibus, quia animam uestit duplici virtute, & corpus candore innocentæ, per alios domesticos intelliguntur illi, qui sunt virginitate præditi, & sibi intima deuotione coniuncti. Illis dat prædam. Tum quia eos magnis diuitijs dat, tum quia carnem, mundum & diabolum in prædam eis donat, dum de ipsis hostibus victoriam præstat. Ista triplex differentia tangitur Prou. 8. In vijs iustitiæ ambulo. Istud spectat ad bonos laicos, q̃ præcepta Dei, quæ sunt via eundi ad cælum custodiunt. In medio semitarum iudicij. Istud spectat ad religiosos, qui non tantum incedunt per viam mandatorum, sed etiam per semitam consiliorum. Ut ditem diligentes me, & thesauris eos repleam. Istud spectat ad illos, qui eam intima deuotione diligunt, & se in

virginem

virginitate sibi confimiles faciunt. Horum thesantos replet, quia eorum memoriam replet continuam Dei recordatione intelligentiam, Dei cognitione, & voluntatem magna Dei dilectione.

Tertiò ista eleemosynaria dat utiliter, quia eius eleemosynæ sunt valde viles, & necessariae. Ideo ipsa dicit Eccle. 24. Ego mater pulchræ dilectionis, &c. Necessariè sunt præsumptuosus, ut suo timore eos humiliet. Ideo subdit. Et timoris. Necessariè sunt ingratis, ut sua sapientia eos illustret. Ideo subdit. Et agnitionis. Necessariè sunt pusillanimis, ut ad spem veniæ eos reuocet. Ideo subdit. Et sanctæ spei.

EXTERIORIS ET INTERIO-

ris faciei pulchritudine fuit accepta Deo Beata Virgo.

Sermo L.

Facies Beatæ Mariæ non tantum corporalis, sed spiritualis intantum fuit pulchra, quòd eam ipse Deus videre desiderabat, Cant. 2. Ostende mihi faciem tuam, sonet vox tua in auribus meis, vox enim tua dulcis, & facies tua decora. Dicit enim August. in lib. de trin. Bona facies dimensa est pariliter, affecta hilariter, & colorata paulisper. Tunc facies animæ pariliter est dimensa, quando membra, i. virtutes ipsius animæ sunt debito modo proportionatæ, scilicet, quando magnitudini fidei respondet magnitudo spei, & magnitudini spei, respondet magnitudo amoris, & magnitudini amoris respondet magnitudo operis. Nam sicut dicit Bernar. Quantum homo credit tantum sperat, quantum sperat tantum diligit, quantum diligit tantum operatur, Istam talem dimensionem, & proportionem habuit Virgo Maria, iuxta illud Eccl. 24. Ego mater pulchræ dilectionis, Ipsa enim habuit magnam fidem, per quam Deum veraciter cognovit; Ideo dñ. Ego mater agnitionis, Habuit magnā spem, quia Deum de Deo vehemēter speravit, ideo subditur. Et sanctæ spei. Habuit magnū amorē, per quē Deū feruēter dilexit.

Sermo L.

ideo dicit. Ego mater pulchrę dilectionis. Habuit magna opera, quia sollicitę operata fuit, ideo dicitur mater timoris. Timor enim filialis sollicitat ad bene operandum hominem. Eccl. 7. Qui timet Deum nihil negligit. Minus dicit, & plus sollicitat, idest sollicitę operatur. Vel ista dimensio potest esse quadruplex, quę circa eius misericordiam inuenitur. De qua sic dicit Ber. Quis   benedicta misericordię tuę longitudinem, latitudinem, sublimitatem, & profundum inuestigare possit. Longitudo eius usque in diem nouissimum subuenit vniuersis. Latitudo eius replet orbem terrarum. Sublimitas eius ciuitatis supernę instaurauit ruinas, profunditas quantum sedentibus in tenebris, & umbra mortis redemptionem obtinuit.

Secund  eius facies fuit affecta hilariter. Si cor enim gaudens exhilaret faciem, vt dicitur Prouer. 15. Manifestum est, qu d cor eius, quod semper est gaudio plenum erat, qu d faciem eius exhilarabat. Potest enim dici de ipsa, quod de filio dicitur Isa. 42. Non clamabit, scilicet, murmurando, nec audietur uox eius, scilicet, maledicendo, non erit tristis, scilicet, in corde, nec turbulenta, scilicet, in facie. Ipsa enim semper fuit leta, scilicet, in annunciatione. Lucę. 1. Exultauit spiritus meus in Deo salutari meo. In parturitione. Gaudebat enim de tali prole, de conseruato pudore, de eo qu d parturiebat sine dolore, & de angelica iubilatione, iuxta illud. D  paris, & gaudes, &c. Fuit leta in Christi resurrectione. Quauis enim in passione multum doluerit, tamen postmodum in Christi resurrectione multum gauisa fuit, sicut dicitur Thob. 3. Post tempestatem tranquillum facit, post lachrymationem & fletum exultationem infundis. Fuit leta in Christi ascensione, vnde dicitur Lucę ult. qu d ascendente Christo in c elum, ipsi adorantes regressi sunt in Hierusalem cum gaudio magno. Qui autem sunt isti, qui cum gaudio regressi sunt determinatur Act. 1. Tunc reuersi sunt Hierusalem, & ascenderunt ubi manebat Petrus, & Ioannes, & infra cum mulieribus, & Maria matre Iesu. Fuit leta in suis ipsius assumptione, quia tota festiua fuit assumpta, vnde cantat ecclesia. Sicut dies verni circundabant eam flores rosarum, & lilia conualium.

lium. Fuit etiam tunc læta tota curia cœlestis, Ber. in sermone de assumptione. Si paruuli necdum nati anima liquefacta est, quid putamus, quæ illa cœlestium fuerit exultatio, cum & vocem eius audire, & faciem eius videre, & beata eius præsentia frui meruerit.

Tertiò eius facies fuit colorata loculenter, Consueuerunt autem filij parentibus in faciem assimilari, & ideo uerissimile est, quòd colorem quem habuit filius traxerit à matre. De colore autem filij dicitur Cant. 5. Dilectus meus candidus, & rubicundus electus ex millibus. Ipsa igitur fuit cãdida propter puritatem. Fuit rubicunda propter feruentem charitatem. Et fuit electa ex milibus propter singularem, & inauditam humilitatem. Cant. 1. Nigra sum, sed formosa. Ipsa igitur fuit nigra ratione humilitatis, fuit formosa ratione puritatis, fuit rubicunda, vel rubricata ratione puritatis.

ENVMERANTVR EA QVIBVS BEATA

fuit famosa apud angelos, & homines.

Sermo

L. I.

FA MOSA fuit Virgo Maria angelis, Deo & hominibus. Angelis propter virginitatem, Deo propter humilitatem, hominibus propter fecunditatem. Iudith. 14. Tu gloria Hierusalem, idest Dei, in quo est uisio nostræ pacis, propter humilitatem, quam habuisti. Tu læticia Israel, idest angelorum qui semper vident Deum facie ad faciem, propter virginitatem, quam conseruasti. Tu honorificentia populi nostri, propter fecunditatem, quam pro nobis protulisti. Et sequitur. Quia fecisti viriliter, Deum per tuam humilitatem ad terram trahendo. Et confortatum est cor tuum propter tuam fecunditatem, nostram salutem operando. Eo quòd castitatem amaueris, te propter virginitatem angelis associando. Vel potest dici, quòd aliquis dicitur esse famosus quatuor de causis. Primò propter magnam sapientiam, sicut fuit Salomon 3. Regum 10. Regina Sabba audita sapientia Salomonis. Secundò propter magnam potentiam. Gene. 6. Gigantes erant super terram, isti sunt potentes uiri famosi.

H 4

Tertiò

Sermo L I.

Tertiò propter magnam sanctitatem. Iudith. 8. Hec eras omnibus famosissima quoniam timebat Deum. Quartò propter magnam pulchritudinem. Hester. 2. Erat Hester famosa ualde, & incredibili pulchritudine, oculis omnium gratiosa, & admirabilis uidebatur. Ista quatuor Virgo Maria excellenter habuit, & ideo famosissima fuit.

Primò enim habuit magnam sapientiam. Diuina enim sapientia in eius utero nouem mensibus habitauit, & ideo totam ipsam diuina sapientia plenam reliquit. Ideo Apestoli ad eam tanquam ad arcam sapientiæ recurebant, & ipsam de omnibus dubijs interrogabant. Vnde dicit Beda. Omnia quæ de domino, uel à domino dicta, uel acta cognouerat, Virgo mater in corde diligentius retinebat, & sollicitè cuncta ad memoriam commendabat, ut cum prædicandi, uel scribendi eius incarnationis tempus adueniret, sufficienter uniuersa prout essent gesta quærentibus explicare posset.

Secundò habuit magnam potentiam. Eccl. 24. In Hierusalem potestas mea. Tam enim potens fuit, quòd diabolus contriuit. Gen. 2. Ipsa conteret caput tuum. Tam potens fuit, quòd cælum aperuit, quòd Deum ad terram traxit, quòd uitia confregit, quòd uirtutes plantauit. Hieronymus. Hæc est quæ coelis dedit gloriam, terris Deum pacemque refudi, fidem gentibus, finem uitij, uitæ ordinem, moribus disciplinam.

Tertiò habuit magnam sanctitatem. Nam ante fuit sancta, quàm nata. Bernar. est itaque regia ueris honorum titulis adornata, quæ proculdubio sancta fuit antequam nata. Et quoniam sanctum idem est, quòd purum, siue mundum, ipsa intantum fuit sancta, quòd eius puritas fuit infra puritatem diuinam, sed supra puritatem angelicā, & humanam. Anselmus. Decebat quippe, ut uirgo beata ea puritate niteret, qua sub Deo maior nequit intelligi.

Quartò habuit magnā pulchritudinem, de cuius pulchritudine dicitur in Psal. Omnis gloria eius filiæ regis. Sunt quidam qui non curant nisi de pulchritudine exteriori. Ipsa autē curat de interiori. Ideo dicitur, Omnis gloria eius filiæ regis.

abintus. Alij sunt, & si aliquando habeant pulchritudinem interiorem, tamen cito perdunt. Ipsa autem seruauit vsq; in finem. Ideo dicitur. In fimbrijs aureis. Fimbria est vestis. Alij sunt, qui & si diligunt Deum, tamen adhuc aliquo modo inclinantur ad mundum. Tales possunt dici deaurati nō aurei. Nam in re deaurata, & est aurum, & est res alia præter aurū, sic & serui Dei quamuis diligant Deum, tamen adhuc omnino non abstrahuntur à mundo. Res autem aurea tota est aurum. Ideo Beata Virgo non habuit fimbrias deauratas, sed aureas, quia totū cor eius versum erat in aurum, idest in amorem diuinum. Alij sunt qui sunt contenti vna pulchritudine, idest vna virtute. Beata autem Virgo habuit varietatem omnium virtutum. Ideo dicitur circumdata varietate.

QUANTAM FIDEM HABUIT BEATA

Virgo, quæ eam Helisabeth commendauit.

Sermo LII.

FIDEM Beatæ Mariæ Sanctæ Helisabeth commendauit dicens Luc. i. Beata, quæ credidisti, quoniam perficietur in te, quæ dicta sunt tibi à Domino. Vbi Helisabeth attribuit fidei suæ, quod Deum concipere meruit. August. de verbis Domini. Virgo non libidine, sed fide concepit. Venit in Virginem, qui erat ante Virginem; quam eligeret creauit, & quam creauit elegit. Attulit Virgini fecunditatem, sed non abstulit integritatem. Idem in libro de virginitate. Beatior fuit Maria percipiendo fidem Christi. Nihil enim Mariæ materna propinquitas fuisset, nisi cum felicius corde quàm carne gestasset. Notandum autem, quod est fides viuā, vera, perfecta, & firma. Fides viuā est, quæ est operibus adornata. Si enim non haberet opera, non esset viuā. Iac. 2. Sicut corpus sine spiritu mortuum est, sic fides sine operibus mortua est. Istam fidem viuā nō habent mali Christiani, de quibus dicitur. Confitentur autē se nosse Deū, factis autem negant. Fides perfecta est, quæ est charitati coniuncta, quia ipsa charitas est perfectio oīum virtutum. Col. 3. Charitas, quæ est vinculum perfectionis, Gal. 5. Fides, quæ

Sermo LII.

per charitatem operatur. Si enim charitatem non haberet fides inutilis esset. Cor. 13. Si habuero omnem fidem ita ut montes transferam. charitatem autem non habuero nihil sum. Istam fidem habent dæmones, credunt & contremiscunt. Illud autem credere non est meritorium eis: quia Deum non diligunt, sed odiunt. Psal. Superbia eorum qui te oderunt ascendit semper. Fides vera est quæ contemnit mundana, & amat cœlestia: quam non habent avari. August. Qui veram fidem habent de Deo, non cupiunt in istis miserijs diuites fieri. Istam fidem veram habuit Moyses Hebr. 11. Fide Moyses grandis effectus: negavit se esse filium filiae Pharaonis: maiores diuitias existimans thesauro Egyptiorum improprium Christi. Ecce quia per fidem despiciebat terrena. Aspiciebat enim in remuneratorem. Ecce quia amabat cœlestia. Fides firma est, quæ non frangitur, nec mutatur propter aliquam aduersitatem. De qua dicitur Thob. 2. Vitam illam expectabamus quam Deus daturus est illis qui vitam suam nunquam mutant ab eo. Istam fidem nunquam habent instabiles, & inconstantes. de quibus dicitur Luc. 8. Ad tempus eredunt, & in tempore tentationis recedunt. Talem fidem secundum hunc quadruplicem gradum habuit Virgo Maria.

Primò habuit fidem viuam, quæ erat operibus adornata. Habuit quidem opera necessitatis, & indigentiae. Prouer. ult. Quæsiuit lanam, & linum, & operata est consilio manuum suarum. Ad literam enim secundum Hiero. acui, & colo sibi, & filio necessaria acquirerebat: & suæ indigentiae subueniebat. Habuit opera pietatis, & misericordiae. Ibidem. Manum suam aperuit inopi, & palmas suas extendit ad pauperem. Habuit opera magnanimitatis, & constantiae. Ibidem. Accinxit fortitudinem lumbos suos, & roborauit brachium suum.

Secundò habuit fidem perfectam, quæ charitati coniuncta est, vel fuit. Ipsa enim præ nimio igne charitatis tota erat liquefacta. Cant. 3. Anima mea liquefacta est. Erat gladio amoris vulnerata. Vnde ipsa dicit. Vulnerata charitate ego sum. præ nimio amore & desiderio erat languida effecta. Cant. 2. Nunciate dilecto meo, quia amore languesco.

Tertiò habuit fidem veram per quam despexit omnia ter-

rena.

rena. Ipsa enim despexit omnia delectabilia per votum virginittis, quod emisit: diuitias per paupertatem quam elegit: mundanos honores per humilitatem cui totaliter se subiecit.

Quartò habuit fidem firmā, quod patet in passione Christi: quia ceteris Apostolis à fide cadentibus: ipsa in fide permansit. Non enim cadere potuit quam pater sanctificauit. Psal. Sanctificauit tabernaculum suum altissimus. Quam filius inhabitauit. Eccl. 24. Qui creauit me requieuit in tabernaculo meo. Quam Spiritus sanctus confirmauit. Luc. 1. Spiritus sanctus superueniet in te, &c. Quam angelus custodiuit. Iudith 13. Viuit Dominus, quia custodiuit me angelus eius. Propter istam quadruplicem fidem dicitur Eccl. 24. Sicut Sol oriens mundo in altissimis Deo. sic mulieris bonę species in ornamentis domus suę lucerna splendens super candelabrum sanctum; & species faciei super ætatem stabilem. Columnę aureę super bases eius: & pedes firmi super plātas stabilis mulieris. Fundamenta æterna super petram solidā: & mandata Dei in corde mulieris sanctę. Ex quibus verbis habetur, qđ Beata Virgo assimilatur quatuor rebus, scilicet soli: columnę aureę: lucernę super candelabrum positę, & domui super petram ædificatę. Nam inquantum ipsa habuit fidem viuam, quę bonis operibus erat ornata assimilatur Soli. Sicut enim Sol habet illuminare, calefacere, & fructus terrę producere: sic ipsa quosdam illuminabat ad Dei cognitionem. Alios inflammabat ad Dei amorem. Alios fructus producere faciebat per bonam operationem. Inquantum habuit fidem perfectam, quę erat charitati coniuncta, assimilatur columnę aureę super bases argenteas positę. Per aurum enim intelligitur charitas: quia sicut aurum est preciosius inter metalla: sic charitas est preciosior inter omnia Dei dona. Et ista charitas fuit in ea admodum columnę: quia eius amor non flectebatur ad mundum, sed rectē dirigebatur in Deum. Et ista charitas erat super bases argenteas: quia secum habebat omnes virtutes lucidas. Inquantum habuit fidem veram, quę facit contemnere terrena, & amare cœlestia assimilatur lucernę super candelabrum positę: quando fide terrena

Sermo LIII.

deferuntur, & ad cœlestia subleuantur. In quantum habuit fidem firmam, quæ est fortis inter aduersa assimilatur domui super petram ædificatæ, iuxta illud quod dicitur Mat. 7. Omnis qui audit uerba mea, & seruat ea assimilatur uiro qui ædificat domum suam supra firmam petram, & descendit pluuia, aliqua tribulatio de cœlo emissæ, & uenerunt flumina, idest aliqua persecutio ab hominibus terrenis illata, & flauerunt uenti, idest aliqua tentatio à diabolo inflata, & irruerunt in domum illam, & non cecidit, fundata enim erat supra firmam petram. In passione autem Christi quidam non habuerunt fidem, nec compassionem, sicut Iudæi infideles Christo insultantes. Quidam habuerunt compassionem, sed non fidem, sicut Apostoli à fide cadentes. Quidam fidem siue cognitionem, ut angeli qui sunt impassibiles. Sola autem Virgo beata habuit compassionem intimam, & fidem ueram.

EX FILIATIONIS BONIS LAUDABILIB.

*Beata Virgo laudatur, quæ cum Deo unum eundemq;
habuit filium.* *Sermo LIII.*

FILIVS Beatæ Mariæ fuit Christus qui etiam est filius Dei. Et ideo Beata Maria unum, & eundem filium habuit cum Deo. Notandum autem, quod triplex est filiatio, scilicet naturalis, legalis, & spiritualis. Filiatio naturalis est qua quis efficitur filius per carnalem generationem. Filiatio legalis est, quæ fit per imperialem adoptionem. Filiatio spiritualis est, quæ fit per spirituales baptismi regenerationem. Et secundum hanc triplicem filiatiōem, Virgo beata habuit tres filios.

Primus fuit Christus quem naturali generatione habuit, quæ cum de suis uisceribus proiulit, Gal. 4. Misit Deus filium suum factum ex muliere. Ro. 2. Qui factus est ei ex semine Dauid secundum carnem, ex hoc enim habetur, quod Beata Virgo ex progente Dauid produxit originem. Si enim Christus ex semine Dauid secundum carnem natus est, & in carne Christus non fuit nisi semine Virginis, Manifestum est ipsam ex semine Dauid descendisse. Non solum hoc ostenditur Apostolica auctoritate, sed etiam ex reificatione Ecclesiæ, Ait enim. Natiuitas gloriæ

gloriosæ Virginis Mariæ ex semine Abraham orta de tribu Iuda clara ex stirpe David. Ostenditur hoc ex uoce ipsius David Prophete ipsam exorantis, ut Gabrieli assentiat dicens. Audi filia, & uide, & inclina autem tuam. Ostenditur etiam hoc ex Mosayca lege, secundum quod omnes mulieres nubere debebant hominibus tribus suis. Quia igitur Beata Virgo fratres non habebat, ideo alicui de tribu sua eam nubere oportebat. Et ideo cum Ioseph de tribu David fuerit ipsam similiter de eadē tribu manifestū est. Quia igitur B Virgo fuit mater Christi, & Christus fuit filius eius, ideo ex tali maternitate tria sequuntur. Primum est, quia habet super ipsum maternę auctoritatis imperiū, unde dicitur Luc. 3. quod ipse erat subditus illis. Aug. Hoc singulariter illa femina habuit, ut sibi habeat nascendi humanitate subditum, quod non solum humana, uerum etiam angelica natura ueneratur, & adorat altissimum. Secundum est, quia habet super nos maternę compassionis affectū, unde sibi sæpe debemus dicere. Monstra te esse matrem. Ber. Quoniam uiscera illa uirtus pietatis affecit in quibus nouem mensibus pietas requieuit. Nam & ante mentem, quam uentrem repleuit, & cū ex utero processit, ab animo non recessit. Tertium est, quia decuit sublimari ad filium. Damascenus. Decuit matrem ad filium sublimari, ut ad ipsum ascenderet, sicut ad ipsam descenderat, ut quæ in partu seruauit integritatem, post mortem non uideret corruptionem. Secundus filius fuit Ioannes Euangelista, qui fuit filius eius per imperialem adoptionem. Imperator enim cælestis in tribunali crucis existens publico edicto, Ioannem suæ matri in filium adoptauit dicens. Mulier ecce filius tuus. Ex ista autem tali adoptione Ioannes promeruit habere tria priuilegia. Primum est, quia factus est archangeli Gabrieli socius. Petrus Damianus. Ioannes archangelo Gabrieli ad custodiam matris Dei est datus socius, ut & ille integram uirginitatem custodiret inuisibiliter, & iste forissecus fragilitatis femineæ obedientię suæ ministerium exhiberet. Secundum est, quia factus est uerbo Dei magis uicinus. Idem. Quanto Ioannes familiarior tum matre uerbi consolabatur, tanto intimior uerbo inuenitur.

Sermo LIII:

Tertium est, quia factus est quadam prerogativa spirituali frater Christi adoptiuus. Idem. Quoniam ab ipsa veritate Ioannes Marię dictus est, filius: quadam speciali gracia frater est Saluatoris. Idem. Sicut Dominus dixit matri: hic est filius tuus. Ita dixit discipulis. Hoc est corpus meum, & tantus fuit in illis verbis effectus, vt illico panis ille dominicum fieret corpus. Ex quadam itaque similitudine si dicere audeamus Beatus Ioannes non solum potitus est filij nomine, sed propter illa verba: dominica quoddam maius necessitatis sacramentum apud Beatam Virginē meruit obtinere.

Tertius filius fuit Ioannes Baptista, qui fuit eius filius per spirituales baptismi regenerationem. Ipsa enim baptizauit eum non baptismi fluminis, sed fluminis sicut dicit Chrysostomus. Cum enim Maria salutauit Helisabet: vox salutationis per eius aures ingrediens ad puerum descendit: virtute cuius salutationis puer Spiritum sanctum accepit. vnde dixit Helisabeth, Ecce enim, vt facta est vox salutationis tuę in auribus meis exultauit in gaudio infans in utero meo. Illa enim talis exultatio fuit Spiritus sancti repletio prout angelus prędixit dicens. Spiritu sancto replebitur adhuc ex utero matris suę. Per illam autem Spiritus sancti repletionem meruit à peccato originali mundationem. Si igitur ad salutationem Marię puer Spiritu sancto est repletus, & ex tali repletione à peccato originali mundatus fuit, satis videtur, quod Beatę Marię fuerit spiritualis filius effectus, quia per Spiritum sanctum fuit baptizatus. Ex his patet, quod Ioannes in utero existens virtute salutationis Beatę Marię quatuor prerogativas accepit. Primò exultationem. Secundò à peccato originali mundationem. Tertiò spiritus prophetię repletionem: quia per Spiritum sanctum cognouit Dominum. Ideo dixit angelus. Spiritu sancto replebitur adhuc ex utero matris suę. Quartò prophetię collationem: quia patri, & matri gratiam dedit, per quam matrem Dei cognouerunt.

SPIRITVS SANCTVS TANQVAM FLVIVS

in Virginem Beatam, & per eam in nos emanauit.

Sermo

LIIII.

FLVVIVS cœlestis est abundans emanatio spiritus. s. Iste fluuius est duplex. Vnus qui manauit in Beatā Virginem Mariā. Alius qui emanat ab ipsa in nos. Primus igitur fluuius qui emanat in ipsam describitur Ezech. 47. cap. Vbi dicitur, quod vir qui habebat funiculum mensus est in fluuiio mille cubitos, & traduxit eum vsque ad talos. Et rursus est mensus mille & traduxit eum vsque ad renes. Et rursus mensus est mille, & traduxit eum vsque ad torrentem: qui non potuit transuadere. In talis autem est omnis inchoatio, in genibus est deambulatio, in responsionibus est generatio. Per millenarium autem perfectio designatur. Fluuius igitur, idest abundantia spiritus. s. emanauit in Mariam in suo initio, quando quasi in suo talo fuit traducta. Et rursus mensus est mille & traduxit eum vsque ad gēua, quia fuit in vtero sanctificata, & ibi habuit millenarium maioris perfectionis. Emanauit in ipsa quasi in renibus quando Dei filium generauit; quia fuit lumine diuinitatis illustrata, & tunc habuit alium millenarium Mariæ perfectionis. Et emanauit in ipsam quando ad cœlestem gloriam fuit assumptā, & facta est quasi torrens, qui non potuit transuadari: quia fuit tunc claritate ineffabili illustrata, & tantæ gloriæ immensitate perfusa, quod nullius intellectus angelicus, vel humanus hoc comprehendere posset, mirari quidem posset, intelligere autem minime valeret. Secundus fluuius est qui ab ipsa in nos emanat, de qua dicitur Apoc. 22. Ostendit mihi angelus fluuium aque viue tanquam cristallum procedentē à sede Dei, & agni, in medio plateæ eius. In quibus verbis proponuntur quinque laudabiles conditiones quas habet iste fluuius, idest ista emanatio Spiritus sancti, quæ à Beata Maria fluit, & procedit. Primò habuit abundantiam adimplentem, ideo dicitur fluuius, quia semper fluit, & abundanter fluit, & nunquam desinit. ex qua emanatione oriuntur in cordibus fidelium germina virtutum, & bonorum operum, quæ

sunt

sunt cibus animarum . Psal. Flumen dei repletum est aquis .
 Secundo habet emanationem indeficientem , ideo dicitur
 aquæ viuæ . Isa. 56. Eris quasi hortus irriguus , & sicut fons
 perperuus , & tanquam fluius semper emanauit , & in perpe-
 tuum emanabit . Eccl. 24. Ab initio , & ante sæcula , &c. Ema-
 nauit quidem ante sæcula , quia ipsa Trinitas , quæ ipsam na-
 scituram præiudicet , & præordinauit de ipsa producenda gau-
 dium habuit . Angeli etiam quibus mysterium Christi reue-
 latum erat de ipsa producenda gaudium habuerunt . Ipsa ēē
 emanauit à principio suæ creationis , quia mox vt nata fuit ,
 eius merita non defuerunt . Et ideo bene dicit . Ab initio , &
 ante sæcula creata sum . Ipsa etiam in iudicio futuro non ces-
 sabit emanare , quia non cessabit filium suum orare , vt suam
 seueritatem dignetur temperare . Et ideo bene dicit , vsque ad
 futurum sæculum non desinam . Modo etiam in habitatione
 sancta consistens non cessat emanare , quia non cessat coram
 Deo pro nobis sua suffragia ministrare . Et ideo bene dicitur .
 In habitatione sancta coram ipso ministrari .

Tertio habet claritatem resurgentem , quod notatur cum
 dicitur . Splendidam tanquam cristallum . Ipsa enim aqua
 gratiæ quam Virgo non cessat in nos fundere siue fluere dicitur
 splendida quasi cristallus , quia ad instar cristalli facit ani-
 mam solidam per virtutem temperantiæ , frigidam refrigeran-
 do ab æstu concupiscentiæ , & lucidam per puritatem mundi-
 tiæ . In aqua autem splendida facies nostras speculari quili-
 ber , scilicet Dei gloriam , vt ipsam desideret , sui imaginem ,
 vt ipsam reformet , cognitionem claritatis diuinæ , ad hoc vt
 transeat ad claritatem cognitionis Dei , quæ est per speciem .
 Ista triplex speculatio tangitur . 1. Cor. 3. Nos autem reuelata
 facie gloriam Domini speculari , in eandem imaginē trans-
 formamur de claritate in claritatem , &c. Notandum autē ,
 q̃ in aqua clara , & fulgida non tantum ea videntur , quæ sunt
 in superficie , vel in medio , sed etiam ea , quæ sunt in fundo .
 In corde sunt cogitationes , quæ sunt quasi in superficie cor-
 dis , sunt affectiones , quæ sunt quasi in medio cordis , sunt
 intentiones , q̃ sunt quasi in fundo cordis , quia intentio dēt
 etc.

esse occulta . Quando igitur conscientia est munda , & clara , tunc videt cogitationes qualiter sunt sanctæ , uidet affectiones qualiter sunt mundæ , uidet intentiones qualiter sunt rectæ .

Quartò habet emanationem eminentem , quod notatur cum dicitur . Procedente de sede Dei , & agni . Ipsa enim Virgo beata ab altitudine sanctę Trinitatis aquam accepit gratiæ , quam nobis infundit . Nam ab altitudine diuinę potentię facit in nos effluere gratiam abundantem , qua solidamur contra aduersa . Ab altitudine diuinę sapientiæ , facit in nos effluere gratiam refulgentem , qua illuminamur cōtra dubia . Ab altitudine diuinę misericordiæ facit in nos effluere gratiam purificantem , qua mundamur , & abluimur contra peccata .

Quintò habet discussionem communem , & patentem , quod notatur in medio cum dicitur . Plateę eius , habet quidē duas ciuitates , scilicet , triumphantem , & militantem . In medio istarum ciuitatum est ipsa Virgo mediatrix , & media , mittens de isto fluuio Spiritus sancti ad utranque ciuitatem . Nam ciuitatem militantem potat . Triumphantem inebriat . Psalm . Inebriabuntur ab vbertate domus tuę , quo ad militantem . Cant . 5 . Bibite amici mei , & inebriamini charissimi , quo ad triumphantem . Militantem mundat , & triumphantem letificat . Psalm . Fluminis impetus letificat ciuitatem Dei . Ecce letificatio . Sanctificauit tabernaculum suum altissimus . Ecce mundatio . Militantem rigat , & fecundat , triumphantem inebriat . Eccles . vigesimoquarto . Rigabo hortum plantationum mearum , & inebriabo partus mei fructus . Hortus super corda iustorum , quę ipsa est rigat , & fecundat . Fructus partus sui sunt congregatio beatorū , quos ipsa inebriat , partus autem Virginis fuit Christus . Fructus istius partus sunt omnes sancti , & omnes beati , quos ipsa fecit fructificare per bona opera , & modo fructum suorum operum receperunt in cœlesti curia .

FONS Dei est Maria, iuxta illud Cant. 4. Fons hortorum puteus aquarum viventium, quæ fluunt impetu de libano. In quibus verbis notari potest, quòd ipsa habet hortum, campum & viridarium, Ita quòd hortus ipsa est fons. Campus est puteus aquarum, In viridario, siue pomerio ipsa est fluuius, qui uadit cum impetu. Videamus igitur qui significantur per hortum, qui per campum, & qui per viridarium.

Per hortum significantur boni, & beatæ Mariæ deuoti, qui sensus suos clausurunt, ideo dicitur de qualibet spōsa Dei Cant. 4. Hortus conclusus es soror mea, hortus conclusus fons significatur. Ipsa enim debet esse conclusus, quia debet claudere os à uanis uerbis; Debet etiam esse hortus conclusus, quia debet claudere manus suas ab operibus, & debet esse fons significatus, quia debet cor suum sigillare à cogitationibus immundis. In isto horto sunt herbe uirentes, & redolentes, idest uirtutes, & sanctæ meditationes. Sunt etiam flores, idest mundæ affectiones. Ibi etiam crescunt arbores, folia uirentia, & suaves fructus habentes, idest fideles, qui habent folia sanctorum uerborum, & fructus bonorum operum. Sed tamen nec istę herbe redolentes, nec isti flores uirentes, nec istę arbores fructificantes, possunt crescere, nec fructus facere nisi iste fons mittat aquam eis suæ gratiæ. Adueniente autem aqua istius fontis herbe uirtutum, & desideriorum crescunt, quia benedictionem ab isto fonte recipiunt. Hebr. 6. Terra sæpe ueniente super se bibens imbrem, & generans herbam opportunam illis, à quibus colitur accipit benedictionem à domino. Flores etiam crescunt, quia mundæ affectiones redolent coram Deo Cant. 2. Flores apparuerunt, vineę florentes odorem dederunt. Arbores et producunt folia uerborum sanctorum, & fructus bonorum operum. Hier. 7. Erit foliū eius uiride, & in tempore siccitatis non erit sollicitum, nec aliquādo desinet facere fructum. Et ideo bene dicitur, quòd ipsa est fons hortorum,

Per campos intelliguntur mali, & peccatores, qui non habent aliquam clausuram in ore suo, sed illud laxant ad detractiōnem, nec in manibus suis, quia illas extendunt ad illicitas operationes, nec in corde suo, quia recipiunt ibi immundas cogitationes. De talibus dicitur Prouerb. 36. Per agrum hominis pigri transui, & per uineam viri stulti. Et postea subditur. Materia lapidum destructa est, quia non habent aliquam clausuram, nec materiam, ideo malæ bestię, idest dæmones uadunt in cor eius. Iob. 20. Vadent, & ueniunt super eum horribiles. Et quoniam malæ bestię uadunt, & ueniunt, ideo herbas conculcant, flores dissipant, fructus deuorant, quia omnes uirtutes, affectiones & desideria, & omnia opera bona destruant, & consumunt, ita quod omnia efficiuntur arida, & mortua. Beata Virgo est sæpe puteus aquarum uiuentium. Aquæ enim suæ sunt uiuentes, quia reuimiscere faciunt in corde omnes mortuas uoluntates, faciunt uiuere omnes aridas affectiones, faciunt germinare bonas operationes, ita quod potest dici illud Psal. Campi tui replebuntur bonitate, ideo bene dicitur puteus aquarum uiuentium. Iste sunt illę aquæ uiuentes, de quibus dicitur Eze. 47. Omnis anima uiuens, quę serpit quocunque uenerit torrens uiuet, & omnia uiuent, ad quæ uenerit torrens.

Per uiridarium siue pomerium intelligitur Paradisus, ubi sunt diuersi flores, & diuersi generis arbores. Nam ibi sunt rosę Martyrum, violę Confessorum, lilia virginum. Ibi etiam sunt diuersę arbores, quia ibi sunt quidam, qui fuerunt palma per uictoriam. Quidam qui fuerunt cedrus per eminentem uitam. Quidam qui fuerunt cypressus per odoriferam famam, unde potest dici illud Eccle. 2. Feci hortos, & pomeria, & sæpi ea cunctis generis arboribus. In isto uiridario, siue pomerio beata Virgo spatiatur, modo inter lilia virginū, modo inter rosas martyrum, modo inter violas confessorum, modo inter oliuas patriarcharum, qui dediti fuerunt operibus misericordiæ, modo inter palmas Apostolorum, qui totum mundum superauerunt, modo inter cedros prælatorum, qui fuerunt eminentes in dignitate, modo inter cypressos religiosorum, qui odore suę puritatis serpentes, idest dæmo-

met à se fugauerunt. In istud pomerium, siue uiridarium iste fons mittit aquas suas cum impetu, idest largiter, & abundanter. Ad hoc autem, ut fluant cum impetu tria requiruntur. scilicet quod de alto ueniant, quod in abundantia fluant, & quod nullam resistantiam inueniant. Istas igitur aquas iste fons cœlestis effluere facit in uiridarium Paradisi à monte altissimo Trinitatis, & facit eas effluere in abundantiam maximè plenitudinis, & nullius peccati obstaculum inueniunt in beatis. Et ideo bene dicitur. Quæ fluunt cum impetu de libano. De istis aquis dicitur in Psalmo. Fluminis impetus lætificat ciuitatem Dei.

CVM DICATUR FONS BEATA VIRGO,

ex tribus ad eum proportionibus predicatur.

Sermo.

LVI.

FONS dicitur Virgo Maria, de quo sunt tria uidenda. Primò qualis est iste fons. Secundò quales aquas habet. Tertiò qualiter iste fons diuiditur.

Circa primum notandum est, quòd iste fons est significatus. Est fons apud Deum positus. Est fons in flumen conuersus. Est fons perpetuus. Et est fons dulcis, & amēnus. Primò igitur est fons significatus. Cant. 4. Hortus conclusus fons significatus soror mea sponsa. Hortus conclusus fons significatus, bis dicit. Hortus conclusus, & semel fons significatus. Intellectus quidem Virginis fuit hortus Dei, quia plenus erat fide, & Dei cognitione. Affectus eius fuit hortus Dei, quia plenus erat Dei amore. Uterus eius fuit hortus Dei, quia plenus est aqua cœlestis gratiæ. Deus igitur clausit eius intellectum, ut nihil in ipsum intrare possit ignorantia, uel erroris. Clausit eius affectum, ut nihil in ipsum intrare possit mūdani amoris. Significauit eius uterum sigillo uirginalis pudoris. Secundò fuit fons apud Deum positus. Psalm. Quoniam apud te est fons uitæ. Est igitur fons, quia refrigerat ab estu concupiscentiæ. Et est fons uitæ, quia uiuificat à morte letalis culpæ. Et est luminosus, quia infundit nobis lumen cognitionis diuinæ. Et est apud Deum positus, ideo potest copiose

piosè effluere. Tertio est fons in flumē conuersus. Hester. 11. Paruus fons creuit in flumen maximum, & in aquas plurimas redundauit. Ipsa enim fuit fons paruus in sua humili conuersatione, sed creuit in flumen maximum in filij Dei conceptione, & redundauit in aquas plurimas in sua assumptione, ubi intantum redundat, quòd de eius plenitudine non cessat effluere, & illis qui sunt foris, idest illis qui adhuc sunt in exilio, & illis qui sunt in plateis cœlestis Hierusalem, iuxta illud Prouer. 5. Deriuentur fontes tui foris, & in plateis aquas tuas diuide. Quarto est fons perpetuus. Isa. 56. Quasi hortus irriguus, & sicut fons aquarum cuius non deficiunt aquæ. Amor mundi non est perpetuus, sed citò labitur, quia est sicut aqua cisternæ. Hierem. 2. Ne derelinquerunt fontem aquæ uiuæ, & foderunt sibi cisternas dissipatas, quæ continere non ualent aquas. Mundus est sicut cisterna dissipata, quia non habet consolationem ueram, sed fictam, nec permanentem, sed citò effluentem, nec plenam, sed uacuam 1. Ioan. 2. Mundus transit, & concupiscentia eius. Quinto est fons dulcis, & amēnus. Sed notandum quòd fons de mari oritur, sed per meatus subterraneos dulcoratur, & sic ipsa aqua dulcoranti fonti immittitur, & potabilis redditur, sicut patet quòd fons in principio habet amaritudinem, in medio dulcorationem, tandem habet dulcem, & emanabilem potationem. Sic beata Virgo de amaro populo Iudæorum fuit cum peccati originalis amaritudine generata, sed tamen à Spiritu sancto fuit sanctificata, & totaliter dulcorata, ita quòd postmodum semper emisit aquas dulcissimas gratiarū, iuxta illud Iudith. 5. Fontes amari dulcorati sunt ad bibendum.

Secundò uidendum est quales aquas habet iste fons. Aquæ enim istius fontis sunt ualde uirtuosæ. Nam multiplicem habent uirtutem.

Primò nanque habent uirtutem refrigeratiuam, & ideo ualde sunt grata animæ sitienti. Sed notandum quòd aqua fontis est in estate frigida, in hyeme calida, quia beata Virgo in estate prosperitatis dat aquam frigidam, idest gratiam refrigerantem, ne mens nimis terrenorum affectibus inatdescat, in hyeme uerò aduersitatis dat aquam calidam, idest gra-

tiam inflammātem, ne mens aduersitatibus præssa à Dei amore tepescat. Sic etiam in aduersitate ipsa fuit feruentior, quia iuxta crucem stabat. In prosperitate humilior fuit, quia ancillam se nominabat. Secundò habet virtutem eleuatiuam. Ioan. 4. Aqua quam ego dabo ei fiet in eo fons aquæ salientis in uitam æternam. Sed notandū, quòd aqua tantum ascendit, quantum descendit. Sic & aqua gratiæ tantum eleuat hominem ad cœlestia quantum ipse descendit despiciendo infima, & terrena. Sunt quidam qui retinent necessaria, & superflua, & nihil pauperibus largiuntur. Talis erat illè diues, qui induebatur purpura, & bysso. Isti tales nihil descendunt, & ideo nihil ascendunt. Alij sunt qui retinent necessaria sibi, & partem superfluatorum dant pauperibus, de quibus dicitur Luc. 11. Quòd superfluum est date elemosynam, & ecce omnia munda sunt uobis. Isti parum descendunt, & ideo parum ascendunt. Alij sunt qui dant omnia superflua, & retinent sibi tantum necessaria, de quibus dicitur Luc. 3. Qui habet duas tunicas det vnā nō habenti. Vna tunica est necessitatis, alia superfluitatis. Tunica ergo necessitatis est retinenda, superfluitatis vero est eroganda. Isti multum descendunt, & ideo multum ascendunt. Nam ascendent usque ad Christi societate, & usque ad iudiciariam potestatem. Matth. 14. Amen dico uobis, quòd uos qui secuti estis me in regeneratione, &c. usque iudicantes duodecim tribus Israel. Tertiò habet virtutē uiuificatiuam. Num. 14. Exaudi clamorem populi huius, & aperi eis thesaurum fontem aquæ uiuæ. Et dicit aperi, quia desup, & à Deo est huius aquæ effusio, & emanatio. Secus est de fonte materiali, & cœlesti. Nam in fonte materiali aqua scaturit, & fluit ab inferiori, & communicat se superioribus. Isto modo aqua gratiæ fluit in hunc fontem cœlestem, idest in beatam Virginem. In fonte autem cœlesti aqua fluit à superiori, & communicat se inferioribus. Nam fluxit à superiori, vnde dixit ei angelus. Spiritus sanctus superueniet in te. Communicat autem se nobis inferioribus ipsam aquam gratiæ nobis de cœlo infundendo. Quartò habet virtutem irrigatiuam, & germinatiuā. De irrigatione dicitur Gen. 2. Fons ascendebant de terra irrigans uniuersam superficiem terræ

De germinatione terræ dicitur Isa. 55. Quō descendit imber & nix de cœlo, & illuc ultra non reuertitur, sed inebriat terrā, & infundit eam, & germinare eam facit, &c. Dicitur autē q̄ terra primo germinat herbam, deinde spicam, deinde plenu fructum in spica. Iste enim fons cœlestis terram animæ nostræ primo facit germinare herbam. i. Dei timorem, qui est principium nouæ uitæ, deinde spicā. i. pœnitentiam asperā, deinde plenum fructum in spica. i. charitatem, quia sicut dē Ro. 13. Plenitudo legis est dilectio. Quinto habet virtutē mū datiuam. Nam in isto fonte lauantur, & mundantur actiui, & contemplatiui, & etiam ipsi peccatores immundi. Zach. 13. Erat fons patens domui Dauid, & habitantibus Hierusalem in ablutionem peccatoris, & menstruatę. Per Dauid qui interpretatur manu fortis intelliguntur actiui, per Hierusalem quę interpretatur uisio pacis intelliguntur contemplatiui. Nomine peccatoris intelliguntur illi qui committunt peccata spiritualia. Nomine menstruatę intelliguntur illi qui committunt peccata carnalia. Omnes isti in isto fonte cœlesti debent lauari. Nam actiui aliquando committunt aliquam negligentiam. Contemplatiui vero aliquando habent aliquam inanē gloriam, seu ineptam lētitiā. Et peccatores tam illi qui habent peccata carnalia, quā illi qui habent spiritualia habēt in anima multiplicem maculam, & ideo in isto fonte cœlesti omnes laudandi sunt.

Tertio videndum est qualiter iste fons diuiditur. Nam sicut dicitur Gen. 2. diuiditur in quatuor capita, quia de Virgine beata effusus est Christus, qui in nos quatuor beneficia maxima influxit. s. beneficium creationis, recreationis, iustificationis, & glorificationis. Et ista dicuntur flumina, quia flumen ciuitatis, in quam fuit, quatuor beneficia maxima inferre consuevit. Nam necessaria appottat, superflua aspottat; sordes abluit, & sitim extinguit. Beneficium igitur creationis omnia necessaria humano generi deportauit, beneficium recreationis omnia superflua exportauit, omnia. s. peccata, & opera diaboli, beneficium iustificationis omnia immunda abluit, beneficium glorificationis sitim extinguit. Psal. Inebriantur ab ubertate domus tuę.

Sermo LVII.

ARDVVM QVID ET FORTE IN BEATA

Virgine fit, ostenditur.

Sermo LVII.

FORTIS mulier fuit Virgo Maria. Cuius fortitudinē ponit Salomon dicens Prouet. vlt. Mulierem fortē quis inueniet. Vbi dicit Beda. Ne Salomon hoc quæsisse putetur desperando, subdit prophetando, procul & de vltimis finibus pretium eius, hoc est non uile, non mediocre, non denique de terra, nec saltem de cælo terris proximam, preciū mulieris huius fortis, sed à summo cælo egressio eius. Fortitudo autem eius in tribus apparet. Primò igitur cōsistit in aggre-
diendo ardua, q̄ quidem fuerunt quatuor maximè. Primū arduum fuit, quia virginitatem nouit, tunc enim naturā suā vicit, & naturę angelicę se sociauit. Iō dñ Prou. vlt. Accinxit fortitudine lūbos suos. Tunc. n. fortitudine lūbos suos accinxit, quando perpetuam virginitatem seruauit. Ibidem. Fortitudo & decor indumentum eius. Virginitas enim est uestis fortis & decora. Fortis quia naturam humanam deuincit. Decora quia animam facit pulchram. Ibidem. Manum suam misit ad fortia. Tunc enim manum ad fortia misit, quādo ad seruādum virginitatem fortiter se accinxit. Secundum arduū fuit, quia per suam virginitatem, & humilitatem Deum de cælo ad terram traxit, Cant. 1. Cum esset rex in accubitu suo nardus mea dedit odorem suum. Nardus est herba odorifera, & humilis, & significat eius virtutem, quæ tam magnum odorē Deo fecit, q̄ cum esset in accubitu. i. in sinu patris, delectatus, & recreatus magnitudine tanti odoris, descendit in thalamū vteri virginalis. Eccl. 26. Mulier fortis oblectat virum suum. Intantum illa mulier oblectauit Deum sua humilitate, virginitate, & mansuetudine, q̄ ipsum inclusit in suo ventre. Ideo sibi potest conuenire illud Gen. 32. Si contra Deum fortis fuisti, quanto magis contra homines præualebis. Si. n. intm̄ fuit fortis, q̄ Deū trahere potuit in uterū suū, manifestū est, q̄ ipsa trahere nos poterit in cælū. Tertiū arduū fuit, quia oīum sanctorū merita acquisiuit. Oēs. n. virtutes, & gratias, & oīa merita quæ alij sancti habuerunt particulariter, ipsa habuit & acquisiuit uniuersaliter. Prou. 4. Egestate operata est manus remissa, manus autē fortiū diuitias parat. Manus remissa fuit

manus

manus Euz, quæ se & nos meritis spoliauit. Sed manus fortis fuit manus virginis, quæ omnes spirituales diuitias congregauit. Ideo ipsa dicit Eccl. 24. In plenitudine sanctorum detentio mea. Vbi dicit Ber. Verè in plenitudine sanctorum detentio sua, cui non defuit fides patriarcharum, nec spiritus prophetarum, nec zelus Apostolorum, nec constantia Martyrū, nec sobrietas Confessorum, nec munditia, & puritas Virginum. Quartū arduū fuit, quia precium totius mundi. Ipsa sola inuenit. Vnde postq̃ Salomon dixit. Mulier est fortē quis inueniet, statim subiunxit. Et de vltimis finibus precium eius. i. de extrema paupertate virginis, uel de vltimis finibus. i. de coniunctione Dei, & hominis, qui sunt duo vltimi fines. Sap. 8. Attingit ergo à fine usque ad finem fortiter. Istud precium à Iudæis fuit per ignem passionis examinatum. Psal. Igne me examinasti. i. examinari permisisti, & tamen ibi nullam scoriā inuenerunt. Vnde sequitur. Et non est inuenta in me iniquitas. Deinde istud precium dinumerauerunt. Psalm. Dinumerauerunt omnia ossa mea, & tñ ibi nullam diminutionē inuenerunt. Sed uniuersaliter omnia ossa eius fuerunt igne passionis adusta. Psal. Ossa mea sicut cremum atuerunt. Postremò in statera crucis ipsum precium ponderauerunt. Vnde cantatur de cruce. Statera facta corporis, sed inuenerunt, & nulla commisit peccata, & tamen grauissima fuit pœna. Vnde Iob in persona Christi conqueritur dicens. Utinam appenderentur peccata mea. Et sequitur. Quasi arena maris hæc grauior apparet. Et quanuis istud precium fuerit sic examinatum, sic numeratum, sic ponderatum, tamen à Iudæis nihilominus fuit reprobaturum. Psalm. Precium meum cogitauerant repellere.

Secundò eius fortitudo fuit in sustinendo fortiter aduersa. Istud patuit maximè tempore passionis Christi. Vnde Apostoli Christum reliquerunt, & fidem perdiderunt. Ipsa autem immobilis stetit, & fidem incōcussam seruauit. Vnde Iob in persona Christi dixit. Pelli meæ consumptis carnibus, & c. usque dentes meos. Per os significatur Christus qui intantum fuit fortis, q̃ potius potuit frangi per mortem, quàm per timorem inclinari. Istud os habuit pellem, dentes & carnem.

Sermo V L I I .

Dentes eius fuerunt Apostoli, qui doctrinam Christi ruminabant. Cant. 7. Dignum dilecto meo ad potandum, labijsq; & dentibus illius ad ruminandum. Carnes fuerunt sanctæ mulieres, quæ erant molles, & fragiles. Pellis eius fuit Virgo Maria, quæ ipsum os carne uestiuit, quæ multis tribulationibus exposita fuit. Dicit ergo Christus. Pelli meæ consumptis carnibus. Nam circa dentes, idest, Apostolos non remanserunt nisi labia, idest, amoris uerba. Quia enim ipsam mortuum adhuc diligebant, ideo loquebantur libenter de ipso, sicut patet Lucæ 24. de duobus discipulis eius euntibus in Emaus, qui de ipso ibant loquendo. Quia sicut dicit Greg. Amabāt, & dubitabant. Carnes uerò, idest, ipse sanctæ mulieres fuerunt consumptæ, idest, à fide extinctæ. Os uerò solummodo adhæsit pelli, & pellis ossi, quia Christus adhæsit matri, ipsā de cruce cognoscendo, & eam discipulo commendando. Mater uerò adhæsit filio ipsam amando, ipsum in cruce associando, eius fidem illibatam seruando, & pro eius amore mori desiderando.

Tertiò fuit eius fortitudo in perseueranter fortia agendo. De cuius perseuerantia dicitur Act. 1. Ascenderet ubi manebant Petrus, & Ioannes, & c. usque Maria matre Iesu. Ex quibus uerbis habetur, quòd ad perseuerantiam habendam quatuor sunt necessaria. Primum est sanctorum uirorum societas. Vnde dicitur, quòd erant ibi Petrus, & Andreas, & cæteri Apostoli. Prou. 27. Ferrum ferro acuitur, & homo exacuit faciem amici sui. Tunc ferrum ferro acuitur, quando unus ab alio ad bonum faciendum acutior redditur. Tunc homo faciem amici sui exacuit, quando ipsum in Dei amorem feruentem facit. Eccles. 4. Melius est duo esse simul, quàm unum, habent enim emolumentum societatis suæ. Secundum est orationum assiduitas. Ideo dicitur, quòd erant perseuerantes in oratione. Oratio enim assidua impetrat omnia, sicut habetur Luc. 11. De illo qui sua assiduitate, & improbitate tres panes obtinuit. Tres panes sunt refectio trium personarum. Nam in præsentī memoria reficitur continua Dei recordatio, intelligentia uera fide, & Dei cognitione, uoluntas Dei amore. Tertium est cordis unanimitas, unde dicitur, q

erant

erant unanimiter perseverantes in oratione. Tunc autem homo habet cordis unitatem, quando est unitus cum proximo, amorem si aternitatis habendo. Heb. 4. Charitas fraternitatis maneat in uobis, quando est unitus cum Deo in ipsum per desideria quiescendo. Psal. In pace in idipsum dormiam, & requiescam, quando est unitus cum seipso unum solummodo appetendo. Ps. Vnam petij à Domino hanc requiram, Quartum est matris Dei familiaritas, ideo subdit. Cum Maria matre Iesu. Qui enim se sibi familiares exhibent per specialem deuotionem, quattuor bona ab ipsa accipiunt. Primò enim communicat eis Dei beneficia. Sap. 8. c. Proposui hanc mihi adducere ad conuiuandum sciens quoniam communicabit mihi de bonis. Secundò dar eis consolationem contra aduersa, unde subditur. Et eris socia allocutionis, cogitationis, & tædij mei. Tertiò dat gaudium, & lætitiā subleuando spem animæ ad superna. Ibidem. Intrans in domum meam conquiescam cum illa. Non enim habet amaritudinẽ conuersatio illius, nec tædium conuinctus illius, sed lætitiā, & gaudium. Quarto præuenit nostra desideria. Eccle. 13. Obuiabit illi quasi mater hono.

DVO CONSIDERANTVR, PER QVÆ
fructus Beata Virginis qui est Christus, celebratur. Sermo LVIII.

FRUCTVS Beatę Virginis fuit Christus, de quo duo sunt videnda, scilicet, qualis est quantum ad se. secundo qualis est quantum ad suum effectum.

Quantum ad se autem iste fructus est tritum substantiarum, scilicet, carnis, animæ, & deitatis. De quo dicitur in Psal. A fructu frumenti, vini, & olei. Per frumentum significat caro Christi, quæ mortua fuit in passione, sed germinauit, & pululauit in resurrectione, multum autem fructum in ascensione, & spiritus sancti missione. Ioan. 12. cap. Nisi granum frumenti cadēs, &c. Per oleum intelligitur eius anima, quæ fuit oleo Spiritus sancti plena. Ps. Vnixit te Deus Deus tuus oleo lætitiæ, Per vinum, q̃ lætificat cor hominis intelligitur eius diu-

Sermo LVIII.

diuinitas, in cuius visione consistit gaudium, & lætitia omnium beatorum. Iob. 33. Videbis faciem eius in iubilo.

Secundò qualis sit iste fructus in suo effectu. Nam satiat, & reficit nos in præsentì, & in futuro, de satietate in præsentì dicitur Ecclesiast. 24. Ego quasi vitis fructificauì. In præsentì quidem est triplex fames, deliciarum, diuitiarum, & honorum. Ille igitur fructus sedat famem deliciarum, præ sua odorifera suauitate. Ideo dicit. Fructificauì suauitatem odoris. Eius enim suauitas, & dulcedo, omnem suauitatem, & dulcedinem carnalem reddit inspidam, & amarā. Greg. Gustato spiritu desipit omnis caro. Sedat famem mundanorum honorum, præ sui honoris sublimitate, & ideo dicit Flores mei fructus honoris. Tanta enim est honoris cœlestis sublimitas, quòd omnem mundanum honorem contemptibilem facit, & vilem. Gregorius. Terrena altitudo confunditur, quando celsitudo cœlestis aperitur. Sedat famem diuitiarum præ sui affluentia, & honestate, ideo subditur. Et honestatis. Diuitiæ enim interdum sunt inhonestæ, quia sæpe inhonesto modo sunt acquisitæ. Diuitiæ autem cœlestes sunt honestæ, quia honestatem diligunt, & honestum faciunt Sap. 6. Innumerabilis honestas per manus illius. Primò iste fructus reficit, & satiat in futuro de quo dicitur in Psalm. Cum dederit dilectis suis somnum, &c. Secundo dat eis fruitionem suæ diuinitatis, ideo dicitur filij merces. Nam secundum Augustinum visio est tota merces. Tertiò dat eis visionem suæ humanitatis quàm accepit in Virginis ventre, ideo dicitur Fructus ventris. Quartò dat eis desideriorum adimpletionem. Ideo subiungitur. Beatus vir qui adimpleuit desiderium suum. Ille autem fructus non dabitur omnibus, sed tantum illis qui potenter hostem feriunt. Ideo subditur. Sicut sagittæ in manu potentis. Qui omnia terrena à se excutunt, ita filij excussorum. Qui hostem intra portam suorum sensuum non admittunt, sed extra cum eo colloquium faciunt. Ideo subditur. Non confundetur cum loquetur inimicis suis in porta.

PERSEQUITVR EIVSDEM FRVCTVS MI-
ras proprietates. Sermo LIX.

FRVCTVS benedictus ventris B. Marię est ille de quo dicitur in Luc. 1. Benedictus fructus ventris tui. Est autę benedictus sicut dicit Ber. in odore, in sapore, & in specie siue decore. Est etiam benedictus ex plenitudine gratię, Eius autem tantus odor fuit, quod patrem reconciliauit. Genes. 27. Ecce odor filij mei sicut odor agri pleni. Bene dę ager Virgo Maria de cuius utero uirtę fructus effulsit credentibus, & nos omnes de plenitudine eius accepimus. Secundo tantus fuit, qđ dęmones cōturbauit. Ideo assimilatur odori uitis, qui homines delectat, & buffones conturbat. Eccles. 24. Ego quasi uitis fructificaui suauitatem odoris. Assimilatur etiam odori myrrhę. Ibidem. Quasi myrrha electa dedi suauitatem odoris. Sicut enim myrrha expellit uermes, sic odor istius fructus conturbauit, & expulit dęmones. Tertiđ eius odor fuit tantus, quod totum mundum repleuit suauitate, ita ut quilibet clamet, & dicat Cant. 1. Trahe me post te in odorem unguentorum tuorum currimus. Iob. 9. Dies mei transierunt quasi naues poma portantes. Sicut enim in nauibus post poma remanet odor, sic completa uita mortali Christi, qui per mare huius mundi nauigauit, odor sanctissimę suę conuersationis nobiscum remansit.

Secundō iste fructus fuit benedictus in sapore. Qui quidem sapor animam nostram delectat. Cantic. 2. Fructus eius dulcis gutturi meo. Vnde Petrus in Christi transfiguratione, tanta istius fructus dulcedine fuit plenus, quod semper ibi uoluit manere. Psal. Gustate, & uidete quoniam suavis est Dominus. Item. Quam magna multitudo dulcedinis tuę Domine. Secundo appetitum prouocat. Ber. Fructus iste semel gustatus, dulcedine sua magis excitat appetitum, nosque ad se inuitat dicens. Qui edunt me adhuc esurient, & qui bibunt me adhuc sitient. Tertiđ omnia amara dulcorat. Deuteronom. 33. Inundationes maris quasi lac fugit, illę inundationes maris quasi lac fugit, qui mundanas amaritudines

Sermo LVIIII.

dies delectabiliter recipit. Iudith 5. Fontes amari dulcorati sunt eis ad bibendum. Vnde Paulus in suo raptu dulcedinem istius fructus gustauit, quia omnia aduersa postmodum gaudenter sustinuit. Quarto omnia alia dulcia in amaritudinem in insipiditatem commutat. Prover. 27. Anima saturata, idest, Dei amore repleta, calcabit faenum, idest, despiciet omnem dulcedinem mundanam, humanam, & terrenam.

Tertio iste fructus est benedictus in specie sue decore. Ps. Speciosus forma præ filiis hominum. Item. Ex Syon species decoris eius. Eius enim species est tam pulchra, & tam decora quod requirit à nobis magnam purificationem. Matt. 5. Beati mundo corde, quoniam ipsi Deum videbunt. Est tam gratiosa, quod ibi habemus nostram delectationem. 1. Pet. 1. In quem desiderant Angeli prospicere. Hester 5. Facies tua est plena gratiarum. Est tam gloriosa, quod ibi habemus nostram delectationem, & beatitudinem. Ps. Cum dederit dilectis suis somnum, idest, mortem, ecce hæreditas, &c. Ioan. 17. Hæc est vita æterna, vt cognoscant te, &c.

Quarto iste fructus est benedictus propter triplicem benedictionem gratiæ, quæ in ipso fuit. Prima est gratiæ vnionis de qua dicitur Ioan. 1. Verbum caro factum est. Secunda est gratiæ capitis, quæ est influentiæ per quam in corpus ecclesiæ influit sensum fidei rectæ, & motum operationis bonæ, de qua dicitur Ioan. 1. De plenitudine eius nos omnes accepimus, gratiam pro gratia. De ista plenitudine capitis dicitur in Psal. Impinguasti in oleo caput meum. Tertia est gratiæ plenitudinis singularis. Cæteri enim sancti habuerunt gratiam ad mensuram, Christus autem sine mensura. Io. 3. Non enim ad mensuram dat Deus spiritum, Christo. Ista triplex benedictio gratiæ significata est Deuter. 33. Benedictus sit in filiis aser placens in fratribus suis, tingat in oleo pedem suum, ferrum, & æs calciamentum eius. Per aser qui interpretatur beatus intelligitur Christus, qui ueram, & sempiternam beatitudinem habet. Iste habet benedictionem gratiæ capitis, per quam influit in membra fidelium, & ideo est eis placens, & gratus, ideo dicitur. Placens sit fratribus suis. Habet gratiam plenitudinis singularis, ideo dicitur. Tingat in oleo pedem suum.

um . Cæteri enim sancti uix in oleo tingunt digitum suum
 Christus autem à capite usque ad pedes totus in oleo tinctus
 est . Habet etiã gratiam unionis, pp quod dicitur . Ferrum, &
 calciammentum eius . Per ferrum, quòd omnia domat intelli-
 gitur potentia Dei . Per æs, quod est imputribile intelligi-
 tur æternitas Dei, qui habet insuperabilem potestatem, & in-
 terminabilem æternitatem.

VT GALBANVS HABET ARBOREM,

liquorem, & uirtutem, ita ijs refertur Beata

Virgo.

Sermo LX.

GALBANVS significat Virginem Mariam iuxta illud
 Eccl. 24. Quasi myrrha electa dedi suauitatem odoris,
 & quasi storax, & galbanus &c. Assimilatur autem Gal-
 bano ratione arboris, liquoris, & uirtutis . Arbor autem siue
 arbor ex qua procedit galbanus dicitur ferula à feriendo,
 quia pueri, & puellæ solet de huiusmodi ramis uapulare. Bene
 ergo Maria dicitur ferula, quia diabolum feruit . Ipsa enim
 diabolum confudit, contriuit, & deiecit . Diabolus habebat
 magnam potentiam, magnam astutiam, & magnam malitiã .
 Ipsa enim contriuit eius potentiam Gen. 3. Ipsa conteret ca-
 put tuum . Confudit eius astutiam Iudith 14. Vna mulier He-
 rea fecit confusionem in domo Nabuchodonosor . Et deiecit
 eiusdem malitiam . Eiusdem 9. Erit enim memoriale nomi-
 nis tui, cum manus feminae deiecerit eum.

Secundò assimilatur galbano ratione liquoris, qui dicitur galbanus
 galba, quod est lac . Est enim pigmentum, ut dicit Papias ex
 oleo succo, & diuersis speciebus confectum . Est etiam gutta ma-
 gni odoris . Exo. 30. Sume tibi galbanum magni odoris, &
 onni . Signat igitur uitam Beatæ Mariæ, quæ ad instar lactis
 est alba, pura, & munda . Can. 5. Oculi eius sicut columbæ su-
 per riuulos aquarum, propter gratiæ plenitudinem . Et fuit lo-
 cus lactis, propter nimiam puritatem . Secundò instar pigmenti
 est diuersis aromatum uirtutibus plena . Can. 3. Quæ est ista
 quæ ascendit per desertum sicut virgula fumi ex aromatibus
 tertiò fuit tota odorifera . Can. 4. Odor unguentorum tuorum
 super

no tria assumit, scilicet, compassionem, sollicitudinem, magnanimitatem, & in fouendo ova curam assiduam. Assumit enim compassionem, quia super pullos paruulos, & infirmos intantum compatitur, quod videtur simul infirmari. Et istam compassionem ostendit in plumis, siue in alis, quia tota efficitur hispida, & in voce, quia tota efficitur rauca. Assumit etiam sollicitudinem, & in hoc in duobus, scilicet in pascendo, quia vndique grana quærit, & cum inuenerit, pullos vociferando illuc venire facit. Secundò in custodiendo, quia eos sub alis custodit, & eos ab infidijs milui protegit, vnde Dominus Matth. 23. Quotiens uolui congregare filios tuos quemadmodum, &c. Assumit etiam magnanimitatem, quia cum naturaliter gallinæ, & aliæ aues homines insequentes fugiant, ipsa tamen homines insequentes pullos non solum non fugit, sed etiam ipsum in insurgit, & ipsa rostro, & alijs clamoribus inuadit. Assumit etiam diligentiam magnam, scilicet, in fouendo ova, quia seipsam negligit, & super ova se incumbit semper. Propter ista igitur Virgo Maria tali gallinæ meritò comparatur. Primò per compassionem, quam ipsa ostendit. Fecit enim se hispida, idest, uilem, & abiectam propter nimiam sui corporis afflictionem, ideo poterat dicere illud Can. 1. Nolite me considerare, eo quod fusca sim, decolorauit autem me Sol. Ac si dicat, postquam Sol, idest, Christus se decolorauit sustinendo vilissimam passionem, & ego me decolorati propter nimiam cordis abiectiōem. Intantum etiam compassa est filio patienti, quod quodammodo facta est rauca. Rauce do autem, uel ex nimio clamore, uel ex nimio labore causat. Ista igitur filio existente in cruce tantum clamaui eiulando tantum membra sua fatigauerat pectus contundendo, brachia constringendo, manus allidendo, caput ad crucem feriendo, quod tota fuerat languida, & tota rauca. Tantum etiam fleuerat, quod oculi eius quodammodo defecerant. Ideo meritò poterat dicere cum Prophetata. Laboraui clamās rauce factæ sunt fauces meæ.

Secundò assimilatur huiusmodi gallinæ propter nimiam sollicitudinem quam de nobis habet in pascendo, & cu-

gaudium causabatur ex quattuor. Primò ex eo quòd filius suus immortalitatem induit. Ro. 6. Christus resurgens ex mortui iam non moritur, &c. Et Leo Papa Post passionem ruptis uinculis mortis, infirmitas in uirtutem, mortalitas in æternitatem, contumelia transit in gloriam. Secundò ex eo q̄ sanctos patres de limbo eduxit. Zacha. 9. Tu quoque in sanguine te lamenti tui eduxisti uinctos tuos de lacu, in quo non erat aqua. Tertiò ex eo quòd resurrectionis nostræ spem dabat. 2. Cor. 4. Qui suscitauit Iesum, & nos cum Iesu suscitabit. Habemus spem resurrectionis nostræ considerata gloria capitis nostri. Quartò ex eo q̄ angelorum numerum restaurauit. Ps. Iudicabit in nationibus dæmonum. Implebit ruinas. Angelorum. Ideo secundum Greg. Angelus qui annunciauit Christi resurrectionem in ueste alba apparuit, ut de sua apparitione gaudium demonstraret. *

Quartum gaudium habuit in Christi ascensione. Et illud gaudium causabatur ex quatuor. Primò, quia filius suus ad patris dexteram sedere debebat. Marci ult. Dominus quidem Iesus postquam locutus est eis assumptus est in cœlum, & sedet à dextris Dei. Secundò ex eo, quòd animas sanctorum omnipium ducebat in cœlum. Psal. Ascendens Christus in altum captiuam duxit captiuitatem. Mich. 2. Ascendit iter patiens ante eos. Tertiò ex eo, q̄ cœlestem iannam aperiebat. Heb. 4. Habentes pontificem, qui penetrauit cœlos Iesum. Modò æternitatis nobis aditam deuicta morte reseruaui, unde cantat ecclesia. Tu deuictio mortis aculeo aperuisti credentibus regna cœlorum. Quartò ex eo q̄ filius suus aduocatus humani generis constitutus erat. 1. Ioan. 3. Aduocatum habemus apud patrem Dominum Iesum Christum, & ipse est propitiatio pro peccatis nostris, Heb. 7. Semper uiuens ad interpellandum pro nobis.

Quintum gaudium habuit in sua assumptione. Et illud causabatur ex quatuor. Primò ex eo q̄ ascendebat in cœlum cū anima & corpore glorificato. Aug. in sermo. de assump. Letatur Maria lætitia inenarrabili corpore, & anima in proprio filio, per proprium filium quem in utero suo gessit, quē genuit, quē fouit, quē aluit, Dei genitrix, Dei ministratrix, Deiq; ser-

tritrix, de qua quoniam aliter sentire non audeo aliter dice-
 re non præsumo. Secundò ex eo, quòd à tota cœlesti curia
 fuit associata. Hieronýmus in sermone de assumptione. Ad
 eius exequias angeli famulabantur, & vniuersè cœlosum cu-
 riæ congratulabântur, nec mirum, quia maternus illius ho-
 nor est qui ex ea natus est. Idem ibidem. Creditur, quòd
 ipse saluator totus festiuus occurreret, & eam cum gaudio
 secum in throno collocauêrit, alioquin quo modo impleffet,
 quod præcepit. Honora patrem tuum, & matrem tuam,
 Terriò ex eo, quòd ad dexteram filij sui erat collocanda.
 Idem ibidem. Credeñdum est cœlosum militiam cum virgi-
 nibus festinè sibi obuiam aduenisse eamq; in ingenti lumine
 circumfussisse, & vsque ad thronum ante mundi constitutio-
 nem sibi paratum cum canticis, & laudibus spiritualibus eam
 perduxisse, hoc significatum est 3. Reg. 2. vbi dicitur. Po-
 situs est thronus matris Regis, quæ sedet ad dexteram eius.
 Quattò ex eo, quòd debebat esse humani generis aduoca-
 ta. Ber. Ipsa est apud Deum aduocata nostra, quæ non po-
 test sustinere repulsam, quoniam apud eum inuenit gratiam.
 Prudens quippe Virgo non sapientiam, vt Salomon, non di-
 uitias non honore quærebat, sed gratiam requirebat. Quæ-
 ramus igitur gratiam, sed per inuentricem gratiarum. Cæ-
 terum quicquid est, quod Deo offerre paras Mariæ commen-
 dare memento, vt eodem alueo ad gratiæ largitorem gratia
 redeat quo influxit. Non solum autem Virgo Beata propter
 causas supradictas est gausa, sed etiam gaudium magnum,
 in cœlo fecit quando ipsa concepit, & assumpta fuit. August.
 in sermone de annunc. Egerunt in cœlo festa. Dei cum Gá-
 briel redijt, & Virgo concepit. Agantur in terris gaudia no-
 ua, quia Virgo concepit, & peperit. Hieronymus. Sicut in
 conspatione Dei nemo bonus est, sic in conspatione ma-
 tris Dei nulla perfecta inuenitur, etiam si virtutibus eximia
 probetur. Denique si gaudium sit in cœlo de vno peccatore
 pœnitentiam agente multo magis extimandum est pro tan-
 tæ Virginis exaltatione.

insuper, & in peccatis inueterascunt, nonnulli etiam claudicare volunt, volentes seruire sibi, & diabolo. Ideo bene dicitur. Filij alieni mentiti sunt mihi.

DVM VIVERET QVINQVE GAUDIIS

B Virgo fruebatur. Ser. LXII.

GAUDIUM quintuplex habuit V. Maria in presenti uita. Primum fuit in filij Dei conceptione. Et istud gaudium ex quatuor causabatur. Primò ex eo, quòd efficiebatur mater Dei. August. in ser. de assumpt. Va de inquit Deus Gabrieli, còsiliu defer Virgini Mariæ. huic ergo unicum meum quo charior fuit alter nemo, & ut plenius dicam alterum me donare volo, ut illa sit mater cuius ego sum pater. Virgo Maria te matrem præstitit gratia non natura genitricem te voluit dici pietas, quam non sinebat integritas. Secundò, q̄ concipiebat ex operatione Spiritus sancti non ex semine materiali. August. ubi supra. Exiet de sancta sanctum per illatum uterum, eritq; sine marito mater, cuius ego sine coniuge sum pater. Beda super Luc. Spiritus sanctus in virginem superueniet, & qui & mentem eius ab omni sorde uitiorum emundauit, & in eius utero redemptoris corpus Spiritus sancti operatione, & sine virili semine, de ipsius virginis carne creauit. Hiero. in ser. de assumpt. Cū ad Mariā accessit Spiritus sanctus sicut lana cum inficit sanguine chilij, vel muricis vertit in purpuram, sic ipsa sine coitu versa est in matrem, ut iam non sit, quod fuerat, sed purpura verissima ad induendū indumentum summi regis diuinitus aptissima dedicata. Tertiò ex eo q̄ fuit uisitata, & salutata à tam nobili paranympo, & cœlesti nuncio, scilicet, Angelo Gabriele. August. ubi supra. Secreta coniugia celebratur sunt in Mariæ thalamo, quibus Gabriel paranympus interfuit. Va de inquit Gabriel, & æthereas sedes rumpe, & antiquum còsiliu virgini defer Mariæ, hæc incolit parua mœnia Nazareth, sed sibi patent cœli palatia. Quartò ex eo, quòd per eam debebat fieri salus generis humani, Augustin. in quodam sermone. Maria impleta est gratia, Eva euacuata

APUD DEVM INVENIT GRATIAM

*Beata Virgo, sed qualem, qualiter, & propter quid,
hic discere. Sermo LXIII.*

GRATIAM Dei inuenitur Virgo Maria iuxta illud. Inuenisti gratiam apud Deum. Videndum est igitur qualem gratiam inuenit, qualiter, & propter quid. Inuenitur quidem secundum Ber. gratias corporales, mentales, & cœlestes. Gratia autem corporales fuerunt quatuor, quæ fulserunt in eius carne. Quia fuit virginitatis primicia, sine corruptione secunda, sine grauedine grauida, & sine dolore puerpera. Gratia autem cœlestes fuerunt quatuor, quæ fluxerunt sibi de cœlo, scilicet in eius vtero sanctificatio, angelica salutatio, Spiritus sancti superuentio, & filij Dei conceptio. Gratia mentales siue spirituales fuerunt quatuor, quæ fluxerunt in eius mentem, scilicet deuotio humilitatis, reuerentia pudoris, magnitudo credulitatis, & matrimonium cordis. Circa secundum, scilicet, qualiter gratiam inuenit. Notandum, quod Eva per tria amisit gratiam Dei, scilicet per superbiam, inobedientiam, & curiositatem vanam. Econtra Maria gratiam Dei inuenit merito humilitatis quam habuit quādo, scilicet se ancillam vocauit, super quem locum dicit Ber. Semper solet esse gratia diuine familiaritatis humilitas, quæ cedere non nouit honoribus insolere gloria nescit, mater Dei eligitur, & ancillā se nominat. Non est magnum in abiectioe esse humilem, magna, & rara est virtus honorata virginitas. Secundò inuenit gratiam merito obedientia, quam Deo exhibuit quando dixit. Ecce ancilla Domini. Aug. Eva occidendo obfuit, Maria viuificando profuit, pro inobedientia obedientia commutatur, fides pro perfidia compensatur. Tertio inuenit gratiam merito solitudo. Non enim fuit curiosa, sed Deo, & sibi vacauit, unde angelus nō inuenit eam in foro tanquam mundanis curis intententem, sed in thalamo tanquam soli Deo, & sibi vacantem. Amb. in lib. de Virginitatibus. Non debet esse virgo vulgaris, id est de vulgo, nō in platea, nec in voce quæcula, & gestu lubrica,

Sermo LXIIII.

lubrica, facilis auditu, vel affatu. Quicumque igitur habet hæc tria, scilicet humilitatem, obedientiæ promptitudinem, & mentis vacationem, Dei gratias poterit inuenire. Isa. 66. Super quem requiescet spiritus meus, nisi super humilem. Ecce humilitas. Et quietum. Ecce mentis tranquillitas. Et tremementem sermones meos, & ex hoc adimplentem. Ecce obedientiæ velocitas. Circa tertium, scilicet propter quid inuenit gratiam, sciendum, qd non tantum propter se inuenit, sed propter nos, vt de eius plenitudine nos omnes accipiamus. Ber. copiosissima charitate B. Virgo sapientibus, & insipientibus debitrice se fecit, omnibus sinum misericordiæ aperuit, vt de eius plenitudine accipiant vniuersi, captiuus redemptionem, eger curationem, tristis consolationem, peccator veniā, iustus gratiam, angelus lætitiā, denique tota trinitas gloriam, filij per carnis substantiam, ita vt non sit qui se abscondat à calore eius.

*SEPTEM MODIS HABUISSE GRATIAM
dicitur Beata Virgo. Sermo LXIIII.*

GRATIAM Dei habuit Maria. Ipsa quidem habuit gratiæ inuentionem, vnde dixit sibi angelus. Inuenisti gratiam quam quærebas. Inuenisti quod ante te nemo inuenire potuit gratiam, videlicet apud Deum, quam gratiā? Dei & hominum pacem, mortis destructionem, vitæ reparationem. Possunt igitur sibi dicere peccatores secure. Redde nobis gratiam quam pro nobis inuenisti, quia nisi peccatores fuissetis, non fuissetis mater Dei, & ideo talem gratiam non inuenissetis. Secundò habuit gratiæ inuentæ repletionē. Ideo angelus vocat eam gratia plenam. Est autē triplex plenitudo. Quædam est ad instar fluminis, & ista fuit in Christo. Psal. Flumen Dei repletum est aquis. Quædam est ad instar rui decurrentis, & ista fuit in Stephanò, & in Apostolis cæteris, & alijs Sanctis. Psal. Riuos eius inebrians, &c. Quædam est media inter has duas, quæ est ad instar fontis, & ista fuit in Maria, quia semper plena fuit, & nunquam in aliquo diminuta, & eius plenitudo fuit mediā inter plenitudinem diuinam, & huma-
nam,

nam, ita quòd eius plenitudo fuit minor, quàm diuina, sed maior quàm omnis alia plenitudo humana. Ber. Legimus Stephanum plenū gratia, & Apostolos plenos Spiritu sancto, sed longè dissimiliter à Maria, quia nec in illo habitauit corporaliter diuinitatis plenitudo, nec illi conceperunt de Spiritu sancto. Hieron. super illud Ave gratia plena. Talibus decebat Virginem oppignorari virtutibus, vt esset grātia plena, quæ cœlis dedit gloriā, terris Deum: pacemq; refudit, gentibus fidem, vitijs finem, vitæ ordinem, moribus disciplinam. Tertiò habuit gratiæ accumulationem, quia ea, quæ alij Sancti particulariter habuerunt, ista habuit vniuersaliter. Hierony. in sermone de assump. Bene Maria grātia plena, quæ cæteris quidem per partē præstatur, Mariæ vero se infudit tota gratiæ plenitudo. Descendit quippe sicut pluuia in vellus, & sicut stillicidia stillantia super terram. Planè cœlestis imber lapsu placido virgineū vellus infudit, & tota diuinitas in eius carne cōtulit, ac demum per crucis patibulum expressum oībus terris pluuiā salutis effudit, & humanis mentibus stillicidia gratiæ præstitit. Verè grā plena per quā largo Spiritus sancti imbre supereffusa est oīs creatura. Quā ipsa vniuersaliter habuit oēs grās quas cæteri Sancti habuerunt particulariter, patet. Abraham quidem habuit fidem, sed ista est fidelior. Moyses mansuetudinē, sed ista mansuetior. Dauid humilitatē, sed ista humilior. Ioannes virginitatem, sed ista purior. Martha hospititatē, sed ista liberalior, quia nouem mensibus Christū hospitata fuit. Magdalena cōtemplationem, sed ista contēplatione sublimior. Nicolaus misericordiam, sed ista clementior, quia mater misericordiæ vocatur. Quartò habuit græ accumulate permixtionē. Alij quidem Sancti habent gratiā, sed cum permixtione venialium peccatorū. In hac autē nulla fuit peccati permixtio, nec originalis, nec actualis, nec venialis. Cant. 4. Tota pulchra es amica mea, & macula non est in te. Ipsa enim fuit pulchra, & tota pulchra, & sine macula, & sine peccato veniali, quia nō habuit aliquam peccati admixtionem. Ideo dicitur Sapient. 7. Nihil inquinatum in illam introiuit. Candor est enim lucis æternæ, & speculum sine macula. Ecclesiast. 24. Quasi balsamum non mixtum odor meus.

erant in limbo, quia fuerunt erecti. Senferunt peccatores, quia fuerunt iustificati. Senferunt iusti, quia fuerunt beatificati. Bern. Beata Virgo preciosum illud balsamum tantā tibi copia tantaque infudit plenitudine, ut copiosissimē effluat circunquaque. Deinde subdit. Quanto ergo deuotionis affectu à nobis Mariā honorari uoluit, qui totius boni plenitudinem in ea posuit, ut quid in nobis est spei, siquid gratiæ, uel salutis ab ea nouimus redundare, quæ ascendit affluens delictijs. Totis ergo medulis cordis ueneremur Mariam, quia sic est uolūtas eius qui, totum nos per illam habere uoluit.

DECLARATUR QV ALIS HABITATIO
fuerit Dei Beata Virgo. Sermo LXVI.

HABITATIO Dei fuit Virgo Maria, in qua ipse nouem mensibus habitauit. Isa. 62. Habitauit iuuenis cū uirgine. De ista habitatione dicitur Eccl. 24. In habitatione sancta coram ipso ministravi. Ista autem habitatio sancta, uel potest intelligi de seipsa, uel de habitatione cœlesti, ipsa enim in quantum fuit habitatio Dei, fuit sancta secundū quadruplicem significationem huius nominis sanctum. Nā sanctum idem est, quod mundum, quod firmum, quod sanguine tinctum, & quod sacro usui deputatum. Ipsa igitur fuit sancta, idest pura, & munda. Anselmus, decebat quippe, ut Virgo beata ea puritate niteret, qua sub Deo maior nequit intelligi. Secundò fuit sancta, idest firma, quia super altitudinem diuinitatis fuit fundata. Psal. Fundamenta eius in montibus sanctis. Tertiò fuit sancta, idest sanguine tincta, quia memoria sanguinis, & passionis Iesu Christi filij sui semper fuit iugiter in eius mente affixa, ut posset dicere illud Exod. quarto. Sponsus sanguinum tu mihi es. Quartò fuit sancta, idest sancto usui deputata. Eius enim uterus fuit deputatus ad suscipiendum, & recipiendum Dei filium, unde ipsa dicit Eccl. vigesimoquarto. Qui creauit me, requieuit in tabernaculo meo. In ipsa igitur habitatione sic sancta, idest in seipsa, quæ fuit habitatio Dei, ipsa coram Deo ministravit. Nam ministravit sibi in utero exultanti, Egresso ex utero, & uiuenti

uenti in mundo. In utero quidem sibi ministravit substantiā suā carnis. Cāt 3. Egredimini filiæ Syon, idest fideles animę, & videte regem Salomonem, idest Christum pacificum, idest diademate, idest in carne humana, quæ coronauit eum mater sua. Et dicitur caro Christi diadema, quia ceteræ figuræ diuersis lineis perficiuntur. Sola autem figura spherica una tantum linea clauditur. Nam corpora cetera aliorum hominū sancta sunt saltem duabus lineis, idest commixtione utriusque parentis. Corpus autem Christi compositum fuit tantum vna linea, idest carne virginea. Secundò ministravit sibi egresso ex utero, nutrimentum virginis lactis, vnde cātat ecclesia. Ipsum regem angelorum sola Virgo lactabat ubere de coelo pleno, ubi tria norantur. Primò quòd lactabat, & pascebat illum, qui pascit omnia, vnde dicit. Ipsum regem angelorum. Secundò qui non dedit eum ad nutriendum, sed ipsa solā nutriuit. Ideo dicit. Sola virgo lactabat. Tertiò quòd illuc lac non fuit à natura productum, sed de coelo ministratum, quia virgines naturaliter nō habent lac. Ideo dicitur. Vberē de coelo pleno. Tertiò ministravit sibi uiuenti in mundo necessaria uitæ corporalis, quia cum Christus pauper esset, mater eius acu & colo, sicut dicit B. Hieronymus acquirēbat sibi, unde sibi & filio necessaria procurabat. Vnde dicitur in laudē mulieris fortis Prou. vlt. Quæsiuit lanam, & linum, & operata est consilio manuum suarum. Et infra. Manum suam misit ad fortia, & digitus sui apprehenderunt fenum.

Secundò ista habitatio sancta potest de habitatione cœlesti intelligi, idest qua Virgo Maria Deo similiter administrat. Dicitur autem illa habitatio sancta iuxta quadruplicem supradictam huius acceptionem nominis sanctum. Et hoc ad differentiam habitationis terrenæ, quæ non est sancta. Primò igitur habitatio cœlestis est sancta, idest munda, & quantum ad se. Apoc. 21. Ipsa ciuitas aurum mundum simile vitro mūdo. Et quantum ad habitatorem, Ibidem, Non intrabit per illam aliquid coinquinatum, & faciens abominationem. Habitatio uero terrena est immunda, & quantum ad se. Hiere. 3. Poluisti terrā cum fornicationibus tuis, & in malitijs tuis. Et quantum ad habitatorem. Hiere. 2. Non sum poluta uis

BEATA VIRGO QUOMODO HABUIT GRATIAM puram, plenam, & superplenam.

Sermo LXV.

GRATIAM habuit Virgo Mariam, scilicet puram, plenam, & superplenam, Habuit gratiam puram sine alicuius contradictione, aut contrarij admiratione. Sancti enim viri in vita præsenti, & si habeant gratiam habent tamen eam cum admixtione, vel timoris, vel laboris, vel doloris. Timent autem ne sint in gratia. Eccles. 9. Nescit homo utrum odio, vel amore sit dignus. Aut ne cadat à gratia. 1. Cor. 4. Qui se existimat stare videat ne cadat. Istam autem gratiam admirationis Virgo non habuit, quia erat certa se habere gratiam, quia angelus qui non poterat mentiri hic sibi dixerat Luc. 1. Ave gratia plena. Sciebat etiam à gratia se cadere non posse. Eccles. 24. Usque ad futurum sæculum non desinam. Secundò servi Dei habent admirationem laboris, quia oportet eos multum laborare ad sensualitatem ordinandam, & rationi subiiciendam iuxta illud. 1. Cor. 9. Castigo corpus meum, & in servitutem redigo. Istam autem talem admixtionem laboris non habuit Virgo Beata, quia nullos motus unquam rationi contrarios persensit. Ber. Beata Virgo ictus impugnationis nunquam pertulit, impetum carnis non toleravit, caput serpentis contriuit. Tertiò sancti viri habent permixtionem doloris, ex eo, quod multos defectus se habere vident. Et si aliquis de se defectum habere non crederet, ipse tunc omnes haberet. Ber. Omnia ille desunt qui sibi nihil deesse putat. Istam autem admixtionem doloris talem Virgo non habuit, quia nullus defectus gratiæ in ea unquam fuit, sed omnes gratias, & virtutes semper habuit. Eccles. 24. In me omnis gratia vitæ, & veritatis, &c. Secundò habuit gratiam sine aliquo defectu, vel diminutione, quia omnibus gratiis universaliter plena fuit. Magnū quippe est habere potentiam receptivam gratiæ quā habent peccatores dum sunt in mundo, sed ea carent dñati qui sunt in inferno. Et istud est illud magnum chaos, quod est in inferno, impotentia, scilicet ad gratiam recipiendam. Luc. 16. Inter nos,

& vos

de uias tuas scito quid feceris . Secundò habitatio cœlestis est sancta, idest firma, & quantum ad se, quia Deus ipsam fixit. Hebr. 9. Tabernaculi velum quod fixit Deus, & non homo. Et quantum ad habitatorem, quia inde amplius non exhibet. Apoc. 3. Qui vicerit faciam illum columnā in templo Dei mei, & foras non egredietur amplius . Habitatio autem terrena non est firma, nec quantum ad se. 1. Ioan. 2. Mundus transit, & concupiscentia eius, nec quantum ad habitatorem eius. Iob, 13. Homo natus de muliere breui viuens tempore. Tertiò habitatio cœlestis est sancta, idest sacro vsui deputata, & hoc quantum ad se, quia est ad productum rosas martyrum, & libanum odoriferum Cōfessorum, & lilia Virginum. Eccles. 39. Quasi rosa plantata super riuum aquarum fructificata, quasi libanus odorem suauitatis habete, florete flores quasi lilium. Et quantum ad habitatorem, quia depuratus est ibi ad laudandum Deum. Psal. Beati qui habitant in domo tua Domine, &c. Habitatio autem terrena, deputata est malo vsui, & quantum ad se, quia producit spinas, & tribulos, & vrticas, idest homines auaros, & luxuriosos. Et quantum ad habitatorem, quia deputauit se ad mentiendum occidendum furandum, & adulterandum. Osee 4. Non est veritas Dei in terra, maledictum & mendacium, & furtum, & adulterium inundauerunt. Quartò habitatio cœlestis est facta, idest sanguine tincta, & quantum ad se, quia fuit Christi sanguine respersa. Hebr. 9. Per proprium sanguinem introiuit semel in sancta. Hieronym, Sanguinis Christi clauis est Paradisi. Et quantum ad habitatorem, quia Christi sanguine fuit redēptus. Apoc. 1. Lauit nos à peccatis nostris in sanguine suo. Habitatio vero terrena tincta est in malo sanguine, & quantum ad se, scilicet sanguine homicidij. Psal. Interfecta est terra in sanguinibus. Et quantum ad habitatorem, scilicet sanguine peccati. Isa. 59. Manus vestræ sanguine plenæ sunt. In sancta igitur habitatione cœlesti Maria coram Deo ministravit, quia Deus sibi triplex officium commisit. Primum est officium aduocandi Ber. Aduocatum præmisit peregrinatio nostra, quæ tanquam mater, & iudicis mater fideliter, & efficaciter nostra negocia pertractabit. Secundum est officium adiuuandi,

Sermo LXVII.

iuuandi. Nam sicut dicit Ber. Ipsa potest nos adiuuare, quia est mater omnipotentiae. Ipsa scit nos adiuuare, quia ipsa est mater sapientiae. Ipsa vult nos adiuuare, quia ipsa est mater misericordiae. Tertium officium est miserandi. Commisit sibi Deus, ut cœlestes elemosynas, & Dei misericordias nobis tribuat. Ideo dicitur de muliere forti Prou. ult. Manum suā aperuit inopi, & palmas suas extendit ad pauperes. Ex quo eius magna liberalitas designatur. Et quia nō habet manum clausam, sed apertam, & quia non habet manum uacuam, sed plenam, & quia non habet brachium contractum, sed ad pauperes extensum.

*QVIBVS HONORIBVS CHRISTVS BEATAM
Virginem dignatus est in uita, in morte, &
post. Sermo LXVII.*

HONORAVIT Christus matrem suam in uita, in morte, & post mortem. Nam in uita ipsius suae matris quatuor honores sibi fecit. Primus honor fuit, quia magis famam matris suae quàm propriam zelauit, & hoc quando ipsam sponsum habere uoluit. Maluit enim quòd ad tempus crederetur, quòd ipse natus fuerit de matrimonio. quàm quod mater infamaretur de adulterio. Vnde dicit Amb. Idcirco Christus matrem desponsari uoluit ne tantae uirginis infamia ueretur. Qui grauis alius insignis corruptelae praeferre uideretur. Maluit igitur aliquos de suo ortu, quàm de matris pudore dubitare. Sciebat enim teneram esse uirginis uerecundiam, & lubricam famam pudoris, nec putauit ortus sui fidem matris iniurijs astruendam. Secundus honor fuit quando praeter ceteris mulieribus, quae fuerunt ante eam cum ea, & post eam in matrem elegit, unde dicit sedulius. Nec primam similem uisa est, nec habere sequentem. Elegit autem ipsam merito uirginitatis, & humilitatis. Vnde Hugo de sancto Victo. O uirginitas humilis, & humilitas uirginis, quo in unum conuenistis, sic & sublimastis humilem, sicut fecundastis uirginem, ut uirgo pariat Dei filium, & humilis habeat sponsum Deum, nec aliqua talis inueniri poterat. Tertius honor fuit quando digna-

dignatus est filius eius nominari, & sibi subijci. Ber. sup. missus est. Maria Deum, & dominum angelorum suum audacter appellauit filium dicens. Fili quid fecisti nobis sic. Ecce Maria: prauilegium. Quis enim hoc audeat angelorum? Denique descendit cū illis, & uenit in Nazareth, & subditus erat illis. Quis? quibus? Deus hominibus. Deinde subdit. Mirare ergo utrumque, uel elige quid amplius miteris siue filij benignissimam dilectionem siue matris excellentissimam dignitatem. Vtrumque miraculum, & quod Deus obtemperet scemina, & humilitas absque exemplo, & quod scemina Deo principetur sublimitas sine socio. Quartus honor fuit quando in cruce existens, eam discipulo commendauit. Petrus Dam. Commisit Deus Petro clauēs ecclesiæ, uoluit & Beato Ioanni Marię custodiam delegare. Mater Maria, mater ecclesia, sed Maria mater Christi, ecclesia uero mater Christianorum. De Maria Christus carnem suscepit, ecclesiam uero de lateis sui carnis produxit. Ex ista prodijt secundum carnem natus. Illam protulit iam carne mortuus. Ex ista uoluit nasci pro illa dignatus est mori. Ex una natus est semel in persona sua, ex altera quotidie nascuntur membra sua. Deinde subdit. Dixit dominus Petro. Tibi dabo clauēs regni cœli. Nunquid & beata Maria cœlum non fuit in cuius utero uirginali nouē mēsi bus diuinitatis plenitudo permansit.

Secundò honorauit eam in morte sua, quia ad eius obitum ipse filius Dei cum tota cœlesti curia aduenit, & eam de mundo uocauit dicens sicut ostendit Hierosolymus in sermone de assumptione. Veni, inquit, columba mea, immaculata mea, ueni de libano ueni. Non immerito, inquit, de libano uenire iubetur, quia libanus candidatio interpretatur. Erat enim candida omnium meritum, ac virtutum dealbata, niue candidior Spiritus sancti muneribus, & in omnibus columbæ simplicitatem præsentauit, quia quicquid in ea gestum est totum puritas, & simplicitas, totum gratia, & ueritas fuit, totum misericordia, & iustitia, quæ de cœlo prospexit. Sequitur. Iam enim hyems transijt, imber abiit, & recessit. Vbi dicit Hugo de sancto Victore, quod hyems, & imber est uita mortalis, quæ tanquam hyems ad aggrediendum bonum est

Sermo LXVIII.

pigra, ad perseverandum est nubila, & tanquam imber est la-
sciua. Nam hyems constringit interius supernam charitatē,
exterius dissolvit ad mundi vanitatem. Idem. Hyems quidē
transijt quaelibet anima sancta, age quod uis, quia mundus
transit & concupiscentia eius. Cur diligitur quod transit, cū
diligendum non esset etiam si manent? Nam cum staret no-
cuit, cum pertransiret decepit. Hieronymus ubi supra. Regi-
na mundi de præsenti sæculo nequam eripitur securaque de
sua immarcescibili gloria cœli palatium ingreditur, ubi una
ciuitas supernorum ciuium, ubi dulcis angelorum sollemnitas.
Vbi post labores erumnas foelix, & suavis refectio animarū.

Tertiò honorauit eam post mortem, quia post tertium diē
sue transmigrationis, cum tota cœlesti curia ad eam uenit,
& in corpore, & in anima eam glorificauit, & in throno glo-
riæ ad suam dexteram collocauit. Hieronymus ubi supra.
Creditor quod ipsa saluator omnium per se totus festiuus oc-
curret, & eam cum gaudio secum in throno collocauit. A-
lioquin quonodo crederetur impleuisse, quod ipse præcep-
pit, honora patrem, & matrem, &c. Credendum est igitur
cœlorum militam festiuè sibi obuiam aduenisse, eamque in-
genti lumine circumfulsisse, & usque ad thronum cum canti-
cis, & laudibus spiritalibus produxisse, postea subdit. Nulli
dubium est totam illam cœlestem curiam, tunc ineffabili læ-
titia exultasse, tunc ocundata fuisse, tunc cum gratulatione
iubilasse.

COMMENDATUR B. VIRGO HUMILITATE

in uerbo, in animi signo & facto celebrata.

Sermo

LXVIII.

HUMILITATEM habuit Maria, in uerbo, in ani-
mo, in signo, & in facto. In animo quidem quia Eua
habuit elationem, ista humilitatē, ideo ista gratia fuit
plena, illa fuit gratia euacuata. Ber. Eua per superbiam crea-
turam Dei se existimans Deo parificare se uoluit, Maria ue-
rò humiliter se subdens, factori suo ancillam se nominauit.
Ideoque illa est abiecta, ista uero electa. Seruauit ergo illud
quod

quoddã dicitur Iudith. 8. Humilem illi animas nostras. Aliter enim gratia impleri non potuisset nisi humilitatem cordis habuisset 1. Petr. 5. Superbis quidem Deus resistit, humilibus autem dat gratiam. Superbus quidem accedit ad fontem gratiæ cum ore eleuato, & ideo impleri uon potest. Prou. 17. Qui exaltat os suum quærit ruinam, humilis autẽ accedit ad fontem gratiæ cum ore inclinato, & ideo impleri meretur Iosue 24. Inclinate corda uestra ad dominum Deum Israel. Et quia beata Virgo non habuit cor eleuatum per superbiam, sed inclinatum per humilitatem ueram, ideo Dei gratia impleri promeruit. Psal. Audi filia, & uide, & inclina aurem tuam. Superbus autem accedit ad fontem cum corde clauso, quod significatum est Zach. 4. Misit massam plumbeam in os amphore, humilis uero accedit cum ore aperto, idest cum feruenti desiderio, & ideo implet sibi os. Prou. ult. Os suum aperuit sapiẽtiæ. Superbus etiam accedit cum uase pleno, quia habet plenum cor amore mundano. Humilis autem accedit cum uase uacuo, & ideo impleri meretur. Aug. Vas es si plenus es fundẽ, quod habes, ut recipias, quod non habes fundẽ amorem sæculi, ut implearis amore Dei. Beata autem Virgo accessit cũ uase uacuo, quia omnia mundana despexit, & ideo impleri meruit, vnde ipsa dicit. Esurientes impleuit bonis, &c.

Secundò habuit humilitatem in verbo, quando dixit. Respexit humilitatem ancillæ suæ. Magna humilitas, quia dicit se respectam, ac si diceret. Non eram digna, ut me aspiceret, & tamẽn non aspexit, sed respexit. Aspexit gratiam infundẽdo, respexit in meum uterum descendendo. Maior humilitas quia dicit se ancillam, non enim uocat se matrem Dei, nec dominam mundi, nec reginam cœli, sed ancillam Christi. Petrus Rauennas super missus est. Ecce quam uocauit angelus dominam ipsa se recognoscit, & uocat ancillam, quia deuotus animus infusis beneficijs ad obsequium crescit, auget ad gratiam non ad superbiam pertimescit, non ad arrogantiam profiliit. Maxima humilitas, quia dicit se humillimam. Non enim dixit nobilitatem, uel sanctitatem, sed humilitatem ancillæ suæ. Illa est ancilla humillima, quæ non reputat se dignam, ut etiam sit ancilla, ac si dicat. Non tãtum me respectã,

non tantum me ancillam, sed etiam dico me esse indignam, ut sim ancilla.

Tertio habuit humilitatem in signo. Signum magnæ humilitatis fuit in ea, quia nunquam se alteri præferebat, sed aut se adequabat, aut sibi ceteros præponebat. Nam ceteris foeminis se æqualem, & communem exhibebat, quia & filium noluit circumcidi, & ipsa noluit purificari, & legem parturientium observabat, & festa uisitabat. Aliquando sibi minores præponebat, sicut Ioseph quando dixit Lucæ 2. Ecce pater tuus, & ego dolentes, &c. Apostolos etiam sibi præponebat, ut habetur Act. 1. Ceteris Apostolis nominatis ipsa in fine omnium poni uoluit. Nunquam enim uoluit stare in monte elationis, sed in ualle humilitatis. Et ideo in ualle fluxit fons Spiritus sancti, creuit lilium Paradisi, & accensus est calor amoris igniti, propter primum dicitur in Psal. Qui emittit fontes in conuallibus. Vnâ nallē circumstabant duo mōtes, quæ humilitatis duæ circumstāt, species superbix. Vnā quæ nascit ex parte temporali. Beata autem Virgo habuit occasionem superbiendi ex re temporali, quia fuit de stirpe regali progenita. Et ex gratia speciali, quia fuit in matrem Dei assumpta. Secundam quando ancillā se nominauit Dei. Et quia in ualle semper, stetit ideo in eam aqua diuinæ gratiæ pertransiit. Secundò in hac ualle suæ humilitatis natum est lilium Paradisi. Cant. 2. Ego flos campi, & lilium conuallium. Christus non fuit flos horti, sed campi, quia à terrâ, idest Virgo beata si inde nasceretur non fuisset scissa, sed permansit integra. Lilium conuallium similiter est ipse Christus natus est humili matre, quæ fuit conuallis. Dicitur autem conuallium in plurali, quia omnes species humilitatis in ea fuerunt. Tertio in hac ualle suæ humilitatis accensus fuit calor igniti amoris. In ualle quidem solet esse lux cœli feruentior, quàm in montibus tribus de causis. Prima est, quia ignis non accenditur nisi in spisso, & humido aere. In monte autem non est aer subtilis, in ualle uero spissus, & humidus. Secunda est, quia in montibus aer subtilis ex sua cuitate huc atque illuc impellitur, & sic frigus inuenitur. Tertia est, quia radij solis ad latera montium descendentes sese resiliendo percutiunt, & calorem

lorem multiplicant. In hac igitur alle humilitatis virginæ fuit intensus ardor amoris, qui causabatur ex humido suæ pietatis, ex tranquillitate, & immobilitate mentis, & exagitatione diuersæ virtutis.

Quartò habuit humilitatem in sancto, scilicet, quanto Elisabeth grandævæ, & gravidæ in partu humiliter deservivit. Ber. In montana Maria cum festinatione abiit, & Elisabeth salutata in eius ministerio quasi tribus mensibus humiliter stetit. Et subdit idem. Tertius hic ascensus Virginis fuit ut difficiliter rumperetur triplex funiculus. Feruebat siquidem in querenda gratia charitas, splendebat in carne virginitas, & in obsequio eminebat humilitas. Amb. super Lucam. Abiit in Maria in montana, non quasi incredula de oraculo, nec quasi incerta de nuncio, nec quasi dubitans de exemplo, sed quasi læta pro voto, religiosa pro officio, festiva pro gaudio, & hæc cum festinatione, quia nescit tarda molimina spiritus sancti gratia, sed nec gaudebat virgo diu videri in publico. Discite vos mulieres non per domos alienas cura sitare, non in plateis morari, non aliquos in publico miscere sermones. Maria in domo sera in publico festina. Item ibidem. Mansit Maria cum Elisabeth quasi mensibus tribus. Quæ n. tenerat propter officium, officio inhærebat, nec sola familiaritatis causa remansit ibi diutius, sed ut tanto tempore cresceret profectus Elisabeth. Si enim in primo ingressu Mariæ tantus illi profectus extitit, ut ad eius salutationem infans in utero illius exultauerit ipsa mater Spiritu sancto repleta fuerit, quantum putamus, quòd ipsius Mariæ præsentia tanti temporis, idest trium mensium usque addiderit.

HUMILITAS BEATÆ VIRGINIS, QUAM
profunda, quam honorata, & quam virtuosa
iudicetur. Sermo LXIX.

HUMILITAS B. Mariæ fuit profunda, honorata, & virtuosa. Tā profundè quidem se humiliavit, q. dixit se esse ancillā, q. fecit se servā, & q. fecit se infimā. Dixit q. se esse ancillā qñ dixit, Respexit humilitatē ancillæ
 L 3 sua

suæ. Super hoc uerbo dicit Ber. humilitas sui contemptu ancilla uero suum commendat deuotione famulatum. Respicendo me, inquit, per gratiam suam, & humilitatem fecit me ancillam suam, quia de me opus suum spirituale fecit. Secundò fecit se seruam, quando. s. tribus mensibus Elisabeth grauidè & grandèue seruiuit. Beda super Lucam. Discite mulieres, sancte sedulitatis, quam debetis cognatis prægnantibus exhibere. Maria nempe. quæ prius sola impenetrabilibus uersabat, nõ publico uirginitatis pudore, non studio montium grauitate, nõ ab officio itineris grauitate, uel asperitate retardabat. Tertio se fecit omnium infirmam sicut patet. Act. 1. Vbi recitatis Apostolis ipsa in fine omnium tanquam infima ex humilitate poni uoluit. Nam uolebat seruare, quod dixerat filius suus Luc. 13. Recumbe in nouissimo loco. Et ga in nouissimo loco recubuit ideo super omnes exaltari promeruit. Ber. Ita se exhibebat ultimam etiã inter mulieres, ut omnium nouissima poneretur infra; scilicet, uiduas, & pœnitentes, infra etiã de qua dominus eiecerat septem dæmones. Merito igitur est sancta omnium domina, quæ se omnium exhibebat ancillã. Ut autem melius uidere possimus, quã profundè se humiliauerit, uideamus, quam sublimitur Eua se erexit. Nam secundu Io. Dam. Eua se erexit supra Deum. s. qñ uoluntatem suã uoluntati diuinæ præposuit. Usque ad Deum, qñ eius diuinitatem appetere ausa fuit. Contra Deum, s. quando contra eius præceptum uenire præsumpsit. Beata autem Maria humiliauit se infra ceteras mulieres, & usque ad mulieres, & pp mulieres. Nam Eua erexit se supra Deum. Ista se humiliauit et infra consortia mulierum. Quælibet enim mulier uult habere sponsum diuitem, & in partu pulchrum thalamam mollè lectum, obsequium ancillarum, abundantiã pannorum, & cunãs ad reponendum puerum, post partum uult habere quietem, & ocium. Sed beata Virgo habuit pauperem sponsum, pro thalamo habuit stabulum, pro lecto habuit fenem, pro ancillis habuit bouem, & asinum, pro pannis habuit uilitatem pannorum, pro cunis habuit præsepium, pro quiete, & ocio oportuit eam fugere in Ægyptum. Ecce quomodo infra mulieres uoluit se humiliare. Secundò se humiliauit usque ad mulieres,

mulieres. Eua se crexit usque ad Deum, ista se humili-
ni usque ad mulierum commune consortium. Nunquam
enim alicui se prætulit, sed communem, & tanquam vna
illarum semper se exhibuit, sicut pater in filij circumcisione,
& in sui purificatione, & in festiuitatum visitatione, & in
legalium obseruatione. Ber. Beata Virgo non indigebat pu-
rificatione, sed nunquid filius eius, indigebat circumcisione,
Esto inter illas sicut una illarum. Nam sic est filius tuus in
medio paruulorum. Tertiò humiliavit se propter mulieres.
Eua se crexerat contra Deum. Ista se humiliavit non con-
tra, sed propter mulierum vtilitatem, & fructum. Non tan-
tum voluit esse uirgo, sed etiam humiliavit se, ut esset coniu-
gata, & uidua derelicta. Idè autem sic se humiliare voluit,
vt omnibus mulieribus daret spem, & fiduciam salutis, quòd
scilicet, qualibet saluari possit, non solum quæ est in virginita-
te prædita, sed etiam quæ est coniugio copulata, & quæ est
uidua derelicta.

Secundò eius humilitas fuit honorata. Est enim humili-
tas coacta, spontanea, & honorata. Humilitas coacta, &
si de se non sit meritoria, habet tamen intra se causam unde
generetur. Mich. 6. Humiliatio tua in medio tui. Hu-
militas uerò honorata est, quæ nullam habet coactionem,
nec humiliandi occasionem, sed quanto plus talis extollitur,
tanto magis ad humilia uocatur. Talis fuit David, qui in
sublimitate regia constitutus dicebat. 2. Reg. 6. Ludam, & ui-
lior fiam plusquam factus sum, & ero humilis in oculis
meis. Talis fuit humilitas Mariæ, quæ honorata ab ange-
lo, qui eam salutauit. A patre cœlesti, qui eam ab æter-
no elegit. A Spiritu sancto, qui in eam superuenit. A fi-
lio, qui eam imprægnauit. A toto mundo, qui eam bea-
tam protestatur, & dicit. Ipsa tamen de se humilia sentiens
ait. Respexit humilitatem ancillæ suæ. Bern. super mis-
sus est. Quæ est ista tam sublimis humilitas, quæ honori ce-
dere non nouit, insolescere gloria nescit, Dei mater eli-
gitur, & se ancillam nominat. Non est magnum esse hu-
mitem in abiectione, Magna uerò, & rara prorsus est hono-
rata humilitas.

Sermo LXIX.

Tertiò eius humilitas fuit valde virtuoſa, quia ipſa humilitas fecit eam ſponſam Dei, thalamum Chriſti, habitaculū Spiritus ſancti, Deus enim ipſam concupiuit, & eam in ſponſam elegit. Pf. Audi filiā, & vide, & inclina aurem tuam, & concupiſcet rex decorem tuum. Triplicem decorem in eam Deus aſpexit, ſ. humilitatis, virginitatis, & magnæ crudelitatis. De hoc triplici decore dicit Ber. ſ. per miſſus eſt. Pulchra virginitatis, & humilitatis permixtio, nec illa mediocriter alia placet Deo, in qua, & humilitas virginitatem commendat, & virginitas humilitatem exornat. Sed quanta putas veneratione digna eſt in qua ſecunditas exaltat humilitatem, & partus conſecrat virginitatem. Bern. in ſermo. de aſumptio. Tanta humilitas Beatæ Mariæ, & tanta fidei magnanimitas acceſſit, ut iſtæ duæ virtutes in ea fierent ex mutuo reſpectu clariores, quia videlicet nec tanta humilitas minuit magnanimitatem, nec econuerſo, vt in ſua extimatione eſſet humilis, & nihilominus in promiſſiones credulitate magnanimis. Secundò fuit facta thalamus Chriſti. Pſal. Tanquam ſponſus procedens de thalamo ſuo. Cant. i. Cum eſſet rex in acubitu ſuo. Cum enim filius Dei eſſet in acubitu patris, ideſt, in ſinu patris, humilitas Mariæ tanta fuit, quòd odore humilitatis ſuæ allectus, in thalamum ſui uteri descendit. Dicitur autem eius humilitas nardus, quia nardus eſt herba parua, & odorifera, & pectoris purgatiua, ſic eius humilitas fecit eam parua reſpectu ſui, quia ſe ancillam recognouit. Fuit odorifera reſpectu Dei, quia in ea fuit tantum delectatus, quòd in thalamum eius uteri descendit. Fuit pectoris purgatiua reſpectu noſtri, quia eius humilitas noſtram ſuperbiam de noſtro pectore ſanauit, & omnia alia vitia reſecauit. Auguſtinus in quodam ſermone. O uetæ beatæ Mariæ humilitas, quæ Deum hominibus peperit, uitam mortalibus edidit, cœlos innouauit, mundum purificauit, paradifum aperuit, & hominum animas ab inferis liberauit. O ueræ inquam, glorioſæ Mariæ humilitas, quæ porta cœli efficitur, ſcala cœli conſtituitur, facta eſt certè Mariæ ſcala cœleſtis per quam Chriſtus descendit ad terras. Facta eſt habitaculum Sp. Sanct. Bern.

Super

super missus est. Si Maria humilis non fuisset, Spiritus sanctus super eam non requievisset, quia scriptum est, super quē requiescit spiritus meus nisi super humilem, & quietum. Porro si super eam non requievisset, utiq; eam nō impregnasset. Quomodo enim de ipso conciperet, sine ipso? patet igitur, quod ut de Spiritu sancto conciperet humilitas fecit. Nam si ex virginitate placuit, tamen ex humilitate concepit, unde constat etiam, quod ut placeret virginitas, procul dubio fecit humilitas. Deinde subdit. Laudabilis uirtus virginitatis, sed necessaria magis humilitas. Illa suaderetur, ista præcipitur. Denique placere potest humilitas eius, qui virginitatem desset. Sine humilitate autem audeo dicere, nec uirginitas Mariæ placuisset. Ergo si non potes uirginitatem habere, imitare humilitatem Virginis.

OFFICIA TRIA SVNT HYDRIÆ,

similibus officijs Beata Virgo fulget.

Sermo

LXX.

HYDRIA quamvis dicatur ab ydor, quod est aqua & dicatur esse uas aquaticum. Inuenimus tamen hydriam ad tria officia deputatam, propter quæ non immerito Beata Virgo hydriæ comparatur.

Primò deputata est ad aquam hauriendam, de qua Genes. 24. Nam cum nuncius Abrahamæ dixisset ad Rebeccam. Da mihi paululum bibere, illa festinans hydriam de humero deposuit, & dixit. Et tu bibe, & camelis tuis tribue. Secundum expositionem Bernardi. Nuncius iste quem misit Abraham, ut acciperet uxorem pro filio suo, significat angelum Gabrielem, quem Deus pater misit ad Mariam, ut ipsam pro filio suo sponsam acciperet. Per Rebeccam igitur significatur Maria, cuius hydria plena est aqua, idest, eius anima est plena Dei gratia. In hac igitur hydria bibit ille nuncius Abrahamæ, biberunt, & Cameli. In sua etiam hydria bibit architriclinus, ut habetur Ioan. tertio. Per nuncium Abrahamæ, ut demum est intelligitur Angelus, per Camelos intelliguntur ueri poenitentes, Cameli enim

Sermo LV I.

enim dum graua onera suscipiunt se humiliando genua flectunt. Sic & ueri pœnitentes grauem pœnitentiam humiliter portant, & patienter. Per architriclinum significatur Deus trinus. In hac igitur hydria Mariæ bibit angelus, delectatus in eius uirginitate. Hierony. in sermone de assump. Semper est angelis cognata uirginitas, profectò in carne præter carnem uiuere non est uita terrena, sed cœlestis: Bibunt etiam pœnitentes delectati in eius misericordia, & pietate. Bern. Nos quidem tui serui tibi congaudemus in uirtutibus cæteris. Nam laudamus uirginitatem, & miramur humilitatem, sed misericordia miseris sapit dulcius, hanc amplectimur, sæpius recordamur, & crebrius inuocamus. Bibit insuper architriclinus, idest, Deus trinus delectatus in eius humilitate. Bern. Superbiam Eux Deus despectit, sed humilitatem Mariæ respexit, humilem remunerans, humiliatam exaltans. In utroque ergo à Deo se esse respectam testatur, quoniam apud Deum eius humilitas acceptatur, & eius humiliatio est in gloriam commutata. Sed dicitur de illa hydria in qua biberat architriclinus, q̃ capiebant singule metretas binas, uel ternas. In ista enim hydria Mariæ fuerunt metretæ binæ, idest, gemina dilectio Dei, scilicet, & proximi, uel duo testamenta, quorum cognitionem, & scientiam ipsa habuit. Fuerunt etiam metretæ tres, quia in eius utero fuit Christus in quo fuerunt tres metretæ, idest, tres substantiæ, scilicet, eius anima, caro, & deitas.

Secundò hydria deputata est ad conseruandum farinam, de qua legitur 3. Reg. 3. Viuit Dominus dixit uidua, quia non habeo panem nisi quantum pugillus potest capere farine in hydria, & parum olei in lechito. Cui Helias. Fac mihi de ipsa farinula panem paruulum, & affer ad me. Hæc dicit Dominus, hydria farine non deficiet, nec lechitus olei minuetur. Ista hydria plena farina fuit Maria, omni munditia, & omni puritate plena. Aliquando tamen in ista farina fuit fermentum, idest, originale peccatum, sed tamen Spiritus sanctus in utero matris aduenit, & ipsam ab oī originali purgauit. Ber. Est itaque uirgo regia ueris honorum titulis cumulata, quæ procul dubio sancta fuit ante quam nata.

Postea

Postea purgata fuit in Spiritus sancti superuentione. Adhuc magis in filij Dei præginatione, vnde dixit ei angelus. Spiritus sanctus superueniet in te. Veruntamen quia adhuc in ea remanserant aliqua pœnalitates, ideo in sui assumptione fuit ab omni pœnalitate purgata. Hierony. in sermo. de assumpt. Regina mundi de terris, ac de præfenti sæculo nequam eripitur, securamque de sua immarcescibili gloria, cœli palatium ingreditur, ubi vna supernorum ciuium societas, vbi dulcis solemnitas angelorum, ubi post labores, & ærumnas foelix ac suauis resectio animarum. Ecce quàm xerè fuit in hac hydria farina candida, quæ sic fuit purificata, & mundata. De ista autem farina iussit sibi fieri subcineritium panem paruulum, quia de eius purissima carne Deus præcepit generari filium suum, qui fuit panis subcineritius, & paruulus. Panis fuit quantum ad deitatem in qua est suauitas, & resectio beatorum. Ioan. 6. Ego sum panis uiuus, qui de cœlo descendi, subcineritius fuit quantum ad carnem quam de nostra mortalitate accepit. 4. Reg. 19. Ecce ad caput eius subcineritius panis. Caput Christi est deitas. Tunc autem ad caput eius subcineritium panem habuit, quando naturam nostram suæ diuinitati vniuit. Fuit etiam iste panis paruulus, non solum in infantili ætate, sed maxime in excellenti humilitate, Isa. 4. Paruulus natus est nobis. Et bene coniunxit Helias oleum cum farina dicens, Hydria farine non deficiet, nec lechitus olei minuetur, quia sicut Maria habet perpetuam uirginitatem, sic & habet perpetuam pietatem, quæ nunquam deficiet. Ecclesiast. 24. Ab initio, & ante sæcula creata sum, & usque ad futurum sæculum non desinam.

Tertio hydria deputata est ad conseruandum lumina, vnde dicitur Iudicum 7. Cumque per girum castrorum in tribus persarum locis, & hydrias confregisset, tenuerunt in sinistris manibus lampades, & dextris sonantes tubas. Ista hydria conseruans lumina fuit Virgo Maria, & in qua tria lumina conseruata fuerunt. Primum lumen fuit eius corpus virgineum, de cuius claritate dicitur Sapient. 4. O quàm pulchra est casta generatio cum claritate. Secundum fuit

eius anima luminosa, quæ tota fuit diuinæ gratiæ splendore illustrata. Isa. 58. Implebit Dominus splendoribus animam tuam. Tertium fuit eius merita, & opera gloriosa. Sap. 3.c. Bonorum laborum gloriosus est fructus. Ista tamen tria lumina erant in ista hydria occultata, ut possit dici de ea Eze. 22. Solem nube tegam. Nam eius corpus virgineum fuit occultatum nube immortalitatis. Eius anima luminosa fuit occultata nube impassibilitatis. Eius merita gloriosa ipsa occultabat nube humilitatis. Sed quando ista hydria fuit fracta, idest, eius anima fuit à corpore separata, tunc apparuerunt ista lumina. Et potest dici de ea, quod dicitur 2. Mach. 1. Tempus affuit quo sol refulsit, qui prius erat in nubo. Nam refulsit corpus eius, quia fuit vestitum dote immortalitatis. Refulsit eius anima, quia fuit vestita gloria impassibilitatis. Refulserunt eius merita, quia modo patent oïbus per opera pietatis. Ista est enim illa mulier, de qua dicitur Apoc. 12. quod erat amicta Sole, & Luna sub pedibus eius & in capite eius corona stellarum duodecim. Tunc eius anima fuit vestita sole, quando vestita fuit impassibilitate, & omnimoda claritate. Lux enim solis est impassibilis, & clara. Tunc enim habuit Lunam sub pedibus, quando omnem mutabilitatem, & corruptibilitatem corporis subingavit. Habet etiam stellas in capite, quia eius uirtutes, & merita diffunduntur, & coruscant in uniuerso orbe.

TRIA CONSIDERANTVR, EO QVOD B.

Virgo ignem Spiritus Sancti recepit. Ser. LXXI.

IGNIS Sp. Sanct. beatam Mariam præ cæteris inflammavit. Nam sicut dicit sanctus Odilo. Credimus ipsam interfuisse gaudijs dominicæ Ascensionis, & in die sancto Pethecosten sancti. s. gratiam recepisse quam constat eam à conceptione Christi plenissime habuisse. Ipsa enim ad receptionem Sp. Sanct. cæteris amplius se disposuit, & cæteris sollicitius custodiuit. Et ideo Sp. Sanct. in ea maiorem operationem, & uirtutem habuit. Circa receptionem istius ignis Sp. Sanct. tria sunt uidenda. Primo qualiter ipsa se disposuit. Secundo qua-

qualiter custodiuit. Tertiò qualem in ea Spir. Sanct. operationem habuit, & virtutem. Circa primum notandum, quod quatuor sunt, quæ disponunt ad recipiendum Spiritum sanctum. Primum dispositiuum est deuota oratio. Ad quod innuendum Christus dixit Io. 14. Rogabo patrem meum, & alium paraclytum dabit vobis, vnde cantat Ecclesia. Orantibus Apostolis Deum venisse nunciat. Istud dispositiuum Maria habuit, de qua dicitur Actuum 1. Hij omnes erant perseverantes vnanimiter in oratione cum Maria matre Iesu. Ber. super missus est. Ingressus angelus ad eam. Quo ingressus? puto, quod in sacrum pudici cubiculi, vbi fortassis illa clauso super se ostiolo orabat patrem in abscondito.

Solent nimirum angeli aditare orantibus, & in eis delectari, quos vident in oratione puras manus leuare. Secundum dispositiuum est profunda humiliatio. Psalm. Qui emittis fontes in conuallibus, idest, gratiam suam præstat humilibus, vnde dicitur Isai. Super quem requiescet spiritus meus, nisi super humilem, & quietum? Istud dispositiuum similiter ipsa habuit quando dixit. Respexit humilitatem ancillæ suæ. Petrus Rauennas super missus est. Ecce quam vocauit angelus dominam ipsa se recognoscit, & confiterur ancillam, quia deuotus animus infusis beneficijs, crescit ad obsequium, augetur ad gratiam, non ad superbiam pertumescit, non ad arrogantiam prosilit. Tertium dispositiuum est cordis purificatio, vnde Propheta volens petere Spiritus sancti infusionem, primo petit mundationem dicens. Cor mundum crea in me Deus, & cætera. Istam purificationem habuit Virgo Maria quam Deus pater sanctificauit. Psalm. Sanctificauit tabernaculum suum altissimus. Quam filius Dei qui est splendor patris illustrauit. Ideo Apoc. 12. Vocatur mulier amicta sole. Quam Spiritus sanctus purificauit. Ideo dixit angelus. Spiritus sanctus superueniet in te. Propter hoc dicit Anselmus. Decebat, & omnino decebat, vt Virgo Beata ea puritate niteret, quæ sub Deo maior nequit loqui, vel intelligi. Quartum dispositiuum est tranquilla mentis vacatio, vnde dixit discipulis, Luc. ultimo. Sedete in ciuitate quoadusque

quoadusque induamini virtute ex alto. Sedere, idest à super-
fluis curis secularium requiescite. Istam vacationem Maria
habebat, quæ in suo thalamo clausa manebat. Ber. super mis-
sus est. Non est suspicandum, quod angelus inuenerit apertum
Mariz ostiolum, cui nimirum etiam proposito erat frequen-
tias hominum fugere colloquia vitare, ne vel orantis silentium
turbaretur, vel continentis castitas obfusticaretur. Clauserat
igitur illa suum habitaculum, sed hominibus non angelis.

Secundò videndum est, quæ sunt illa, quæ Spiritum sanctum
receptum in ea custodiunt, quæ quidem sunt quatuor. Pri-
mum est, quod habebat ignem perpetuum, & diuinum qui
nunquam extingui poterat, scilicet Dei filium qui nouem men-
sibus in ea habitauit, & de ea ortus fuit Eccl. 24. Ego feci in
cælis, ut oriretur lumen indeficiens, qui licet recesserit ab eius
ventre, non tamen recessit ab eius mente. De quo igne dici-
tur Hebr. 12. Deus noster ignis consumens est. Secundum est,
quia habebat pabulum continuum, idest bona opera, quæ ip-
sa semper faciebat, nunquam ociosa erat Prouer. vlt. Panem
ociosa non comedit. Leuitici 6. Ignis in altari meo, idest in
Beata Virgine, quæ fuit altare Dei semper ardebit, quem nu-
triet Sacerdos, idest summus Pontifex, idest Christus subij-
ciens ligna, idest bona opera per singulos dies. Tertium est,
quod habebat sufflatorium assiduum, idest Spiritum sanctum,
qui in eius cor semper insufflabat, & amorem accendebat.
Sed multi sunt in quorum cordibus illud sufflatorium deficit,
nec gratia Spiritus sancti in eis proficit Hier. 5. Deficit suf-
flatorium in igne. Quartum est, quod habebat feruorem de-
sideriorum, quæ se mutuo inflammabant. Sicut enim ex col-
lisione lapidum ignis excutitur, sic ex agitatione sanctorum
desideriorum calor Spiritus sancti in ea inflammabatur. Hier-
onymus in sermone de assumptione. Quantis putas Virgo do-
loribus filij afficiebatur, quo amore cruciabatur, quo deside-
rio exuabat dum in animo reuolueret cuncta, quæ audie-
rat, & viderat, puto, quod quicquid humana virtutis est co-
gitare non sufficiat.

Tertiò videndum est qualem operationem, & virtutem iste
ignis habuit in ipsa. Ad quod sciendum, quod ignis habet
inflam-

inflammare, purgare, & illuminare, & vnire, sicut patet in duobus ferris, quæ vniri non possunt nisi per ignem. Beata autem Virgo non tantum recepit Spiritum sanctum, sed etiã ipsum plenissimè habuit in sui sanctificatione, in Spiritus S. superuentione in filij Dei incarnatione, & nihilominus ipsum Spiritum sanctum cum Apostolis in Pentecosten recepit in visibili ostensione. Et ideo ille ignis diuinus totam eam inflammauit, totam purificauit, totam illuminauit, & totam cum Deo vniuit, ita quòd ipsa inflammabat frigidos, purgabat immundos, illuminabat tenebrosos, & vniebat cum Deo diuisos. Et propter ista quatuor ipsa dicit. Ecclesiast. 24. Ego mater pulchrę dilectionis, &c. Ipsa enim est mater pulchrę dilectionis, inquantum ad Dei dilectionem, & amorem frigidos inflamat. Ipsa est mater timoris inquantum à culpa immundos purificat, quia sicut dicitur Prouerb. 15. Per timorem Domini declinat omnis à malo. Ipsa est mater agnitionis inquantum ad Dei agnitionem tenebrosos illuminat. Ipsa est mater sanctę Spei inquantum homines elongatos à Deo, & diuisos ipsa venit, & copulat.

QUAE CONCVRRERINT, CVM BEATA
Virgo concepit. Sermo LXXII.

IM P R A E G N A T I O Marię facta fuit mediante cœlesti nuncio, operante Spiritu sancto, filio carnem assumente, & Virgine Maria ministrante. Primò igitur facta est mediante cœlesti nuncio, quia missus est angelus Gabriel à Deo in ciuitatem Galileę, &c. De tali nuncio dicitur Prouerb. 25. Aqua frigida animę sitienti, & nuncius bonus de terra longinqua. Aqua frigida sitim sedat, æstum temperat, & quadam incunditate in bibendo delectat. Beata igitur Maria valdè sitiebat aquam diuinę gratiæ, habebat magnū æstum, idest magnum desiderium de humani generis salute, habebat magnam iocunditatem de promissa virginitate. Et ideo Gabriel angelus fuit sibi sicut aqua frigida, quia de plenitudine gratiæ sibi prædixit dicens, Ave gratia plena. Salutem generis humani per eam fieri iussit dicens, Et vocabis
romen

Sermo LXXII.

nomen eius Iesum, idest Saluatorem, & virginitatem illibatam seruanda prædixit, quia concipiet de Spiritu sancto, non de semine humano dicens. Spiritus sanctus superueniet in te. Secundò eius imprægnatio facta fuit operante Spiritu sancto. Beda super Lucam. Spiritus sanctus in Virginem superuenit, qui & mentem eius ab omni sorde vitiorum emundauit, & in eius utero corpus redemptoris operatione sua sine virili semine, de ipsius Virginis carne creauit. Aug. in sermone de annuncia. Dixit angelus O Maria Virgo Dei, sponsa Dei, dilecta Dei, filia Dei, si à me requiris quomodo Virgo pariat, & quomodo post partum Virgo permaneat, vel quomodo fiat in te qui fecit te, audi & non perturbaberis in te, Spiritus sanctus superueniet in te, ita vt nec æstum patiaris libidinis, & mater sis creatoris. Ber. Ecce concipies, & paries filium. Concipies quod caro nescit, non habet conditio, natura non amittit. Quis enim ad fructum peruenit antequam suæ plantæ industriam impendat? Quis præter viam ad mansionem petuenit? Quis præter naturam incrementum naturæ suscepit? Beata ergo, & verè Beata Maria, quæ præter generandi curas, præter materna fastidia ad tantam gloriam germinis peruenit. Tertiò eius imprægnatio facta fuit filio carnem assumente. Quamuis enim Pater, & Filius, & Spiritus sanctus sint vnus Deus, & sit vna diuinitas, filius tamen non pater, nec Spiritus sanctus carnem suscepit, sicut ostendit August. tribus exemplis in sermone de natiuitate Domini. De primo exemplo sic dicit. In anima est ratio, & vna est anima & ratio, sed anima agit aliud, & aliud agit ratio. Anima viuit, & ratio sapit. Ad animam pertinet vita, ad rationem sapientia, & tamen anima sine ratione, nec ratio sine anima. Et cum vnum sint tamen anima sola suscepit. Ratio vero sola suscepit sapientiam, sic & Pater, & Filius licet vnum sint, tamen ad solum Christum pertinet caro, sicut ad solam rationem pertinet sapientia. De secundo exemplo sic dicit. In sole splendor, & calor in vno radio sunt, sed calor exiccat, splendor illuminat. Aliud suscipit calor, aliud splendor, sed calor & splendor abinuicem nequeunt separari. Suscipit splendor illuminationem non feruorem, suscipit calor

feruorem

feruorem non illuminationem. Aliud simul, aliud singulariter agunt, non tamen abinvicem separantur. Sic & filius suscepit carnem, & non deseruit patrem, nec se diuinitati patri in diuinitate æqualitas, in carne sola filij proprietates. Non autem ab eo per patris aut Spiritus sancti aliquando recessit diuinitas. De tertio exemplo sic dicit, ut cithara musicum, melos: sonis dulcibus reddat, tria pariter adesse videntur, scilicet ars, manus, & chorda, & tamen vnus, scilicet sonus auditur. Ars dicat, manus tangit, chorda resonat, tria pariter operantur, sed sola chorda personat, quod auditur, nec ars nec manus sonum reddunt, sed ea cum chorda pariter operantur. Sic nec pater, nec Spiritus sanctus suscipiunt carnem, & tamen cum filio operantur. Et sicut sola chorda excutit sonum, sic Christus solus carnem suscepit. Operatio in tribus consistit. Sed quomodo pertinet ad solam chordam soni redditio, sic pertinet ad solum Christum humanæ carnis susceptio.

Quarto eius imprægnatio facta est Maria materiam ministrante, quam tamen materiam Spiritus sanctus sic sanctificauit, quod nulli vsui nisi diuino postmodum accepta fuit sicut ostendit Hieronymus in sermone de Assumptione exemplo lanę dicens. Ante quidem aduentum Spiritus sancti in utero Virginis, vterus eius quamuis impollutus, & sanctus adhuc tamen vilitate humanitatis erat indutus tanquam lana candidissima, ad quam cum accessit Spiritus sanctus, velut eadem lana cum inficitur sanguine conchilij, vel mericis vititur in purpuram, sic & ipsa versa est sine coitu in matrem Dei, ut iam non sit quod fuerat, sed purpura verissima ad indumentum summi Regis diuinitus aptissimè dedicata: De hoc etiam sic dicit Alcuinus in libro de Tri. Beata Maria lana mundissima fuit, & virginitate clarissima, quæ cum sola digna esset in se filij Dei recipere dignitatem sicut lana conchilij sanguinem, ut ex eadem fieret purpura Imperiali maiestate tantummodo digna, quam nullus esset dignus induere nisi augusta præditus dignitate.

CONCVRRERVNT QVATVOR, CVM FI-
lius Dei incarnatus est. Sermo LXXIII.

IN CARNATIO filij Dei facta fuit in vtero Virginali temporis plenitudine adueniente angelo, nunciante Spiritu sancto operante, & consensu Virginis accedente.

Primò igitur facta fuit temporis plenitudine adueniente. Gal. 5. At vbi venit plenitudo temporis misit Deus filium suum factum ex muliere factum sub lege. Vbi notandum est, quòd est tempus vacuum, semiplenum, & plenum. Tempus vacuum fuit sub lege, vbi homines vacui erant Dei cognitione, & ideo creaturas, & multa alia adorabant Eph. 4. Tenebris habentes obscuratum intellectum, alienati à via Dei per ignorantiam, quæ est in illis. Tempus verò semiplenum fuit sub lege, vbi data est cognitio vnus Dei, sed non gratia per quam possent impleri mandata Dei. Tempus autem modernum est plenum, quia modo est vera cognitio Dei, & modo datur gratia per quam implentur mandata Dei.

Secundò facta fuit angelo nunciante. Aug. in sermone de Annunciat. Secreta coniugia celebrata sunt in Mariæ thalamo, quibus Gabriel paranymphus interuenit ne abnueret deuota Virgo, dum Spiritus permittebatur esse maritus, vt nasceretur filius, & pudor maneret illæsus. Petitur ergo Maria, cœlestibus Regnis, mittitur angelus Rex ipse stellato micans solio mandata dirigit. Concionante igitur Deo miratur sedes, throni stupent, ac diuinus silet exercitus. Vadè inquit Gabriel, & ethereas sedes rumpe, & concilium nostrum defer Mariæ. Hæc incolit parua Nazareth mœnia, sed sibi patent cœli palatia. Huic ergo vnicum meum immo alterum me donare volo, vt sit illa mater, cuius sum ego pater. Deinde subdit August. Profecto igitur cuncto cœlitus adueniente Senatu, mandato Gabriel accepto fulmineos obrutus, oraquæ tonantia pauet archano tremefactus Imperio. Mox igitur astriferum volatū rapido secauit aerem, percussit lumine noctem, ac flammeos arcus vibrans velut pavo vniuersi color radijs solis obtectus, per me-
dios

dius cœli sinus ferebatur, donec Mariæ extrema testa coruscus ingreditur dicens ei. Ave gratia plena.

Tertiò ipsa incarnatio facta fuit operante Spiritu sancto. Non enim Virgo concepit ex semine, sed mystico spiramine sicut dicit Augustinus in sermone de Nat. exemplo Virgine Aaron dicens. Virga Aaron subito produxit flores, & frondes, & nuces. Virga protulit, quod ante non habuit, non radicata plantatione, non defossa sarculo, non arata sulco, non fecundata seminario. Virga potuit contra naturam nuces producere. Virgo non potuit contra naturam filium Dei generare? Et dicit ibi Augustin. quòd nux habet trinam substantiam, scilicet corium testam, & nucleum. In corio caro, in testa ossa, in nucleo inferior anima intelligitur. Secundò hoc ostendit exemplo speculi, & radij solis dicens. Solis radius speculum penetrat, & soliditates eius insensibili velocitate pertransit, & talis videtur extrinsecus, qualis existit intrinsecus. Itaque cum nec ingreditur violat, nec cum ægreditur dissipat. Speculum ergo non rumpit radius solis, sic integritatem virginis ingressus, & egressus violare non potuit Deitatis.

Quartò ipsa incarnatio facta est consensu Virginis accedente. Bern. Da Virgo responsum, responde verbum, & suscipe verbum, profer tuum, & suscipe diuinum. Emitte transitorium, & amplectere sempiternum. Et tunc illa dixit. Ecce ancilla Domini fiat mihi secundum verbum tuum. Bern. Verbum quod erat apud Deum, fiat caro de carne mea, nolo ut mihi fiat, aut declamatoriz prædicatum, aut singulariter significatum, aut imaginatione somnium, sed silenter inspiratum, personaliter incarnatum, corporaliter inmisceratum.

PIA CONSIDERATIO CIRCA LAC BEATÆ Virginis. Sermo LXXIIII.

Lac Beatæ Mariæ dupliciter consideratur. Primò quale in se est. Secundo qualiter ipsa lac nobis effudit.

Sermo LXXXIII.

Circa primum notandum, quod lac est sanguis excoctus. Nam primo excoquitur in venis, secundo in mamillis, & ex tali decoctione sanguis trahit albedinem, saporositatem, & vbertatem. Lac igitur Beatæ Mariæ habuit albedinem, quam traxit ex duplici decoctione. Secundò habuit saporositatem, quam traxit à Spiritus sancti depuratione. Tertiò habuit vbertatem quam traxit à duplici decoctione.

Prima decoctio facta fuit ab igne Spiritus sancti in utero matris suæ, quando Spiritus sanctus eam sanctificauit. Secunda facta fuit in filij incarnatione, quando Spiritus sanctus in eam superuenit.

Secundò eius lac habuit saporositatem quam traxit à Spiritus sancti depuratione. Nunquam fuit aliqua mater, quæ habuerit ita saporosum lac, sicut fuit lac Virgineum. Et ratio est, quia lac aliarum mulierum multum habet impuritatis, & ideo non potest esse multum magni saporis. Lac autem Beatæ Virginis sic fuit à Spiritu sancto depuratum, & purificatum, quod factum est dulcissimum, & nimium saporosum. Et quia fuit optimi saporis, ideo fuit optimi nutrimenti. De isto lacte Virgineo dicit Augustin. in sermone de Annunciatione. Lacta Maria Creatorem tuum, panem cœli, precium mundi, præbe labenti mamillam, ut ille pro te percutienti præbeat maxillam. Lacta qui fecit te, qui talem fecit te, ut ipse fieret in te.

Tertiò habuit vbertatem à cœlesti subministratione. Non enim fuit lac suum à natura propinatum, sed de cœlo largiter subministratum. Vnde cantat Ecclesia. Ipsum Regem angelorum sola Virgo lactabat vberem de cœlo pleno.

Circa secundum notandum est, quod ipsa dat nobis triplex lac spirituale. Primum est cœlestis doctrinæ. Sicut enim nutrix grossa cibaria comedit, & sibi incorporat, & sic digesta in lac conuersa puero effundit, sic Beata Maria magnas, & difficiles sententias memoriæ recondebat iuxta illud Lucæ 2. capit. Maria conseruabat omnia uerba hæc conferens in corde suo, & illa postmodum sic digesta discipulis effundebat. Beda super Lucam. Maria omnia uerba, quæ de Domino, vel à Domino dicta, uel facta cognouerat

gnouerat diligenter in corde retinebat, sollicitè cuncta memoria commendabat, ut cum tempus prædicandi, uel scribendi incarnationis eius adueniret, singula prout essent gesta quæ retribus explicare posset.

Secundò dat nobis lac pietatis, & misericordiæ. Sanguis enim in nobis sæpe accenditur, & sic cor ad iracundiam concitatur, Sed in Beata Maria totus sanguis iracundiæ conuersus fuerat in lac pietatis, & misericordiæ, quia nihil in ea seuerum, nihil austerum remansit, sed tota fuit lactea, & mellea, idest, dulcis & piissima. Cantic. 4. Mel & lac sub lingua eius. Bernard. Reuolue totam scripturæ seriem, & si quid austerum in Maria inueneris decætero eam suspectam habeas, & ad ipsam accedere uerearis.

Tertiò dat nobis lac spiritualis gratiæ, unde ipsa potest dicere illud Isaïæ 55. Venite emite absque argento, & absque ulla commutatione uinum, & lac. Per istud uinum, & lac intelligimus Dei gratiam, & misericordiam, & animam lætificantem, & dulcorantem. De quo scilicet uino, & lacte ipsa plena fuit, scilicet gratia, & misericordia. Et ideo de sua plenitudine nobis effundit, unde ipsa dicit Canticorum 5. Bibi uinum meum cum lacte meo.

EX DEBITO, MERITO, ET EXEM-
plo laudanda est Beata Virgo.

Ser. LXXV.

LAUDARE debemus Virginem Beatam propter debitum, meritum, & exemplum.

Primò propter debitum tenemur laudare ipsam, quia cum essemus perditæ ipsa nobis succurrit, & recuperandi aditum adinuenit. Augustinus, O Beata Maria quis tibi digne ualeat iura gratiarum, & laudum præconis impendere, quæ tuo singulari merito recuperandi aditum inuenit.

Secundò propter meritum, quod inde consequimur. Nam

M, ex hos

Sermo LXXV.

ex hoc liberamur à confusione æterna, præferuamur à cūpa, & digni efficiamur uita æterna. Eccl. 24. Qui audit me non cōfunderetur, & qui operantur in me non peccabunt, qui elucidāt me uitam æternam habebunt. Qualiter autem laudantes eā meritum consequantur dicit Hieronymus in sermone de assumptione. Si Virgo es lauda, quia meruisti esse, quod laudas. Si continens es uenerare, & lauda, quia non aliundē constat, ut possis esse casta, quā ex gratia Christi, quæ plenissimē fuit in Maria. Quod si cōiungata es, aut certē peccatrix nihilominus confitere, & lauda, quia misericordia omnibus profuit, & gratia. Quauis non sit speciosa laus in ore peccatoris tamen noli cessare, quia tibi promittitur uenia, unde merearis, ut laudes.

Tertiō debemus ipsam laudare propter exemplum. Habemus exemplum ab angelo, qui eam reuerenter saluauit. A filio qui eam in tanta reuerentia habuit, quia sibi subditus esse uoluit. Lucæ. 2. Erat subditus illis. A Spiritu sancto, qui eam repleuit. Luc. 1. Spiritus sanctus superueniet in te. A patre æterno, qui eam sanctificauit. Psal. Sanctificauit tabernaculū suum altissimus. A toto mundo, qui eam beatam protestatur, & dicit. Vnde ipsa dicit. Ecce enim ex hoc beatam me dicēt omnes generationes. Non tamen eam sufficienter laudare possumus propter quatuor causas. Primō propter nostrā imbecillitatem. Aug. O fœlix puerperium, lætabile angelis, optabile sanctis, necessarium peccatis, cōgruum profugatis. Quid dicam pauper ingenio, cum de te quicquid dixerō minor laus est, quā tua dignitas mereatur. Si cœlum te uocem, altiores. Si matrem gentium dicam, præcellis. Si formam Dei appellem, digna existis. Si dominam angelorum te uocem, per omnia esse probaris. Quid ergo de te dignē dicam, quid referam, cum non sufficiat lingua carnis, tuas enarrare uirtutes. De hoc etiam sic dicit Ps. Dam. Qualiter autem eam laudare poterit, mortalis hominis uerbum, quæ de se protulit uerbum, quod manet in æternum. Quæ lingua in eius laude inueniatur idonea, quæ illum genuit cui omnia benedicunt, & cum tremore obediunt elementa? Impar igitur est illi omne linguæ humanæ præconium, quæ de te intemperatæ carnis suæ

suæ uisceribus cibum nobis protulit animarum. Secundò
 propter nostram indignitatem. Istam suam indignitatem re-
 cognoscebat Hieronym. in sermone de assumptione dicens,
 Timeo satis, & ualde pertimesco, dum uestris cupio parere
 profectibus, ne fortè sicut improbus, ita & indignus laudator
 inueniatur. Profectò cum nec sanctitas, nec facundia mihi sup-
 petat, ut beatam, & gloriosam Virginem laudare queam, quo-
 niam ut uerum fatear, quicquid humanis potest dici uerbis,
 minus est à laude cœli, quæ diuinis, & angelicis est laudata
 preconijis. A Prophetis prænunciata. A Patriarchis præfigu-
 rata. Ab Euangelistis exhibita. Ab Angelo uenerabiliter sa-
 lutata. Item ibidem. De tali tantaque loqui me indignum fa-
 teor, sed & puto, quòd nemo sit qui præsumat, quæ & quan-
 ta sint, quæ panduntur ignorat, tamè non debet cessare à lau-
 dibus, si nemo etià ad hoc idoneus inuenitur uotis omnibus,
 etià quilibet peccator quauis etià explere nequeat, quod
 sentit. Tertio propter suam dignitatem. Et de hoc etià sic
 dicit Beda. Si rerum uniuersitas singulis distincta speciebus
 in beatæ Mariæ Dei genitricis laudem, magnis sui cordis cla-
 mer uocibus, tamen eius dignitatem intelligentibus surditas
 hæc uel silentium apparebit. Damas. Licet mille ora mille lin-
 guæ, uox ut ferrea sit, sed nec si omnes linguæ hominum cõ-
 uenirent, eam mirificis laudibus efferre possent. Omnis enim
 præconij excedit magnitudinem, & omne eloquium ad eius
 excellentiã insufficenter inuenitur. Quarto propter uer-
 borum insufficiẽtiam, & paupertatem, quia scilicet, uerba ad
 hoc idonea nobis deficiunt. Pe. Dam. Dum cuiuslibet matris
 fortia facta extollere cupimus, dum eius uirtutum insignia
 prædicamus, etià si ad cogitandum cardior sensus impediatur,
 uel ad loquendum balbutiens lingua, non sufficiat uerborum
 tamen copiam rei ipsius materia subministrat. Cum ergo bea-
 tissimè Dei genitricis laudes scribere uolumus, nulla inueni-
 mus uerba, quibus ad hoc exprimenda dignè sufficere ualea-
 mus. Tollit igitur facultatem sermonis materia singularis
 Gerardus Episcopus, & martyr. Utinam mihi tot essent lin-
 guæ quot sunt cœli stellæ, ut omnes illas possem conuertere
 in laudem Dei genitricis, nec etià sic satiarer.

Sermo LXXVI.

SECUNDVM LIBANI SIGNIFICATVM,

Beata Virginis exprimitur Christus anima, & corpus.

Sermo LXXVI.

LIBANVS significat beatam Mariam, iuxta illud Eccl. 24. Quasi libanus non incisus uaporauit habitationē meam. Sed notandum, quòd libanus in masculino accipitur pro monte. In fœminino pro arbore. In neutro pro thure, & tamen hic pro arbore in masculino ponitur. Scriptura enim sacra aliquando transgreditur regulas donati, vt certius exprimat intellectum spiritus sancti. Dicitur ergo de arbore. Quasi libanus non incisus, &c. Ab illa enim arbore quandoque fluit thus cortice non inciso, & illud est magis lucidum, & magis electum, & tali libano non inciso beata Virgo assimilatur. In quacunque autem significatione libanus accipitur candorem sonat. In Virgine autem fuerunt tria candida non incisa, scilicet, spiritus anima, & corpus. De quibus habetur Thes. 5. Ipse autem Deus pacis sanctificet uos per omnia ut integer spiritus uester, anima & corpus sine querela seruetur in die Aduentus Domini nostri Iesu Christi. Sicut autem dicitur, hic libanus mons, hæc libanus arbor, hoc libanū thus, ita nunc dicitur ab Apostolo hic spiritus, hæc anima, hoc corpus. Spiritus ergo Mariæ dicatur mons libani, anima eius dicatur arbor libani. Corpus eius dicatur thus siue libanum. Ista tria. scilicet spiritus anima, & corpus, in Virgine non fuerunt incisa, nec diuisa. Et ideo bene dicit. Quasi libanus non incisus. Spiritus enim eius nunquam à Deo fuit diuisus, quia nunquam ab ipso per peccatum separari potuit. Anima enim eius nunquam fuit diuisa à ratione, quia ab eius dominio nunquam recessit. Corpus eius nunquam fuit diuisum, quia semper integrum, & illibatum permansit. Talis ergo libanus uaporauit habitationem suam. Nam illos in quibus habitat per gratiam uaporat, i. odore replet per odoriferā conscientiam. Ibidem. Sicut cinnamomum, & balsamum aromatizās. Quosdam enim confortat, ut perseuerent in dono gratiæ. Istis est odor cinnamomi, quia odor cinnamomi habet confortare

Quosdam

Quosdam præseruat à corruptione culpæ. Istis est odor balsami, quia balsamum à corruptione præseruat. A quibusdam fugat uermes tenerationis diabolicæ. Istis est odor myrrhæ, quia odor myrrhæ fugat uermes.

ÆQVI PARATVR MULTIS LIBERALITAS

Beata Virginis.

Sermo LXXVII.

LIBERALITAS B. Mariæ multis assimilatur, quia sicut sol oritur super bonos, & malos, ut dicitur Matth. 5. Sic & eius merita lucent super bonos, ut eos in gratia custodiat. Lucet & super malos, ut eos ad bonum conuertat. Vnde dicit Ber. Virgo B. uelut alterū solem induit, quia sicut ille super bonos, & malos indifferenter oritur, sic ipsa quoque præterita merita non discutit, sed omnibus exorabilem, & clementissimam se exponit, omniumque necessitates amplissimo quodam miseratur affectu, Ibidem. Copiosissima charitate Virgo Maria sapientibus, & insipientibus debitoricem se fecit omnibus misericordiæ sinum aperuit, ut de plenitudine eius accipiant uniuersi, captiuus redemptionem, eger curationem, tristis consolationem, peccator ueniam, iustus gratiam, angelus lætitiā, tota denique trinitas gloriam, filij in persona carnis substantiam, ut non sit qui se abscondat à calore eius. Puta sine ipsa est amicta sole?

Secundò ipsa assimilatur eleemosynariæ liberali. Prou. vlt. Manum suam aperuit inopi, & palmas suas extendit ad pauperes. Cuius liberalitas ostenditur, & quia habet manum apertā, & quia brachiū extendit ad pauperes, & quia habet manū eleemosynis plenam. Nulla enim esset laus eleemosynariæ liberali si manum teneret apertam, & brachium extensum, si ipsa manum uacuum haberet. Beata igitur Maria tanquam Dei eleemosynaria, in tantum est liberalis, quòd dat facilliter, & ideo tenet manum apertam, quòd dat omnibus cōter quia habet manum eleemosynis plenam.

Tertiò assimilatur mulieri forti unde dī Prou. vlt. de muliere forti. De nocte surrexit deditque prædam domesticis suis.

Quartò assimilatur pijsimæ matri, unde ipsa dicit Eccl. 24.

Ego

Sermo LXXVII.

Ego mater pulchræ dilectionis, &c. Ipsa præsumptuosos, & superbos ad sui recognitionem, timore diuinæ maiestatis humiliat, ideo dicit. Et timoris. Ipsa tenebrosos ad cognitionē Dei illuminat, ideo subditur. Et agnitionis. Ipsa in profundum peccatorum desperatos ad spem uenię reuocat, ideo dicit. Et sanctæ spei.

Quintò assimilatur hospiti mirifico, & curiali. Vnde dicit ei Deus in Iacob inhabita, & in Israel hæreditare. Ex quibus uerbis habetur, quòd ipsa hospitatur, & habitat in tribus generibus personarum. Quidam enim sunt actiui. Quidam cōtemplatiui. Et quidam perfecti, qui scilicet, habent actiuam, & contemplatiuam. Beata igitur Virgo habitat cum actiuis dando eis gratiam, & ad operandum firmam constantiam, ideo dicitur. In Iacob inhabita, per Iacob qui interpretatur luctator intelliguntur actiui, qui sunt in multiplici luctu huius mundi. Habitat cum contemplatiuis, dando eis sincerā uisionem, ideo dicitur. In Israel hæreditare. Israel enim interpretatur uidens. Habitat eum electis, siue perfectis, qui habent utranque uitam dando eis firmam perseuerantiam, ideo subditur. Et in electis meis mitte radices.

*POTENTIA LIBERI ARBITRII QUATUOR
modis consideratur, ex eoque Beata Virgo com-
mendatur. Sermo LXXVIII.*

LIBERVM arbitrium habuit Virgo Maria in bono cōfirmatum, & ideo nulli uoluit consentire peccato. Potentia enim liberi arbitrij potest considerari quatuor modis.

Primò ut se habet indifferēter ad hoc, & ad illud, id est ad peccandum, & ad bene agendum. Et hoc modo fuit in Adā in statu innocentie, unde dicitur Eccl. 45. Deus ab initio creauit hominem, & reliquit eum in manibus suis.

Secundò consideratur cum dispositione ad peccandum, & hoc modo est in regenerationis post baptismum, quia in eis adhuc remanet fomes, qui est dispositio ad peccandum inclinans,

Tertio consideratur cum necessitate ad peccandum, & hoc modo est in non regenerationis per baptismum, quia fomes in illis non tantum est dispositio ad peccandum, sed quædam necessitas.

Quarto consideratur cum dispositione ad non peccandum, & hoc modo est in angelis, & beatis, & in Beata Virgine per gratiam sanctificationis ultimæ, quæ supereminet omnibus alijs sanctificationibus, ita quod post illam sanctificationem non habuit potentiam peccandi. Et quantum ad hoc fuit instar, & angelorum, & beatorum, qui habent liberum arbitrium confirmatum, ideo dicit Aug. in lib. de natura, & gratia. Excepta Virgine Maria si omnes sancti, & sanctæ cum adhuc uiuerent interrogati fuissent utrum sine peccato essent omnes una uoce clamassent. Si dixerimus quoniam peccatum non habemus ipsi nos seducimus, & ueritas in nobis non est. Excepta, inquam, hac sanctâ Virgine, de qua propter honorem Dei cum de peccatis agitur nullam prorsus uolo habere questionem. Scimus enim quod plus gratiæ ei collatum fuit ad peccatum ab omni parte uincendum, quæ illum conciperet, & parere meruit, quem constat nullum habuisse peccatum.

QVIBVS CAVSIS BEATA VIRGO VT

lilium celebretur.

Sermo LXXIX.

LILIVM potest dici Maria propter multas causas. Prima causa, quia lilium est extra candidum, intus est aureum, intus & extra odoriferum. Sic beata Virgo extra in carne fuit candida per uirginitatem. Cant. 7. Candor est lucis æternæ, & speculum sine macula. Secundo intus in mente fuit aurea per charitatem. Dicit enim Aristo. quod aurum nunquam potest corrumpi, sic nec eius charitas nunquam potuit extinguui. Cant. 8. Aquæ multæ non potuerunt extinguere charitatem. Tercio intus, & extra fuit odorifera per humilitatem. Habuit enim humilitatem intus in corde, & exterius in conuersatione. Et ista humilitas tantum odorem Deo fecit, quod ipsum ad se traxit. Cant. 1. Cum esset rex in cubili suo, &c. Nardus est herba parua, & significat eius humilitatem.

Sermo LXXVIII.

militatem. Ista sunt tria lilia, scilicet *virginitas, humilitas, & charitas*, quæ Beatam Mariam maxime circumdederunt. De quibus sic dicit Ber. in sermone de Nati. eiusdem. Depi- que Christus qui nunc inter lilia pascitur utique copiosius apud Mariam pro multitudine filiorum pascebatur. An non lilia sunt decus virginitatis insignæ humilitatis, supereminen- tia charitatis. Secunda causa est, quia lilium habet rectum hastile sursum, sed folia dependentia deorsum, quia animus Virginis tanquam hastile semper fuit rectus ad Deum, sibi de beneficijs regatando, & in eum semper exultando spiritua- liter. Sicut enim lilium quicquid habet odoris, & candoris, totum mittitur ad summum, sic Maria quicquid habuit san- ctitatis, & gratiæ totum remittebat ad Deum. Folia autem, idest eius verba habuit deorsum de se humilia proferendo. Vnde ipsa dixit. Magnificat anima mea Dominum. Ecce ha- stile rectum, sed audi folia deorsum. Respexit humilitatem ancillæ suæ. In huius significationem dicitur Exod. 25. Facies candelabrum ductile de auro mundissimo, hastile eius & folia ex ipso procedentia. Candelabrū Dei est Maria, quæ fuit du- ctilis per obedientiam, & de auro mundissimo per charita- tem. Cuius hastile fuit intentio eius recta, & lilia fuerunt eius verba humilia, quæ omnia procedunt de ipsa. Nos autē econverso habemus hastile reflexum deorsum per obliquam intentionem iuxta illud Matth. 23. Omnia opera sua faciūt, ut videantur ab hominibus. Folia autem, i. verba habemus ela- ta sursum per blasphemiam per detractionem, & elationem. Psalm. Iniquitatem in excelsis locuti sunt. Item. Posuerunt in cælum os suum, uiris cœlestibus detrahendo, & se usque ad cælum magnificando, sed tamen lingua eorum transiuit in terra, de terrenis loquendo, & ea diligendo.

Tertia causa est, quia lilium integrum redolet, & confra- ctum fetet. Corpus igitur Virginis fuit tanquam lilium inte- grum, quia semper remansit illibatum, & ideo semper fuit odoriferum. Fuit. n. tinctum unguento odorifero, quod ip- sum seruauit integrum, & fecit odoriferum. Istud autē un- guentum fuit confectum de tribus speciebus aromaticum. De quibus dicit Eccles. 24. Sicut cinnamomum, & balsamū aroma- tizans.

rizans. Fuit enim confectum de balsamo deitatis. Tunc enim Deus eius uterum imbalsamavit, quando deitatem suam ibi posuit. Fuit confectum de myrrha castitatis. Myrrha enim conseruat corpus à putredine, & significat castitatem, quæ seruat corpus à corruptione. Ex ijs enim tribus speciebus aromaticis. scilicet cinnamomo humilitatis, ex balsamo deitatis, & ex myrrha castitatis, confectum est illud unguentarium, ex quo corpus eius fuit inunctum, & ideo semper fuit odoriferum, & integrum. De talibus unguentis dicitur Cant. 2. Odor unguentorum tuorum super omnia aromata. Et quoniam ut dictum est lilium integrum redolet contractum feret, ideo eius corpus virgineum semper redoluit, quia semper integrum fuit. Nostra autem corpora cum sunt corrupta sunt fetida. Isa. 34. De cadaveribus eorum ascendet fetor. Iohel. 1. Computruerunt iumenta in stercore suo.

Quarta causa est, quia lilium oritur de spinis, & moratur inter spinas, & tunc propter hoc non amittit suum odorem, nec candorem, immo quāto à spinis pungitur, tanto plus eius odor sentitur. Sic beata Maria orta fuit de spinis, idest de Iudeis spinosis, & fuit ab eis puncta spina doloris. Luc. 2. Tu autem ipse animam perttransibit gladius, & tamen ipsa semper seruauit candorem suæ innocentiae, & odorem suæ famæ, & quāto plus aduersitates eam pungebant, tanto maiorem odorem spirabat. Cant. 2. Sicut lilium inter spinas, sic amica mea inter filias, quando lilia ponuntur cum lilijs maiorem odorem reddunt. Quando uero sunt cum spinis, nihilominus seruant odorem suum. Quando uero spinæ ponuntur cum spinis, tunc dant sibi mutuas punctiōnes. Quādo enim boni sunt cum bonis simul, tunc sunt lilia cum lilijs, & tunc tot dant odores, quot habent uirtutes. Matt. 18. Vbi duo uel tres congregati sunt in nomine meo, &c. Christus enim est lilium. Cant. 2. Ego flos campi, & lilium conuallium. Sancti uiri sunt hortus Dei, in quibus crescunt lilia uirtutum. Cant. 2. Dilectus meus descendit in hortum suum, ut pascatur in hortis & lilia colligat. Quoniam enim serui Dei sunt in simul congregati tunc sunt lilia cum lilijs posita, & ipse Christus qui est amator lictorū est in medio ipsorum, & colligit lilia uirtutum. Quoniam uero boni sunt cum ma-

lis, tunc sunt lilia cum spinis, & tunc boni debent sermare candorem suæ innocentiae, & odorem suæ famæ. Talis erat illud lilium cum spinis, qui dicebat. Cum his, qui oderunt pacem eram pacificus. Quando verò mali sunt cum malis, superbi cum superbis, tunc sunt spinæ cum spinis, & tunc mutuo se pungunt. Prouerb. 13. Inter superbos semper rurgia sunt.

Quinta causa est, quia lilium habet sex folia, & sex angulos in radice iuxta numerum foliorum. Sex folia sunt sex verba, quæ dicit Virgo beata. Sex enim vicibus legimus ipsam locutam fuisse, bis cum Angelo, scilicet, quando dixit: Quomodo fiet istud. Et quando dixit. Ecce ancilla Domini. Semel apud Helisabeth, quando eam salutauit, & Deum benedixit. Bis cum filio, quando dixit. Fili quid fecisti nobis sic. Et quando dixit. Vinum non habent. Semel cum ministris nuptiarum, quando dixit. Quodcumq; dixerit vobis facite. Ista autem sex folia, siue verba procedebant ex radice charitatis, quia omnia fuerunt verba charitatiua, idest, charitate plena. Et quamuis una sit radix charitatis, habet tamen sex dilectionis modos, sicut radix lilij, quamuis sit vna tamen habet sex angulos. Primus modus fuit quo ipsa dilexit Deum ipsum super omnia reuerendo. Secundus quo dilexit animam suam, ipsam in omni sanctitate custodiendo. Tertius quo dilexit corpus suum, ipsum in diuinitate custodiendo. Quartus quo dilexit domesticos, & propinquos ipsos moribus informando. Quintus quo dilexit amicos in Deum. Sextus quo dilexit inimicos propter Deum.

Sexta causa est, quia thalami, & cœnacula regum lilijs adornantur, ut iocundius quiescant, & uescantur. Et quia uirginis fuit thalamus, & cœnaculum Christi, ideo totus fuit lilijs adornatus, & circumdatus, iuxta illud Cant. 7. Venter tuus sicut aceruus tritici, uallatus lilijs. Tota enim fuit lilijs uallata. Nam à superiori fuit uallata lilio eminentis charitatis. Ab inferiori lilio profundæ humilitatis. Ab interiori lilio internæ puritatis. Ab exteriori lilio uirginitatis. A dextera lilio temperantiæ in prosperis. A sinistris lilio patientiæ in aduersis. Ab anteriori lilio prouidentiae in futuris. A posteriori lilio iustitiæ in præteritis, quia pro præteritis beneficijs
semper

semper Deo gratias referebat. Et hoc debitum iustitiæ requirebat. Et quia fuit lilijs nallata, & circumdata, ideo de ea cantat ecclesia. Et sicut dies uerni circumdabant eam flores rosarum. Inter ista lilia dilectus, idest, Christus placebatur. Can. 2. Dilectus meus mihi, & ego illi, qui pascitur inter lilia. Nam modo pascebatur lilio superiori, quia delectabatur in eius charitate. Modo lilio inferiori, quia delectabatur in eius humilitate. Modo lilio interiori, quia delectabatur in eius puritate. Modo lilio exteriori, quia delectabatur in eius uirginitate. Modo lilio à dextris, quia delectabatur in eius temperantia. Modo lilio à sinistris, quia delectabatur in eius patientia. Modo lilio anteriori, quia delectabatur in eius prudentia. Modo lilio posteriori, quia delectabatur in eius iustitia. Et quoniam sic tota fuit florida, ideo omnia, quæ per ipsam offerimus sunt Deo accepta. Ber. in sermone de nati. Virginis. Quicquid illud est, quod Deo offerre paras, gratissimis manibus Mariæ trade. Nimirum cādidissima lilia sunt, nec causabitur ille liliorū amator, inter lilia inueniam, quicquid sit, quod inter Mariæ manus interuenerit.

Septima causa est, quia lilium habet multiplicem uirtutē. Nam tumorem sedat, sanie purgat, morsum serpentis purgat. Eodem modo Virgo Maria sanat tumorem superbiæ exemplo suæ humilitatis, purgat sanie luxuriæ, exemplo suæ uirginitatis, curat morsum serpentinæ auaritiæ, exemplo suæ paupertatis. Auarus enim est morsus, siue cibus serpentis, quia avarus terram diligendo terra efficitur, & terra sit cibus serpentis, iuxta illud. Genes. 3. Terram comedes cunctis diebus uitæ tuæ. Ideo avarus datus est serpenti infernali in cibum.

LUX, ET LUMEN TRIBUITUR BEATÆ

Virgini varijs respectibus. Sermo LXXX.

LYCIDIA, & luminosa tota est Maria. De cuius luce, & luminositate dicitur Can. 6. Quæ est ista quæ progreditur quasi aurora consurgens, pulchra ut Luna, electa ut Sol, terribilis ut castrorum acies ordinata, Ista autem luminosi-

luminositas potest attendi ex parte sui, & ex parte nostri. Nam inquantum attenditur ex parte nostri, ipsa quibusdam lucet ad instar auroræ, scilicet quando tenebras culpæ fugat, & lucem gratiæ donat. Quibusdam ad instar Lunæ, quando eos ab æstu uitiorum refrigerat. Quibusdam ad instar Solis, quando eos ad amorem Dei inflamat, & accendit. Quibusdam ad instar aciei armatæ, quando ex refulgentia suorum meritorum dæmones terret, & fugat.

Secundò ista luminositas potest attendi ex parte sui, & tunc dicendum, quòd in ea fulsit lux auroræ in sui sanctificatione. Tunc enim Spiritus sanctus omnem nubem peccati originali abstulit, & ideo tota clara fuit, & refulsit. 2. Reg. 23. Lux auroræ oriente sole in mane absque nubibus rutilat. Aurora autem mox ut incipit semper crescit, donec diem perfectum facit. Sic beata Virgo post sui sanctificationem in utero semper creuit, donec perfectionis cumulum apprehendit. Prouer. 4. Semita iustorum quasi lux splendens procedit, & crescit usque ad perfectum diem. Ipsa enim fuit lux splendens in sanctificatione, & processit in Spiritus sancti superuentione, & facta est perfecta dies in sui Assumptione. Secundò in ea fuit lux Lunæ, & hoc in filij Dei conceptione. Eccl. 43. A luna ostensio temporis, & in signum eui. A luna signum diei festi. Ipsa enim sapientia diuina incarnata tunc ostendit suam temporalitatem, & festiuitatem, & æternitatem. Suam temporalitatem quantum ad naturam humanam, quam in tempore assumpsit, ideo dicitur. Ostensio luna temporis. Suam æternitatem quantum ad naturam diuinam, ideo subditur. Et signum eui. Suam festiuitatem, quando naturæ humanæ naturam diuinam uniuert, unde subditur. A luna signum diei festi. Tunc enim magnum festum fecerunt pater, qui ipsum filium incarnatum constituit. Filius qui ipsam naturam humanam sibi uniuert. Spiritus sanctus qui in Virgine superuenit. Virgo quæ suæ carnis materiam ministravit. Et ipse Angelus, qui hæc omnia nunciauit. Omnes isti in coniunctione naturæ humanæ cum diuina magnum festum fecerunt in utero Virginis. Terriò fulsit in ea lux solis, & hoc in sui Assumptione. De sole dicit Aug. Videmus solem fulgentem, calentem, & urentem,

Ipsa quidem est modo tota fulgida præ ineffabili claritate; tota ignita præ indicibili charitate, tota uelox & præpropta præ viscerosa pietate. Quartò. fuit in ea lux castrorum, ut acies ordinata, & hoc in omnium sanctorum, & angelorum ueneratione. Acies castrorum uno modo appellatur dispositiones stellarum, idest angelorum, & sanctorum, qui eam circumdant uenerantur & ornant. Ista est illa mulier, de qua dicitur Apocal. 12. quòd in capite eius erat corona stellarum duodecim. Duodenarius numerus ex duplici senario perficitur. Senarius autem est perfectus numerus. Per primum igitur senarium intelliguntur omnes de ecclesia militanti, qui habent perfectionem gratiæ. Per secundum senarium intelliguntur omnes sancti de ecclesia triumphanti, qui habent perfectionem gloriæ. Omnes isti sunt Beatæ Mariæ fulgens corona, quia ipsa est omnium regina.

BEATA VIRGO PIE CONSIDERATUR,
cur dicatur Luna. Sermo LXXXI.

LUNA dicitur Maria propter quatuor causas. Primò propter humilitatem suã. Sicut enim luna omnibus planetis est inferior, sic & Maria fuit omnibus sanctis humilior. Vnde & cum Lucas oēs Apostolos connumerasset ipsa in fine omnium connumerari uoluit tãquam quæ inferiorem se reputauit, ut hñ Act. 1. Hoc autem habet Luna proprium, quia crescit usque ad quartumdecimũ, uel quintumdecimũ diem, quousque. Si ipsa imago cuiusdã hois integræ videatur, & ultra crescere non pòt, & postea decrescit. Eodem modo Mariæ usq; ad ætatis suæ quartumdecimũ annum, & ultra amplius non potuit crescere, quia tunc in illa ætate creditur Christum concepisse, & tunc ipse qui est imago inuisibilis Dei, in eius utero ut perfectus exiit, non quantum ad ætatẽ, sed quãtum ad sapientiã, & oĩum grãiarũ plenitudinẽ. Hier. 31. Nouũ faciet Deus super terrã, mulier circundabit virũ. Postq̃ infantum creuit statim in sua reputatione decrescere cepit, quia non matre Dei non reginam cœli, sed ancillam Dei se reputauit dicens. Respexit humilitatẽ ancillæ suæ.

Ideo dicitur Eccl. 43. Luna quod est luminare, quod minuit in consumatione, quia beata Virgo se humiliavit multum in filij Dei conceptione, sed postmodum decreuit præ tristitia, & dolore in sui passione. Luna autem crescens habet cornua uersus solis ortum, decrescens uero uersus Solis occasum, quæ habuit Maria, quæ ipsam disposuerunt ad Christi ortum, s. humilitatem, & uirginitatem, cum quibus quasi cum duobus cornibus circunrespiebant eius ortum. Eius autem occasum, idest, passionem respexit cum alijs duobus cornibus, cū dolore quem habuit in filij morte, & cum gaudio quem habuit de humani generis redemptione.

Secundò dicitur Luna propter pietatem. Ipsa autem pietatem ostendit maxime super tria genera hominum. Primò super illos, qui sunt in deuotione aridi. Sicut enim Luna est magis propinqua terræ cæteris planetis, sic & ipsa vicina est illis, qui se reputant aridos sicut terra, qui suam ariditatem cognoscentes dicunt cum Ps. Anima mea sicut terra sine aqua tibi. Et sicut crescente Luna crescunt medullæ, sic & adueniente auxilio Virginis crescit medulla deuotionis. Deuotio enim est medulla, & irrigatio ossium. Prouer. 3. Sanitas quippe erit in umbilico tuo, & irrigatio ossium tuorum. Secundò ostendit super illos, qui sunt amaricati. Sicut enim Luna mari dominatur, sic & ipsa tribulatis auxiliatur, unde ipsa uocatur stella maris. Tertiò ostendit super illos, qui sunt in tenebris peccatorum inuoluti. Sicut enim Luna lucet in nocte, sic Maria lucet peccatoribus, qui sunt in obscuritate culpæ. Nam sicut dicitur Gene. 1. Fecit Deus duo magna luminaria & posuit in firmamento cæli, luminare maius, idest, Christus, ut præesset diei, & luminare minus, idest, Maria, ut præesset nocti, idest, peccatoribus, qui sunt in obscuritate culpæ. Et sicut Luna præ cæteris planetis perficit cuius sum suum, sic Maria præ cæteris sanctis peccatoribus citius præbet auxilium suum.

Tertiò dicitur Luna propter suam uicinitatem, unde dicitur de Luna secundum unam literam Eccl. 43. Vas castorum in excelsis. Vas in firmamento cæli resplendens gloriosa. Luna enim dicitur uas castorum, quia ad literam olim mulieres castæ, & casti uiri ipsam uocabant Lunam lucinam, sed mo-

do per synecopam dicitur Luna. Vnde dicit de ea Virgilius. Casta fame lucina tuis. Habebat enim uirgines duas deas, scilicet, ipsam Lunam, & unam aliam quam uocabant Vestem. Vnde & deæ Vestę fecerunt templum, & ibi in uirginitate suis obsequijs insistebant. Istud uas castorum fuit beara Virgo quę intra sua uiscera pietatis, recipit omnes qui habent mundiciam castitatis, & resplendet in firmamento cęli gloriose, quia in ecclesia militanti omnibus dat exemplum uirginitatis perpetuę.

QVÆ LVCIS DISCRIMINA HABET

Luna, equalia habet & Beata Virgo.

Sermo LXXXII.

LUNA est beata Maria. Ipsa enim est Luna pulchra. Can. 6. Pulchra ut Luna. Eccl. 53. Quasi Luna plena in diebus suis. Et Luna perfecta. ps. Thronus eius sicut sol in conspectu meo, & sicut Luna perfecta in æternum, &c. Est igitur Luna inmo pulchrior, quàm Luna. Luna enim habet lucem mutuata, eclypsatam, uariatam, & maculis respersam. Habet quidem lucem mutuata, quia non lucet luce propria, sed à sole mutuata. Tales sunt hypocrite, qui habent lucem mutuata, non à uero sole iustitię, sed ab humano fauore. Ioan. 5. Quomodo potestis uos credere, qui ab inuicem gloriam quæritis, & gloriam quę à solo Deo est non quæritis? Virgo quidem beata habet lucem mutuata, sed à sole iustitię, non ab humano fauore. Psalm. Omnis gloria eius filiæ regis, &c. Secundò Luna habet lucem eclypsatam, sic & beata Virgo uisa est eclypsi propter doloris uehementiam, sed eclypsiari non potuit quo ad fidei constantiam. Eccle. 24. Usque ad futurum sæculum non desinam. Fides quidem Apostolorum in passione desijt, sed fides Marię desinere non potuit. Tertiò Luna habet lucem uariatam, quia sæpe in luce uariatur, & mutatur. Vnde dicitur Eccle. 22. Stultus, ut Luna mutatur. Est autem quadruplex mutabilitas. Primà est in mente, quę per diuersas affectiones sæpe mouetur. Secunda est in corpore, quę multiplici mutabilitati, & corruptioni subijci-

perdidit suum. Spiritus enim Mariæ magis erat in filio, quā in corpore proprio. Ber. Tuam Virgo Beata pertransiit. animam vis doloris, ut te plusquam matrem non immerito predicemus, in qua nimirum corporeæ sensum passionis, excessit affectus compassionis. Nihilominus tamen etiam tunc lucebat, quia lumen fidei inextinguibiliter conseruabat. Sapient. 7. Inextinguibile est lumen illius. Prouer. vii. Non extinguetur in nocte lucerna eius. Eccles. 24. Ego feci in cœlis, ut oriretur lumen indeficiens. Duo quidem sunt cœli, qui nunquam lumē suum amiserunt, scilicet, Christus, qui etiam in morte non perdidit lumen suæ deitatis, sed etiam eius deitas fuit cum corpore in tumulo, & cum anima in limbo. Aliud cœlum fuit mater sua, quæ lumen fidei, & gratiæ nunquam amisit. Quando Luna est super terram, & sol recto diametro in opposito subter terram, tunc Luna obscuratur, uel obfuscatur, siue eclypsat, sed non sic est de Luna nostra, quia quando sol Christus fuit subter terram in inferno Luna nostra super terram remansit, & tamen lumen fidei amittere non potuit, quia umbra terræ, idest infidelitas terrenorum ad eam ascendere nequiuit, & tenebra infidelitatis eam non comprehendit. Vnde quod dicitur de filio potest dici de ipsa lux in tenebris lucet, & tenebræ eam non comprehenderunt, cæteræ autem stellæ, i. Apostoli obscurari fuerunt, quia lucem fidei perdididerunt. Iob 3. Obtenebrentur stellæ calligine eius.

A PROPRIETATIBVS LVCIS DICTVM

lux meritò Beata Virgo. Sermo LXXXIII.

LVX dicitur beata Maria propter multas ipsius lucis proprietates. Lux enim primo habet in situ sublimitatem, quia oritur de cœlo, & in cœlo. Eccle. 24. Ego feci in cœlis, ut oriretur lumen indeficiens. Istam sublimitatem habet Virgo Maria, quæ est sublimior uniuersis Eccl. 23. Quare dies diem superat, quia dies æstivalis superat diem hyemalē, & lux Solis lucē Lunæ, & annus annum, & Sol Solē, ad litteram em̄ dies superat diem, quia dies æstivalis superat diē hyemalē, & lux Solis lucē Lunæ, & annus solaris annū solarē,

Sermo LXXXIIII.

quia solaris habet 365. lunaris vero 354. Sol etiam superat solem non alium, sed seipsum in calore, & in mora. Nunc enim calidior nunc minus calidus sentitur. Nunc plus moratur, nunc modo emisperior, nunc vero minus. Possunt tamē ista verba exponi de Beata Virgine. Sancti enim sunt dies. 1. Thessal. 5. Omnes vos filij lucis, & filij Dei. Angeli vero sunt lux. Genes. 1. Fiat lux, & facta est lux. Beata autem Maria in præsenti vita etiam fuit dies propter claritatem, & & sanctitatem suæ vitæ, & fuit lux propter puritatem uirginalis munditiæ. Dies ergo superat diem, quia eius sanctitas superabat omnem sanctitatem humanam, & lux superabat lucem, quia eius puritas superat omnem puritatem angelicam. Non tantum superabat sanctos, & angelos dum esset in hac vita, sed etiā superabat omnes qui sunt in gloria. Et ideo subditur. Et annus annum, & sol solem. Est enim quidam annus qui est æternitatis qui est in gloria, & est annus temporalis, qui est in præsenti uita. Sancti igitur qui sunt in gloria, sunt in anno æternitatis quantum ad animam, sed in anno temporalitatis quantum ad corpus, quia eorum corpora adhuc corruptioni subijciuntur. Beata autem Virgo est in anno æternitatis, & quantum ad animam, & quantum ad corpus, & ideo eius annus alios annos superat, similiter & sol solem superat. Animæ enim Beatorum ad instar solis splendent Dei claritate, & calent Dei amore. Sed tamen anima B. Virginis omnibus alijs plena est maiori Dei cognitione, & fulget magis Dei amore. Et ideo sol superat solem. Secundò lux habet in substantia puritatem. Sic & Virgo Beata omnimoda habuit puritatem. Non. n. est aliquis ita sanctus in cuius cor aliquando non intret aliqua uana cogitatio, uel sinistra intētio, uel aliqua carnalis affectio. De ista autem dicitur Sap. 7. Vapor eius uirtutis Dei, & emanatio quædam claritatis Dei sincera, & ideo nihil inquinatum in illā incurrit. Ipsa. n. habuit cogitationes odoríferas. Ideo dicitur, q̄ sit uapor Dei. Habuit intentiones sinceras. Ideo dicitur q̄ sit sincera emanatio Dei. Habuit affectiones mūdas. Ideo dicitur, q̄ nihil inquinatum in illa incurrit. Tertiò lux habet in aspectu delectabilitatem. Eccl. 1. Dulce lumen, & delectabile est oculis uidere solem.

Tria sunt in Beata Virgine, quæ faciunt Dei magnam delectabilitatem, scilicet decora facies eius. Dulcedo vocis eius. Et pulchritudo eius. De duobus primis dicitur Cant. 2. Ostem de mihi faciem tuam sonet vox tua in auribus meis. Vox enim tua dulcis, & facies tua decora. Pulchritudo vero eius tanta est, quod vincit omnem aliam pulchritudinem. Sap. 7. Speciosior est sole. Vincit pulchritudinem intellectualem, & super omnem dispositionem stellarum luci comparata inuenitur prior. Vincit pulchritudinem rationalem. Illi enim succedit nox. Sapientia autem vincit malitiam. Ex quibus verbis habetur, quod eius pulchritudo vincit pulchritudinem corporalem, scilicet solis. Ideo dicitur. Speciosior est sole. Vincit pulchritudinem intellectualem. Ideo subditur. Super omnem dispositionem stellarum, id est angelorum luci comparata inuenitur prior. Vincit pulchritudinem rationalem, quia non est aliquis in hac vita in cuius intellectu non sit aliqua nox ignorantiae, & in affectu aliqua macula affectionis terrenae. Sed Beata Virgo habuit intellectum clarissimum sine nocte alicuius ignorantiae. Ideo subditur. Illi enim, scilicet luci rationali succedit nox. Habuit enim affectum sine macula alicuius affectionis terrenae. Ideo subditur. Sapientia autem vincit malitiam. Propter ista tria tam Deo delectabilia. scilicet faciem eius, vocem eius, & pulchritudinem eius, dicitur Iudith 11. Non est talis mulier super terram in aspectu, in pulchritudine, in sensu verborum. Quartò lux habet in motu velocitatē, quia sine temporis spatio replet omnia in momento. Sic B. Virgo est velocissima ad nobis subueniendū. Sap. 7. Omnibus mobilibus mobilior est sapientia. Ipsa enim desiderantes præoccupat Sap. 6. Præoccupat qui se concupiscunt, ut se illis prior ostendat. Ipsa circuit, ut inueniat seipsa dignos existentes. Dignos seipsa circuit querēs, & in vijs suis ostendet se illis hilariter, ipsa obuiat querentibus. Ecce. 16. Obuiabit illi quasi mater honorificata. Ipsa assistit inuenientibus. Sap. 6. Qui de luce vigilauerit ad illam non laborabit. Assistente. n. illam foribus suis inueniet. Quintò lux habet in affectu utilitatē, quia dirigit itinerantes, excitat dormientes, calefacit frigidos, & assecurat timidos. Sic lux græ Dei, q̄ h̄c per Mariā, itinerantes

per viam huius mundi dirigit. Io. 12. Qui ambulat in tenebris nescit quo vadat, quia lucem huius mundi non videt. Secundò dormientes in peccatis surgere facit. Ephes. 5. Surge qui dormis, & exurge à mortuis, & illuminabit te Christus, idest gratia Christi, quæ habetur per Mariam. Ipsa frigidus in Dei amore calefacit. Vbi enim minus est de luce, ibi minus de calore. Sed Beata Virgo lucem suæ gratiæ spargit, & sic æstus diuini amoris in cordibus nostris accendit. Iob. 37. Per quam viam spargitur lux, diuiditur æstus super terram. Ipsa timidos securos reddit. Multi enim timent in tenebris, qui in luce sunt securi. Et ista securitas de æterna beatitudine non habetur nisi per spem. Dominus illuminatio mea, & salus mea quem timebo. Et infra. Si consistent aduersum me castra in hoc ego sperabo. Propter ista quatuor ipsa dicit Ecclesiast. 24. Ego mater pulchræ dilectionis, &c. Ipsa enim frigidus in Dei amore calefacit. Ideo dicitur. Mater pulchræ dilectionis. Ipsa dormientes in peccatis surgere facit. Ideo dicitur. Timoris, quia sicut dicitur Prouer. 15. Per timorem Domini declinat omnis à malo. Ipsa errantes in via salutis sapienter dirigit. Ideo dicitur. Et agnitionis. Ipsa timidos ad spem salutis reducit. Ideo dicitur. Et sanctæ spei.

DIGNITAS BEATÆ VIRGINIS PUL-

chritudo, & bonitas facit vt dicatur lux.

Sermo LXXXV.

LVX Beata Maria merito dici potest. Lux enim omnia corpora excellit sua dignitate, vnde dicit Augustinus, quòd inter corpora lux primum locum tenet. Omnia clarificat sua pulchritudine. Vnde dicit Ambrosius, quòd lux facit vt cætera mundi membra sint pulchra & laudibus digna, omnibus se communicat ex sua bonitate, quia bonum est sui communicatiuum. Ideo lux est tantæ bonitatis, quia mox, vt ipsa oritur per totum orbem diffunditur. Beata igitur Maria dicitur lux propter suam dignitatem pulchritudinem, & bonitatem. Sicut enim lux excedit omnia corpora,
sic

Tertio dicitur Luna perfecta. Tunc autem Luna est perfecta quando habet lucem perfectam, & illuminat noctem totam. Sunt quidam qui habent lucem plenam, quia habent activam, & contemplativam vitam. Alij semiplenam, quia habent tantum alteram illarum. Alij vacuum, quia carent utraque. Virgo autem Maria semper fuit Luna perfecta, quia semper utraque vita refulsit. Luna etiam tunc est perfecta, quando lucet in principio noctis, in medio, & in fine. Sunt quidam qui fulgent in principio, sicut bene incipientes. Alij in medio, sicut bene proficientes. Alij in fine, sicut bene finientes. Virgo autem beata fulsit in principio suo, quia in utero fuit sanctificata. In medio, quia fuit à filio Dei impregnata. In fine, quia fuit ad Christi dexteram gloriose assumpta. Psal. Astitit regina à dextris tuis. Item. Thronus eius sicut Sol in conspectu meo. Vel potest dici, quod ipsa est thronus Dei in quantum in ipsa Deus sedit, & requieuit. Et sicut Sol, in quantum dat iustis lucem sapientiæ, & calorem diuinæ iustitiæ. Et sicut Luna, in quantum lucet peccatoribus, qui sunt in nocte culpæ. Vel in quantum lucet in tribulatione. Et est sicut testis fidelis, in quantum dicit veritatem coram Deo pro utriusque, scilicet, iustis, & peccatoribus, quia sicut dicitur Prover. 14. Testis fidelis non mentitur.

*APTE REFERUNTUR AD B. VIRGINEM
accidentia Luna circa lumen. Sermo LXXXIII.*

LUNA aliquando ex toto est tota obscura. Aliquando ex toto est lucida. Aliquando ex parte obscura. Aliquando ex parte lucida. Et significat Virginem Mariam, quæ aliquando fuit obscura, aliquando lucida. Aliquando ex parte obscura, aliquando ex parte lucida. Luna autem tripliciter obscuratur sicut dicit Aug. Aut quando nubibus obumbrat. Aut quando eclypfatur. Aut quæ renouatur sicut patet in noui lunio. Sic B. Virgo in hoc mundo fuit tripliciter obscurata. Primò propter nimiam humilitatem, quæ fuit quasi quædam nubes obscura, quæ suam claritatem obumbravit. Can. 1. Nigra sum, sed formosa. Ac si dicat. Nigra sum exterius per humilitatem, sed formosa interius per maiestatem.

sic Virgo excedit omnia creatura tam angelos, quam alios Sanctos. Sap. 7. Super omnem dispositionem stellarum, idest angelorum, & sanctorum luci comparata prior inuenitur. In hoc etiam ostenditur eius magna dignitas, quia sicut de luce primaria lucida nubecula Sol fuit factus, sic de Virgine lucida Sol iustitiæ fuit natus. In hoc etiam apparet eius dignitas, quia ceteri Sancti vocantur luminaria, vt habetur Phil. 2. Ipsa vero dicitur sole amicta, vt habetur Apoc. 12. Bernar. Tunc Maria sola perhibetur amicta, quia diuinæ sapientiæ profundissimam penetrauit abyssum, vt quantum creaturæ conditio sicut personali vniõne patitur illi luci inaccessibili videatur immensa.

Secundò dicitur lux propter suam pulchritudinem de cuius pulchritudine dicitur Sap. 7. cap. Candor est enim lucis æternæ, & speculum sine macula, & nihil in quantum in ea incurrit. Habuit enim corpus candidum & Virgineum. Habuit spiritum tanquã speculum, quia clarè speculabatur Deum. Habuit aiam incoquinatam, quia nullum habuit peccatũ.

Tertiò dicitur lux propter suam bonitatem qua omnibus beneficia sua communicat, vnde potest dici illud de ea illud Isa. 49. Dedi te in lucem gentium, vt sis salus mea vsque ad extremum terræ. Nam secundum capacitatem recipientium infundit lucem suam gratiarum. Prouer. 4. Iustorum semita quasi lux splendens procedit, & crescit vsque ad perfectum diem. Quibusdam se infundit in modũ aurore siue lucis splendentis sicut incipientibus quibus dat gratiam præminentem. Alijs in modum lucis crescentis sicut proficientibus quibus dat gratiam proficiẽtem. Alijs in modum diei perfectæ sicut ipsis perfectis quibus dat gratiam perficientem. Vel potest dici qd lux habet multiplicẽ virtutem propter quas Virgo Beata luci assimilatur. Primò enim habet virtutem lætificatiuam. Prouer. 15. Lux oculorum lætificat oculos. Sic Beata Virgo lætificauit Deum propter suam humilitatem. Hester. 8. Iudæis noua lux oriri visa est, gaudium honor, & tripudium. Ipsa. n. fecit gaudium Deo, honorem generi humano, & tripudium angelo. Secundò lux habet virtutem conuersiuam. Nam in visceribus terræ argentum viuum conuertit in aurum. Sic etiam

etiam Virgo beata homines instabiles, & fluxibiles sæpe facit perfectos, & perseverantes dum eorum viscera penetrat; & ea illustrat. Eccle. 24. Penetrabo inferiores partes terræ: Job 22. Dabit pro terra scilicem, & pro scilicet torrentes aureos. Sunt quidam terreni .i. fragiles, & infirmi. Alij sunt sicut filix, idest, constantes, & fortes, sicut boni actiui. Alij sunt aurei .i. charitate pleni sicut contemplatiui. Beata igitur Virgo dat pro terra scilicem, quæ actiuos debiles facit et contemplatiuos, & in Dei amore deuotos. Tertiò lux habet virtutem maturatiuā. Fructus enim acerbos sonet, & nutrit, & ad maturitatem, atq; ad dulcedinem perducit. Nam sicut Philosoph. Sol est pater planetarum, & Luna mater. Sic etiam Maria affectiones immaturas .i. indeuotas perducit ad maturitatem, hoc est ad internæ deuotionis suauitatē. Et sic Christus omnium affectionū sanctarū est pater, ita Maria est mater, unde dicit Deus. 33. De pomis fructum Solis, & Lunæ .i. generatis, & maturatis beneficio Solis, idest, Christi, & Lunæ .i. Virg. Mariæ. Fructus etiam acerbos .i. tribulationes amaras conuertit in dulcedinem, quod significatum est Io. 2. Vbi Christus ad preces matris aquam conuertit in uinum, quia Deus ad preces Virginis aquas tribulationis conuertit in uinum internæ consolationis.

*QVIA B. VIRGO QVINQVE EFFECTVS
habet gratiarum, manus Dei dici potest.*

Sermo LXXXVI.

MANVS Dei est Virgo Maria, de qua dicitur Can. 5. Manus eius tornatilis aureæ plenæ hiacinthis. Vbi quattuor dicuntur secundum quod ipsa est manus, & manus tornatilis, & aurea, & hiacinthina. Dicitur autem manus, quia sicut in manu sunt quinque distinctiones digitorum, sic in ipsa sunt quinque effectus gratiarum. Primus namque digitus pollex dicitur à polendo, eo quod præ cæteris poleat virtute, & potestate. Secundus dicitur index, quia per illum omnia indicamus. Tertius dicitur medius, siue medianus, quia medius est hinc, & idem. Quartus dicitur medicinalis, quia eo à medicis tota collilia colliguntur. Quintus dicitur auricularis, quia per eum

etiam aures sculpsimus, ut dicit Isido. Ita igitur B. Maria est nobis tanquam polex, quando potenter nos in ciuitatem ecclestem introducit. Eccl. 24. In Hierusalem potestas mea: Tunc est sicut index, quia sapienter uia quæ ducit ad ciuitatem ecclestem nobis ostendit. Ipsa. n. ambulanti. obuiat, & per uiam ducit. Eccl. 25. Obuiabit illi quasi mater honorificata. Prou. 4. c. Dicam te per semitas equitatis, &c. Tunc est nobis sicut digitus medius, quando tanquam mediatrix Deo nos reconciliat. Tunc est nobis sicut digitus medicinalis, quando vulnera peccatorum nostrorum sanat. Eccl. 24. Medicina omnium in festinatione nebula. i. infestum subiectione Mariæ, quæ dicitur nebula, quia fuit à terrenis eleuata. Tunc est sicut digitus auricularis, quando aurem cordis nostri aperit, ut Dei uerba audiamus dicentis Eccl. 39. Obaudite me diuini fructus. Eccl. 24. Qui audit me non confundetur.

Secundò ista manus fuit cornatilis, vas tornatile, quod à torno efficitur. Accipit autem ab ipso torno rotunditatem. A rotunditate mobilitatem. A mobilitate uelocitatem. Manus igitur B. Mariæ facta sunt à torno, idest, ab opifice Deo, & ex hoc habent rotunditatem. Vas autem torundum nullum habet angulum, quia ubi angulus ibi impuritas, ibi obscuritas, ibi obliquitas, sed ipsa ad tornum facta est, quia in ipsa nulla fuit impuritas culpæ, nulla obscuritas ignorantie, nulla obliquitas intentionis obliquæ. Secundò habet mobilitatem, uas quadrum ad mouendum est tardum, sed res rotunda ad mouendum est apta, sic & ipsa leui motu nostri desiderij cito mouetur. Sap. 6. c. Omnibus mobilibus mobilior est sapientia. Tertio habet uelocitatem, quia uelociter ad auxilium nostrum uenit. Sapient. 7. Præoccupat qui se concupiscunt, ut eis se prior ostendat. Vnde ipsa dicere potest illud quod dicitur Isa. 65. Antequam clament ego exaudiam, & ad huc illis loquentibus ego audiam.

Tertio ista manus fuit sicut aurum. Aurum est pulchrum, incorruptibile, & lucidum, siue clarum, sic & ipsa fuit pulchra in mente per puritatem, fuit clara in conuersatione per honestatem, fuit incorrupta in corpore, & in mente per castitatem, & uirginitatem. De his tri-

Sermo. LXXXVI.

bus. dñ. Sap. 4. O q̃ pulchra est casta generatio cum claritate.
 Quarto ista manus fuit hiacinthina. Assimilatur autē Virgo hiacintho, ratione nominis, coloris, & virtutis. Ratione nominis, quia hiacinthus dicitur esse quidam flos, colorem habens purpureum. Dicitur etiam esse lapis preciosus. Dicitur etiam esse nomen cuiusdam pueri famosi, qui inter illos flores mortuus est inuentus, & ab eius nomine flores illi vocati sunt hiacinthi, versus. Flos est hiacinthus lapis est hiacinthus homoque. Cum sit uterque bonus melior est tamen vir utroque, per quod datur intelligi, quod ipsa fuit tamquam flos. i. florida per virtutum amenitatem. Vnde cantat ecclesia. Sicut dies uerni circumdabant eam flores rosarum. Ipsa fuit sicut lapis preciosus propter Dei, & proximi charitatem. Isa. 28. Ponam in syon, idest in ecclesia militanti lapidem preciosum. De isto lapide pteioso charitatis dicit Augustinus in lib. de doctrina Christiana, Thesaurus est magnus diuinarum scripturarum. Si piger eras ad perscrutandum thesaurum, non sis piger unam margaritam ferre sub lingua, & quouis securus ambula. Ipsa etiam fuit virilis propter constantiam, & magnanimitatem. Prouer. vlti. Accinxit fortitudine lumbos suos, & roborauit brachium suum. Secundò dicitur hiacinthus ratione coloris. Nam sicut dicit Isidorus. Eius color nec nimis est clarus, nec nimis obscurus, sed ex utroque temperatus. Deus habet infinitam claritatem. Homo uero respectu Dei habet quandam obscuritatem. Claritas autem beatę Marię Virginis nec est clara sicut diuina, nec obscura sicut humana, sed est in medio constituta. Est quidem minor, quàm diuina, sed maior, q̃ angelica, uel humana. Iō assimilatur Lunę Can. 6. Pulchra ut luna. Sicut enim claritas Lunę minor est, quàm claritas solis, sed maior, quàm claritas stellarum, sic claritas beatę Virginis est minor, quàm claritas Dei, sed maior, quàm claritas sanctorum, uel etiam angelorum. Tertiò dicitur hiacinthus ratione virtutis. Sicut enim dicitur de proprietatibus lapidum, hiacinthus habet cor confortare, tristitiam expellere, inter inimicos tutum seruare. Sic ipsa confortat cor dans cibum gratię. Eccl. 35. Cibauit illum pauperi, & intellectus. Expellit tristitiam dans lætitiā iocunditatis

ditatis internæ. Ibidem. Iocunditatem, & exultationem the-
saurizauit super eum. Et custodit ab insidijs fraudis diaboli.
Sap. 4. Custodiuit illum dominus ab inimicis, & à seductori-
bus tutauit illum.

GRATIARVM GRADVS, QUI FVERVNT

in Beata Virgine; eam dici Mare approbant.

Sermo LXXXV II.

MA R E dicitur Beata Maria, vnde etiam interpretat
amarū mare. Sicut. n. in mare est congregatio oīum
aquarum, sic in ipsa est congregatio omnium gratia-
rum vocatur Maria, ut dicitur Gene. 1. sic congregatio om-
nium aquarum, idest omnium gratiarum vocatur Maria. In
mari autem tria considerantur. Est enim origo fontium, ibi
est plenitudo aquarum, ibi est amantitudo saporum. Sicut igitur
Mariæ est origo omnium fontium, & fluuiorum, sic bea-
ta Virgo est origo, & principium omnium gratiarum. Et sicut
à mari fluunt diuersæ aquæ, sic à Maria fluunt, & manant di-
uersæ gratiæ. A mari quidem fluunt aquæ puteales, fontales
& fluminales. Istæ aquæ similiter fluunt ab ipsa. Canticorum
4. Fons hortorum, puteus aquarum uiuentium, quæ fluunt im-
petu de libano. Per istas tres differentias aquarum intelligun-
tur tres gradus gratiarum, quæ omnes à Maria in nos fluunt,
quæ sunt gratia incipiens, siue præueniens, proficiens, & per-
fecta. Gratia incipiens significatur per aquam putealem, de
qua dicitur. Puteus aquarum uiuentium. Puteus habet aquā
occultam, quia gratia præueniēs peccatorum ex meritis suis
non datur, sed quadam Dei occulta inspiratione infunditur.
Et dicitur aqua uiua ex eo, quod peccatorem, qui erat mor-
tuis per culpam uiuificat per gratiam. Ista est aqua quæ egre-
ditur à templo, idest à Maria, quæ est templum Dei, quæ ui-
uificat oīa, ad quæ uadit, ut habetur Eccl. 47. Per aquā fontale
intelligitur aqua proficiens, de qua dicitur fons hortorum, q
hortus Dei sunt ipsi proficientes, in quibus sunt herbæ, & plā-
tæ diuersarum uirtutum. Sed nec ipse herbæ, & plantæ possēt
germinare, nec crescere, nec proficere nisi sint ab ipsa aqua
gratiæ

gratiæ irrigatæ. Gen. 1. Fons ascendebat de terra, idest de Virgine Maria irrigans uniuersam superficiem terræ. Per aquam fluuialem, quæ fluuit cum impetu intelligitur gratia perfecta, de qua subditur. Quæ fluunt cum impetu, quia illos quos replet facit esse, sollicitos, & feruentes, propter quod dicitur Ezech. 1. Vbi erat impetus spiritus illuc gradiebantur. Impetus enim accipitur ibi in bonam significationem, scilicet, pro desiderio, & feruore. Talis impetus aquarum, idest talis feruor, & desiderium gratiarum facit magnam lætitiā animarum. Ps. Fluminis impetus lætificat ciuitatem Dei. Sunt enim quædā aquæ stantivæ, quæ putrescunt, & significant peccatores, qui stant, & requiescunt in fœcibus peccatorum. Hier. 48. Requieuit in fœcibus suis. Aquæ quæ lentè fluunt significant tepidos qui lentè, & tepidè operantur. De quibus dicitur Apoc. 3. Vt inam frigidus esses, aut calidus, sed quia tepidus es, incipiam te euomere ex ore meo. Aquæ impetuosæ, quæ cum impetu fluunt significant uirōs perfectos, qui sunt spiritu feruentes, & sollicitè operantes. Ro. 12. Spiritu feruentes. Ab isto etiā mari, idest Virgine Maria continuè in nos fluunt quatuor flumina, de quibus ipsa dicit Eccl. 24. Ego mater pulchræ, & dilectionis, &c. Olim totus mundus erat uacuus, amore Dei, timore Dei, fidei Dei, & spe Dei, sed uenit Maria, per quā inflāmemur, ut Deum diligamus. Influxit & timorem filialem, per quem incitemur, ut ipsum filialiter timeamus. Influxit cognitionem Dei, per quam ipsum ueraciter credamus. Influxit spem Dei, per quam in ipsum fiducialiter speremus.

Secundò in mari est magna plenitudo aquarum, sic in B. Maria fuit plenitudo maxima gratiarum. Bernar. tractans illud. Ave gratia plena sic dicit. Ipsa quidem plena fuit in ore gratia affabilitatis, in uentre gratia deitatis, in corde gratia charitatis, in manu, siue in opere gratia misericordiæ & largitatis. Propter istas quatuor plenitudines gratiarum ipsa dicit Eccl. 24. In me omnis gratia uitæ, & ueritatis, &c. In ipsa quidem fuit gratia uitæ in quantum, scilicet, illum qui est uera uita gestauit in uentre. In ipsa fuit gratia ueritatis, in quantum ueritatem, & affabilitatem habuit in ore. In ipsa fuit gratia spei, in quantum misericordiā, & largitatem habet in ope,

te, quapropter omnes in eam, & de ea sperabant. In ipsa fuit gratia virtutis, in quantum habuit charitatem in corde. Ipsa enim charitas antonomasticæ dicitur virtus, ex eo quòd est forma, & perfectio omnium uirtutum.

Tertiò in mari est amaritudo aquæ, sic in B. Maria fuit quadruplex amaritudo. Prima causata fuit ex filij sui amissione. Vnde amaritudinem sui doloris ipsa expressit dicēs Luc. 2. Fili quid fecisti nobis sic. Ecce ego & pater tuus dolētes quærebamus te. Dolebat enim, quia timebat, q̄ in manus filiorū Herodis deuenisset, uel q̄ ad gentes longinquas prædicandas profectus fuisset, uel q̄ dimissa redemptione generis humani redemisset ad patrem. Secunda amaritudo fuit causata in ea ex intima compassione. Ipsa enim compassa fuit uerecundix sponsi, cui uinum in nuptijs defecerat. Fuit compassa populo suo, qui à Deo reprobatus erat. Quia enim nemo unquam carnem suam odio habuit, sed nutrit, & fouet eam, ut dicitur Ephe. 5. Ideo gentem suam, de qua descendere, & quæ caro sua erat odire non poterat, sed ex sua exceccatione magnam compassionem habebat. Ipsa compassa fuit Apostolis qui in passione Christi fuerant dispersi, erant tribulati, erāt etiam à fide Christi separati. Tercia amaritudo fuit causata in ea ex dolorosa filij passione. Ille enim dolor in ea magnus fuit tripliciter, scilicet, intensiue, quia usque ad animam penetrauit. Lucæ. 2. Tuam ipsius animam pertransibit gladius. Fuit magnus extensiue, quia per dies quatuor se extendit continuos. Nam incepit eius dolor feria quarta, quia tunc mors Christi fuit firmata, & tractata. Continuatus fuit in feria quinta, quia tunc in sero fuit captus, colaphizatus, & delusus. Continuatus etiam fuit usque in feria sexta, quia tunc filius suus in sepulchro fuit clausus. Fuit magnus ostensiue, quia dolorem suum ostendebat singultu cordium, abundantia lachrymarum, uocis clamoræ, conuulsione, pectoris tensione, & manuum allusione. Vnde poterat dicere illud Ruth. primo capitulo. Nolite me uocari noemi, idest pulchra, sed uocatæ me amara, quia amaritudine repleuit me dominus.

Quarta amaritudo causabatur ex sua in hoc mūdo peregrinatione.

Sermo LXXXVII.

grinatio. Et istā peregrinationem moleste ferebat quatuor de causis. Primò quia nimis lēgē erat. Secūdò quia inter malos habitabat. Propter ista duo dicere poterat cum Propheta. Heu mihi quia incolatus meus prolongatus est habitavi cum habitantibus cædar, multum incola fuit anima mea. Cædar interpretatur, tenebra, & significat Iudæos tenebrosos inter quos habitabat. Terriò ex eo, quòd tota curia cœlestis ipsam cum desiderio expectabat, unde poterat dicere cum Propheta. Educ de carcere animam meam, ut confiteatur nomini tuo, me expectant iusti, idest, omnes angeli, & sancti donec retribuas mihi. Quartò ex eo, quòd filij præsentia carebat qui erat fructus ventris sui, unde potest dici de ea multo magis quam de alijs sanctis illud, quod dicit Propheta. Cum dederit dilectis suis somnum, ecce hæreditas Domini filij merces fructus ventris. In Christo quidem fuit vera diuinitas quam videre est tota merces, & tota gloria gloria beatorum. Est etiam in eo uera humanitas in quantum fuit fructus ventris Beatæ Virginis, quam etiam humanitatem videre est gloria, & beatitudo sanctorum.

MERITO AEQVIPARATUR BEATA VIRGO
Margarita preciosa. Sermo LXXXVIII.

MARGARITA considerari potest quantum ad sui generationem, qualitatem, & uirtutem. Generantur autem Margaritæ secundum Isid. in Conculinis marinis, unde & a mari margaritæ uocantur. Certo tempore maximè tempore uernali, & in autumno ipse coelestis ad littus maris accedunt, & ita se aperiunt, & rorem cœlestem intra uiscera sua capiunt, ex cuius coagulatione margaritæ generantur. Ista coelestis sine concula est Virgo Maria, quæ se aperuit, ut rorem cœlestem reciperet, & margaritam. i. Christum intra uiscera conciperet. Nam aperuit angelo consensum suum, ut Deo in omnibus obediret, quando dixit. Ecce ancilla Dñi. Nam aperuit Christo uterum suum, ut ibi eum reciperet. Aperuit Spiritui sancto animum suum, ut in eam superueniret. Et post apertionem consensus uteri, & animi sui ros cœlestis Spiritus san-

Et in eam descendit, & istam margaritam in eius utero gene-
 raui. De ista tali spiritus sancti oratione, & Beatę Virginis
 apitione dñ Isa. 45. Rorate cęli desuper, & nubes pluant iu-
 stum, aperiatur terra, & germinet Saluatorē. Ista est illa mar-
 garita de qua dñ Matt. 13. Inuenta autem vna preciosa mar-
 garita abiit, & vendidit omnia, quę habuit, & emit eam. De-
 bemus. n. omnia, quę habemus Deo vendere, vt possimus ip-
 sam margaritam nobis emere. s. corpus nostrum per macera-
 tionem animam nostrā, & corpus nostrum per purificationē,
 & res nostras per claram largitionem. Secundō potest consi-
 derare quantum ad suam qualitatem. Sunt. n. ipse margaritę
 pulchrę, candidę, & clarę. Illę. n. quę sunt tales sunt meliores,
 quā illę, quę stauescunt. Nam illas, quę sunt pulchrę, can-
 didę, & clarę generauit ros matutinus. Alias autē generauit
 ros vespertinus. Ista talis margarita sic pulchra sic candida,
 & sic clara significat Virginem Mariam, quę fuit pulchra in
 mente per puritatem, candida in carne per castitatem, & Vir-
 ginitatem, & clara in opere per sanctitatem. Sap. 4. O quam
 pulchra est. Ecce pulchritudo mentis. Casta generatio. Ecce
 candor, & virginitas carnis. Cum claritate. Ecce claritas, &
 sanctitas operis. Terriō margarita potest considerari quantū
 ad virtutē. Habet. n. primo virtutem abstersiuam, quia mem-
 bra à superfluis humoribus abstergit. Secundō habet virtutē
 restrictiuam, quia fluxū sanguinis, & ventris restringit. Ter-
 tiō habet uirtutem confortatiuam, quia cor debile habet con-
 fortare. Eodem modo B. Virgo per gratiam quam nobis in-
 fundit habet virtutem abstersiuam in quantum. s. in nobis ab-
 stergit omnia peccata pręterita. Hęc virtutem restrictiuam
 in quantum aīum restringit, ne fluat ad peccata futura. Habet
 virtutem confortatiuam in quantum cor confortat, & fortifi-
 cat circa mala pręsentia. Ista. n. tria à Deo, & ab ipsa petere
 debemus, vnde super illud Mat. 23. c. Orauit tertio eundē ser-
 monem dicens, dicit glo. Tribus vicibus orauit, vt nos, & à
 pręteritis peccatis veniam, & à pręsentibus malis tutelam, &
 à futuris periculis cautelam oremus. Ista igitur à B. Virgine
 obtinemus. Vnde ipsa dicit Eccl. 24. In me oīs gratiæ vitę, &
 ueritatis. In me oīs spes vitę, & virtutis. Ipsa quidē dat nobis.

Sermo LXXV VIII.

gratiâ vitę qñ de peccatis præteritis dat ueniam, per quam peccatorẽ à morte peccati refuscitat. Dat gratiâ veritatis, qñ circa futura pericula dat cautelam, per q̃ homo ipsa pericula uitare sciât. Dat gratiam uirtutis, quando contra mala præsentia dat tutelam, per quam hominem fortificat, ut à malis præsentibus se tueri ualeat.

DE SIGNIFICATV NOMINIS

Maria.

Sermo LXXXIX.

MARIAE nomen dulce, & suauē. Vnde dicit Ber. in sermone de Annuncia. Sicut nomen Iesus est mel in ore, melos in aure, & in corde iubilus, sic & nomen Mariz. Deinde subdit. Et si dicere audeamus Iesus quasi supernum, & nimium potens est nomen. Vnde si in Iesu aut deitatis, aut sexus uirilis austeritatẽ aliquis uereatur, ad Mariam recurat, in qua nihil horum suspectum est. Maria est muliebri nomen mansuetudinem præferens, & commendans. Istud autem nomen, s. Maria interpretatur illuminata, uel illuminatrix, uel amarum mare, uel stella maris, uel domina. Horum autem rationem uideamus.

Primò nanque dicitur illuminata. Qualiter autem illuminata sit, ostenditur Apoc. 12, ubi dicitur. Mulier amicta Sole, & Luna sub pedibus eius, & in capite eius corona stellarum duodecim, & in utero habens. Vbi ostenditur, q̃ ipsa sit illuminata à parte superiori, quia habet in capite coronam duodecim stellarum. Stellæ sunt duodecim ordines angelorum, & tres ordines beatorum, s. Martyrum, Confessorum, & Virginum, qui omnes eam coronant, quia ipsam uenerantur, & laudant. Secundò est illuminata à parte inferiori, qđ notatur cum dñ. Luna sub pedibus eius. Per Lunam intellectualiter militans ecclesia, quæ adhuc mutabilitati subijcitur, quā Virgo sub pedibus habet, quia ipsam sub una protectione, & defensione tenet donec ad pacem æternam ipsam reducat, & tunc omnem mutabilitatem auferet. Ps. Orietur in diebus eius iustitia, & abundantia pacis donec auferatur Luna. glo. i. mutabilitas, quæ per Lunam designatur. Tertiò fuit illuminata à parte

parte interiori, quod notatur, cum dicitur. In utero habens. Non dicitur quid haberet, ut ostendatur, quod illud est ineffabile. Habebat quidem splendorem diuinum. Heb. 1. Qui cum sit splendor gloriæ eius. Habebat candorem niueum, habebat speculum immaculatum. Sap. 7. Candor est enim lucis æternæ, & speculum sine macula. Quartò est illuminata à parte exteriori quod notatur cum dicitur. Amicta sole, i. immortalì corpore. Radius enim solaris est clarus, est agilis, ita ut ab Oriente in Occidentem transeat subito. Est subtilis, ita ut vitrum sine lésione subintret. Est impassibilis, ita ut nulla uiolentia lædi possit. Fuit ergo Virgo B. Virgo amicta Sole, quia eius corpus induit claritatem, subtilitatem, & impassibilitatem.

Secundò dicitur illuminatrix ex eo, quod nos multipliciter illuminat, iuxta illud Eccl. 14. Penetrabo interiores partes terræ, & inspiciam omnes dormientes, & illuminabo omnes sperantes in domino. Vel nota quod ipsa illuminat obscuros, & calefacit frigidos. Ideo dicit. Penetrabo inferiores partes terræ. Pars enim terræ inferior est frigida, & obscura, & significat illos qui sunt sine calore amoris Dei, & qui sunt in tenebrositate peccati, nam frigidos inflamat ad amorem, & Dei obscuros illuminat expellendo tenebras peccati. Ipsa etiam illuminat negligentes, & tepidos. Ideo subdit. Et inspiciam omnes dormientes. Tunc enim dormientes inspicit, quando tepidos & negligentes feruentes facit. Vnde sibi potest conuenire, quod dicitur Eph. 5. Surge qui dormis, & exurge à mortuis, & illuminabit te Christus, per merita. scilicet. matris suæ. Ipsa etiam illuminat in domino sperantes, & sibi deuotos, conseruando eos in lucem gratiæ Dei. Ideo subdit, Et illuminabo omnes sperantes in domino.

Tertiò dicitur amarum mare. Ipsa enim habuit tres amaritudines. Prima causabatur ex sui populi execratione, & reprobatione. Si. n. Paulus de hoc tristitiam magnam habebas, iuxta illud Rom. 9. Tristitia mihi est magna, & continuus dolor cordi meo, optabam enim ego ipse anathema esse à Christo pro fratribus meis, qui sunt cognati mei secundum carnem, multo fortius beata Virgo, quæ erat plena maiori charitate afficiebatur maiori compassione. Secunda amaritudo

Sermo LXXXIX.

rudo causabatur ex dolorosa filij compassione iuxta illud Luc. 2. Tuam ipsius animam pertransibit gladius. Vbi dicit Bern. O uerè beata mater tuam pertransiuit animam vis doloris, ut te non immerito plusquam martyrem prædicere, in qua nimirum corporeæ sensum passionis, affectus excessit compassionis. Tertia amaritudo causabatur ex tam longa filij subtractione. Multum enim anxiebatur de eo q̄ tam diu filij uisione carebat. Hieronymus in sermone de Assumptio. Quantis putas Virgo beata filij doloris afficiebatur, quo amore cruciabatur, quo desiderio æstuabat Deum animo cuncta, quæ uiderat, & audierat, reuoluebat. Nam si & diligebat Christum ex toto corde nouis tamen quotidie inflammabatur præsentia absens affectionibus desideriorum. Propter istam triplicem amaritudinem dicere poterat cum Propheia. Cor meum conturbatum est in me, propter scilicet populi mei execrationem. Dereliquit me uirtus mea, propter filij mei dolorosam passionem, quia tunc eius anima à seipsa præ dolore tota defecerat. Et lumen oculorum meorū & ipsum non est mecum propter filij matri subtractam uisionem qui est lumen oculorum meorū quod tamen non habeo mecum. Quartò dicitur stella maris. De ista stella sic dicit Ber. super missus est. Si insurgunt uenti tentationum, si incurris scopulos tribulationum respice stellam, uoca Mariā. Si iactaris superbiæ uindis, si ambitionis, si detractionis, si æmulationis respice stellam, uoca Mariam, in periculis, in angustijs, in rebus dubijs Mariam cogita, Mariam inuoca, non recedat à corde, non recedat ab ore, & ut impetres orationis auxilium eius, non desertas conuersationis exemplum. Ipsam sequens non deuias, ipsam rogans non desperas, ipsam cogitans non erras, ipsa tenente non corruis, ipsa protegente non metuis, ipsa duce non fatigaris, ipsa propinqua peruenis, & sic in teipso experiris, quòd merito dictum sit, & nomen Virginis Maria. Ista autem stella maris multas habet proprietates. Nam cælum circa eam se uertit. Nautas in periculis dirigit. Ipsa nunquam occidit, ipsa ferrum trahit, sic tota curia cœlestis ad Beatam Virginem attendit. Ipsa periclitantes in mari huius mundi ad

portum

portum salutis perducit, ipsa cæteris sanctis sua auxilia, & merita subtrahentibus nunquam occidit, sed ipsa ad auxilium uenit, ipsa mentes ferreas, & duras ad humilitatem reducit. Propter ista dicitur Ecclesiast. 24. Girum cœli circuitui sola. Tunc girum cœli circuit quando totam cœlestem curiam ad se attendere facit. Sequitur. Et in fluctibus maris ambulauit; quia periclitantes ad portum salutis reducit. Sequitur. Et in omni populo, & in omni gente primatum tenui, quia præ cæteris gentibus, & populis sanctorum ipsa in nostrum auxilium præuenit. Sequitur. Et omnium excellentium, & sublimium colla propria uirtute calcanti, quia duros, & superbos ad humilitatem reducit. Quintò dicitur Domina. Eius autem dominium tantum est, quòd illud quod dicitur de filio potest dici de matre. Philip. 2. In nomine Iesu omne genu flectatur cœlestium, terrestrium, & infernorum. Nam flectunt sibi genua ipsi angeli qui ipsam uenerantur, & adorant. Ipse etiam filius ueneratur eam, & laudat. Prouerb. ult. Surrexerunt filij, idest omnes angeli, & omnes beati, & beatam prædicauerunt eam, & uir eius. i. Christus laudauit eam. Secundò flectunt sibi genua omnia terrestria, idest omnes generationes, & quæ præcesserunt, & quæ sunt, & quæ uenturæ sunt. Luc. i. Ecce enim ex hoc beatam me dicent omnes generationes. Tertiò flectunt sibi genua infernalia, idest dæmones qui uelint, nolint eam adorant, & ad eius nominationem pauent, & tremunt. Nam sicut dicitur Cant. 6. ipsa est terribilis eis, ut castrorum acies ordinata. Vnde dicit Sanctus Gerardus Episcopus, & martyr. Inuitæ quoque infernus Beatæ Mariæ ululat & procacissimi dæmones clamant.

NON QUIDEM MARTYRIUM PASSA EST
materiale Beata Virgo, sed quam simillimum.

Sermo X C.

MARTYRIUM gladij materialis Maria passa non fuit, quia sicut dicit Ambros. nec historia, nec literæ doceant Beatam Mariam gladio uitam finisse. Est autem passa

○ ◀ quintu-

Sermo X C.

quintupliciter aliud martyrium. Primum martyrium fuit doloris. Secundum martyrium compassionis. Tertium martyrium diuini sermonis. Quartum martyrium voluntatis. Quintum macerationis. Primò igitur passa est martyrium quod fecit gladius doloris, de quo dicitur Lucæ 2. Et tuam ipsius animam pertransibit gladius. Filio enim in cruce existente, & dolores maximos patiente, ipsa gladio doloris tota lacerabatur. Io. Damascenus. Ipsa Beata Maria dolores quos effugit periens, hos in Christi passione sustinuit à materna. li compassione viscerum lachrymatione tolerans, & quem Deum cognouit per natiuitatem, hunc vt maleficiū interfectum videns, gladio cogitationis lacerabatur. Anselmus. Domina nostra quos fontes dicam erupisse de pudicis oculis eius, cum attenderes vnicū filium tuum innocentem coram te flagellari, ligari, mactari, & carnem de carne tua, ab impijs crudeliter desecari. Secundò passa est martyrium quod fecit gladius compassionis, & hoc quando vnus militum lanceam in latus iam mortui infixit. Magna compassio, quia nec viuo pepercerunt, nec mortuo parcere voluerunt. Constat autem, quòd illa lanceatio nullum dolorem Christo intulit, quia eius anima de corpore iā recesserat, sed animā matris in corpore filij erat. Anima enim Marię magis erat in corpore filij quàm in corpore proprio. Et ideo lancea animam pertransiuit dum filio compassa fuit, ex eo, quòd nec in mortuo parcesse volebant. Ber. in sermone de Annun. Verè tuam ò beata mater animam gladius pertransiuit quando crudelis lancea filio iam mortuo latus aperuit. Ipsius nimirum anima iam ibi nō erat, sed tua planè auelli nequibat, vt plusquam martyrem non immerito prædicemus, in qua nimirum sensum corpore passionis excessit affectum compassionis. Terriò passa est martyrium quod in eā fecit gladius diuini sermonis illius quando dixit Christus in cruce. Mulier ecce filius tuus. De hoc sic dicit Ber. vbi supra. An non plusquam gladius fuit sermo ille mulier ecce filius tuus? Re vera fuit pertransiens animam, & pertingens vsque ad diuisionem animæ, & spiritus. Postea subdit. O commutatio, Ioannes pro sensu traditur, seruus pro Domino, discipulus pro magistro.

Atro, filius Zebedæi pro filio Dei, purus homo pro vero Deo.
 Quomodo vero tuam affectuosissimam animam non pertrā-
 suit hæc auditio, quando cum nostra licet saxea licet ferrea
 pectora sola scindit recordatio. Anselmus, Domina mea qui-
 bus singultibus extimabo pectus tuum ueratum esse cum au-
 dides mulier ecce filius tuus, & discipulo, ecce mater tua.
 Quartò passa est martyrium voluntatis. Ipsa enim volunta-
 riè iuxta crucem stabat, parata pro humano genere moritu-
 ram, siue martyrium sustinere Ambros. super Lucam. Virgo
 Maria fugientibus Apostolis ante crucem stabat, & pijs ocu-
 lis vulnera filij spectabat tamen non pignoris mortem, sed
 mundi salutem, aut fortasse, quia cognouerat per filij mor-
 tem mundi redemptionem futuram, putabat aula regalis se
 per suam mortem publico munere aliquid adituram, sed ip-
 se Christus qui factus est sicut homo sine adiutorio inter mor-
 tuos liber, suscepit quidem matris affectum & non quæsiuit
 hominis auxilium. Quintò passa est macerationis marty-
 rium. Instantum enim in passione filij, corpus suum, &
 omnia membra maceravit, quòd quodammodo martyrium
 sibi intulit. August. Illa quippe pia mater immani dolore ciui-
 lans, pectora delicata contundens ipsa viscera, cæteraque fa-
 tigauerat membra, ut iam deficiens ad Christi funus uix po-
 tuerit peruenire. Habuit autem martyrium Beatæ Mariæ
 quatuor graues conditiones. Prima est, quia non fuit in car-
 ne, sed in mente. Vnde dicit Hieronymus in sermone de
 Assumptio. Alij sancti passi sunt pro Christo in carne, Beata
 Maria in ea parte sui passa est, quæ impassibilis, & immor-
 talis habetur. Hoc est in anima, uel in mente. Idcirco, ut ue-
 rum fatear plusquā martyr fuit, quia atrocius passa est, dum
 passionis Christi gladium in anima sua sustinuit. Secūda est,
 quia eius dolor non fuit particularis, sed vniuersalis qui totā
 animam repleuit, & circumdedit, ita quòd in corde eius nulla
 remansit, particula, quæ dolore non fuerit plena. Vnde pote-
 rat dicere cum Propheta. Circumdederunt me dolores mor-
 tis, & pericula inferni inuenerunt me. Hieronymus ubi su-
 pra. Constat nempe, quia Maria instantum doluit, ut tota
 animam eius pertransiret, ac possideret vis doloris ad testifi-

Sermo LXXX.

monium eximie dilectionis. Tertia est, quia eius dolor non fuit superficialis, sed præcordialis, quia usq; ad cordis intima pertransiuit, & eius ossa penetrauit, unde poterat dicere illud Iob. 20. Os meum perforatur doloribus. nec mirum, quia mortem filij fecerat suam. Hiero. ubi supra Eius nimirum dilectio morte fortior extitit, quia mortem Christi suam fecit. Quarta est, quia eius dolor non fuit momentaneus, sed diuturnus, quia etiam post filij Resurrectionem, & Ascensionem Christi passiones in memoria retinebat, & sic doloris gladio inde non recordari non poterat. Ideo dicitur Can. x. Fasciculus myrrhæ dilectus meus mihi inter ubera mea commemorabitur. Fasciculum myrrhæ vocat collectionem amaritudinum, & passionum quas Christus sustinuit, quas etiam ipsa inter ubera animæ, idest, memoria deferebat, & ex hijs uulnerabatur præ dolore, cruciabatur præ amore, æstuabat præ desiderio & compassione.

DOLOR BEATÆ VIRGINIS IN CHRISTI

Passione ex tribus causatus est.

Sermo XCI.

MARTYRIUM dolorosum passa est Virgo Maria in filij sui passione, qui quidem dolor causabatur in ea ex tribus, scilicet. Ex ratione sui. Ex ratione filij. Ex ratione supplicij. Temperabatur tamen ex salute humani generis. Primò quidem causabatur ex ratione sui, quia, scilicet, ipsa erat præsens ad videndum, erat impotens ad adiuuandum, erat destituta ad auxilium, uel consilium postulandum. Ipsa quidem præsens erat, & sub eius oculis uidebat filium suum crucifigi, lanceari, & uulnerari. Multum dolet mater, quando audit filium morte horribili interfectum, manimè autem dolet, quando ante oculos suos uidet filium uulnerari, & occidi. Quantum ergo Virgo beata cruciabatur, quando uidebat filium suum mortuum, & ipsum horribili morte necatum, & hæc omnia fieri ante conspectum suum? Secundò erat impotens ad adiuuandum magna consolatio est matri, quando assistit filio morienti, & quando potest mortuum osculari, & ample.

amplexari. Hæc autem filium morientem in nullo poterat adiuuare. Audiebat ipsum sitire, & non poterat ei potum porrigere. Videbat eius corpus vulneribus plenum, & non poterat eius vulnera alligare. Videbat corpus eius cruentatum, & non poterat lintheo extergere. Videbat ipsum male tenentem caput, & non poterat sustentare. Videbat ipsum in cruce flentem, & non poterat lachrymas abstergere. Videbat eius sanguinem in terram effluere, & non poterat recolligere. Videbat ipsum expirasse, & non poterat ipsum osculari, nec amplexari, ideo poterat dicere, quod dicitur 1. Reg. 1. Mulier infortunata ego sum. Tertiò erat destituta ad auxilium, uel consilium postulandum. Omnes enim discipuli aufugerant, ita quod nullus erat à quo posset auxilium petere, uel consilium postulare. Nam in tanta tribulatione ipsa, & filius suus nullum habuit auxilium, uel auxiliantem. Eccles. 51. Respiciebam ad adiutorium hominum, & non erat. Nullum habebam compatiens. Psal. Sustinui qui simul contristaretur, & non fuit. Nullum consolantem, unde sequitur. Qui consolaretur, & non inueni. Nullum associantem. Psalm. Elongasti à me amicum, & proximum, & notos meos à miseria. Iob 29. Dereliquerunt me propinqui mei, & qui me nouerunt obliti sunt mei.

Secundò causabatur eius dolor ex ratione filij. Multum enim dolet mater, quando filium bonum, & sapientem amittit. Ipsa verò per mortem corporis amittebat illum, de quo ipsa dicit Eccles. 24. Ego mater pulchræ dilectionis, timoris, & agnitionis, & sanctæ spei. Videbat quidem filium à se recedere matrem, tamen dulciter diligentem. Ideo dicit. Ego mater pulchræ dilectionis. Filium matrem tam filialiter reuerentem. Ideo dicit. Et timoris. Filium matrem in cruce tam foeliciter agnoscentem. Ideo dicit. Agnitionis. Filium erga matrem tam pium, & clementem. Ideo dicit. Et sanctæ spei.

Tertiò causabatur dolor in ea causa supplicij. Videbat enim ipsum pati pœnam ignominiosam, idest, pœnam latronum. Sap. 2. Morte turpissima condemnemus eum. Pœnam dolorosam. Thren. 1. O uos omnes qui transitis per uiam at-
tendite, & uidete si est dolor sicut dolor meus. Pœnam di-
turnam,

Sermo XC I.

eurnam, quia ab illa hora noctis qua captus est, usque ad horam nonam in qua expirauit in supplicijs, & doloribus semper fuit. Penam iniustam, quia sicut dicitur, 1. Petri. 2. Peccatum non fecit, nec inuentus est dolus in ore eius. Qui cum malediceretur non maledicebat, cum pateretur non comminabatur, tradebat autem iudicanti se iniuste.

Quarto ille dolor temperabatur propter saluationem generis humani, quam ex filij passione prouenturam esse sciebat. Ideo in corde virginis magna pugna erat. Pugnabant enim adinuicem duo amores, & duo dolores. Duo amores erant amor filij, & amor generis humani. Amor filij nolebat ipsum pati, sed amor generis humani nolebat ipsum pati, & sic inter istos duos magna erat pugna. Similiter in corde suo erant duo dolores, scilicet, dolor quem habitura erat de morte filij, & ideo nolebat eum pati, & dolor quem habebat de perditione generis humani, & ideo volebat eum mori, & sic inter istos duos amores, & duos dolores magna fuerat pugna, unde poterat dicere illud Dan. 23. Angustiae sunt mihi vndique, & quid eligam, ignoro.

ERGA FILIUM BEATA VIRGO TRIPLICITER fuit affecta. Sermo LXXXII.

Mater Christi fuit Maria, & fuit filio valde vnita, fuit filio valde charissima, fuit filio in reuerentia maxima. Fuit quidem filio valde vnita iuxta illud Can. 2. Dilectus meus mihi, & ego illi. Idem 7. Ego dilecto meo, & ad me conuersio eius. Intantum quidem fuit mater filio vnita quod sine matre filius non concipitur Luc. 1. Ecce concipies in utero, & paries filium. Nec mirum, quia uterus eius erat flos puritatis. Can. 1. Lectulus meus floridus. Sine matre filius non inuenitur. Matth. 2. Intrantes domum inuenerunt puerum cum Maria matre eius. Nec mirum, quia est via veritatis. Eccel. 24. In me omnis gratia vitæ, & veritatis. Sine matre filius ad nuptias non inuitatur. Io. 2. Nuptiae factae sunt in chana galileæ, & erat mater Iesu ibi. Nec mirum, quia ipsa est thalamus pudoris, Psal. Ipse tanquam sponsus procedens de thalamo

Amo suo. Sine matre filius nō crucifigif. Ioā. 19. Stabat iuxta crucem Iesu mater eius. Nec mirum, quia ipsa erat mater pietatis, & ex pietate materna ibi stabat, & cū filio crucifigi parata erat. Luc. 2. Tuam ipsius animam pertransibit gladius. Sine matre spiritus sanctus a filio non destinatur. Actuum. 1. Erant omnes perseverantes in oratione cum mulieribus, & Maria matre Iesu: Et postea sequitur Qualiter ipsis orantibus receperunt spiritum sanctum. Nec mirum, quia ipsa est aqueductus gratiæ spiritualis. Eccl. 2. 4. Ego quasi aqueductus exiui de paradiso. Et sic patet qualiter mater fuit filio semper vnita. Secundò mater fuit filio valde charissima, quod quidē ipse ostendit quando in cruce existens tantā curam de ea habuit, q̄ eam Ioanni recommendavit. Christus nanque in hac uita quinque habuit, & possedit. habuit quidem quandam licet parvā pro expensis sibi datam pecuniam habuit corpus, & animā, habuit matrē, & ecclesiā. Ea autem quę fuerūt uilia custodi uilissimo. Ea quę fuerunt chara, & charissima, custodibus charissimis commendavit. Nam pecuniam quam contemptibilē, & uilissimā reputavit, custodi uilissimo Iudę Scarioth recommendavit. Corpus suum quod habebat charum, charis custodibus dimisit, scilicet, Ioseph, & Nicodēmo. Ecclesiam quā habebat chariorem, custodi chariori tradidit, scilicet, Petro Apostolo. Matrem quā habebat charissimam, custodi charissimo dereliquit, idest, Ioanni discipulo. Animā quam habebat supercharissimam, custodi super charissimo commendavit, scilicet, patri eterno dicens Lu. 13. Mi pater in manus tuas commendo spiritum meum. Ex hoc autem quòd Ioannes Mariam in custodiam accepit, habet in potestate fontē misericordiæ, thesaurū gratiæ, & ianuā celestis patriæ. Securē igitur ad Ioannē accedere possunt peccatores, ex quo habet in potestate thesaurū gratiæ siue misericordiæ. Securē iusti postquam habet thesaurū gratiæ in potestate. Securē exules, & peregrini postquā habet in potestate ianuam celestis patriæ.

Tertiò mater fuit filio in reuerētia maxima, quod pater ex quinque. Primo, quia sibi subditus esse uoluit Luc. 2. Erat subditus illis. Secundò, quia eius uoci protinus obediuit. sicut patet Ioannis. 2. Cum uinum in nuptijs defecisset, & uirgo

Sermo XCIII.

& Virgo dixisset ministris. Quodcumq; dixerit uobis facite, statim ubi filius cognouit, quod mater hoc dixerat, miraculum fecit, & aquam in uinum conuertit. Tertio ex eo quod filius sibi in occursum perrexerit, quando de hac uita ipsa tran-
sijt. Quarto ex hoc, quod ipsam ad suam dexteram collocauit. Quinto ex hoc, quod ipsam nostram patronam fecit. De his tribus ultimis dicitur 2. Reg. 2. Sub figura Bersabeæ matris Salomonis. Surrexit, inquit, rex in occursum matris & adorauit. Ecce quia reuerenter sibi obuiabit. Positus quoque est thronus matris regis, quæ sedit ad dexteram eius. Ecce quia ad dexteram suam collocauit. Deinde sequitur. Dixitque mater. Petitionem unam paruulam ego deprecor à te, ne confundas faciem meam. Dixitq; ei rex. Pete me mater mea, neque enim fas est, ut auertam faciem tuam. Ecce, quia eam nostram petitionariam fecit.

BEATA VIRGO NON TANTVM MATER

simpliciter consideratur, sed cum miris adiunctis.

Sermo

XCIII.

MA TER Christi fuit Maria Virgo beata, quæ quidem fuit uera mater, & tota mater, & pia mater, & studiosa mater.

Primo namq; fuit uera mater, quod pater ex eo quod charius sibi subitantiã ministrauit, quod conueniente locum, & conueniens nutrimentum sibi exhibuit, quod nouem mensibus ipsum in utero portauit, & fouit. Sap. 7. In uentre matris configuratus. Ecce locus conueniens decem mensium tempore coagulatus sum in sanguine. Ecce quia in eius utero nouẽ mensibus stetit, ita quod sicut dicit Aug. aliquid de decimo attigit. Postea sequitur. Ex semine hominis. Ecce materia ministrata. Et dicit hominis, & non hominum. Cæteri autem nati sunt ex semine hominum, Christus autem ex semine hominis, idest, Virginis. Vnde Christus non uocat se filium hominum, sed filium hominis. Et uocatur ibi semen sanguis uirginis, à Spiritu sancto totaliter deputatus. Deinde subditur. Et delectamento somnij conuenientis. Ecce conueniens nutrimentum.

trimentum. Damascenus. Nouem mensibus complens, & decimum superascendens nascitur lege conceptionis. Ipsa est uera mater, qui ipsum peperit, pannis inuoluit, & in suo lacte nutrit. Vnde cantat Ecclesia. Membra pannis inuoluta Virgo mater alligat, &c. Item ipsum regem Angelorum, sola Virgo lactabat ubere de cælo pleno. Ideo quauis ipsa uult nobis filium suum placare potest dicere 1. Mach. 7. Miserere mei fili quem in utero nouem mensibus portavi, & lac triennio dedi, & alui, & in ætatem istam perduxisti.

Secundò ipsa fuit tota mater, quia totam substantiam ministravit, ita quòd nullus pater aliquid ibi dedit. Ideo dicitur Hiere. 31. Nouum faciet Dominus super terram scemina circumdabit uirum. Solet homo circumdare, quod suum est proprium non quod alienum. Nulla alia mulier puerum circumdedit, quia caro pueri sua tota non fuit, sed pater ibi partem habuit. Virgo autem filium suum in utero circumdedit, quia ibi de alieno nihil fuit. In circumdatione est etiam figura, quæ secundum Aug. ex tribus lineis perficitur. Figura autem circumlati una linea clauditur. Corpus aliorum puerorum formatum est duabus lineis, idest, semine utriusque parentis. Corpus autem Christi est formatum tantum una linea, idest, sola carne uirginea. Illud etiam, quod est circumdatum ex omni parte est clausum. Nam si aliqua apertura ibi fuerit circumdatum non erit. Nulla igitur mulier in utero puerum circumdedit, quia nulla clausa, sed aperta fuit. Sola autem uirgo circumdedit, quia ex omni parte clausa fuit, & ante partum, & in partu, & post partum, & ideo hortus conclusus, & fons signatus dicitur.

Terriò fuit ipsa mater. Nam pietatem habuit in animo, ostendit in uerbo, & exhibuit in facto. Fuit enim pia mater in animo ex eò quòd nouem mensibus in eius utero diuina pietas habitauit. Ber. in sermone de Annun. Quid mirum si pietatem exhibent viscera pietatis. Nonne qui pomum tenuerit in manu sua dimidia die, reliqua diei parte pomi seruabit odorem. Quantum ergo illa viscera, uirtus pietatis affecit in quibus nouem mensibus pietas requieuit. Nam & ante repleuit mentem, quàm uentrem, & cum processit ex utero non recessit

recessit ab animo. Secundò ista pietatem ostendit in uerbo, quando dixit Ioan. 2. Vinum non habent. Vbi insinuauit indigentiam, petiuit misericordiam, & consuluit obsecrantiam, quæ omnia suam indicant pietatem. Indigentiam quidem insinuauit cum dixit. Vinum non habent, & insinuando indigentiam petiit gratiam. Nam amicorum simplices insinuationes sunt affectuosæ petitiones, unde dicitur Ioan. 11. quòd sorores Lazari miserunt ad Iesum dicentes. Domine ecce quem amas infirmatur. Illa enim talis insinuatio erat quædam deuota postulario, tanquam si dicerent. Veni & salua eum. Eodem modo, quando Maria insinuauit indigentiam, deuotè postulauit gratiam dicens. Vinum non habent, tanquam si diceret. Rego te fili, ut facias, quòd ipsi habeant. Ostendit etiam pietatem in uerbo, quando ministris dixit. Quòdcunque dixerit uobis facite. Terriò pietatem exhibuit in facto, & hoc quando Elisabeth grandæue, & uerulæ, & grauidæ ipsa iuencula ministravit. Beda super Lucam. Festinanter Maria in montana abiit, & Zachariæ domum intravit, ut prægnanti grandæue iuencula ministraret.

Quartò fuit studiosa mater, quia ipsum studiosè, & sollicitè educauit, & oia opera misericordiæ in eum sollicitè exercuit, sicut ostendit Ber. in ser. de Assumptio. dicens. Vt breuiter illa sex opera misericordiæ B. Virgo non quamlibet ex minimis, sed filium Dei in utero suscepit, nudum in carne, uel etiam pannis operuit, & esurientem pauit, sitientem lacte potauit, infirmum per infantiam non solum uisitauit, sed et fouendo, leniendo gestando frequenter & omnia humana exhibuit. Ipsum etiam in carcere positum, in crucis patibulo alligatum uisitauit, dum iuxta crucem eius stetit. Eius quoque sepulturæ interfuit. Et ideo bene studiosa mater fuit, quæ omnia opera misericordiæ erga filium exhibere uoluit.

RESPECTU FILII, VEL SUI, VEL NOSTRI
dicatur mater B. Virgo *Sermo XCIII.*

MA T E R nostra est Maria Virgo quæ dicit Eccl. 24. Ego mater pulchræ dilectionis, timoris, & agnitionis, & sanctæ

Etæ spei. Quæ quidem uerba possunt exponi, uel de ipsa respectu filij, uel de ipsa respectu sui, uel de ipsa respectu nostri. In quantum exponitur de ipsa respectu filij, dicendum, quod ipsa est mater pulchræ dilectionis, & timoris, & agnitionis, & sanctæ spei, idest Christi, qui est pulchræ diligendus propter suam bonitatem, quia sicut legitur Lucæ. 18. Nemo bonus nisi solus Deus. Nat. 1. Bonus Dominus, & confortans in die tribulationis, & sciens sperantes in se. Qui est timendus propter suam potestatem. Matth. 10. Time eum, qui habet potestatem animam, & corpus perdere in gehennam. Hierem. decimo. Quis non timebit te o rex gentium. In quantum est credendus propter incommutabilem ueritatem. Ioan. 12. Dum lucem habetis credite in lucem, ut filij lucis sitis. Ioan. 38. Omnis qui est ex ueritate audit uerba mea. In quantum est sperandus propter suam liberalitatem. Ipse enim sperantes in se dicit diuitijs cœlestium bonorum Psal. Spera in Domino, & fac bonitatem, & inhabita terram, & pascaris in diuitijs eius. Item. Oculi omnium in te sperant Domine, & tu das escam illorum in tempore opportuno. Aperis tu manum tuam, & imples omne animal benedictione.

Secundò possunt exponi dicta uerba de ipsa respectu sui. Ex quibus uerbis habetur, quod ipsa est mensa cœlestis gloriæ, in qua Dei amore reficimur, iō dī. Ego mater pulchræ dilectionis. Quia ipsa est uas maiestatis diuinæ, ideo subditur. Et timoris. Ex eo enim quod diuina maiestas in eius utero habitauit terribilis dæmonibus facta fuit. Quia ipsa est archa diuinæ sapientiæ, ideo subditur. Et agnitionis. Quia ipsa est apotheca diuinæ misericordiæ, ideo subditur. Et sanctæ spei. Ex illa autem mensa sancti uiri accipiunt cibum diuini amoris, quo satiantur, quæ tamen satietas nunquam habet fastidium, sed semper augeat desiderium. Eccle. vigesimo quarto. Qui edunt me adhuc esuriunt, & qui bibunt me adhuc sitient. Ex illa processit diuina maiestas. Vnde dæmones tanquam uirga percussi fugiunt, & terrentur. Isaia. 30. A uoce Domini pauebit Assur uirga percussus. Ex illa archa extrahuntur sapientiæ, vnde doctores dicuntur. Bernar. in

sermone de Assumptio. Quid de Deo non sapiat, in qua diuina sapientia iacebat. Christus enim ut ait Apostolus Dei virtus, & Dei sapientia est, & in eo sunt oēs thesauri sapientiae, & scientiae Dei absconditi. Christus autem in Maria, ergo Dei virtus, & sapientia, & thesauri sapientiae, & scientiae Dei in Maria. Ex illa vero apotheca recipiunt peccatores electuarium misericordiae, quo confortantur. Bern. Facta est Maria apotheca omnium gratiarum, in qua cœlestis pigmentarius cum omnibus suis unguentis se collocauit, & cum omnibus delitijs accubuit. August. Tu domina cella es aromatica, ex qua omnium vulnerum nostrorum medicina defluxit, per quam generalis omnium est celebrata curatio. Tu uia es qua Deus uenit ad homines, qua homo redit ad Deum, qua uenit peccator ad ueniam, seu qua uenit uenia ad peccatores.

Tertiò supradicta uerba exponi possunt de ipsa respectu nostri. Multi quidem in Dei amore sunt frigidi, alij sunt superbi, & præsumptuosi, alij sunt tenebrosi, alij sunt nimis formidolosi. Sed illa mater nostra frigidos ad Dei amorem inflamat, ideo dicitur. Mater pulchrae dilectionis. Superbos & præsumptuosos suo amore ad humilitatem reuocat, ideo dicitur. Mater agnitionis. Formidolosos ad spem diuinæ misericordiae, & uenientiae animat, ideo dicitur. Mater sanctae spei. Vel potest dici, quòd cum beata Maria fuit Deus pater, qui ipsam suo filio desponsauit, fuit Deus filius, qui ipsam impregnauit, fuit Deus spiritus sanctus, qui eam sanctificauit, fuit insimul tota Trinitas, quæ ipsam ab æterno elegit. Et ideo uocatur totius Trinitatis nobile triclinium. Et sic fuit magnæ potentiae, cum qua fuit pater, magnæ sapientiae, cum qua fuit filius, magnæ misericordiae, cum qua fuit Spiritus sanctus, magnæ charitatis diuinæ, cum qua fuit tota Trinitas. Deus enim Trinitas charitas nuncupatur, iuxta illud 1. Ioan. 9. Deus charitas est. Quia igitur est tantæ potentiae, ideo potenter nos ab hoste defendit ideo dicitur. Mater timoris. Quia est tantæ sapientiae, ideo per uiam quæ ducit ad patriam, nos sapienter deducit, ideo dicitur. Mater agnitionis. Quia est tantæ misericordiae, ideo peccatores ad spem uenientiae reducit, ideo dicitur. Mater sanctae spei. Quia est charitatis im-

mensæ,

menſa, ideo ad amorem Dei nos accendit, ideo dicitur. Mater pulchræ dilectionis.

*IVXTA QVATVOR MODOS MATERNITAS
Beata Virgo dicitur habere filios. Sermo XCV.*

MA T E R N I T A S quadruplex inuenitur. Vna cauſatur ex carnis generatione, ſecundum quam aliqua dicitur mater illius, quem de ſuis viſceribus generauit. Secunda cauſatur ex ſpirituale regeneratione, ſecundum quam dicitur mater illius, quem de ſacro fonte leuauit. Tertia cauſatur ex legali adoptione, ſecundum quam aliqua dicitur mater illius, quem imperator ex ſuo reſcripto, & edicto ſibi in filium adoptauit. Quarta cauſatur ex ſpeciali educatione, ſecundum quam aliqua dicitur mater illius, quem edauit, & nutriuit. Secundum hæſ quatuor maternitates beata Virgo quatuor filios habet. ſ. Chriſtum, Ioannem Baptiſtam, Ioannem Euangeliftam, & omnes Chriſtianos.

Chriſtus nanq; fuit ſuus filius naturalis, quia ipſum de ſuis viſceribus caſtris generauit. Vnde dicit Ber. Quauis Deus cū omnibus ſanctis ſit ſpecialiter tamen cum Maria, cum qua utique tanta conuentio ei fuit, vt illius non ſolum uoluntatē, ſed etiam Chriſti carnem coniūgeret, & de ſua virginea ſubſtantia unum Chriſtum efficeret, uel potius unus Chriſtus fieret, qui tamen nec totum de Deo, nec totum de Virgine, totus tamen Dei, & totus virginis eſſet, nec duo filij, ſed unus utriuſque filius.

Ioannes Baptiſta fuit ſuus filius ſpirituſalis, quia primo baptiſmo Spiritus ſancti dum eſſet infans in matris utero baptizauit. Dicit enim Ioan. Chryſoſt. quando B. Virgo ſalutauit Eliſabeth uox eius ad puerum deſcendit, & ſtatim ſpiritu ſancto repletus fuit, & in matris utero exultauit. Et illa autem repletionem Spiritus ſancti Ioannes fuit in utero ſanctificatus, & à peccato originali mundatus.

Ioannes uero Euangelifta fuit eius filius legalis, quia Imperator cœleſtis exiſtens in cathedra crucis reſcriptū, & edictum dedit, per quod ipſum matri ſux in filium adoptauit di-

Sermo XCVI.

ecce matri. Mulier. Ecce filius tuus. Deinde dixit discipulo. Ecce mater tua. Et sicut dicit Petrus Damia. Sicut uerbum Dei est tantæ virtutis, quod panem in uerum corpus Christi transmutat, sic & illud uerbum, quod dixit Christus. Mulier. Ecce filius tuus, fuit tantæ uirtutis, quod Ioannem uerum filium matri suæ fecit. Verum quidem non per naturam, sed per uirtutem diuinam.

Christiani autem omnes sunt eius filij, quia ab ipsa educantur, & nutriuntur. Quatuor enim sunt proprietates in matre respectu filij, scilicet genitura, cura, prioritas, & dignitas. Eodem modo in beata Virgine est genitura, quia in fide, & bonis operibus nos generat. Vnde dicitur Matth. 1. quod ipsa peperit filium suum primogenitum, ergo habuit filios secundogenitos. Constat autem quod non habuit carnales, & ideo intelligitur de spiritualibus. In ipsa etiam est magna cura de suis filiis educandis, unde ipsa dicit Eccl. 24. Transite ad me omnes qui concupiscitis me, & à generationibus meis adimplemini. Ipsa etiam respectu filiorum habet magnam dignitatem. Ibidem. Primogenita mea ante omnem creaturam. Habet et prioritatem. Ibidem. Ab initio, & ante sæcula creata sum. Iosephus sæpe est dicendum sibi. Monstra te esse matrem. Et ipsa respondere potest. Et tu monstra te esse filium meum, ne obliuiscaris mei, sicut & ego non obliuiscar tui. Isa. 49. Nunquid obliuisci potest mulier infantem suum, ut non misereatur filio uteri sui? Et si illa oblita fuerit ego tamen non obliuiscar tui.

SEX MODI EXPLICANTVR QVIBVS

fuit nostra mediatrix B. Virgo Ser. XCVI.

MEDIATRIX nostra est Virgo Maria, unde dicit Bern. Mediatrix est Maria inter Solem, & Lunam, idest Christum, & ecclesiam, uel inter rorem, & nubem. Mulier amicta sole. Nam uestit solem nube, idest substantia carnis, & uestitur ab eo splendore, id est gloria maiestatis. Dicitur autem mediatrix quantum ad sex modos.

Primo enim est mediatrix nostræ salutis, & quantum ad hoc uocatur medium terræ. Psal. Deus autem rex noster ante
sæcula

ſacula operatus eſt ſalutem in medio terræ, i. in utero matris Mariæ. Dicitur autem caro non terra, ſed medium terræ. Caro enim Chriſti fuit ſine peccato concepta, & ſine peccato nata. Caro verò noſtra cum peccato concipitur, & cum peccato naſcitur. Caro vero B. Mariæ medium tenet, quia fuit cum peccato concepta, & quātum ad hoc conuenit cum carne noſtra, ſed fuit ſine peccato nata, & quantum ad hoc conuenit cum carne Chriſti. De iſto medio terræ ſic dicit Ber. Ad ipſā ſicut ad medium, ſicut ad cauſam rerum omnium, ſicut ad negotium ſingulorum reſpiciunt, & qui habitant in cœlo, & q in inferno, & qui nos præceſſerunt, & nos qui ſumus, & qui nos ſequuntur, & nati natorum, & qui ab illis naſcentur. Qui in cœlo ſunt ut reſtaurentur, qui in inferno ut eripiantur, qui præceſſerunt propheta, ut fideles intueniantur, & qui ſequuntur ut glorificentur.

Secundò eſt mediatrix noſtræ coniunctionis, & unionis, quia nos diſiunctos, & diuiſos à Deo, tanq̃ mediatrix coniungit, & unit. Ber. in ſermo. de Aſſump. Prezioſum munus terra noſtra duxit in cœlum, ut dando, & accipiendo amicitiarum ſelici ſedere copulenter humana diuinis, terrena cœleſtibus, ima ſummis. Et quantum ad hoc dicitur Sol Can. 6. Pulchra ut Luna electa, ut Sol. Sicut enim Sol habet ſupra ſe tres planetas ſuperiores, & infra ſe tres alias inferiores, & ipſe eſt in medio conſtitutus, ſic & B. Maria habet ſupra ſe tres in Trinitate, infra ſe uero habet tres ſtatus ſaluādorū. ſ. virgines, continentes, & coniugatos, & ipſa eſt in medio conſtituta cōiungens, & uniens illo tres ſtatus beatiffimę Trinitati. Iſtā autem coniunctionē non poteſt aliquis facere niſi Deus, uel ipſa. Vnde dictum fuit ſancto Iob 38. Nunquid coniungere ualebis micantes ſtellas pliaſes. Illæ ſtellæ dicuntur pliaſes à pluralitate, quia ſunt ſeptem ſecundum Greg. quia ſeptima latet, & ſex rātū apparent. Tres ſunt igitur ſtellæ ſuperiores, ſ. tres in Trinitate pſonæ, & tres ſunt inferiores, ſ. tres ſtatus ſaluandorū, & ſic iſtas tres ſtellas nemo pōt coniungere, q̃a tres ſtatus ſaluādorū beatę Trinitati nemo poteſt unire niſi Deus, & Virgo B. Septima autem ſtella, quæ latet, ſignificat congregationē oīum malorū, quæ quidē latet & ignorat, q̃a

malorum congregatio in numero electorū non cōputatur, & a Deo penitus ignoratur iuxta illud Mat. 25. Amen dico uobis, nescio uos.

Tertiò est mediatrix nostrę iustificationis. Dēmones igitur nostram iustificationem impediunt, uel suis tentationibus nos sepe nimis infestando, uel in bonis operibus nos impediendo, uel a finali perseuerantia nos retrahendo. Sed Virgo beata omnia ista impedimenta expellit, & ideo nostram instructionem perficit, & quantum ad hoc uocatur aurora, Psal. Ortus est sol, & congregati sunt, & in cubilibus suis collocabuntur, scilicet, catuli leonum, & bestię siluę. De quibus Psal. dixit. Posuisti tenebras, & sancta est nox. in ipsa pertransibunt omnes bestię siluę. Catuli leonum rugientes, ut rapiant, &c. Deinde subdit. Ortus est sol, & congregati sunt. Ortus est igitur sol, idest, lux solis, scilicet, aurora, idest, Virgo Maria. Et eius ortus tria bona fecit. Primò expulit omnem dēmonū tentationem. Et ideo dicit. Et congregati sunt, scilicet, leones, idest, dēmones ad fugiendum, & in cubilibus suis collocabuntur, idest in inferno abscondentur. Secundò hominem reddit expeditū ad bonam operationem, ideo subdit. Exhibet homo ad opus suum, idest, liberē, & expeditē faciet opera meritoria. Tertiò conseruat hominem bene operantem, usque ad finalem consumationem, ideo, subdit. Et ad operationem suam usque ad uesperam. Sunt quidam qui operantur in mane, qui, scilicet, bene incipiunt, alij operantur usque ad meridiem, scilicet, qui bene inceperunt, & bene profecuti sunt uel fuerunt, sed tamen postmodum defecerunt. Alij operantur usque ad uesperam, qui, scilicet, bene incipiunt, melius prosequuntur, & optimē fiunt.

Quartò est mediatrix nostrę reconciliationis. Peccator enim inimicus Dei est, propter peccatū carnis cōcupiscētię, uel superbię, uel auaritię. Ista autem mediatrix istos Dei inimicos sepe reconciliat dum eos ad penitentiam reuocat, ideo uocatur luna Cant. 6. Pulchra ut luna electa, ut sol. Luna quidem immutat aerē, est uicina terrę, & dominatur super mare, sic, & Virgo beata aerē mutat quādo supbōs, & elatos ad humilitatē reuocat. Est uicina terrę, q̃a parata est in auaris extinguere auaritiā

avaritiā cupiditatis terrenæ. Dominatur supra mare quæ extinguit, & exsiccat aquas carnalis concupiscētiæ. Aqua maris est lucida, sed amara, sic & carnalis concupiscētia uir habere dulcedinem, sed generant amaritudinē. Prouer. 5. Fauus distillans labia meretricis, & nitidius oleo guttur eius. Ecce aqua clara. Notissima autem illius amara quasi absinthiū. Ecce aqua amara. Propter illa tria de ipsa Virgine Maria tria dicuntur Eccl. 24. Quod super mare ambulabat, In fluctibus, inquit, maris ambulauit, quod colla superborum calcatur, ideo subdit. Et omnium excellentium, & sublimiū colla propria uirtute calcatur. Quod ipsa inferiores partes terræ penetret. Vnde dicitur ibidem. Penetrabo inferiores partes terræ. Tunc igitur super mare ambulat quando carnalē concupiscētiā in nobis suppeditat. tunc super boum colla calcatur, & domat quando superbos ad humilitatē reuocat. Itē inferiores partes terræ penetrat, quando profundatos in amorem terrenorum, gratia suæ uisitationis ab omni terrena cupiditate immutat.

Quintò est mediatrix nostræ aduocationis. Ipsa enim tanquā nostra mediatrix pro nobis aduocat an̄ Deū. Ber. in ser. de Annunci. Si ad Deū patrē uerebaris accedere ad filium fuge Iesum, hunc tibi fratrem Maria dedit. Sed si forte in ipso maiestatem uereris diuinā ad Mariā recurre, in qua est humanitas picta, & ipsa exaudies pro sui reuerentia. Qualiter autē ipsa sit mediatrix nræ aduocationis, in quadā uisione ostenditur. Erat enim quidā grauis peccator, qui in uisione ductus est ad iudiciū an̄ Deum. Tunc diabolus per quatuor allegationes uoluit probare illū esse suū. Primo iure instr̄i quod deus dictauit quā dixit. Quacunque hora comederitis morte moriemini. Cū ergo iste sit de eius progenie iure instr̄i publici, morte perpetua debet mori. Ad quod mediatrix nrā r̄ndit. Illud instr̄m dæmon falsificasti quā ibi nequaquā apposuisti. Et ideo tanquā falsarius es repellendus. Secundò dixit esse suū iure præscriptionis, quia multis annis eum in seruū possederat. Ad quod illa r̄ndit. Illa præscriptio sæpe fuit interrupta, quia ratio eius semper murmurabat, & condicebat quod tam crudeli domino seruiebat. Tertiò dixit ipsum esse suū, & in infernū demergēdum ratio ne proprietatis ipsius peccati. Nam propriū est esse pondoso.

Sermo XCVI.

sum, & trahere ad locum infimum, & ideo debet demergi in profundum inferni. Sed Virgo ad hæc respondet, quod passio, & pœna filij sui omnibus peccatis amplius ponderavit. Quartò dicebat ipsum esse suum, quia plura sunt eius mala, quàm bona. Tunc ad præceptum iudicis allata est statera, & dum pars stateræ in qua erant mala multum ponderaret, & alia parum, mater misericordæ super illam partem stateræ in qua erant eius bona manum apposuit, & ipsam ad terram traxit. Tunc diabolus confusus aufugit, vitæ autem ille euigilans vitam suam correxuit, & in melius mutavit. Sextò est mediatrix ratione communicationis, quia adhuc cum esset in mundo, adhuc communicabat cum sanctis qui sunt in via, & cum illis qui sunt in patria, & quantum ad hoc potest appellari firmamentum quod est in medio aquarum, quæ sunt super cœlos, & illarum, quæ sunt infra cœlos. Genes. 1. Fecit Deus firmamentum in medio aquarum, idest sanctorum, & qui sunt in via, & qui sunt in patria. Ipsa enim tanquam media communicat cum utriusque. Nam cum superioribus, qui sunt in patria habuit omnimodam virtutum perfectionem. Cum inferioribus qui sunt in mundo habuit merendi conditionem. Cum superioribus habuit securitatem contra casum. Cum inferioribus possibilitatem ad meritum. Cum superioribus exultationem. Cum inferioribus cordis compassionem.

*QUIBUS MINISTRA DICATUR BEATA
Virgo, eiusq; officia. Sermo XCVII.*

MINISTRA Dei fuit Virgo Maria sicut ipsa dicit Ecclesiastic. 24. In habitatione sancta coram ipso ministraui. Fuit autem ministra respectu filij, quia sibi sedulæ ministrabat, Augustin. in sermone de Assumptio. Mariam siquidem, & operis exhibitione, & fidei veritate ministram Christi fuisse intelligit omnis qui sanè sapit. Opere certè ministrabat, quia hunc in vtero gessit, partuq; perfusum aluit, & fovit, in præsepio reclinavit, in Ægyptum fugiens abscondit, & omnem eius infantiam prosecuta est pio

maris

matris affectu, ita vt vsque ad crucem contrariam virum perfectum vidit eum pendentem, & ab eius non recessit consecratus. Fuit etiam Christi ministra, quia secundum Bernard. Omnia opera misericordiae erga eum ministravit. Nam ipsum virginea carne vestiuit, eum lacte de cælo ministrato portauit, & pavit, ipsum in eius utero nouem mensibus hospitata fuit ipsum per infantiam infansum, non solum visitauit, sed etiam omnia obsequia humanitatis exhibuit, ab ipso in carcere crucis ligato non recessit, eius sepulturæ interesse uoluit. Secundò dicitur ministeria ratione nostri. Deus enim isti ministræ quinque ministeria, & officia commit. Primum officium est, quia ipsa est elemosynaria cæli, quia omnes elemosynas de cælo fiendas sibi commisit. Ipsa autem non est auara, sed liberalis, & larga. De qua dicitur Prou. ult. Manum suam extendit ad pauperes. Ibidem. Dedit prædā domesticis suis, & e baria ancillis suis. Secundum officium est, quia ipsa est celleraria Spiritus sancti. Cant. 2. Introduxit me Rex in cellam vinariam. Istud autem vinum copiosè effudit, & tamē semper plena extitit, vnde ipsa dicit Cant. 5. Bibite amici, & inebriamini charissimi. Ibidē. Umbilicus tuus crater tornatilis nunquam indigens poculis. Tertium officium est, quia ipsa est thesauraria Dei. Deus triplicem thesaurū sibi dispensandum commisit. scilicet thesaurum potentiae. Eccl. 1. 24. In Hierusalē potestas mea, thesaurum sapientiæ. Prouer. 14. Sapiens mulier edificat domum suam. i. gubernat sanctam Ecclesiam, thesaurum misericordiae. Vnde ad suas misericordias recipiendas omnes inuitat dicens Eccl. 24. Transite ad me omnes qui concupiscitis me, & à generationibus meis adimplemini. Quartum officium est, quia ipsa est aduocata generis humani. Vnde clamamus ad eam. Eya ergo aduocata nostra illos tuos misericordes oculos ad nos conuerte. Et Iesum, &c. Nos enim sumus in peregrinatione, sumus in lachrymatione, sumus in tenebrositate ignorantiae. Ideo clamamus, ut ipsa nostra aduocata oculos misericordiae ad nos dirigens, de peregrinatione siue exilio ducat ad cœlestem patriam. De lachrymatione ducat nos ad æternam lætitiā. Ideo clamamus, & dicimus. Ad te clamamus exules filij Euz.

Sermo XCVIII.

Ad te suspiramus gementes, & flentes in hac lachrymarum valle. Clamamus etiam, vt de tenebrositate ignorantie ducat nos ad claritatem visionis diuinæ, dicentes, Et Iesum benedictum fructum ventris tui nobis post hoc exilium ostende. Quintum officium est, quia ipsa est ostiaria Paradisi. Ipsa enim est ostium per quod intramus. Vnde dicit Ecclesia. Tu Regis alii ianua, & porta lucis fulgida. Est etiam ostiaria, quæ nos introducit. Vnde ad ipsam est pulsandum, & dicendum Cantic. 5. Veni aperi mihi soror mea, amica mea. Vgo de Sancto Victore, Maria porta Christus ostium patri occultum. Per Mariam igitur ad Christum, & per Christum peruenitur ad Deum.

VT MYRRHA PRAEDICATUR BEATA

Virgo. Sermo XCVIII.

MYRRHA triplex inuenitur, scilicet myrrha prima, electa, & probatissima. Myrrha prima est pœnitentia, & amaritudo incipientium, seu pœnitentium. De qua dicitur Cant. 5. Manus meæ distillauerunt myrrham primam. Myrrha electa est pœnitentia claustralium, qui dicunt cum Prophetæ. Elegi abiectus esse in domo Dei mei, &c. De qua dicitur Eccl. 24. Quasi myrrha electa dedi suauitatem odoris. Myrrha probatissima est pœnitentia perfectiorum, qui ab omni amore mundi abstracti solo cœlesti desiderio pascuntur, pro desiderio cœlestis patriæ affliguntur. De quibus dicitur Cant. 5. Digni mei pleni myrrha probatissima. Beata autem Maria uoluit habere myrrham primam cum pœnitentibus, cum tñ ipsa esset inuocentissima, myrrhā electam cum claustralibus, cum tñ oīum claustralium sit magistra, myrrhā probatissimam cum perfectis, cum tñ ipsa sit perfectissima.

*SECUNDVM QVAE BEATAE VIRGINIS
misericordia prestat alijs. Sermo XCIX.*

MISERICORDIA Mariæ est omnibus misericordijs omnium aliorum sanctorum excellentior, generalior,
com.

communior, & maior. Est quidem excellentior, quia eius misericordia omnes alias excellit. Sicut enim oleum eminet cæteris liquoribus, sic & eius misericordia eminet cæteris sanctorum miserationibus. Ista autem excellentissima excellencia quintupliciter ostenditur, & ideo quinque rebus assimilatur, scilicet auroræ, soli, lunæ, armatæ aciei, & stellæ maris, Cant. 6. Quæ est ista, quæ progreditur quasi aurora confurgens, &c. Assimilatur quidem auroræ, quia eius misericordia præ omnibus alijs est utilior. Sicut enim aurora expellit noctem, & introducit diem, sic ipsa à nobis expellit noctem culpæ, & introducit lumen diuinæ gratiæ. Assimilatur lunæ, quia præ omnibus alijs est vicinior, sicut luna omnibus alijs planetis est terræ magis vicina. Assimilatur soli, quia eius misericordia præ omnibus alijs est communior, quia non est qui se abscondat à calore eius, nec à luce eius, sed omnibus dat misericordiam inflammantem affectum, & illuminantem intellectum. Assimilatur armatæ aciei, quia eius misericordia præ cæteris est potentior, quia hostes conterit, & in fugam conuertit. Assimilatur stellæ maris, quia eius misericordia præ cæteris est diuturnior. Sicut enim cæteris stellis occidentibus ipsa non occidit, sic cæteris sanctis non exaudientibus Maria non deserit. Secundò eius misericordia est omnibus generalior, quia ubique generaliter inuenitur, scilicet in mundo, in iudicio, & in cælo. In mundo, quia tota terra sua plena est misericordia. Nec mirum, quia ipsa habet miserendi potentiam, sapientiam, & voluntatem promptam. Prouerb. 21. Thesaurus desiderabilis, & oleum in habitaculo iusti. Potest quidem misereri, & subuenire, quia habet thesaurum misericordiæ. Vult libentius subuenire, quia habet oleum, idest pietatis affectum, scit subuenire, quia fuit iusti, idest Christi, qui est Dei sapientia spirituale habitaculum. Secundò subuenit in iudicio. Prouer. ult. Laudent eam, scilicet omnes electi, in portis, in iudicio, quia olim iudicia in porta tenebantur, opera eius, scilicet, quæ tunc faciebat. Ipsa enim Virgo Beata cum filio ad iudicium veniet, & ibi erit in magno honore, quo ad se, & in magna utilitate quo ad nos. De honore quem in iudicio habebit, dicitur in Psalm. Asti-

tit Regina à dextris. Honorabitur quo ad habitum, quia gloriosa cum corpore induta erit. Ideo subditur. In vestitu deaurato, idest cum corpore glorificato. Honorabitur quantum ad consortium, quia omnes angeli, & sancti circa eam tanquam suam Reginam assistent, Ideo subditur. Circundata varietate, idest omnium sanctorum diuersitate. Secundò erit ibi ad magnam vtilitatē quo ad nos, vnde dñ de ea. Prou. vlt. De nocte surrexit, deditq; prædam domesticis suis, & cibaria ancillis suis, omnes domestici eius vestiti duplicibus. Ancillæ eius sunt animæ, quæ sibi libenter seruiunt. Domestici eius sunt illi qui ex intima deuotione cum ipsa quandam familiaritatem contraxerunt. Ipsa igitur de nocte surget, quia ad literam, vt creditur iudicium fiet, & tunc ancillis, & domesticis suis dabit prædam, idest dæmonum, & reproborum victoriam, quos omnes eis in prædam dabit, quia quilibet sanctus eos sub pedibus tenebit. Malach. 4. Calcabitis impios cum fuerint quasi cinis sub planta pedum vestrorum. Dabit etiam eis cibaria, quia cum filius suus sit verus Deus, & verus homo eos cibabit, & reficiet in visione humanitatis, & in contemplatione Deitatis, ipsos etiam vestiet duplicibus, sciet duplici stola gloriæ, & beatitudinis animæ, & corporis. Tertiò eius misericordia apparet in Regno, quia eius claritas in beatis est causa gloriæ, lætitiæ, & honorificentiae. Gloriæ quidem quia eius claritas beatos illustrat. Bernatd. Mariæ præsentia totus illuminatur orbis, adeo, vt ipsa superna ciuitas clarius rutillet virgineæ lampadis illustrata fulgoribus. Est etiam causa lætitiæ, quia sancti sine magna lætitia non possunt videre sororem suam super omnes angelos exaltatam, est etiam causa honorificentiae, quia magnus honor est sanctis habere fratrem Christum, & sororem Beatam Virginē, quorum vnus est Rex, & altera Regina totius Regni cælestis De his tribus dñ Iudith 15. Tu gloria Hierusalem, tu lætitia Israel, tu honorificentia populi nostri. Tertiò eius misericordia est cæteris misericordijs communior, & copiosior. Vnde eius misericordia assimilatur oliuæ campi. Ecclet. 24. Quasi oliua speciosa in campis. Misericordiae aliorum sanctorum sunt sæpe oliuæ hortorum, quia clausas eas sæpe tenent, eo quòd

quod digni non sumus. Misericordia autem Virginis est oli-
ua campi, quia omnibus est cōis. Ber. Virgo Beata copiosis-
sima charitate, sapientibus, & insipientibus debitricem se
fecit omnibus, misericordiæ sinū aperit, ut de eius plenitudi-
ne accipiant, vniuersi, captiuus redemptionem, æger curatio-
nem, tristis consolationem, peccator veniam, iustus gratiam,
angelus lætitiā, tota denique Trinitas gloriam, filij perso-
na carnis substantiam nec est qui se abscondat à calore eius.
Idem. Quid ad Mariam trepider accedere humana fragilitas
nihil in ea terribile, nihil austerum, tota suauis est, omnibus
offerens mel, & lac, & oleum. Reuolue totam scripturæ se-
riem, & si quid durum in ea occurrerit, de cetero eam sus-
pectam habeas, & ad eam accedere uerearis. Quartò eius mi-
sericordia omnibus alijs misericordijs est maior quadruplici
dimensione, scilicet, longitudine, latitudine, sublimitate, &
profundo. De hac misericordia dicit Ber. Quis ò benedicta
misericordiæ tuæ longitudinem, latitudinem, sublimitatem,
& profundum inuestigare possit. Longitudo enim eius usque
in diem nouissimum subuenit vniuersis eam inuocantibus, la-
titudò eius replet orbem terrarum, ut eius quoque misericor-
dia sit plena omnis terra, sublimitas eius ciuitatis supernæ
ruinas instaurauit, & profunditas sedentibus in tenebris, &
vmbra mortis redemptionem obtinuit. Sic ergo tuæ pietatis
ipsam quam apud Deum inuenisti gratiam notā facere mun-
do precibus tuis, & obtinendo reis veniam, ægris medelam,
pusillis corde robur, afflictis consolationem periclitantibus
adiutorium, & liberationem.

LAVDATVR BEATA VIRGO PRO NARDO

illa de qua in Canticis.

Sermo. C.

NARDVS significat Virginem Mariā de qua dī Can-
tic. i. Cum esset Rex in accubitu suo nardus mea dedit
odorem suum. Vbi tria sunt videnda. scilicet quæ sit ista nat-
dus, quis sit iste Regis accubitus, quis sit iste odor tam gratus.
Circa primum notandum, quod nardus est herba parua, odo-
rifera, candida, & virtuosa, Inquantū, n. est parua, significatur
Marię

Sermo LXXIX.

Marix humilitas, quia cū esset maxima, & in matrem Dei assumpta tamen reputabat se paruam, & humilimam, quando dicebat. Respexit humilitatē ancillę suę. In quantum est odorifera significat eius virginitas, cuius memoria Deo, & hominibus facit odorem. Sap. 4. O quam pulchra est casta generatio cum claritate immortalis, est enim membra illius, quia apud Deū nota est, & apud homines. In quantum est calida notatur eius feruens charitas, quę tanta fuit, q̃ Deū de celis ad terram traxit. Aug. O charitas quam magnas vires habes, Deum de cōelo ad terram deposuisti. In quantum est uirtuosa notatur eius pietas. Virtus autem nardi, sicut dicitur de proprietatibus herbarū est, q̃ habet cor, & cerebrum confortare. 1. inflammationem stomachi deprimere, & fluxū uentris restringere. Sic pietas Marix confortat cor in tribulatione, deprimat cor ab elatione, & restringit a carnali delectatione.

Circa secundum sciendum est, q̃ iste rex, idest, Christus habet quadruplicem accubitus. Primus est sinus patris, de quo Io. 1. Unigenitus filius, qui est in sinu patris ipse enarrauit. Secundus est uterus matris, de quo Eccl. 24. Qui creauit me requieuit in tabernaculo meo. Tertius est lignum crucis, ubi Christus accubuit, & obdormiuit, Can. 1. Iudica mihi, ubi pascas, ubi cubes. in meridie, ad literam enim Christus accubuit in cruce in meridie. Quartus est cor hominis in quo Christus per fidem ueram habitat, & requiescit. Eph. 3. habitare Christum per fidem in cordibus uestris.

Viso quę sit ista nardus, & quis sit iste regis accubitus, videamus quis sit iste odor tam gratus, pro eo quod dicitur Nardus mea dedit odorem suum. Nam dum iste rex in primo accubitu esset, idest in sinu patris, odorem dedit Marix humilitas, quę intantum Christum delectauit, q̃ ad eius uterum descendit. Cum enim se humiliauit, dicens, ecce ancilla domini, statim Christus de sinu patris ad eius uterum uenit. Dū esset in secundo accubitu, idest, in utero virginis odorem dedit Marix virginitas, q̃a Christus in utero matris virginitate ipsius, & puritate pascabatur. Can. 2. Qui pascitur inter lilia. Deus quidem pascitur inter lilia, idest, inter corda munda. Dum esset in tertio accubitu, idest in ligno crucis odorē dedit Marix

charitas

charitas quæ tanta fuit, q̄ iuxta crucem filij stabat, parata si oportuisset pro humano genere martyrium sustinere. Amb. super Lucam. Fortasse, quia cognouerat per filij mortem mundi redemptionem futuram putabat aula regalis se sua morte publico muneri aliquid addituram. In quantum rex iste est in quarto accubitu, idest, in corde hominis odorem dat Mariæ pietas, quæ nunquam desinit, sed sp̄ Deum ad misericordiam, & pietatem inducit. Vgo de sancto Victo. Christus sol. Maria stella, ideo peccatores uelut in nocte a Maria consolantur, iusti vero tanquam in die a Christo illuminantur. Itaque si per timeas supplicaturus ad Christum accedere ad Mariam respice ad genus tuum conspicias, nihil illic quod timeas inuenis.

QUINQUE RATIONIBVS COMMENDABILIS est Natiuitas B. Virginis. Sermo CI.

Natiuitas Mariæ Virginis primo fuit a Deo prænunciata, secundo a Patriarchis præfigurata, tertio a prophetis prædicta, quarto a Deo gratiosè exhibita, quinto ab ecclesia sollemniter instituta.

Primo enim prænunciata fuit a Deo qñ dixit serpenti de muliere Gen. 3. Ipsa conteret caput tuū. Fulbertus Carnocen. ep̄s. Dixit deus ad serpentem. In inimicitias ponā inter te, & mulierem, ipsa conteret caput tuum. Quid est caput serpentis cōterere nisi principalē diaboli suggestionem resistendo superare? Si ergo queratur, quæ nam hæc mulier operata sit huiusce modi victoriam, profecto non inuenitur in linea generationis humanæ, donec perueniatur ad Mariam, quæ nimirum serpentis caput uirtutis pede contriuit in eo, q̄ humilitatem, & uirginitatem Deo consecrauit. Deinde subdit. Virginitate nā que extinxit concupiscentiam carnis, humilitatem verò que ipsam fecit pauperem spiritu concupiscentiam mentis.

Secundo a Patriarchis fuit præfigurata, sicut patet in uirga Aaron quæ floruit, fronduit, & fructificauit. Vnde super illud Numerorum 17. Inuenit Moyses uirgā Aaron germinasse, dicit glo. idest Mariā quæ sine uiri semine genuit uerbum Dei.

Dei. Ber. sup Missus est. Nō enim incoueniens diuersis rebus ex causis Mariā figurari, sicut in uirga Aaron. Nam in uirga intellige eius potentiam, in flore eius fragrantiam, in fructu saporis dulcedinem, & in frondibus paruulorum ad se cōfugientium sedulam protectionem. Idē ibidem. Quid, & illud Gedeonis uellus q̄ utique de carne, sed sine carnis vulnere cēsum in area ponitur, & nunc quid em lana, & nunc area arcole perfunditur, nisi carnem assumptam de carne Virginis, & sine detrimento Virginitatis, cui utique distillantibus cœlis tota infunditur plenitudo diuinitatis, adeo ut de eius plenitudine omnes acciperemus, qui uerē sine ipsa nihil aliud quam arida terra sumus?

Tertio fuit à prophetis prædicta Ber. Audiamus Hieremiam dicentem. Nouum faciet Dominus super terram femina circundabit virum. Si dixisset infantem, uel paruulum, nec nouum uideretur nec mirum, sed uir erat Iesus etiam, nec dū natus. Sapientia quidem non etate corporis, sed cum uigore. Et Isa. dicit. Ecce dabit Dominus ipse uobis signum. Ecce uirgo concipiet, & pariet uobis filium. De ista mystica prænuntiatione præfiguratione, & prædictione dicit Hiero. in serm. de Assumptio. hæc est, inquit, quæ diuinis angelicisque præconijs laudata est, ac prædicata, à Patriarchis quidem enigmatibus, & figuris præsignata, à prophetis prænuntiata, ab Euangelistis exhibita, & monstrata, ab Angelo uenerabiliter atq; officiosissime salutata. Ber. ubi supra Quod Moyse monstratum est in rubo, & in igne, Aaron in flore, Gedeoni in uellere, & in rore, hoc aperte Salomō præuidit in forti muliere. Aperit Hieremias in femina virum circundante. Apertissime uerō Isaias declarauit de Virgine concipiente Gabriel tandem exhibuit ipsam Verginem salutando.

Quarto fuit a Deo gratiosè exhibita. Nostra enim natiuitas non est gratiosa, sed ignominiosa. Primo, quia est cum reatu. Psal. Ecce enim in iniquitatibus conceptus sum, & in peccatis concepit me mater mea. Secundo, quia est cum sterore. Sap. 7. Primam omnium uocem emisit plorans. Tertio, quia est cum poena, & defectu Iob. 1. Nudus egressus sum de utero matris meæ. Homo enim nascitur nudus non solum nuditate

tate vestitum, sed etiam nuditate virtutum: Natiuitas autem Beatæ Mariæ fuit gratiosa, quia non fuit cum reatu, sed cum omni munditia, non fuit cum defectu, sed cum omnium virtutum, & gratiarum abundantia, non fuit cum fletu, sed cum lætitia. Quamuis. n. ipsa in suo ortu fleuerit sicut ceteri pueri, tamen in eius Natiuitate magnum gaudiū habuerunt, & nos etiam habere debemus. Propter ista tria dicitur Hester. 8. *Inde nōna lux oriri visa est.* gaudium, honor, & tripudium. In hoc q̄ eius ortus vocatur lux, ostenditur, q̄ Natiuitas sua fuit pura, & munda. In hoc quod dicitur, q̄ fuit gaudiū, & tripudium, ostēditur, q̄ fuit angelis gratiosa, & nobis multum iocūda. In hoc quod dī, q̄ fuit honor, ostenditur, q̄ fuit omnium gratiarum & virtutum decore adornata. Quinto eius natiuitas fuit ab Ecclesia solemniter instituta. Trium. n. natiuitates Ecclesia tātummodo celebrat. s. Christi, B. Mariæ, & Ioannes Bāptistæ. Et hoc quinque de causis. Primo, quia oēs isti tres Sancti sunt nati. De primo Luc. 1. Quod. n. ex te nascetur sanctum uocabitur filius Dei. De secūdo. Sanctificauit tabernaculum suum altissimus. Ber. Neque. n. natiuitas Beatæ Mariæ festiuis laudibus honoraretur, si nō sancta naceretur. De tertio Hier. 1. Antequam exires de uulua sanctificaui te. Secundō quia omnes tres nati sunt gratia pleni. De primo. Io. 1. Plenum gratiæ, & ueritatis. De secūdo Luc. 1. Ave grā plena Dñs tecum. De tertio. Io. 1. Spiritu sancto replebitur adhuc ex utero matris suæ. Tertiō, quia omnes tres miraculose nati sunt. Nam Christus natus est de matre uirgine. Maria uero de sterili utroque parente. Ioannes de sene patre, & matre. Quartō, quia dies ortus ipsorum fuerunt gaudio deputati. De primo Luc. 2. Annuncio uobis gaudium magnum qd̄ erit omni populo. De secundo cantat Ecclesia. Natiuitas tua Dei genitrix Virgo gaudium annunciauit uniuerso mundo. De tertio Luc. 1. Multi in natiuitate eius gaudebunt. Quintō, quia fuerunt omnes tres præ ceteris sanctis maiori luce pfusi. Nā lux Christi assimilatur luci Solis. Mal. 4. Vobis timentibus Deum siue nōmen meum orietur Sol iustitiæ. Lux Beatæ Mariæ assimilatur luci Lunæ. Cantic. 6. Pulchra, ut Luna. Lux Ioannis assimilatur luci Luciferi. Iob. 38. Nūquid

Q produces

Sermo CII.

produces Luciferum in tempore suo. Sicut igitur post Solem, Luna, & post Lunam Lucifer magis lucent, sic post Christum Maria, post Mariam Ioannes Baptista magis splendent. Et ideo sicut cœlo Sol, Luna Lucifer amplius lucet, sic in ecclesia militanti isti sancti præ cæteris magis refulgere debent.

ASSIMILANDA EST BEATA VIRGO

Nam pluribus rationibus & modis. Sermo CII.

NAVIS dicitur Maria multiplici ratione. Primò ratione causæ efficientis, quia Deus trinus eam fecit. Nam pater ibi posuit suam potentiam, in quantum potentiam diuinitatis receptivam sibi contulit. Filius ibi posuit suam sapientiam, in quantum sibi sigillum integritatis integrum servavit. Spiritus sanctus ibi posuit gratiam, in quantum plenitudinem gratiæ sibi dedit.

Secundò dicitur navis ratione causæ materialis. De materia autem huius navis ipsa dicit Eccle. 24. Quasi cedrus exaltata sum in libano, & quasi cypressus in monte Syon quasi oliua speciosa in campis, & quasi platanus exaltata sum iuxta aquas in plateis. Est ergo ista navis facta de cedro virginitatis, quia cedrus est odorifera, & imputribilis, & significat eius virginitatem, quæ fecit ipsam Deo gratam esse, & odoriferam, & carnem eius servavit incorruptam. De cypresso charitas, quia cypressus est tantæ fortitudinis, & soliditatis, quòd nulli oneri cedit, sic charitas Beatæ Mariæ nulli unquam tribulatione cedere potuit. Can. 8. Fortis est, ut mors dilectio, dura sicut infernus emulatio, aquæ multæ nō potuerunt extinguere charitatem. Facta est etiam de oliua pietatis, quæ semper uiret, quia nunquam eius pietas alicui deest, nec in uerè iuventutis, nec in autumno senectutis, nec in hyeme tribulationis, nec in æstate alicuius mali feruoris. Facta est etiam de platano humilitatis. Est enim platanus arbor amplissima, sic humilitas Virginem Mariam amplissimam fecit, quia illum in utero suo suscepit, quem cœli capere non poterāt. Nā sicut dicit Ber. Maria ex virginitate placuit, sed ex humilitate concepit.

Tertiò

• Tertiò dicitur nauis ratione causæ formalis. Forma autem nauis est talis, quia superius est aperta, inferius est clausa, in principio stricta, in fine angusta, in medio lata, sic & Virgo Maria fuit superius aperta ad amorē cœlestiū, inferius clausa ad amorem terrenorum, fuit in principio suæ conceptionis stricta, quia sine peccato originali concepta fuit, in fine passionis angusta, quia in morte filij doloris gladio vulnerata, fuit in medio lata, quia totius Trinitatis nobile triclinium est effecta.

• Quartò dicitur nauis ratione causæ finalis. Est enim facta, ut Deum de cœlo ad terram portaret, iuxta illud Prouer. vlt. Facta est quasi nauis institoris de longe portans panē suum. Iste est ille panis, qui dicit Io. 6. Ego sum panis viuus, qui de cœlo descendi. Istum panem de longe nobis portauit. Istud autem longē dicit distantiam locorū, quia de cœlo in terram ipsum nobis portauit, ubi est distantia maxima. Vel dicit distantiam naturarū, quia iste panis constat ex natura diuina, & humana, in quibus est distantia infinita. Vel dicit distantiam meritorum, quia nulla nostra merita meruerunt, ut Deus hō fieret. Vel dicit distantiam statuum. Cum. n. sint quatuor status hōis, vnus ante peccatū sub innocentia, secūsus post peccatū sub culpa, & pœna, tertius sub gratia, quartus erit in gloria. Christus accepit carnem suā de lenge. i. de primo statu humanæ naturæ, quo. s. fuit sine peccato, & sub innocentia, nihilominus tñ de singulis statibus Chr̃s aliquid accepit. Nā de primo accepit peccati immunitatem, de secundo pœnalitatem, de tertio gratiæ plenitudinem, de quarto gloriosam fruitionē, quia eius anima beata continuē fruebatur. Ad ipsum panē comedendum nos inuitat dicens Prou. 9. Comedite panē meū, & bibite uinum, quod miscui uobis. Idem autē uocatur hic panis, & uinum. s. Christus. Nam ipsum uinū Deus Trinitas miscuit qñ aquam humanitatis uino diuinitatis uniuir. Ipsa ēc Virgo miscuit, quando de suis sanguinibus materiā ministravit. Panem quoque istum ipsa fecit. Vnde significata est p illā mulierem, de qua dicitur Mat. 13. quæ tria sata farinæ, i. corpus, animam & diuinitatem simul coniunxit, fermentū autē in hac commixtione, fuit fides Virginis Mariæ.

Quintò dicitur naus ratione arboris, quæ in ista nauì erecta fuit. De qua arbore dicitur Eze. 27. Cedrum de libano tulerunt, ut facerent tibi malum. Ista arbor fuit Christus, qui in ista naue Virginis fuit erectus. Qui assimilatur cedro, non tantum propter sui sublimitatem, sed etiam pp fructus qualitatem. Poma enim cedrina in aliqua parte sunt dulcia in aliqua parte acerba, in aliqua inter dulce, & amarum sunt media per quæ significatur in Christo tres naturæ. Nam in Christo fuit diuinitas dulcissima, fuit caro amaritudine plena, fuit & anima, quæ fuit dolore plena in quantum fuit suæ naturæ relicta patiebatur, & fuit dulcedine repleta, inquantum fruebat.

Sextò dicitur naus ratione ueli, quod ibi positum fuit. Quod autem signatur per arborē istius nauis, ipse etiam significatur per uelū. scilicet ipse Christus. De isto uelo dicitur Eze. 27. Byssus uaria de Ægypto contexta est tibi in uelum. Dicitur autē istud uelum uarium fuisse, quia pictum fuit de colore albo, rubeo, & aureo. In Christo. n. fuit ut dictum est anima, deitas, & caro. Ex carne igitur refulsit color albus pp suam puritatem, ex aīa color rubeus, propter suam charitatem, ex deitate color aureus propter suam preciositatem. Can. 5. Dilectus meus candidus propter suam puritatem, rubicundus pp animæ charitatem, electus ex milibus propter diuinam maiestatem.

Septimò dicitur naus ratione mercium quib. onusta fuit. Quæ quidem fuerunt eius uirtutes maximæ humilitatis, uirginitatis, & sēcunditatis. Nam per mercem humilitatis fuit Deo grata, per mercem uirginitatis angelo, per mercem sēcunditatis toti generi humano. Iudith 15. Tu gloria Hierusalē, idest, Dei, qui est uisio pacis nostræ, & hoc propter suam humilitatem, tu lætitia Israel. i. Angelorum, qui semper Deum uident, & hoc propter suam uirginitatem, tu honorificentia populi nostri, & hoc propter suam sēcunditatem.

GENERA QUATTUOR NOBILITATIS

asseruntur fuisse in B. Virgine. Ser. CIII.

NO B I L I S fuit Virgo Maria quadruplici nobilitate, scilicet generis, Moris, uirtutis, & imaginis. Nobilitas generis causatur

causatur ex carnis propagatione. Istam beata Virgo habuit quia de regali stirpe descendit. Vnde cantat ecclesia. Regali ex progenie &c. Olim quidem in ueteri testamento tres stirpes erant nobilissimæ, scilicet Patriarchalis, Prophetalis, & Regalis. Ipsa igitur descendit de stirpe patriarchali, idest, de Abraham, de stirpe Prophetali, idest, de Nathan Propheta, de stirpe Regali, idest, de David.

Secunda est nobilitas moris, quæ causatur ex honestæ morum compositione. Hanc etiam ipsa habuit, de qua sic dicit Ambr. in lib. de virginibus. Hinc sumatis exempla uiuendi, ubi tanquam in exemplari magisteria expressa probitatis quid corrigere, quid effugere, quid tenere debeatis ostendit.

Tertia nobilitas est uirtutis, quæ causatur ex uirtutum possessione, hanc etiam ipsa habuit. Vnde ipsa dicit Ecclesi. 24. In me omnis gratia uitæ, & veritatis, in me omnis spes uitæ, & uirtutis. Præcipua tamen uirtus omnium uirtutum fuit uirginitas cum secunditate, secunditas cum uirginitate. Bern. in sermone de Assumpt. Si laudauero in Maria uirginitatem, multæ uidentur mihi uirgines affectu post eam: Si prædicauero humilem, inuenientur forte non pauci, qui mites, & humilis corde facti sunt. Si multitudinem eius misericordiæ uoluerō magnificare, sunt mulieres, & uiri misericordes. Vnum autem est in quo nec primam similem uisa est nec habere sequentem gaudium, uidelicet, matris habere cum uirginitatis honore: Prima igitur nobilitas, scilicet, carnis, quando coniungitur cum hac duplici nobilitate, scilicet, moris, & uirtutis, sine nobilitate carnis, tanto amplius laudatur quanto propriam uincens naturam laudabiliter operatur.

Quarta est nobilitas imaginis, quæ causatur ex diuinæ imaginis impulsione, qua naturaliter omnes sunt nobiles, quia ad Dei imaginem sunt creati. Vnde dicitur Act. 17. Ipsius enim genus sumus. Istam tamen imaginis nobilitatem corrumpunt peccatores, qui imaginem alienam superinducunt. De quibus dicitur Rom. 1. Mutauerunt gloriam, idest, imaginem gloriosam corruptibilis hominis in uolucrum, & quadrupedum, & serpentum. Imago corruptibilis hominis est uana gloria.

quæ cito euanesceat, & corrumpit, imago uoluerum est superbia, imago quadrupedum est luxuria quæ in corpore exercetur, quod quatuor elementis componitur, imago serpentum est auaritia, quia auari semper terram comedunt, idest terrena concupiscunt. Beata autem uirgo imaginem Dei illibatam in se seruauit, nec alienam imaginem superinduxit, nec luxuriæ, quia fuit castissima, nec uanæ gloriæ, quia mitissima fuit, nec superbiæ, quia fuit humilima, nec auaritiæ, quia fuit pauperima. Propter istam quadruplicem nobilitatem dicitur in Psal. Astitit regina à dextris tuis, &c. Ecce nobilitas generis. In uestitu deaurato, idest, in corpore morum honestate. Ecce nobilitas moris. Circundata uarietate, idest uirtutum multiplicitate. Ecce nobilitas uirtutis. Deinde subditur. Et concupiscet rex decorem tuum, in hoc notatur nobilitas imaginis cuius decorem plurimum concupiscit.

IN BEATA VIRGINE PLURA FACTA
fuerunt noua. Sermo CIIII.

NOVA plura fuerunt facta in Virgine Maria. Primum enim pater fecit in ea quatuor noua, & nō solita. Erant enim quatuor impossibilia. Vnū quod uirgo conciperet. Secundum quod femina Deum reciperet. Tertium quod mater sine peccato generaret. Quartum quod puerpera sine dolore pareret. Pater igitur Virgini dedit uirtutem generatiuam ut Virgo de spiritu sancto conciperet. Hier. 31. Nouum faciet Dominus super terram femina circumdabit uirum. Et uerè nouum. Quod enim caro de carne uel spiritus de spiritu nascatur non est nouum, sed consuetum. Io. 3. Quod enim natum est ex carne caro est, & quod uatum est ex spiritu spiritus est. Secundum quod factum est in Maria nouum, & inauditum est, ut Deū intra uterū recipere posset. Apoc. 12. Mulier amicta sole. Tūc enim amicta fuit sole, quando Illustrata fuit diuinitate. Tertio dedit matri gratiam, ut sine peccato generaret. Ideo dicitur Lu. 1. Quod enim ex te nascetur sanctum uocabitur filius Dei. Quarto puerpere dedit prerogatiuam, ut sine dolore pareret. Iob. 5. De humo non egrediet dolor. Ista humus est illa

terra, de qua dicitur Isa. 45. Aperiat terra, & germinet saluatorem.

Secundò filius fecit in ea tria noua. Vnum est, quia de suo utero carnem assumpsit. Secundum est, quia animam suam creauit. Tertium est, quia utrunq; suæ diuinitati uniuic. Caro quidem fuit noua sine femine generata. Anima fuit noua, quia de nouo creata, & innocenti corpori infusa. Coniunctio fuit noua, quia creatura creatori fuit vnita. De duobus primis diuitur Isa. 45. Ecce ego creo celos nouos, & terram nouam. Per celum nouum intelligitur anima Christi, quæ fuit tota celestis. Per terram nouam significat eius caro, quæ fuit de nostra terrena substantia, de qua dicitur Iob 9. Terra data est in manu impij. i. Pilati, siue Iudæi. De tertio Damascenus loquens de hac coniunctione deitatis. scilicet cum humanitate dicit, quod hæc est oïum nouorū nouissimum, & quod respectu eius nihil nouū sub sole.

Tertiò Spiritus sanctus tria noua fecit. Primò nouum modum sanctificandi, quia consueuerat sanctificare adultas, sed hanc sanctificauit clausam in utero, quia cum ipsa Virgo esset clausa in utero matris, fuit à Spiritu sancto sanctificata. Secundò habuit nouum modum infundendi, quia olim infundebat se ad iustificandum. Nunc autem infundit se ad impugandum. Lu. 1. Spiritus Sanctus superueniet in te, qui. scilicet te impregnabit, & conceptum tuum formabit. Tertiò habuit in ea nouum modum tribuendi, quia consueuit dare dona gratiarum suarū particulariter, Virgini autē dedit vniuersaliter. Ideo ipsa dicit Eccl. 24. In plenitudine sanctorū detentio mea. Hiero. in serm. de Assump. Bene plena, quia ceteris quidem per partem prestat, Mariæ verò se tota simul infudit græ plenitudo.

Quartò ipsa Virgo habuit quattuor noua, quia secundum Ber. ipsa fuit primiceria, sine corruptione secunda, sine graue diuine grauida, & sine dolore puerpera.

Quintò angelus sibi tria noua annunciauit. scilicet Dei incarnatione, humani generis redemptionem, & suæ virginitalis conseruationem. Luc. 1. Ecce concipies, & paries filium, ecce filij Dei incarnatio. Et uocabis nomen eius Iesū. i. Saluatorem, ecce humani generis redemptio. Et infra. Spiritus sanctus superueniet in te, quasi dicat Concipies non humano semine, sed mystico spiramine, ecce uirginitatis conseruatio.

NVBES significat beatam Mariam. Nubes enim potest tripliciter comparari, uel considerari. scilicet quantum ad eius generationem, qualitatem, & uirtutem. Fit autem generatio nubis, aliquando ex uaporibus marinis, aliquando ex uaporibus terrenis, aliquando ex uaporibus corruptis. Et secundum hoc nubes dicitur Virgo Maria, & homines terreni, & homines mundani. Maria enim dicitur nubes in quantum ex uaporibus maritimis generatur. Nubes habet generari ex uaporibus marinis, quando partes uaporabiles maris uirtute caloris solaris attrahuntur in nubes, & sic uirtute illius caloris omnis amaritudo marina in dulcedinem commutatur. Per istum modum Maria nubes dicitur. Nam in ipsa fuerunt multi vapores marini, idest, multae tribulationes. Vnde & Maria amarum mare interpretatur, quae tamen tribulationes uirtute diuini amoris sibi in dulcedinem uertebantur, unus vapor marinus fuit tribulatio quam ab Herode passa fuit, qui ipsam usque in Aegyptum fugauit, sed tamen istud exilium lætanter, & patienter sustinuit. Alius vapor fuit dolor quem habuit in filij passione, & iste dolor temperabatur ex eo quod per filij mortem expectabatur humani generis salus, Dolor etiam partus, & dolor mortis sunt quidam uapores marini, qui tamen in ipsa dulcedinem sunt conuersi, quia sine dolore peperit, & sine dolore de hoc mundo transiit. Secundò nubes significat homines terrenos. scilicet quando ex uaporibus terrenis generantur. Vapores terrestres sunt affectiones hominum terrenorum, qui per se ad celestia ascendere non possunt. Et ideo Virgo Maria uirtute sui amoris ab amore terrenorum eleuat corda eorum intra uiscera suae pietatis quodammodo ea in nubes condensat dum ipsa ab amore terrenorum eleuat, & ad amorem celestium sursum leuat. Tertiò nubes generantur ex uaporibus corruptis, & tunc magna pestilentia, & corruptio generatur. Iste nubes ex uaporibus corruptis generati sunt homines immundi, & peccatores qui in se sunt putridi. Iohel. i. Computruerunt iumenta

imenta in stercore suo. Et ideo alios inficiunt 1. Corin. 15. Corruptunt bonos mores colloquia mala 1. Cor. 5. Modicū fermenti totam massam corrumpit.

Secundò nubes consideratur quantum ad qualitatem. Est enim concava est à terra eleuata, est continuo motu agitata. Primò quidem est concava, & ad modum spōgię cauernosa, & ideo impressionum cœlestium est de facili receptiua. Sic B. Virgo fuit concava per humilitatem, & ideo ualde idonea ad recipiendum cœlestium gratiarum infusionem. Ipsa. n. uocatur Luna, de qua Luna dicitur Eccl 43. Vas castrorū in firmamento cœli resplendens gloriosè. Luna dicitur uas castrorum, quia non solum à Sole, sed etiam à stellis, & planetis dicitur recipere aliquam mutabilitatem. Sic B. Maria à Sole, i. à Deo recipit gratiarum omnium infusionem, & à stellis. i. ab angelis continuè recipit laudem, & honorem. Secundò nubes est eleuata à terra. De terra quidem generatur, sed tñ in terra non moratur, sed sursum eleuatur. Quanto. n. nubes à terra eleuatur, & fit cœlo magis vicina, tanto, tanto uidetur esse minor, quanto autem terræ est magis vicina tanto vñ esse maior. Sic Beata Virgo nata fuit in mundo, sed conuersabatur in cœlo. Et quanto plus ad cœlum se eleuabat, tanto magis humillima de se sentiebat. Vnde eleuata usque ad matrem Dei reginam cœli, & dominam mundi, tamen de se humilia sentiebat dicens. Respexit humilitatem ancillæ suæ. Homines autem mundani quanto magis terræ uicinantur, & elongant à cœlo, tanto de se maiora sentiunt, & amplius intumescunt. Tertiò nubes est continuo motu agitata, quæ agitatio, siue motio habet fieri à suæ substantiæ leuitate, & ab aeris subtilitate, & à uentorum impulsione. Nos non sumus agiles, sed sumus pigri & desides ad bene operandum, quia impedimētū habemus à corpore, qui habet corruptionē, & ab anima, q̄ habet terrenam affectionem. De his duobus dñ. Sap. 9. Corpus qđ corrumpitur aggrauat animā, & deprimat terrena inhabitatio sensum multa cogitantem. Habemus et impedimēta à spū nostro, qui qñ non hēt Deū est sibi pondus grauissimū. Aug. in lib. confessionū. Nūc aut ea q̄ imple, subleuas, & qm̄ tu plenus nō sum, iō mihi onus sū. Beata aut Maria ad bene
operan

operandum fuit, velocissima, quia habuit corpus leue ex eo, quod fuit incorruptissima. Habuit animam subtilem ex eo, quod fuit tota purissima. Habuit spiritum Deo plenum, qui ipsam ad omne bonum impellebat ex eo, quod fuit Spiritu sancto plenissima. Ideo vocatur nubes leuis, Isa. 19. Ascendet Dominus super nubem leuem. Amb. super illud beati immaculati exponens supradictam auctoritatem dicit. Ascendet Dominus super nubem leuem, hoc est in Mariam Virginem, quæ nubes erat secundum hereditatem Eux. Leuis erat secundum virginitatis integritatem. Leuis erat, quæ non quærebat hominibus placere, sed Deo. Leuis erat, quæ non conceperat in iniquitate, sed Spiritu sancto superueniente. Tertiò nubes consideratur quantum ad effectum siue comparisonem, & virtutem. Nubes enim terram fecundat æstum mitigat, arcum cœlestem generat. Sic Beata Maria imbrẽ gratiarum suarum totam Ecclesiam irrigat, & fecundat. Est enim fons Paradisi, qui totam terram irrigat, & in quatuor capita diuiditur. Quia quibusdam dat virtutem prouidentia, vt sibi prodeat à periculis futuris, quibusdam virtutem iustitiæ, ut satisfaciant de offensis præteritis, quibusdam dat virtutem fortitudinis, vt sint constantes in aduersis, quibusdam virtutem temperantiæ, vt sint abstinentes in prosperis. Secundò nubes æstum mitigat. Nam interponendo se inter nos, & solem vmbra generat, & refrigerium præstat. Sic Beata Maria se interponit inter solem, & nos, dum Dei iustitiam ad misericordiam flectit, & sic nobis refrigerium magnum facit. Sunt enim multi qui patiuntur æstum tribulationum, & carnalium concupiscentiarum, sed istos æstus rore sue gratiæ refrigerat dum patientiam tribuit, & carnalem concupiscentiam extinguit. Eccl. 18. Nonne ardorem refrigerat ros. Tertiò nubes archum cœlestem in se parit, qui quidẽ archus hẽt colorem igneum, viridẽ, & indigum. Quia igitur B. Virgo erat concava per humilitatẽ. i. humilima, & rorida. i. gratia plena, ideo genuit in se rorem, archum. i. Christum, qui est signum fœderis inter nos, & Deum, per quem promisit Deus dare gratiam, & gloriam. Qui quidẽ hẽt colorem igneum quo ad Deitatem. Heb. 12. Deus noster ignis consumens est. **Habet colorem viridem quo ad carnem, quæ**
virore

viore puritatis semper reffloruit, & etiam mortua feteſcere non potuit, ſed ſemper viore puritatis enituit. Pſalm. Reffloruit caro mea. Habet colorem indigum ſine cœleſtem quo ad animam, quæ ſemper in cœleſtibus habitabat. Io. 3. Nemo aſcendit in cœlum niſi qui deſcendit de cœlo, filius hominis qui eſt in cœlo.

EX ODORE, ET MODIS QUIBVS ODOR
emittitur, inſignis eſt Beata Virgo. Sermo CVI.

O DORIFERA fuit, & eſt tota Virgo Maria. Nec mirum, quia ipſa fuit plena balfamo diuinæ ſapientiæ. Eccleſiaſt. 24. Quafi balfamum nō mixtum odor meus. Ipſa fuit hortus plenus lilijs munditiæ. Cant. 2. Sicut lilium inter ſpinas, &c. Ipſa fuit alabaſtrum plenum vnguento deuotionis, & gratiæ. Cant. 4. Odor vnguentorum tuorum ſuper omnia aromata. Ipſa fuit apotheca plena aromatibus virtutum. Cant. 5. Genę tuę ſicut areolę aromatum, Bernard. Si vaſa pigmentaria diu ſeruāt aromatum fragrantiam, quanto magis apotheca omnium gratiarum, in qua cœleſtis pigmentarius cum omnibus ſuis vnguentis, cum omnibus delitijs accubuit. Ipſa fuit celarium plenum vino cœleſtium doctrinarum. Cantic. 2. Introduxit me Rex in celam vinariam, & ordinauit in me charitatem. Item, 7. Guttur tuum ſicut vinum optimum. Notandum autem, quod odor multipliciter cauſatur. Primò ex concrematione ſicut thus concremarum in igne reddit odorem. Eccleſiaſt. 30. Quafi thus redolens in diebus æſtatis, & quafi thus ardens in igne. Aliquando cauſatur ex contritione ſicut aromata integra parum redolent, ſed in puluerem redacta magnum odorem faciunt. Aliquando ex reuelatione ſiue ex manifeſtatione, ſicut balfamum in vaſe incluſum odorem non reddit, ſed vaſe fracto, vel aperto odor diffunditur. Vnde dicitur de Magdalena. Io. 12. q̄ poſtquam alabaſtrum fractum eſt, domus impleta eſt ex odore vnguenti, Aliquando ex aggregatione multarum herbarum redolentium in agris. Geſ. 27. Ecce odor filij mei ſicut odor agri pleni. Maxime aut

rem tunc flores, & herbae consueuerunt redolere, quando à vento australi fuerint perflatae. Cant. 4. Surge aquilo, & ueni auster, & perfla hortum meum, & fluent aromata illius. Istis quatuor modis odor in Beata Virgine causabatur. Primo ex concrematione. Triplici enim igne fuit totaliter concremata. Signe doloris, dum filij sui acerbam passionem cogitabat, igne desiderij, dum ad filium suum pergere aestuabat, & ea, quae dixerat, & fecerat in mente reuoluebat, igne amoris, quia tota erat ignita, & in ignem amoris conuersa. De isto triplici igne dicit Hieronymus in sermo. de Assumpt. Quantis putas filij doloribus afficiebatur, quo amore cruciabatur, quo desiderio aestuabat, dum mente reuolueret cuncta, quae audierat, & uiderat. Puto quicquid humanae uirtutis est cogitare non sufficiat. Nam & si diligebat ex toto corde Christum, nouis tamen inflammabatur quotidie praesentia absens affectibus desideriorum quam nimirum totam Spiritus sancti gratia repleuerat, totam diuinus amor incanduerat, ita ut in ea nihil esset, quod mundanus uiolaret affectus, sed ardor continuus, ac perfusi amoris ebrietas. Ex tanta igitur ignis concrematione, magnum de corde suo faciebat holocaustum Domino. Odoratusque est Dominus odorem suauitatis. Dicitur autem holocaustum sacrificium, quod totum est incensum, Cor igitur Virginis fuit Deo odoriferum holocaustum, quia totum incensum fuit igne doloris, igne desiderij celestis, & igne diuini amoris. Secundò causabatur in ea odor ex contritione siue ex puluerizatione. Vnde dicit sponsus quasi admirando. Cantic. 3. Quae est ista, quae ascendit per desertum sicut uirgula fumi ex aromatibus myrrhae, & thuris. Aromata intelliguntur Dei beneficia, quae ipso pistillo deuotionis in corde suo terebat, dum ea frequenter in mente reuoluebat. Per myrtham signantur amaritudines passionis filij sui, quas ipsa pistillo doloris in corde suo terebat, dum ea sedula mente frequenter cogitabat, & amara suspiria emittebat. Per thus signantur eius inflammata, & odorifera desideria, quae illa pistillo amoris terebat dum ea in corde suo nouis desiderijs renouabat. Per uniuersos pulueres pigmentarij, intelliguntur eius uirtutes, quas ipsa pistillo laboris

terebat

terebar dum uirtutes suas per opera continua exercitabat. Illi enim habent uirtutes integras, qui eas habent ociosas, nec per aliqua opera exercitatas. Dicit ergo. Quæ est ista, &c. uirgula fumi procedens ex diuersis pulueribus pigmentarij, est uirtutum suarum assidua exercitatio. Magnum igitur odorem Deo faciebat, quæ sic terebat Dei beneficia per incitationem, sic terebat desideria per renouationem, & sic terebat uirtutes per exercitationem. Tertiò causabatur in ea odor ex reuelatione siue ex manifestatione. Odor enim suus non fuit clausus sed apertus, & manifestus intantum, quòd ascendit in cælum, quòd penetrauit infernum, & quòd per totum mundum diffusus est. Nam odor suæ humilitatis, & uirginitatis in cælum ascendit, & Deum & angelos lætificauit, ideo assimilatur nardo. Cantic. i. Cum esset Rex in accubitu suo nardus mea dedit odorem suum. Nardus est herba parua, & odorifera. Inquantum est parua significat eius humilitatem, inquantum est odorifera significat eius uirginitatem. Odor suæ sanctitatis infernum penetrauit, & sanctos Patres recreauit, & dæmones conturbauit. Ideo assimilatur odori vineæ. Cant. 2. Vineæ florentes odorem dederunt. Odor enim vineæ homines recreat, sed conturbat serpentes. Sic odor suæ sanctitatis Patres qui erant in limbo recreauit, & cōfortauit dæmones autem expulit, & conturbauit. Odor suæ fecunditatis totum mundum repleuit, & omnes mirabiliter sunt allecti. Ideo assimilatur odori unguentorum. Intantum enim omnes homines odore suæ fecunditatis sunt repleti, & affecti, quòd omnes trahi desiderant, & ad ipsam currere affectant. Cant. 1. Trahe me post te in odorem unguentorum tuorum. Quartò causabatur odor in ea ex diuersorum florum, & herbarum, idest, uirtutum aggregatione. Nam in ea fuit lilium munditiæ, rosa patientiæ, viola humilitatis profundè, uirtus temperantiæ, & cæteri flores uirtutum, & gratiæ. Istæ autem uirtutes fuerunt in ea valdè odoriferæ, quia austro Spiritus sancti fuerunt perflatæ. Auster enim est uetus calidus, humidus, & fecundus, uel fecundatiuus. Auster igitur Spiritus sancti eam inflammauit per amorem, humectauit per deuotionem, & fecundauit per bonorum operum multiplicationem.

CONTEMPLATVR BEATA VIRGO.

ut oliua.

Sermo CVII.

OLIUA significat Beatam Mariam. Oliua enim considerari potest quantum ad arborem, fructum, & liquorem. Quantum vero ad arborem ipsa est oliua viriditatis continuę, est signum reconciliationis factę, est signum victorię assecutę, est fecunda in sobole. Et quantum ad ista omnia hęc ostenduntur de Beata Maria, scilicet, qualis fuit quantum ad seipsam, quantum ad Deum, & qualis ad demones. Primò igitur oliua est uiriditatis continuę, quia uiret in æstate, in hieme, in vere, & in autumno. Et quantum ad hęc omnia ostenditur de Beata Maria qualis fuerit quantum ad seipsam. Ipsa enim uitorem suę sanctitatis nunquā amisit, nec in æstate consolationis, nec in hyeme tribulationis. Vnde poterat dicere illud Iob. 27. Donec deficiam non recedam ab innocentia mea, iustificationem meam quam cępi tenere non deferam. Tenuit etiam uitorem suę sanctitatis in uerē iuuentutis, & in autumno senectutis, quia eundem feruorem quem habuit in iuuentute tenuit in senectute. Vnde sibi potest continere illud Deuteronom. 22. Sicut dies iuuentutis tuę, sic & senectus tua. Secundò oliua est signum reconciliationis factę, unde dicitur in historijs Romanorum, quòd quando Legati Romanorum mittebantur pro pace offerēda, ramos oliuarum portabant. Et quantum ad hoc ostenditur qualis fuerit quantum ad Deum, quia ipsum nobis reconciliauit. Vnde in signum huius reconciliationis factę angeli cantauerunt. Gloria in excelsis Deo. Hęc est illa mulier sapientissima, quę reconciliauit Dauid uiro suo, ut habetur. 1. Reg. 25. quia Deum reconciliauit generi humano. Hęc est illa columba innocentissima, quę portauit ad archam ramum uirentis oliuę in ore suo, quę indicabat hominem Deo reconciliatum. Tertiò oliua est signum victorię assecutę. Nam sicut dicit Plinius. Olim apud Athenas uictores consueuerūt coronari ramis oliuarum. Et quantum ad hoc significat qualiter ipsa se habuerit ad demones, quia eos superauit, & ui-
cit.

cit. Ipsa quidem contrinit caput serpentis, idest, suggestionis suæ. Genes. 2. Ipsa conteret caput tuum. Ipsa confudit astutiam suæ suggestionis. Iudith. 14. Vna mulier Hebræa fecit confusionem in domo Nabuchodonosor. Ipsa enim deiecit à dominio potestatis. Ideo subditur. Erit enim memoriale nominis tui cum manus fœminæ deiecerit eum. Quartò oliua est fœcunda in sobole, quia multas nouellas plantationes generat. Et quantum ad hoc ostenditur qualis sit quantum ad nos: ipsa enim tanquam mater fœcunda multos generat in fide, & gratia. Psalm. Ego autem sicut oliua fructifera in domo Domini. Item. Filij tui sicut nouellæ oliuarum. Ipsa enim filios quos generat postea in mensa cibatur. Ecclesiast. 15. Cibauit illum Dominus pane vitæ, &c. Ipsa quidem cibatur intellectum Dei cognitione, affectum Dei amore, qui amor est vita animæ. Secundò oliua consideratur quantum ad fructum. Secundùm autem Isido. fructus oliuæ primo virefcit, secundo rubescit, deinde nigrescit. Sic Beata Virgo rubea fuit per charitatem, & viridis per virginitatem, & nigra per humiliationem. Cantic. 1. Nigra sum, ecce nigredo humilitatis, sed formosa, ecce viredo virginitatis. Sicut pelles Salomonis, ecce rubedo charitatis. Vel potest dici, quòd fructus istius oliuæ fuit Christus qui fuit viridis in tota conuersatione sua. Luc. 23. Si in viridi ligno hoc faciunt in arido quid fiet. Fuit rubeus in passione. Isa. 63. Quare rubrum est indumentum tuum, & vestimenta tua sicut calcantium in torculari. Fuit niger in morte. Apoc. 6. Sol factus est niger tanquam saccus cilicinus. Tertiò oliua consideratur quantum ad liquorem. Sicut dicit Isidorus. Surgit oleū ex amaritudine radice, & pabulum luminis, in refectionem esurientis, in medicinam infirmantis. Sic & ipsa ad instar olei, tenebrosos illuminat lumine suæ gratiæ. Ecclesiast. 24. Penetrabo inferiores partes terræ, & inspiciam omnes dormientes, & illuminabo omnes sperantes in Domino. Ipsa vulneratos sanat medicina misericordiæ suæ. Ecclesiast. 43. Medicina omnium in festinatione nebule, idest in festina miseratione Mariæ. Ipsa famelicos satiat dulcedinæ suæ consolationis. Prouerb. vltimo. De nocte surrexit deditque prædam

Sermo CVIII.

dam domesticis suis, & cibaria ancillis suis. Ecclesiastic. 24. Qui edunt me, adhuc esurient, & qui bibunt me, adhuc sitient.

PROUT OLIVA SIGNIFICAT MISERICORDIAM, ita predicatur Beata Virgo.

Sermo CVIII.

OLIVA significat Mariæ misericordiam, de qua oliua ipsa dicit. Eccles. 24. Quasi oliua speciosa in campis. Ex quibus verbis habetur, quod ipsa habet misericordiam excellentem, congruentem, & patentem, habet quidem misericordiam excellentem, quod notatur per hoc quod vocatur oliua. Sicut enim oleum superenatat omnibus liquoribus, sic eius misericordia eminet omnibus aliorum sanctorum miserationibus. Ecclesiast. 18. Misericordia hominis circa proximum suum, misericordia autem Dei super omnem carnem. Secundò habet misericordiam congruentem, quia tunc maxime misericordiam exhibet quando maior necessitas imminet, quod notatur per hoc, quod dicitur speciosa, quia sicut dicitur. Eccles. 15. Speciosa misericordia Dei in tempore tribulationis. Tertiò habet misericordiam communem, & patentem, quod notatur per hoc, quod dicitur In campis. Ad oliuas enim hortorum non patet ingressus omnibus. Ad oliuas vero camporum omnibus est accessus. Quidam sancti sunt sicut oliuæ hortorum, quia tenent misericordias suas clausas, ex eo, quod non sumus digni eas recipere. Ista autem tenet misericordias suas omnibus communes, & apertas. Ideo ipsa inuitat omnes ad suas misericordias dicens. Transite ad me omnes qui concupiscitis me, &c. Vel potest dici, quod per hoc, quod dicitur. Quasi oliua speciosa in campis, notatur quod ipsa habet misericordiam totalem, & vniuersalem, habet quidem misericordiam naturalem, quod notatur per hoc quod dicitur. Quasi oliua. Solus Deus est ipsa oliua, quia ipse est ipsa sua misericordia, quia sibi proprium est, & naturale semper misereri, & parcere. Virgo autem Maria est quasi oliua, quia intantum est misereri assuetæ, & ad misericordias

ira prompta, quòd quodammodo est Deo est similima.

Secundò habet misericordiam totalem, quod notatur per hoc, q̄ dicitur speciosa. Illa enim oliua est speciosa, quæ in tota parte sui est pulchra in ramis, in folijs, & in fructibus. Sunt qui habent misericordiam in ramis, i. in corde per affectum compassionis. Sunt qui habent in folijs, idest, in uerbis per effectum exhibitionis. Virgo autem Maria est oliua speciosa, quia habet misericordiam in corde, exhibēdæ maternæ compassionis affectum. Et in ore in aduocando pro nobis apud Deum. Et in opete exhibendo suæ miserationis auxilium.

Tertiò habet misericordiā vniuersalem, qđ notatur per hoc q̄ dicitur. In campis. Sūt quidam sancti, qui uidentur hñe misericordiā spiritualem, qui aliquib. subueniūt, quibusdam nō. Quidā particularem, qui super aliquib. infirmitatibus vidētur accepisse à Deo. potestatē curādi. Sicut Antonius super adustione cuiusdā ignis. Et Leonardus super inclusos in custodia carceris. Quidā localem, quia maiora beneficia præstāt in aliquibus locis, puta sepulturæ, & ubi eorum reliquiæ cōseruantur. Quidam tpalem, quia aliquibus tpibus magis subueniūt, sicut patet in martyribus, & in alijs sanctis, qui tpe suę passionis, & canonizationis. s. qñ efficiuntur Xpi milites sunt se. inuocant magis liberales. Misericordia aut Virginis est sicut oliua in cāpis, quia oīb. est vniuersalis, atq; cōis. s. oīb. personis super omnibus morbis in omnibus locis, & cunctis temporibus.

PROBATVR CONVENIRE B. VIRG. QVOD
dictur elegisse optimam partem. Ser. CIX.

OPTIMAM partem elegit Maria, quæ nō auferetur ab ea. Istud uerbum non conuenit alicui sancto, nec ēt alicui angelo, nec etiam ipsi Deo, sed tm Virgini beatę. Cū enim optimum dicatur cui impossibilis est additio, cum non sit aliquis sanctus, nec angelus ad cuius perfectionem possit aliquid addi, ideo nulli sancto nec alicui angelo istud uerbum potest conuenire, præterea cum Deus non habeat partem, sed totum, ideo nec conueniet ipsi Deo. Sola autem Virgo beata optimam partē habet, quia ad eius perfectionē addi non pōt.

R.

Et

13

Et ideo ipsa est media inter creatorem qui totū tenet, & omnem creaturam; quia partem bonam, vel meliorem possidet. Et dicit, Elegit. Cum enim sit triplex electio. s. boni malo reprobo, quæ est incipientium: secunda melioris inter bonas: quæ est proficientium: tertia optimi inter meliora, quæ est perfectorum, manifestum est, quod cum ipsa sit perfectissima, non tantum simpliciter bona, nec tantum de bonis meliora, sed etiam de melioribus optima eligebat. Istam autem optimam partem elegit in cœlo, & in mūdo. Pars autem optima quam elegit in mundo triplex fuit: Primò elegit optimā partem de castitate. Castitas autem habet tres partes. Vna est castitas coniugalis. Heb. 13. Honorabile coniugium thorus immaculatus: Et ista est bona, quia habet fructum tricesimū. Secunda est castitas vidualis. Et hæc est melior, quia habet fructum sexagesimū. Tertia castitas virginalis. Et hæc est optima, quia habet fructum centesimū. Et istam partē optimam elegit sibi Maria. Sed quoniā multæ fuerunt virgines, quæ post eam optimam partem elegerūt, ideo ipsa elegit partem super optimam, s. virginitatem cum fecunditate, huc fecunditatē cum virginitate. Ber. in sermo. de Assump. Optimā partem elegit sibi Maria, quia bona quidem est fecunditas cōiugalis, melior est castitas vidualis, optima vero fecunditas virginalis. Et istud priuilegium solum Mariæ fuit concessum, quia alteri non fuit datum. Vt vero ostenderet, quod sit persona communis voluit esse coniugata cum coniugatis, vidua cū viduis, Virgo cum virginibus. Secundò elegit partem optimā de humilitate, humilitas enim habet tres partes. Prima est subici suo superiori. Hebr. 12. Obedite præpositis vestris, & subiaccete eis. Et ista est pars bona. Secunda est deferre suo æquali. Ro. 12. Honora inuicem præueniētes. Et est ista pars melior. Tertia est subici suo inferiori. Luc. 22. Qui maior est vestrum sit sicut iunior. Et ista est pars optima. Pars optima quam elegit Maria est, quia non tantum erat obediens suo superiori, idest, Deo dicens. Luc. 1. Ecce ancilla Domini. Non solum suo æquali, idest, Ioseph sponso suo quē sibi præponebat, dicens. Luc. 2. Ecce pater tuus, & ego, &c. sed etiam suo inferiori, idest, Helisabeth apud quam tribus mensibus mansit,

mansit, & sibi deuote seruiuit. Ipsa enim sentiebat de Deo di-
 gna de proximo magna, de se parua. Sed multi contrarium fa-
 ciunt cōtra quos dicitur Leui. 21. Non accedet ad ministeriū
 si fuerit grādi, vel paruo, vel toruonaso. Illi enim habent gran-
 dem nasum, qui de se magna sentiunt sicut vanagloriosi, illi
 paruum qui de alijs parua sentiunt sicut præsumptuosi, illi ha-
 bent toruum qui de Deo sentiunt indigna, sicut sunt hæretici
 qui in sacris scripturis toruas expositiones faciunt, & ideo de
 Deo erronea sentiunt, & dicunt. Tertiò elegit partem opti-
 mam de uitæ perfectione. Est enim uita actiua. Et ista est
 pars bona. Alia est contemplatiua. Et ista est pars melior. Ter-
 tia est ex utraque composita. Et ista est pars optima. Et istā ele-
 git Maria. Et ideo signata fuit per Martham, quæ fuit actiua,
 & per Mariam, quæ fuit contemplatiua, ut legitur Luc. 10.
 Qualiter autem ipsa fuerit actiua, & contemplatiua ostendit
 Hiero. in epistola ad Cronatium, & Heliodorum. Dicit enim
 q̄ Beata Maria à mane vsque ad tertiam orationi uacabat.
 A tertia usque ad nonam circa aliqua opera honesta dedita
 erat. Post nonam uero angelo sibi deferente breuem refectio-
 nem fiebat. Reliquum uero tempus quod restabat circa qua-
 tuor expendebat, quia aut legebat, aut orabat, aut loca sancta
 uisitabat. s. passionis, & cætera loca filij in quibus fuerat ali-
 qua miracula operatus. Secundò elegit partem optimam in
 cœlo. Et ista est triplex. Primò consideratur quantum ad su-
 biectum quod glorificatū est, quia. s. tota in corpore, & in ani-
 ma glorificata est. Gloria autē Sanctorum tres habet partes.
 Vna est, qua Deus glorificat ipsorū corpora in terra. Eccl. 4.4.
 Corpora sanctorum in pace sepulta sunt, & uiuent noīa eorū
 in æternū. Et ista est pars bona. Alia est qua glorificat eorum
 aīas in cœlo. De qua dī Apoc. 6. Datæ sunt eis singulę stolæ. i.
 dotes aīæ. Et ista est pars melior. Tertia est qua glorificat in
 cœlo utrūq; .s. corpus, & aīam quod erit in beata resurrectio-
 ne. Et istam partem optimā Maria elegit, quia in corpore, &
 in aīa glorificationē accepit. Petrus & Paulus habuerūt bo-
 nā partē, quia eorū corpora honorantur in terris. Habent me-
 liorem partē, quia eorū aīæ glorificātur in cœlis, sed nō hēnt
 partem optimā, quia eorū corpora adhuc iacēt in sepulchris

Alij sancti volant in cælum cum vna ala, idest, cum gloria ani-
 mæ. Ista autem est illa mulier amicta Sole, quæ volauit in
 desertum, idest in cælum, à malignis spiritibus derelictum, cū
 duabus alis, idest, cum glorificatione animæ, & corporis, vt
 dicitur Apoc. 12. Alij autem sancti vestiuntur tantum vna sto-
 la, scilicet animæ. Hæc est illa mulier de qua dicitur. Pro-
 uerb. vlt. Byssus & purpura indumentum eius. Per byssum quæ
 est vestis candida intelligitur glorificatio animæ. Per purpu-
 ram, quæ est vestis regalis intelligitur glorificatio corporis
 quod de Regali stirpe descendit. Secundo consideratur quan-
 tum ad modum quo assumpta est. Quædam enim animæ
 assumuntur in cælum per unum angelum. Exo. 23. Ecce mit-
 to angelum meum, qui custodiat te in uia, & inducat in ter-
 ram quam promisi patribus tuis. Et ista est pars bona. Aliæ
 sunt, quæ assumuntur à pluribus angelis. Luc. 21. Factum est
 ut moreretur mendicus & portaretur ab angelis in sinu Abra-
 hæ. Et ista est pars melior. Sed si omnes angeli, & sancti, &
 ipse Christus alicui animæ obuiarent, & ipsam in cælū dedu-
 cerent, ipsa esset pars optima. Et istam partem optimam
 Beata Virgo habuit & elegit. Ber. in sermo. de Assump. Quis
 illud cogitare sufficiat quam gloriosæ hodie Regina mundi
 procescit, cum quanto deuotionis affectu tota in eius occur-
 sum cœlestium prodierit multitudo. Quis explicare quæat
 quibus canticis ad thronum gloriæ sit deducta, quam placi-
 do vultu, quam serena facie, quam lætis amplexibus à Dei fi-
 lio sit suscepta, & super omnem creaturam exaltata. Tertiò
 quatum ad locū in quo est suscepta. Quædam. n. aīc assumunt
 ad ordinē infimę Hierarchię. Et ista est pars bona. Aliæ ad
 ordinē medię. Et ista est pars melior. Aliæ ad ordinē supi-
 emę Hierarchiæ. Et ista est pars optima. Maria aut super oēs ordi-
 nes angelorū est exaltata sicut cārat Ecclesia. Exaltata es san-
 cta Dei genitrix super choros angelorū ad cœlestia regna. Est
 et super omnem altitudinem sanctorum eleuata. Gen. 8. Re-
 quieuit archa. i. Virgo Maria super montes Armenię, idest
 super omnes sanctos cœlestis curiæ. Et iterum ad dexte-
 ram filij collocata. 3. Reg. 2. Surrexit Salomon, idest Chri-
 stus Rex pacificus in occursum matris, positusque est thro-
 nus

nos matris, quæ sedet à dextris eius. Quarto consideratur quantum ad officium quod sibi commissum fuit, quia Deus sibi commisit officium miserendi. In impensione autem misericordiæ sancti sequuntur suam conscientiam. Et ista est pars bona. Deus sequitur suam iustitiam. Et ista est pars melior, quia homo in conscientia posset errare, Virgo autem Maria se tenet ad suam misericordiam. Et ista est pars optima. Vel potest dici, quod ipsa accepit à Deo quadruplex officiũ. Super iustos, super peccatores, super morientes, & super mortuos. Ideo dicitur. Maria mater gratiæ, mater misericordiæ. Accepit quidem officium à Deo super iustos, & bonos, ut eos in gratia custodiat, ideo dicitur mater gratiæ. Et ista est pars bona. Accepit super peccatores, ut eos ad misericordiam recipiat, & convertat, ideo dicitur mater misericordiæ. Et ista est pars melior. Accepit super morientes, ut eos ab insidijs diaboli protegat, & defendat, ideo dicitur. Tu nos ab hoste protege. Et ista est pars optima. Accepit super mortuos, ut eorum animas suscipiat, & in cœlum deducat, & ideo dicitur. In hora mortis suscipe.

AMOENISSIMO HORTO ASSIMILATUR

aptè Beata Virgo.

Sermo CX.

OR TVS deliciarum est Virgo Maria, quem quidem hortum Deus plantavit manu sua. Vnde dicitur in figura. Hester. 1. Iussit Assuerus, idest, Deus pater convivium præparari in vestibulo horti & nemoris, idest, in utero Virginis, quod regio cultu & manu cõstitutum erat. Tunc enim ibi Deus convivium præparavit quando naturam humanam suæ diuinitati univit. De ista plantatione dicitur. Eccles. 17. Plantauerat illum Deus. Secundo plantavit illum diversis arboribus, idest, diversis virtutibus conferuit. Vnde in huius significatione dicitur. Eccles. 2. Feci hortos, & pomeria, & conserui ea cuncti generis arboribus. Et dicitur hortos in plurali, quia Deus conferuit, & hortum sui corporis in uirginitate, & hortum suæ mentis in humilitate. Tertiò ipsum conserutum diversis riuus gratiarum irrigauit, & quodammodo

Sermo C X.

inebriauit. Eccl. 14. Rigabo hortum plantationum mearum, & inebriabo partus mei fructus. Quartò ipsum irrigatum totum amenissimum fecit Ezech. 36. Terra illa inculta, idest, Maria, quæ fuit integra, & illibata, facta est hortus uoluptatis. Et in istum hortum sic delitiosum Deus ibi descendit, & comedit, quia ibi carne, & sanguine Virginis se paut, & lilia collegit, quia in eius puritate multum delectatus fuit. Cant. 6. Descendit dilectus meus in hortum suum ad aureolam aromatum, ut pascatur in hortis, & lilia colligat. Istæ autem hortus fuit hortus clausus, & irriguus, & amenus, & hortus fructiferus. Primò nanque fuit hortus clausus, Cant. 4. Hortus conclusus es soror mea, hortus conclusus fons signatus. Ipsa enim habuit cor clausum, quia nunquam illuc intrauit aliqua dæmonis suggestio. Secundò fuit hortus conclusus, quia nunquam in eius cor subintrauit aliqua praua delectatio. Tertiò fuit fons signatus, quia nunquam in eius cor subintrauit aliquis prauus consensus. Deus enim ipsam signauit & clausit, & ipse solus clauem portauit, cuius thesaurus intus latebat. Secundò fuit hortus irriguus iuxta illud Cantic. 4. Fons hortorum puteus aquarum uiuentium, quæ fluunt impetu de libano. Aquæ enim gratiarum istius horti bonos fecundant, & ideo dicitur. Fons hortorum. Boni enim sunt hortus Dei qui sensus suos claudunt circa delectabilia mundi. Istæ etiam aquæ peccatores in peccatis mortuos uiuificant, ideo dicitur puteus aquarum uiuentium. Mali enim qui sunt in peccatis profundati, sunt puteus diaboli, sed aquæ gratiarum Beatæ Mariæ sunt uiuentes, quia in peccatis mortuos uiuificant. Istæ etiam aquæ beatos in cælo lætificant, ideo dicitur, quæ fluunt impetu de libano. Psal. Fluminis impetus lætificat ciuitatem Dei. Tertiò iste hortus fuit amenus, vnde postquam sponsus sponsam commendauerat dicens. Hortus conclusus es soror mea, statim amenitatem istius horti describens subdit. Emissiones tuæ paradisus malorum punicorum cum pomorum fructibus. Cyperus cum nardo, & nardus, & crocus. Fistula, & cinnamomum cum vniuersis lignis libani myrrha, & aloes cum omnibus primis vnguentis. Ecce quam amenus, & delitiosus est istæ hortus,

quia

quia emissiones suæ, idest virtutes quas emittebat sunt quasi paradysus, idest delitiosæ, & amenæ. Deinde ostendit suam amenitatem, quia ibi fuerunt mala punica cum pomorum fructibus, idest virtutum ordinabilitas, & deuotionis mira suauitas. Nam mala punica habent grana ordinata, & sunt poma dulcia. Ad ista poma sponsa inuitat sponsum dicens. Veniat dilectus meus in hortum suum, vt comedat fructum pomorum suorum. Ibi fuit cyperus cum nardo, idest fama odorifera, & humilitas profunda, quia cyperus est herba odorifera, & nardus est herba humillima. Ibi fuerunt nardus, & crocus, idest feruens charitas, & cœlestis contemplationis humilitas, quia nardus est herba calida, & crocus habet colorem aureum. Ibi fuerunt fistula, & cinnamomum cum vniuersis lignis libani, quia in ea fuerunt puritas cōscientiæ odor bonæ famæ, & incorruptibilitas in carne. Fistula enim habet suam virtutem in medulla. Cinnamomum habet odorem suum in cortice. Lignum libani est imputribile. Ibi fuerunt myrrha, & aloes cum omnibus primis vnguentis, quia in ea fuit amaritudo tribulationis pro filij passione, & fuit amaritudo compassionis pro miserorum afflictione, & suauitas deuotionis fuit in mente. Nam myrrha est amara similiter & aloes est amara. Vnguenta vero sunt dulcia, & suauia. Quartò iste hortus fuit fructiferus. Tunc autem hortus bene fructificat, quando bene irrigatur, quando ventus frigidus, & siccus ab eo remouetur, & quando vento calido, & humido perflatur. Sic iste hortus fuit fructiferus. Primò quia fuit bene irrigatus, modo lachrymis doloris pro filij passione, modo lachrymis compassionis pro miserorum afflictione, modo lachrymis deuotionis pro desiderio cœlestis patriæ, modo lachrymis lamentationis pro incolatu præsentis miseriæ, ideo sibi potest conuenire illud quod dicitur Isa. 58. Eris quasi hortus irriguus, & sicut fons cui non deficient aquæ. Secundò ventus aquilonaris ab isto horto fuit exclusus, & tertio fuit austro Spiritus sancti perflatus. Cantic. 4. Surge aquilo. Alia littera habet surge aquilo, veni auster, & perfla hortum meum, & fluene aromata illius. Per aquilonem intelligitur suggestio diaboli. Aquilo enim est ventus frigidus, & siccus, & pluriæ di-

Sermo CX.

spofitius. Diabolus enim inrigidat à Dei amore. Ecclesiastic. 43. Frigidus ventus aquilo flauit, & deficcit, & euacuat ab omni deuotione. Iob. 26. Qui expandit aquilonem super vacuum, & dissipat pluuiam cœlestis gratiæ. Prouerb. 25. Ventus aquilo dissipat pluuiam. Sed iste ventus ab horto virginis fuit penitus effugatus. Non enim potuit aliquod frigus immittere, quia ipsa semper fuit feruētissima, nec aliquam pluuiam cœlestis gratia ab ea expellere, quia ipsa semper fuit omnium gratiarum plenissima. Per austrum intelligitur afflatio Spiritus sancti. Auster enim est ventus calidus humidus, & fecundatiuus. Qui quidem hortum virginalem perflauit, quia fecit ipsam calidam per charitatem, humidam per pietatem, & fecundam per bonorum operū vberitatem, & sic fluxerunt aromata odorifera, qui odor ad instar balsami quodammodo recreauit Deum Ad instar cinnamomi totum mundum confortauit, quia cinnamomum stomachum confortat, & ad instar myrrhæ dæmones effugauit, quia odor myrrhæ vermes expellit. Propter ista tria dicitur. Eccles. 24. Sicut cinnamomum & balsamum, &c. De isto horto sic perflato austro dicit Bern. in sermo. de Natiu. eiusdem. Hortus planè deliciarum est Maria quem non solum afflauit veniēs, sed afflauit superueniens auster ille diuinus, vt vndiq; fluant aromata illius. In isto horto fuit viola humilitatis, lilium virginittis, rosa charitatis, & vinea florida fecunditatis. Isto igitur austro Spiritus sancti per flata magnum odorem fecerunt. Nam humilitas fecit odorem Deo, virginitas fecit odorem angelo, charitas fecit odorem diabolo, qui quidem odor ipsum percussit Iudith. 9. Percuties eum labijs charitatis meæ. Fecunditas istius vineæ fecit odorem mundo, iuxta illud Ecclesiastic. 24. Ego quasi vitis fructificauit suauitatem odoris.

EX IIS DIGITUR OVIS BEATA VIRGO,
quibus prædicta est ovis. Sermo CXI.

QUIS Dei est Virgo Maria, quæ dicitur ovis propter fecundum, propter pastum, propter simplicitatem verā, propter
•obedientiam

obedientiam spontaneam, & propter cognitionem mutuam.

Primò igitur dicitur ovis propter fœtum. Oves enim multum sunt fœcundæ, sic & ipsa fuit fœcunda, quia unum fructum protulit, qui totum mundum satiauit, de quo ipsa dicit Eccl. 24. Ego quasi vitis fructificaui suauitatē odoris. Vbi notatur q. iste fructus est suauissimus in sapore, ideo dicit, Fructificaui suauitatem. Est amœnissimus in odore, ideo dicit Odoris. Est honorificus, & honestissimus in specie, siue decore, & ideo subdit. Flores mei fructus honoris, & honestatis. Et dicitur flos propter amœnitatem, fructus propter satietatem.

Secundò dicitur ovis quantum ad pastum. Ovis enim non comedit herbam putridam, nec herbam siccam, sed viridem. Herba putrida est amor peccati, qui facit animam putrescere, & fœtere. Iohe. 1. Computruerunt iumenta in stercore suo. Herba sicca, & arida est amor mundi, quia cito siccat, & ærescit. Iacob, 1. Exortus est Sol cum ardore, & ærescit fœnum, & flos eius decidit, & decor vultus eius deperijt. Herba viuens est amor Dei, qui facit animam uiuentem, Deo gratam, & placentem. Primam ergo herbam Mariam abhorrui, secundam contempsit, tertiam germinauit. Gen. 1. Germinet terra herbam uiuentem. Ista terra est Virgo Maria, quæ herbam uiuentem germinauit, quia Dei amore superplena fuit. Istum pastum ista ovis Dei habuit in hac vita, modo in alia habet pascua gloriosa, de quibus dicitur Ezech. 34. In pascuis uberrimis pascam oues meas, & in montibus excelsis requiescent, & in herbis uiuentibus, & pascuis pinguibus pascuntur super montes Israel. Vbi notatur, quod eius pascua sunt pingua, uberrima, & uiuentia. Sunt quidem uberrima, quia pascitur in cognitione summæ ueritatis, quia siue ingrediatur ad contemplandum diuinitatem, siue egrediatur ad contemplandum humanitatem ubique inuenit uberrimam satietatem, & ideo ingreditur, & egreditur, & pascua inueniet. Secundò pascitur in delectatione summæ suauitatis, & ista sunt pascua pingua. Psal. Sicut adipe, & pinguedine repleatur anima mea. Item. Ex adipe frumenti satiat te, illius, scilicet, frumenti, de quo dicitur Ioan. 16. Nisi granum frumenti cadens in terra mortuum fuerit,

fuerit. Tertiò pascitur in uirgine summe æternitatis. Et ista sunt pascha uirgentia, quæ nunquam siccati poterunt, sed semper perpetua erunt.

Tertiò dicitur ovis propter simplicitatem ueram. Habuit enim simplicitatem ouinam, Aquilinā, & Columbinam. Simplicitas Aquilina est quia simplici intuitu Aquila respicit cælum, & solem, & pullos quos uiderit cum uno oculo respicere ad cælum, & cum alio ad terram tãquam degeneres abiicit. Maria autem intuitu cordis sui semper respexit ad Deū, nec unquam oculos suos ad terram deflexit, & ideo semper lucida opera habuit. Mat. 6. Si oculus tuus fuerit simplex totum corpus tuum lucidum erit. Secundò habuit simplicitatem colūbinam. Columba enim caret felle, & diligit comparem simplici corde. Ideo dicitur Mat. 10. Estote ergo prudentes, sicut serpentes, & simplices sicut columbæ. Istam simplicitatem columbinam Maria habuit, quia caruit felle amaritudinis, & tota fuit plena melle dulcedinis, & suauitatis. Eccl. 24. Spiritus meus super mel dulcis. Tertiò habuit simplicitatem ouinam. Quis enim nullum lædit, sed omnibus seruit, quæ de lacte suo nutrit, de carne pascit, & de lana uestit. Istam simplicitatem habuit Maria, quia nullum unquam læsit, sed nos nutrit suis doctrinis, pascit suis meritis, & uestit suis exemplis.

Quartò dicitur ovis propter obedientiam spontaneā. Oves enim multum sunt obediētes uoci pastoris. Ioan. 10. Oves meæ uocem meam audiunt. Magna obediētia est audire uocem Dei præcipientis. Maior est audire uocem Dei consulētis. Maxima audire uocem Dei inspirantis. Maria autem tanquam bona ovis omnibus istis uocibus obediuit, scilicet, Deo præcipienti, consulenti, & inspiranti. Præceperat enim Deus Exo. 25. quòd ter in anno, scilicet, in Aprili, & Iunio, & in Septembri, tria festa celebrarent, scilicet, Pascha, Pentecoste, & Scenophegia. Et in istis tribus festis Hierusalem ascenderēt, & templum uisitarent. Istud præceptum Maria seruauit. Vnde etiam ad festum Paschæ ascendens puerum Iesum, qui erat duodecim annorum secum duxit, ut habetur Luc. 2. Secundò obediuit Deo consulenti. Seruare enim uirginitatem non erat sub præcepto, sed sub consilio. Vnde dicitur 1. Cor.

7. De virginibus autem præceptum Domini non habeo, consilium autem do. Istud autem consilium Maria seruauit, quæ virginitatem suam Deo deuouit, ideo dixit angelo. Quomodo fiet istud, quoniam virum non cognosco, id est me non cognoscituram propono. Tertio obediuit Deo inspiranti. Cum enim Angelus Gabriel sibi aduentum filij Dei denunciasset, illa tam grandia, & insolita, scilicet, quod Virgo pariat, quod Virgo Deum concipiat, credere non potuisset nisi sibi Deus inspirasset. Et ideo diuinæ inspirationi acquiescens continuo obediuit dicens, Ecce ancilla domini, &c.

Quinto dicitur ouis propter cognitionem mutuam. Oues enim cognoscunt pastorem suum, & conuerso, ideo dicit Io. 10. Cognosco meas, & cognoscunt me meæ. Sic etiam Christus cognouit matrem suam in vita sibi tanquam filius, obediendo. Luc. 2. Erat subditus illis. Cognouit post mortem suam eam ad æternam pacem deducendo, & eam ad suam dexteram collocando. Et quoniam Christus est uerè agnus, qui matrem suam ter cognouit, ideo in Missa agnus Dei ter cantatur. Agnus Dei dicitur Latine ab agnoscendo, uel Græce ab agon, quod est pium, tanquam si dicat ecclesia. Agne qui agnouisti matrem sibi obediendo miserere nobis. Agne qui agnouisti matrem eam discipulo commendando miserere nobis. Agne qui agnouisti matrem tuam, & ad æternam pacem perduxisti, dona nobis pacem. Similiter mater cognouit filium eum nouem mensibus conseruando, agnouit extra uterum ipsum lacte virgineo nutriendo, agnouit in mundo sibi tanquam mater fiducialiter imperando. Unde dixit Io. 7. Vinum non habent. Ac si dicat. Miraculum facias, aquam in vinum conuertas, & sic uinum impendas, agnouit in patibulo ipsum associando. Can. 2. Dilectus intendit mihi, & ego illi. Item 7. Ego dilectio meo, & ad me conuersio eius.

C E L E R R A T U R B E A T A V I R G O L A U D I B U S

Palma congruentibus.

Sermo CXII.

P A L M A significat Virginem Mariam. Potest autem palma considerari quantum ad arborem, folia, & fructus. De arbore

arbore sicut dicit Amb.^o Est planè palma umbrosa ad requiē,
honorabilis ad triumphum, semper uirens, semper uestita
folijs, atque ideo non marcessit palma, quia martyrum ui-
ctoria non marcessit. Gregorius quoque in moralibus dicit,
quòd palma est inferius angusta, superius uero expansione ra-
morum est lata. Primò igitur palma est umbrosa ad re-
quiem, quia eius umbra est grata ad quiescendum. Vmbra
igitur Mariæ est consideratio uitæ suæ, quæ quidem refrige-
rium nobis præstat, & malum ignem refrigerat. Nam con-
sideratio suæ paupertatis refrigerat æstum auaritiæ, conside-
ratio suæ castitatis refrigerat æstum carnalis concupiscen-
tiæ, consideratio suæ humilitatis æstum ambitionis munda-
næ. Vnde qualibet sic refrigeratus potest dicere illud.
Cantic. 2. Sub umbra illius quem desideraueram sedi. Se-
cundò palma est honorabilis ad triumphum. Vnde antiqui-
tus in signum uictoriæ dabatur palma in manibus triumphan-
tis. In huius significationem dicitur de martyribus qui
mundum uicerunt. Apocalyp. 7. quòd palmæ erant in ma-
nibus eorum. Quidam enim sunt, qui palmas in manibus
non habent, sed habere proponunt, quia non uincunt, sed
uincuntur, tamen in futuro intendunt, & istud incertum est.
Alij sunt qui non habent in manibus, sed in ore, quia alios
sciunt docere multum bene artem uiuendi, sed seipsos non do-
cent, & istud uanum est. Alij sunt qui habent palmas in ma-
nibus, i. in operibus, quia pugnant & uincunt, & istud est perfe-
ctum. Duo palma Apostolus à se remouebat & tertium se ha-
bere dicebat. Nolebat enim currere siue pugnare in futurum,
quia hoc erat incertum, ideo dicitur. 1. Cor. 9. Ego igitur sic
curro non quasi in incertum. Nec uolebat pugnare uerbo alios
instruendo, & ipse succumbendo, quia hoc fuisset uanum, ideo
subdit. Non quasi aerem uerberans. Vox enim nihil aliud est
quàm aeris tenuissimus ictus, sed pugnabatur facto, & ideo
palmas in manibus tenebat. Proier. ult. Manum suam misit
ad fortia. Tunc manum suam ad fortia misit, quando mun-
dum cum suis uanitatibus superauit. Tertiò palma semper
est uirens. Sic Maria semper habuit uirides cogitationes,
quia fuerunt sanctæ. Virides intentiones, quia mundæ fuerunt,
& uiri-

& virides affectiones, quia fuerunt valde sollicitæ. Ista talia virida super omnes omnes alias gratias Deo sunt grata. Eccl. 40. Gratiam, & speciem desiderauit oculus meus, & super hæc virides sanctiones. Quartò palma non marcescit. In Virgine quidem semper fuerunt integra, & nulli corruptioni subiecta, scilicet, corpus, anima, & spiritus, de quibus dicitur Thes. 5. Integer spiritus uester, anima, & corpus sine querela seruetur in aduentu Dñi nostri Iesu Christi. Corpus enim corrumpi non potuit, quia fuit deitate imbalsamatum. Eccle. 24. Sicut cynamomum, & balsamum aromatizans odorem dedit. Anima similiter corrumpi non potuit: quia cum anima filij fuit unita, una quodammodo de duabus effecta, quod inuitur Luc. 2. Tuam ipsius animam pertransibit gladius. i. animam tuam quæ est ipsius, uel aîam ipsius quæ est tua. Spiritus et ipsius corrumpi non potuit, quia totus fuit in Dei amore conuersus. Hiero. in sermo de Assump. Totâ eam repleuerat Spiritus sancti gratia, totam eâ incanduerat dininus amor. Quintò palma est angusta inferius, superius lata per quæ tria de sanctis uiris notantur, ut dicit Greg. Primò quia inferius sunt artus, & angusti ad appetendum terrena, superius verò sunt lati ad amandum spiritualia, & æterna. 1. Tim. 8. Habentes victum, & quibus regamur hijs contenti sumus, ecce quàm angustus ad amandum terrena. 1. Cor. 5. Charitas Dei diffusa est in cordibus nostris, ecce quàm latus ad spiritualia, & æterna. Secundo notatur, quod serui Dei sunt inferius infirmi in corpore, superius verò sunt fortes in mente. 2. Cor. 12. Cû enim infirmior tunc fortior, & potens sum. Tertiò notatur, quod serui Dei à pueris incipiunt, sed ad magna perueniunt. Prouerb. 4. Iustorum semita quasi lux splendens procedit, & crescit usque in perfectum diem. Maria uero fuit angusta infimis, id est, in amore terrenorum, sed lata in summis, id est, in amore cœlestiû, quia ibi semper habitabat. Eccles. 24. Ego in altissimis habito. Fuit debilis in corpore, sed fortis in mente. Quæ quidem fortitudo sponsum suum, id est, filium suum multum delectabat. Prouer. vigesimo sexto. Fortis mulier oblectat uirum suum. Inccepit enim ab infimo loco humilitatis, & peruenit ad summum beatitudinis locum. Luc. 1. Respexit humilitatem.

tem ancillæ suæ Ecce quàm infima. Ecce enim ex hoc beatâ me dicent omnes generationes, ecce quàm summa.

Secundò consideratur palma quantû ad folia. Cuius quidem folia sunt sursum eleuata, in infimo sunt punctione acuta, in lateribus sunt incidentia, in mediò sunt plana, in longû sunt protensa, & semper virentia. Ista igitur folia significant Mariæ uerba, quæ ipsa dixit in cântico suo. Nâ ibi dixit uerba sursum eleuata, quando Deum magnificauit, quando in Deo exultauit dicens. Magnificat anima mea Dominum. Et exultauit spiritus meus, &c. Secundò dixit uerba acuta quibus dæmonem perforauit, quando dixit. Quia respexit humilitatem ancillæ suæ. Nihil enim est quod in tantum hostem suû prosternat sicut humilitas. Tertiò habuit uerba plana, & suauia quibus Dei beneficia in se recognoscebat dicens, quia fecit mihi magna qui potens est. Quartò habuit uerba in longum protensa, quibus usque in finem mundi à generatione in generatione Dei misericordiam oîbus affuturam esse prædixit cû ait, & misericordia eius à progenie in progenies timētibus eum. Quintò habuit uerba incisua quibus uicia incidebat. Nâ à potentibus incidebat superbiam dicens. Fecit potentiam in brachio suo, &c. usque humiles. A diuitibus incidebat auaritiam dicens. Esurientes impleuit bonis, & diuites dimisit inanes. Sextò habuit uerba uirentia quibus admonuit, quòd beneficium incarnationis diuinæ in cordibus nostris semper debet uirere dicens, Suscepit Israel puerum suum, &c. usque in finem cantici.

Tertiò consideratur quantum ad fructus quos produxit. Sed notandum, q̃ palmā tunc multum fructificat quando plā tata est in terra arida, uel quando radijs solis est exposita, uel quando palmæ masculinæ est uicina, quia afflata ex uento masculinæ palmæ dicitur fructificare, & maximè si de fructu masculinæ palmæ ponatur ad radicem palmæ fœmininæ. Fructificat etiam quando est antiquata. Dicitur enim quòd palma non est generosa ante sex annos, & tunc facit fructus dulcissimos. Beata igitur Maria fructum protulit, de quo dicitur Can. 7. Ascendam in palmam, & apprehendam fructus eius ideo autem fructificauit. Primò quia eius anima plan-

tata fuit in terra arida. i. in anima ab oī humore carnali concupiscen-
tię deficcata. Gen. 1. Congregentur aque quę sub cę-
lo sunt in locum unum. i. in totum alium mundum, & appa-
reat arida. i. Virgo Maria ab omnibus aquis concupiscen-
tium pęnitens aliena. Secundò radijs exposita. Sicut autē Sol
magis lucem suam diffundit in Lunam, & postea in stellas,
postea in nubes, deinde uero in montes, ultimo in ualles. Sic
Christus magis in matrem gratiam suam diffundit, postea in
stellas, idest in angelos, postea in nubes. i. Apostolos, deinde in
montes. i. in doctores, ultimo in ualles. i. in subditos humiles.
Tertiò fuit sponso suo. i. Christo non tantum ex uicino con-
iuncta, sed totaliter innixa. Can. 8. Quę ista quę ascendit de
deserto delirij affluens innixa super dilectum suum. quartò
fuit antiquata. Est autem triplex antiquitas, Vna quam facit
sensus maturitas. Sap. 4. Cani sunt sensus hominis. Istā ma-
turitatem habuit Maria, de qua dicitur Lucę. 2. Maria autē
conseruabat, &c. Secunda est quam facit uitę sanctitas. Ibi-
dem, Aetas senectutis uita immaculata, Istam etiam habuit
quia fuit sine macula. Cant. 4. Tota pulchra es amica mea, &
macula non est in te. Tertia est quam facit morum grauitas,
& honestas. Psal. Pręueni in maturitate, & clamaui. Istam
etiam Mariam habuit, de quā dicitur in Psal. Astitit regina
à dextris tuis in uestitu deaurato, idest in corpore morum
honestate pęclaro.

Q V AE A M O E N V M R E D D V N T

*Paradisum, eadem in Beatam Virginem
conferuntur. Sermo CXIII.*

PARADISVS deliciarum est Virgo Maria. Nam sicut
dicitur Gen. 2. Plantauebat Dominus Deus Paradisum
uoluptatis, idest Mariam à principio, idest in partibus
Orientis, in quo posuit hominem quem formauerat, quia
Deus in eius utero posuit Christum, quem operatione Spi-
ritus sancti formauit, Ille autem locus est ualde amœnus, quia
ibi ea sunt, quę in uiridario faciunt amœnitatem, quę etiam
in beata Maria fuerunt. Quę quidem sunt quinquę.

Primum

Primum est diuersitas arborum. Gen. 2. Produxit Dominus Deus omne lignum pulchrum visu, & ad vescendum suauē. Ista diuersitas arborū fuit in Maria quæ dicit Eccl. 24. Quasi cedrus exaltata sum in libano. Vbi ponuntur sex differentiæ arborum quę fuerunt in ea, scilicet, cedrus contemplationis excellē, cypressus odoriferę famę, palma gloriōse victorię, rosa patientiæ, oliua misericordiæ, & platanus fidei perfectę. Platanus enim dicitur habere folia ad modum scuti, & significat fidem, siue quia ad modum scuti habet tres angulos. i. tres principales articulos, quibus credit sanctam Trinitatē. Siue quia ad modum scuti defertur, & habetur in leua, idest in presenti uita, non in dextera. i. in beatitudine æterna, quia hic est fides, & spes. Siue quia fides est nobis scutum contra diaboli tentamenta. Eph. 6. In omnibus sumentes scutum fidei. Non tantum in Paradiso erat diuersitas arborum, sed maximē fuit ibi lignum uitę, idest in medio Paradisi. De quo sic dicit Aug. Virgo Maria Paradisus dicitur in cuius medio lignum uitę, cuius folijs sanantur infirmi, cuius odor uiuificat mortuos, cuius sapor dulcorat amaros, cuius umbra refrigerat miseros, cuius aspectus letificat angelos.

Secundò in Paradiso fuit iocunditas riuulorum. Gene. 2. Fluiuius egrediebatur de Paradiso uoluptatis ad irrigandum Paradisum. Qui quidem diuiditur in quatuor capita, quia unum riuum mittit ad contemplatiuos dans eis gratiam, & deuotionem orandi, alium mittit ad actiuos, dans eis gratiam præsidendi, alium mittit ad subditos, dans eis gratiam obediendi.

Tertiò fuit in Paradiso aure tenuis gratum refrigerium. Vnde dicitur Gene. 3. Cum audisset uocem Domini deambulantis in Paradiso ad auram post meridiem, &c. Istud refrigerium in Maria fecit Spiritus sancti gratia, iuxta illud Luca 1. Spiritus sanctus superueniet in te, & uirtus altissimi obumbrabit tibi, idest ab omni estu concupiscentię refrigerabit. Et dicit deambulantis ad auram, non ante meridiem, nec in meridie, sed post meridiem. Nam in die sunt tres partes, scilicet, mane, quod est esse ante meridiem, & meridies, & uespere, quod est esse post meridiem. In mane autem adhuc est parua

parua lux, & significat illos, qui adhuc de Deo habent parua lucem cognitionis diuinæ, & in talibus fiat aura cœlestis gratiæ, uel ubi Deus ambulat suam gratiam apponendo. In meridie uero est æstus caloris, & significat illos, in quibus est calor carnalis concupiscentiæ. Et in talibus Deus uadit ad auram, quia eis infundit suam gratiam.

Quartò in Paradiso fuit cantus auium, non auium corporaliū, sed spiritaliū, idest angelorum, qui semper ad Dei laudem cantant, Iob 33. Cum me laudarent astra matutina, & iubilarent omnes filij Dei, Iste aues, idest angeli fuerunt in Paradiso terrestri, Vnde dicitur Gene. 3. Videte ne sumat de ligno, &c. Et est uox Dei ad angelos, vnde dicitur ibidem, quòd Deus collocauit Cherubin ad custodiendam uiā ligni uitæ. Iste igitur aues, idest angeli cœlestes ad honorem virginis decantauerunt in suo ortu. Hæster. 8. *Judaïs nona lux ori ri visa est*. Cantauerunt etiam in suo ortu dicentes Gloria in in altissimis Deo. Cantauerunt in sua Assumptione 2. Reg. 6. Deducebant archam Domini, idest Virginem Mariam, scilicet, angeli in iubilo, & in clangore tubæ. Cantant etiam modo in sui glorificatione, quia angeli, & sancti eam beatissimā prædicant, & ipse Christus, qui fuit eius sponsus similiter laudat eam. Prou. vlt. Surrexerunt filij eius, & beatissimam prædicauerunt, & vir ei laudauit eam.

Quintò in Paradiso terrestri fuit dulcedo fructum, & pomorum. Ibi quidem fuerunt tria genera fructuum, ut habetur Genes. 2. scilicet, fructus concessus, de quo dicitur, De omni ligno Paradisi comedetis, &c. prohibitus, de quo dicitur. De ligno autem scientiæ boni, & mali ne comedas, & promissus, de quo dicitur ibidem. Lignum etiam uitæ erat in medio Paradisi. Si ei concessio usus fuisset, & prohibito abstinuisset, ad promissum uenisset. Sed quia male usus est prohibito, ideo priuatus est concessio patiter, & promissio. Quilibet autem istorum fructuum habuit aliquam imperfectionem. Nam fructus prohibitus fuit mortis effectiuus, saltem occasionaliter. Fructus uero concessus non fuit de cœlo delatus, sed de humo productus. Vnde dicitur Genes. secundo. Produxit autem Dominus Deus de

S humo

Sermo CXIII.

humo omne lignum pulchrum uisu. Fructus autem permissus scilicet, lignum uitæ non dabat uitam beatam, sed in uita corporali hominem conseruabat. Beata igitur Virgo adueniens fructum attulit benedictum. Lucæ 2. Benedictus fructus uentris tui. Iste autem fructus est ille, qui dicit Ioan. 3. Ego sum panis uiuus, qui de cælo descendi. Primus quidem fructus fuit mortis causatiuus. Iste autem fructus beatæ Mariæ est uiuificatiuus, ideo dicit, ego sum panis uiuus. Secundus fructus de humo productus fuit, iste autem de cælo delatus, ideo subdit, qui de cælo descendi. Tertius fructus conseruabat uitam temporalem, iste autem dat uitam cœlestem, ideo subdit. Si quis manducauerit ex hoc pane uiuet in æternum. Istum autem benedictum panem, & fructum cœlestem beata Virgo nobis attulit iuxta illud Prouer. vlt. Facta est quasi nauis institoris de longe portans panem suum.

MVLIERVM ALIARVM PARTVS

quibus differat a partu Beate Virginis.

Sermo CXIIII.

PARTVS beatæ Mariæ fuit dissimilis à partu aliarum mulierum: Cæteræ enim mulieres habent timorem ante partum, quia in partu periclitantur, in partu dolorem, & post partum incurrunt languorem. Beata autem Virgo nec ante partum timorem habuit, nec in partu dolorem sensit, nec post partum languorem incurrit.

Primò igitur ante partum nullum timorem habuit. Non. n. poterat timere, quā pater ab æterno elegerat. Ps. Elegit dñs syon .i. beatam Mariā quæ gloriam Dei semper speculata fuit. Elegit eā in habitationem sibi, quā filius in utero inhabitabat, & ibi quiescebat. Eccl. 24. Qui creauit me requieuit in tabernaculo meo, quæ spiritum sanctum præsentem, & sanctificantem habebat. Lu. 1. Spiritus Sanctus superueniet in te. Quam Dei angelus custodiebat. Angelus enim ipsam custodiuit, & in mundo uenientē, & in mundo existentem, & de mundo recedentē. Iudith 13. Viuit dominus quoniā custodiuit me angelus eius, & hinc euntem, & ibi commorantem, & indehuc reuertentem.

Secundò

Secundò in partu non habuit dolorem, & hoc conueniens fuit triplici ratione. Prima ratio est, quia Christus dolorem partus in sua passione reseruauit. Et ista est ratio Damasceni qui ait. Sed & ipsa Virgo beata dolores partus quos effugit pariens hos in Christi passione sustinuit. Secunda ratio est, quia sine delectatione carnali concepit. Istam rationem assignat Hugo de sancto Viêt. dicens. Eua postquam mala delectatione conceperat, quòd filios in dolore paritura esset audiuit, ut aperte demonstraretur, quòd non idcirco pariat cum dolore eo quòd à viro concepit, sed quòd cum libidine. Beata verò Virgo non solum sine libidine concepit, sed neque de vi ri femine accepit, & hoc filium sine dolore edidit. Bernar. in serm. de Annunciat. Hanc inuenit gratia iam plena gratia, ut charitate feruida, virginitate integra, humilitate deuota fieret nihilominus sine uirili femine grapida, sine muliebri dolore puerpera. Tertia ratio est, quia immensum gaudium, quod tunc habuit omnem dolorem mitigauit. Istam rationem tangit idem Hugo dicens. Absit ut ibi tristitia gemitus interuenerit ubi gaudium omnimodè prædicatur. Gaudebat enim in immensum de tanta prolis maiestate, de conseruata sibi virginitate, de humani generis saluatione, de angelica iubilatione, quia ibi angeli aderant, qui epythalamum decantabant. Ibidem. Absit ut ibi tristitia interuenerit ubi multitudo Angelorum cecinit.

Tertiò post partum nullum sensit languorem. Non enim potuit languere, quæ medicinam protulit celestem .i. filium Dei, qui sicut dicitur Matt. 4. Sanat omnes languores, & oēs infirmitates. Non potuit languere cum qua erat Gigas fortissimus, qui omnem imbecillitatem sustentat, Psal. Exultauit ut Gigas, &c. August. Dicat ergo Maria. Qui natus est ex uentre meo, ipse exiuit cursu giganteo. Magnificus est uenter meus, & non est pudore euacuatus. Non potuit languere cum qua erat Dei virtus quæ ipsam confortabat. Philip. 4. Omnia possum in eo, qui me confortat. Quæ ipsam firmiter robotabat. Isa. 40. Qui dat lassio uirtutem, & hijs qui non sunt fortitudine robur multiplicat. Quæ sibi refrigerium præstabat, & nullam pati molestiam permittebat. Vnde dixit ei Angelus

Sermo CXV.

Lucæ 1. Et uirtus altissimi obumbrabit tibi. Quod autem ipsa nullum languorem incurrerit, patet quia ipsa filium pannis inuoluit, & in præsepio reclinauit. Hieron. contra Claudium. Veniunt Magi, & inueniunt Mariam non doloribus uexatam, sed puero obsequentem. Nam in partu Virginis nulla obstetrix fuit, nulla muliercula intercessit sedulitas ipsa pannis infantem inuoluit ipsa mater, & obstetrix fuit, & eum in præsepio reclinauit.

P R A E D I T V M E S S E P A R T V M B E A -
ta Virginis tribus miris qualitatibus ostendit.

Sermo

CXV.

P A R T V S Virginis Mariæ fuit multæ puritatis, paupertatis, & nouitatis. Puritas autem ista attenditur ex parte matris, & ex parte prolis. In matre autem tanta fuit puritas, q̃ nec in conceptu, nec in partu sua potuit violari uirginitas, sed seruata puritate virginea ipsa peperit, & concepit, nec mirum quia ipsa est sydus Dei, campus Dei. Quia ipsa est sydus Dei, ideo peperit filium tanquam diuini splendoris radium. Sicut enim sydus radium suum emittit sine sui corruptione, sic Virgo peperit filium sine sui violatione. Vnde cantat ecclesia. Sicut sydus radium profert Virgo filium pari forma. Neque sydus radio, neque mater filio fit corrupta. Hinc est etiam, q̃ Propheta ortum Christi assimilat luci dicens. Lux orta est iusto. Item. Exortum est in tenebris lumen rectis corde. Quia est campus Dei, ideo filium suum generauit tanquam florem amœnum. Sicut enim flos oritur de campo sine campi fossione, sic Christus de Virgine nascitur sine eius corruptione. Vnde ipse filius dicit. Ego flos campi. Nō enim dicitur se esse florē horti, sed campi, quia flos horti feritur, & terra scinditur, flos uerō campi oritur sine seminatione, & sine terræ fossione. Quando alij pueri nascuntur, mater quæ est quasi terra scinditur, & semen viri funditur. Natus est autē Christus sine humano semine ex integra matre. Quia uerō est libanus Dei, ideo peperit thus odoriferum, sed illud quod emanat cortice non inciso est valde odoriferum,

& preciosum. Virgo autem beata tanquam thus odoriferum, & hoc cortice non inciso, idest, non violato virginali pudore. Eccle. 24. Quasi libanus non incisus uaporaui habitationem meam. Secundò ista puritas attenditur ex parte proles. In Christo quidem sunt anima, deitas, & caro. Eius autem deitas est pura, quia est lux splendida. Sap. 6. Speculum sine macula, & candor lucis æternæ. Eius anima est pura, quia purissima à Deo creata, & purissimo corpori infusa. Sap. 8. cap. Sortitus sum animam bonam, & cum essem magis bonus veni ad corpus coinquinatum. Eius caro fuit pura, quia de purissimis sanguinibus Virginis assumpta. Dam. Construxit sibi Christus ibi ex castis, & purissimis sanguinibus Virginis carnem animatam anima rationali, & intellectuali primitias nostræ massæ. Quamvis autem deitas sit purissima, tamen ex conjunctione cum carne in nullo fuit polluta, sicut ostendit August. auctoritate, & exemplis. Nam in lib. de natuta boni hoc ostendit auctoritate, qd. Deus ab aliquibus immundis non coinquinatur dicens. Cum iō sint oīa, quæ condidit non tamē inquinant eum, qui peccant. de cuius sapientia scriptum est, attingit à fine vsq; ad incem fortiter, & disponit omnia suauiter. Et attingit omnia pp suam munditiam, & nihil inquinatum in illam incurrit. In quodam verò sermone hæc ostendit duob. exemplis. scilicet exemplo solis, & animæ rationalis. De primo exemplo sic dicit. Non desunt heretici, qui cum ipsi sint immundi dicunt, non potuisse fieri Christus de Maria Virgine nasceretur, eo qd. illa pars corporis turpis fuisse putetur, sed si etiam ibi aliquid immunditiæ fuisset, sua præsentia dñs purificasset. Attēdite solem ubiq; radios suos emittentem, in foribus, in cloacis, & in locis squalidissimis. Ecce cloacæ siccantur, & radius solis non inquinatur. De secundo exemplo sic dicit. Audi aliud immundæ hæreticæ. Vbi est anima tua impia, & infidelis quæ ista confingit? Nunquid tantum est in capite, in manibus, & in oculis, & non est etiam in intestinis tuis ubi sunt stercora tua? Ergo stulte anima tua non inquinatur à stercore tuo, & Deus inquinari potuit ab ope suo?

Secundò eius partus fuit multæ paupertatis, quia caruit omnib. illis, quæ ceteræ mulieres in partu suo hñe desiderant.

Sermo CXV.

Primò caruit serulentiū peritiā, quia nullam seruitricem habuit, sed ipsa puerum pannis inuoluit, & in præsēpio reclinauit. Nulla enim assistere uoluisset pauperē & peregrinā in diuersorio positā, & in media nocte. Loco aut̃ domicellarum habuit bouem, & asinum. Christus autem natus fuit pro peccatoribus saluandis, & hoc ostendit in sua progenie, natiuitate, uita, morte, & post mortem. Nam in sua progenie à peccatricibus fuit ortus, scilicet, Thamar, Raab, & Bersabee. In natiuitate autem inter bouem, & asinum fuit positus. In uita fuit cum peccatoribus conuersatus. In morte inter duos latrones fuit crucifixus. Post mortem peccatrici primo fuit ostensus. Secundò caruit pannorum copia quibus se posset tegere cum puero. Vnde dicitur, q̃ pannis eum inuoluit. Pannus autem ueritatem, & uilitatem indicat. Vnde pauperes uilibus uestibus & abiectis indutos uocamus pannosos. Ber. Cum tanta esset necessitas nullam audio fieri pellium mentionem. Beda. Qui totum mundum uario nescit ornatu, uilibus pannis inuoluit. Tertiò caruit ignis præsētia, qui sibi multum fuisset necessarius in hyeme, & maxime in nocte, & hoc propter illuminationem, & calefactionem, & membrorum pueri consolidationem. Quartò caruit ciborum abundantia, quia cum ipsa esset paupercula parcè niuebat, & puerum non nutricibus dabat, sed proprijs uberibus nutriebat, ynde cantat Ecclesia. Ipsum regem angelorum sola Virgo lactabat ubere de cœlo pleno. Quintò caruit camera, & lecti molitie. Nam pro camera habuit stabulum, quod non est habitaculum hominum, sed stabulum iumentorum. Pro lecti molitie habuit præsepe, & sēnum ubi ipsum reclinauit. Nam autem tantam paupertatem Christus in se, & in matre uoluit eligere, ut nostrā superbiam confunderet, & pauperibus consolationem daret. Gregor. Nimirum si uoluisset regnare potuisset mouendo cœlum concutiendo, terram emittendo fulgura. Non autem sic processit, quia non tantum homo fuit, sed pauper. Insuper & pauperem matrem elegit, quæ careret cunis, quibus infantem reclinaret, & hæc fecit humanam uolens concutere superbiam.

Tertiò eius partus fuit multę nouitatis. Ista autem nouitas potest

potest esse triplex. Nam primo ibi fuit nouitas generationis. Noua enim, & inaudita generatio fuit, quando de muliere nasci voluit. Vnde dicit Aug. in sermone de Nati. eius. Præcesserat, inquit, prima generatio sine viro, & fœmina sicut in Adam, præcesserat secunda de viro sine fœmina, sicut in Eua, erat tertia de viro, & fœmina sicut in nobis, restabat ergo & quarta, scilicet, de fœmina sine viro, quæ prædictas tres liberauit cunctis generibus desiderata. Secundò ibi fuit nouitas vnionis, qua secundùm Ber. in vnâ personam cõiuncta, & vnita sunt nouum antiquũ, & æternum. i. anima de nouo creata, caro de carne Adæ producta, & deitas æterna. Vnita sunt etiam adinuicem in vna persona, natura suprema media, & infima, i. deitas, anima, & caro. Tertiò fuit ibi nouitas signorum. De tali nouitate dicit Ber. in sermone de Nat. Domini. In noua dñe signa, & immuta mirabilia, quoniam ipsa consuetudine viluerunt, priora plane Solis ortus, & occasus, terræ secunditas, temporum vicissitudo, mira magna sunt, sed totiens uisa viluerunt, Innoua ergo signa, & immuta mirabilia. Ecce inquit noua facio omnia. O uerè noua miracula. Conceptus fuit sine uirili semine, partus sine dolore, & mater sine corruptione, Virgo peperit, & post partum inuiolata permansit. Fœcunditate proles cum carnis integritate, & gaudium matris habens cum virginitatis honore. De ista mirabili nouitate dicit Aug. in libro de symbolo. Parit mater, & Virgo, & fœta intacta est, factor omnium fit inter omnia, portatur in manibus rector orbis. Lambit ubera regens sydera, tacet & uerbum est, necdum quis esset demonstrabat, & vniuersa creatorem suum indicant.

CONSECVTA EST BEATA VIRGO

plenitudinem gratiarum omnium.

Sermo

CXVI.

PLENITVDINEM omnium gratiarũ habuit Maria. Sed notandum, q̃ quadruplex est plenitudo. Prima est plenitudo sufficientiæ quam habent omnes electi, qui quidem habent omnia, quæ sibi sufficiunt ad salutẽ, de qua dicitur

Sermo CXVI.

Act. 6. Stephanns plenus gratia, & fortitudine. Secunda est abundantia, quam habuerunt Apostoli, qui præ cæteris sanctis Spiritum sanctum in maiori abundantia receperunt. Act. 2. Repleti sunt omnes Spiritu sancto. Tertia est excellentia quam habuit beata Virgo. Luc. 1. Ave gratia plena. Ipsa enim præ cæteris sanctis, & omnib. Apostolis excellentius Spiritus Sanct. dona percepit. Prou. vlt. Multę filię cõgre gauerunt diuitias, tu supergressa es vniuersas. Verè supergressa, quia ceteræ habuerunt mensurã gratię, ista verò fuit fons gratiarũ, ceteræ hñt vittutes, & grās particulares, ista habuit vniuersaliter, ceterę habuerunt mensurã determinatã ista, habuit vniuersam. Quarta est plenitudo effluentia quã habuit Christus. Io. 1. De plenitudine eius omnes accepimus.

Prima autem plenitudo, quæ est in sanctis assimilatur plenitudine uasis. Vas enim habet plenitudinem mensuratam, & uasi proportionatam. Sic & Deus secundum q̃ homo disponit uas animæ dando sibi mensuram gratiæ. Eph. 4. Vnicuiq; data est gratia secundum mensuram donationis Christi.

Secunda plenitudo quæ est in Apostolis assimilatur plenitudi diui riuuli decurrētis. Ipsi enim riuos doctrinarum suarũ per totũ mundũ sparserunt, & ipsum mundũ infecundum germinare fecerunt. Ps. Riuose eius inebrians. De istis riuus dicitur Isa. 33. Locus fluuiorum riuus latissimi, & patētes. Sancti enim Apostoli, & fuerunt locus fluuiorum per plenam a Deo receptam sapientiam, & fuerunt riuus per emanantem doctrinam, & fuerunt latissimi per charitatem amplam, & fuerunt patentes per conuersationem apertam.

Tertia plenitudo quæ fuit in Virgine assimilatur plenitudini fontis, de qua dicitur Can. 7. Fons hortorum puteus aquarum uiuentium, &c. Habet enim fructuosam germinationem vnde dicitur, fons hortorum habet perpetuam effusionem, ideo subdit, puteus aquarum uiuentiũ, habet velocẽ, & abundantẽ emanationem, iõ sequitur, quę fluũt impetu de libano.

Quarta plenitudo quę est in Christo assimilatur plenitudini fluminis, quia nullo accipit, sed semper fluit. Psalm. Fluminis impetus lætificat ciuitatem Dei. Item. Flumen Dei repletũ est aquis. Istud flumen sic impletum matrẽ suam sic impleuit, q̃ seipsum

seipsum qui est cibus angelorum in ea præparauit. Psalm. Para-
 stasti cibum illorum, &c. Deinde emisit in riuos, idest in Apo-
 stolos quos sic inebriauit, idest in tanta abundantia repleuit,
 quòd per eos germina fidei per totum mundum multiplicare
 fecit, ideo subditur riuos eius inebrians. Deinde istud flu-
 men emisit stillicidia, idest, in cordibus aliorum sanctorum
 misit Deus Spiritus sancti dona per quæ gaudenter eos ger-
 minare fecit per bona opera, ideo subditur, in stillicidijs eius
 lætabitur germinans. Istam plenitudinē supereffluentiae Chri-
 stus communicauit matri suæ, quia de eius plenitudine acci-
 piunt vniuersi. Non tamē omnibus æqualiter se diffundit, sed
 sēcundum dispositionem recipientiū dat mensuram gratiarū. Habet
 enim quadruplicem mensuram de qua dī, Luc. 6. Mensuram
 bonam, & confertam, & coagitatam, & supereffluentē dabitis
 in sinum vestrum. Ipsa nanque quosdam facit bene incipere
 per gratiam incipientem, & istis dat mensuram bonā. Quos-
 dam facit in melius proficere per gratiam progredientem, &
 istis dat mensuram confertam, quia eis maiorem gratiā con-
 fert. Quosdam facit semper perseuerare, & istis dat mensu-
 ram coagitatam, quia gratiam Dei in eis sic coagitat, & con-
 firmat, quòd ab ipsa nunquam cadunt. Quosdam facit super-
 effluere per gratiam confirmantem, per quam ipsi effluunt,
 modo per verba ædificatoria, modo per exempla, modo per
 misericordiæ opera. Notandum autem q̄ quatuor sunt si-
 gna plenitudinis Primum est non resonare sicut patet in vase
 pleno vino, quòd percussus non resonat. Ideo dicitur Iob.
 7. Nunquid mugiet bos cum ante præsepe plenum fuerit.
 Secundum est non plus appetere sicut patet in stomacho ple-
 no qui plus non appetit eo, quòd saturitatem habet, ideo
 dicitur. Proverb. 27. Anima saturata calcabit faenum. Ter-
 tium est supereffluere sicut patet in vase fluuio inundante,
 Ecclesiastic. 24. Qui implet quasi Phison sapientiam. Phi-
 son est fluuius Paradisi, qui de Paradiso egrediens terram
 eiulat, circuit, & inundat. Quartum signum est esse pon-
 derosum sicut patet in vase, quod quando est vacuum,
 est leue, sed quando est plenum ponderosum est.

Ista quatuor signa fuerunt in Beata Marja, per quæ

o ascendit.

Sermo CXVI.

ostenditur, quòd fuit gratia plena. Primum signum est, quia multas tribulationes perpeſſa est, vel fuit, sed tamen per nullam impatientiam, vel murmurationem aliquam, resonauit, sed semper de omnibus Deo gratias egit. Secundum signum est, quòd mundana non appetit. Intantum enim, cor suum plenum fuit amore cœlestium, quòd despexit omnem amorē terrenum. Quia enim cœlestem dulcedinem degustauit, ideo omnis dulcedo mundana sibi amara fuit. Proverb. ultimo. Gustauit, & vidit quoniā bona est negociatio eius, &c. Nam sicut dicit Chrysost. Verè non habet super terram, & amet qui donum cœleste in veritate gustauit. Tertium signum est, quia per continua beneficia nunquam fluere cessabit, ideo dicit Bern. De eius plenitudine accipiunt uniuersi, scilicet cœcus illuminationem, æger curationem, tristis consolationem, peccator veniam, iustus gratiam, angelus lætitiā, filius hominis humanæ carnis substantiam, & tota Trinitas gloriam, ita vt non sit qui se abscondat à calore eius. Quartum signum est, quia intantum fuit præ nimia gratiæ plenitudine ponderosa, quòd si ipsa sola in vna statera poneretur, & cæteri angeli etiam omnes sancti tam noui, quā veteris testamenti in alia ponerentur, ipsa præ nimia gratiæ abundantia amplius ponderaret, quia omnes gratias quas alij sancti habuerunt particulariter ipsa habuit vniuersaliter. Vnde dicit Ber. Verè in plenitudine sanctorum fuit detentio eius cui non defuit fides Patriarcharum, nec spiritus Prophetarum, nec zelus Apostolorum, nec constantia martyrum, nec sobrietas Confessorum, nec castitas Virginum, nec sœcunditas coniugatorum, nec puritas angelorum.

DE MVLTA EAQVE PRAECLARA VOCATUR porta Beata Virgo, & portenaria.

Sermo CXVII.

PORTA, & portenaria, fenestra, & fenestraria est Virgo Maria. Ante quidem aduentum Domini non erat aliqua porta in cœlo per quam possemus intrare, nec aliqua fenestra per quā Deus oculo suæ misericordiae posset ad nos respicere,

respicere, ideo ut dictum est Virgo Maria in cœli palatio facta est porta cœli, portenaria Dei fenestra Christi, & fenestrationaria Paradisi. Primò quidem facta est porta cœli. Sicut enim per portam intus inferimus, & extra efferimus, sic & ipsa per merita sua nos portat ad cœlum, & ad nos reportat gratiarum. Vocatur autem ab Ecclesia porta regia, porta lucida, felix & beata. Primò nanque vocatur porta regia respectu Christi, cum dicitur. Tu Regis alti ianua. Sicut enim homo per portam intrat, & exit, sic Christus per ipsam intrauit, & exiuit, & tamen ipsa porta semper clausa permanet. Ezech. 44. Porta hæc clausa erit, & non aperietur, & vir non transibit per eam, quoniam Dominus Deus Israël ingressus est per eam. Secundò vocatur porta fulgida respectu sui, unde dicitur. Et porta lucis fulgida. Deus semper ad ostium cordis nostri stat. Apocalyp. 3, Ego sto ad ostium, & pulso, volens lucem suæ gratiæ infundere. Sed mali tenent ostium clausum, & nolunt recipere lumen diuinum. Iob. 24. Ipsi fuerunt rebelles lumini. Maria autem Christo ad ostium pulsanti aperuit. Cantic. 5. Aperi mihi soror mea. Ipsa vero aperit dicens ibidem. Pessulum ostij mei aperui dilecto meo, & ideo lucem suam infudit, & eam totam lucidam fecit. Apoc. 21. Ciuitas, idest Virgo Maria in qua fuit omnium virtutum vnitas, non indiget Sole, idest angelica illuminatione, neque Luna, idest instructione humana, ideo subditur, sed claritas Dei illuminabit eam, & lucerna eius est agnus. Tertiò uocatur porta felix, quia per ipsam ad felicitatem æternam intramus. Vnde dicitur. Genes. 8. Hæc est domus Dei, & porta cœli. Videns enim Iacob cœlum apertum, & scalam super terram cuius cacumen tangebatur cœlum, & angelos ascendentes, & descendentes, & Dominum innixum scalæ admirando dixit. Hæc est domus Dei, & porta cœli. Per quæ datur intelligi, quod ipsa est porta cœlestis, quia ipsa nobis cœlum aperit, quia ipsa est scala cœlestis per quā Deus ad nos descendit, quæ licet esset in terra corpore, tamen cacumen mentis eius cœlum tangebatur corde, & amore, quæ angelos pro nobis ad Deum mittit, & ad nos venire facit cui Dominus innixus fuit, & incorporatus quādo in eius utero fuit incorporatus. Istam portā cœlestem Eua nobis clau-

fit, sed Maria aperuit, vnde cantat Ecclesia. Paradisi porta per Euam cunctis clausa est, & per Mariam Virginem iterum patefacta est. Porta enim paradisi terrestris tripliciter clausa erat, scilicet angelica custodia, flamma appositae, rumphea bis acuta, vt habetur. Genes. 3. Per quæ significatur clausura Paradisi cœlestis, per angelicam significabatur inimicitia, quæ erat inter hominem, & angelum per peccatum. Per flammam appositam significatur obligatio ad pœnam æternam, per rumpheam bis acutam significabatur Dei seueri iustitia, quæ corpus & animam incidebat. Beata igitur Maria inter hominem, & angelum pacem fecit, & ideo primam clausuram aperuit. Vnde angeli cantauerunt. Gloria in altissimis Deo, &c. Ipsa etiam remouit pœnam æternam, & adduxit Dei gratiam, & gloriam; ideo remouit secundam clausuram. Prouerb. 11. Mulier gratiosa inueniet gloriam. Ipsa etiam remouit seueram Dei iustitiam, & conuertit ipsam in magnam clementiam, & sic remouit tertiam clausuram, ideo significata est per Hester. Cum enim Rex Assuerus contra Iudæos grauem tulisset sententia: Hester Regina suis precibus impetrauit, quod illam grauem sententiam reuocauit, & in clementiam commutauit. Secunda est portenaria Dei, quia ad Christum nos introducit. Hugo de Sancto Victore, Maria porta Christus ostium patri occultum. Per Mariam igitur peruenitur ad Christum, per Christum vero ad Deum. Ista portenaria nobis thesaurum Dei aperit, & nos in cœleste palatium introducit. Aperit nobis quidem thesaurum diuinæ potentiæ, sapientiæ, & misericordiæ. Quidam enim peccant per infirmitatem humanam illis aperit thesaurum diuinæ potentiæ, quia dat eis virtutem & potentiam resistendi. Alij peccant per ignorantiam, illis aperit thesaurum diuinæ sapientiæ, quia dat eis scientiam cauendi. Alij peccant per certam malitiam, illis aperit thesaurum diuinæ misericordiæ, quia dat eis gratiam pœnitendi, ideo dicitur. Zach. 11. Aperi libane portas tuas. Libanus interpretatur candidatio, & signat Mariam, quæ fuit candida per munditiam. Ista aperit portas suas, quia debilibus, & infirmis aperit portam diuinæ potentiæ, ignorantibus, & obscu-

ris aperit portam diuinæ sapientiæ, malignantibus, & peruersis portam diuinæ misericordiæ. Secundò ista portenaria in cœleste palatium nos introducit, à quo Eua nos exclusit. Legitur. 2. Reg. 4. quòd ostiaria purgans triticum obdormiuit, & ideo miphiboset interfectus fuit. Ista ostiaria fuit Eua, quæ non sollicitè vigilauit, & ideo diabolus introiuit, & eius spiritum interfecit. Sed dicitur Ioan. 19. quòd ancilla ostiaria Petrum in atrium Principis sacerdotum introducit, quia Virgo Maria, quæ se nominat ancillam in cœleste palatium nos introducit. Tertio dicitur fenestra Christi per quam cœlum similiter intramus, vnde cantat Ecclesia. Intrèt vt astra flebiles cœli fenestra facta es. Per istam portam siue fenestram Deus lumen suæ gratiæ nobis effundit. August. Facta est Maria fenestra cœli, quia Deus per ipsam verum lumen sæculis effudit, facta est Maria scala cœlestis, quia Deus per ipsam descendit ad terram. Per istam igitur fenestram Deus ad nos oculo suæ misericordiæ respicit. Cant. 2. En ipse stat post parietem nostrum respiciens per fenestras prospiciens per cancellos. Vbi notandum, quòd tria sunt, quæ inducunt Christum, vt nos oculo suæ misericordiæ respiciat. Primum est, quia ipse habet nobiscum consimilem naturam, & ideo est propinquus noster, hoc notatur cum dicitur, quòd stat post parietem nostrum. Paries enim noster est nostra natura. Sed dicitur stare post parietem, quia licet habuerit veritatem naturæ, non tamen habuit vitia naturæ. Secundum est, quia habet nobiscum eandem naturam, ideo est frater noster, ideo dicitur, respiciens per fenestram, idest per Virginem Mariam. Tertium est, quia ipse pro nobis accepit vulnera sua, ideo factus est Redemptor noster, ideo dicitur, prospiciens per cancellos. Deus igitur ad nos misericorditer mouetur quando in seipso videt nostram naturam, matrē nostram, & vulnera sua. Quartò ipsa est fenestraria paradisi, ideo sæpe est roganda sibi sæpe dicendum. Cantic. 5. Aperi mihi soror mea, amica mea, columba mea, & immaculata mea, quia caput meum plenum est rore, & cyncini mei pleni sunt guttis nocturnis. Vbi ponuntur quinque causæ, quia ipsa est fenestraria, debet suis deuotis fenestram aperire.

Prima

Sermo CXVIII.

Prima est magna nostra propinquitas, quia soror nostra est, Secunda est eius uiscerosa charitas, quia ipsa amica nostra est. Tertia est magna eius pietas, quia est sicut columba. Quarta est eius generositas, quia est immaculata. Quinta est magna nostra necessitas, quia sumus inter homines frigidos qui nos tota die infrigidant suis malitijs, ideo dicit. Caput meum plenum est rore, &c. Tanquam si diceret. Totus sum plenus frigore, quia peccatores frigidi infrigidauerunt me guttis noctium malitiæ suæ, & ideo dicit. Aperi mihi, ut me calefacias igne charitatis tuæ.

APVD REGEM AETERNVM DEVM POL-
let magna potestate Beata Virgo.
Sermo CXVIII.

PO T E N T I A M magnā habet in ciuitate superna Virgo Maria. Consuevit autem quis penes aliquem Regem habere magnum posse, aut ratione parentelæ, aut ratione gratiæ inuentæ, aut ratione beneficentiæ. Ista triplici de causa B. Virgo penes Regum cœlestem obtinet magnum posse. Primò ratione parentelæ, quia scilicet est mater Regis. Ber. Non deest ei potestas, quia est mater oīpotentiæ, nec uolūtas, quia est mater misericordiæ, nec industria, quia est mater sapientiæ. Hoc signatum est. 3. Reg. 2. Vbi dixit Salomon Bersabeæ matri suæ. Pete mater mi. Neque fas est, ut auertā faciem tuam. Bersabeæ interpretatur puteus satietatis. Noster puteus. i. aīus aliquando est uacuuus, aliquādo semiplenus. Puteus autē Virginis semper est plenus, & superplenus. Hiero. in ser. de Assump. Bene plena, quia cæteris quidē per partē præstat, Mariæ uero se totā infudit græ plenitudo. Ber. Legimus, Stephanū plenum grā, & Apostolos Spiritu sancto repletos, sed lōgē dissimiliter à Maria. Alioqn nec in illo corporaliter habitauit diuinitatis plenitudo, nec illi conceperunt de Spiritu sancto. Secundò habet posse ratione gratiæ inuentæ, quia sicut dixit ei angelus. Luc. 1. Inuenisti gratiam, &c. & non tantum apud Deum, sed etiā apud totum mundum. Ber. Bene dī Maria gratia plena, quia Deo, angelis, & hoībus grata. Deo
per

per humilitatem angelis per virginitatem, toti mundo per fecunditatem . Tantam apud Deum gratiam inuenit, quòd ipsam ab eterno amauit . A principio mundi per omnes etates quæsiuit, & tandem desponsauit. De his tribus dicitur Sap. 7. Hanc amaui, & exquisiui à iuuentute mea, & quæsiui eam mihi sponsam assumere. Tantam gratiam inuenit, quòd ipsa p̄ Eua regnare fecit. Hester. 2. Adamaui eam rex super omnes mulieres. Habuitque gratiam, & misericordiam coram rege super omnes mulieres , & imposuit diadema regni in capite eius fecitque eam regnare pro uasthi. i. pro Eua. Tantam gratiam inuenit, quòd omnes petitiones suas exaudit, Ibidem. 7. Si inueni gratiam in oculis tuis ò Rex da mihi animam meam pro qua rogo, & populum meum, pro quo obsecro. Et rex sibi omnia concessit.

Tertiò habet magnum posse ratione beneficentiæ , ratione obsequiorum quæ sibi exhibuit, quia ipsum aluit, & nutrit. Vnde dicit sanctus Odilo . Ipsa Dei genitrix omne tempus dominicæ infantix, pueritiæ, adolescentiæ cum illo peregit, & obsequium maternæ dulcedinis, ut uera mater uero filio ministravit. Augu. in sermone de Annuncia. Lacta Maria creatorem tuum, panem cæli, precium mundi, præbe lambenti mamillam, ut ille pro te percutienti præbeat maxillam. Tu illi temporalem ministra substantiam, ut ipse tibi, & nobis vitam præbeat sempiternam. Lacta qui fecit te, ut ipse fieret in te. Et quia beata Virgo talia obsequia Christo præstitit, ideo sibi Christus in iudicio dicere poterit illud Matth. 25. Esurienti & dedisti mihi manducare , uel me infantem nutriendo , uel tua puritate me pascendo . Sitiui & dedisti mihi bibere, tuo lacte virgineo me potando. Hospes eram, & collegisti me, in tuo utero nouem mensibus hospitando. Nudus & cooperuisti me, uel me infantem pannis inuoluendo, uel membra corporis mei de tuis castis visceribus mihi formando . Infirmus eram, & uisitasti me, infantibus debilitatibus subueniendo . In carcere eram , & uenisti ad me , in patibulo incarcerationum associando .

NON SOLVM A SPECIEBV8

*pulchritudinis extollitur Beata Virgo, sed etiam
ab eius causis. Sermo CXIX.*

Pulchritudinem maximam habuit Virgo Maria. Quæ quidem pulchritudo in se, & in nobis fuit. In se ipsa quidem fuit pulchra, quia in ea fuerunt causæ, species, & signa omnis pulchritudinis. Causæ uero pulchritudinis, quas ponit philosophus in lib. perspectuorum sunt quatuor. scilicet magnitudo, numerus, color, & lux. Et istæ quatuor causæ pulchritudinis fuerunt in Maria. Magnitudo igitur facit pulchritudinem, & ponit exemplum, quia Luna apparet pulchrior stellis, & stellæ magnæ sunt pulchriores, quàm parvæ. Sic Maria fuit magna, & maxima. Vnde ipsa dicit. Fecit mihi magna, quia potens est. Ipsa etiam dicit Eccle. 24. Ego mater pulchræ dilectionis. De eius magnitudine Aug. respondens illi quæstioni Can. ult. Quæ est ista quæ ascendit per desertum, & c. ait. Ista est mater Dei, regina cœli, domina mundi, & porta paradisi. Numerus etiam facit pulchritudinem, vnde ponit exemplum, quod loca cœli stellarum plurimarum sunt pulchriora loca stellarum paucarum. Similiter in Maria, fuit numerositas omnium uirtutum. Eccl. 24. In me omnis spes uitæ, & uirtutis. Psal. Astitit regina à dextris tuis. Dam. in lib. 4. Maria in domo Dei plantata, & impinguata spiritu, ut oliua fructifera, omnis uirtutis habitaculum facta est. Color etiam facit pulchritudinem cuius exemplum ponit, quod panni tincti, & colorati sunt pulchriores, quàm alij. Sic Maria tincta fuit colore nigro humilitatis, albo puritatis, & rubeo charitatis. De quo triplici colore dicitur Can. 1. Nigra sum, sed formosa filiæ Hierusalem sicut pelle Salomonis. Lux etiam est causa pulchritudinis, quia omnia quæ in deserto erant efficiuntur pulchra, scilicet, Maria quæ tota est splendens, & lucida Can. 6. Quæ est ista quæ progreditur quasi aurora. Secundò in ea fuerunt species pulchritudinis, quæ fuerunt quinque. Prima est pulchritudo cœlestis, quæ cōsistit in gloria sanctorum. Isa. 33. Sedebit populus meus in pulchritudine pacis, in tabernaculis

culis fiduciæ in requie opulenta. Secunda est pulchritudo intellectualis siue angelica, quæ consistit in obseruantia munditiæ virginalis, Sap. 4. O quàm pulchra est casta generatio cū claritate, s. morum honestate. Greg. super illud Can. 4. Quam pulchra es amica mea, quàm pulchra es. Pulchram, inquit, nominat, & pulchram replicas, quia alia est pulchritudo morum, in qua nunc cernitur, atque alia pulchritudo præmiorum, in qua tunc per conditoris sui speciem subleuatur. Quarta est pulchritudo supersubstantialis, quæ est pulchritudo diuina, de qua dicitur Hierem. 31. *Benedicat tibi Dominus, pulchritudo iustitia mons sanctus.* Quinta est pulchritudo spiritualis quæ consistit in decore virtutum, de qua dicitur Thre. 4. Candidiores Nazarei eius niue, nitidiores lacte, rubicundiores ebore antiquo, Saphiro pulchriores. Sancti enim viri assimilantur niui propter refrigerium castitatis, lacti propter munditiam puritatis, ebori antiquo, & rubicundo propter feruorem charitatis, & Saphiro propter pulchritudinem cœlestis contemplationis. Ista quintuplex species pulchritudinis fuit in Maria. Vnde dicitur Apocalyp. 12, Signum magnum apparuit in cœlo mulier amicta Sole, & Luna sub pedibus eius, & in capite eius corona stellarum duodecim, & in utero habens. De qua etiam dicitur, quòd datæ sunt sibi duæ alæ, Ex quibus uerbis habetur, quòd ipsa fuit pulchra à superiori per pulchritudinem cœlestem, quia in capite eius corona stellarum duodecim, quia nouem ordines angelorum, & tres hominum, scilicet, Martyres, Confessores, & Virgines, ipsam uenerantur, & adorant. Hieronymus in serm. de Assump. Circundant eam flores rosarum, & lilia conuallium, ut uirtutes uirtutibus fulciantur, & de rore formositas augeatur. Sanctorum quippe claritas submittitur, ut eius ampliori gloria commendetur. Secundò est pulchra ab inferiori per pulchritudinem spiritualem, siue angelicam, ideo dicitur, quòd Luna erat sub pedibus eius. Per Lunam significatur corpus uirgineum, quod sub pedibus habuit, quia sub dñio rationis ipsum semper tenuit, & in uirginitate seruauit, q̄ maior fuit, q̄ angelica. Hieron ubi supra. Si qualibet uirginitas intantum erigitur ubi angelis comparetur, quæ tantum dño nuptiarum

Sermo CXIX.

sedere copulantur, quanto magis est gloriosa virgo, quæ singulari commendatur priuilegio, & immenso dictatur matrimonio. Tertiò fuit pulchra ab exteriori per pulchritudinem moralem, ideo dicitur, quòd fuit amicta sole, idest splendenti conuersatione. Eius autem conuersatio ad instar solis omnibus relucebat. Quartò fuit pulchra ab interiori per pulchritudinem supersubstantialem, ideo dicitur, quòd erat in utero habens, Nam in utero pulchritudinem diuinā habebat. Quintò fuit pulchra à dextris, & à sinistris per pulchritudinem spiritualem, quæ consistit in decore virtutum, ideo dicitur, quod datæ sunt sibi duæ alæ. Istæ duæ alæ fuerunt virtutes politicæ quibus ornata fuit à sinistris, & virtutes theologice, quibus ornata fuit à dextris. Nullus unquam intantum fuit uirtutibus adornatus, quòd sibi posset comparari. Hieron. ubi supra. Sicut in comparatione Dei nemo bonus, sic in comparatione matris Dei nulla perfecta inuenitur etiam si uirtutibus eximia comproberetur. Tertiò in ipsa fuerunt signa pulchritudinis, quæ sunt quatuor. Primum est habere affectum mundum, & primum. Secundum est habere amorem diuinum. Tertium est non habere aliquem defectum. Quartum est nullum habere peccatum. Ista quatuor signa fuerunt in Maria, ideo dicitur Can. 4. Tota pulchra es amica mea, & macula non est in te. Ipsa enim fuit pulchra, quia ab omnibus terrenis habuit purgatum affectum. Ipsa fuit tota pulchra, quia nullum habuit defectum. Ipsa fuit Dei amica, quia perfectum habuit amorem diuinum. Ideo Hugo de sancto Victo. istud uerbum pertractans ait. Quam pulchra es, quam scrutator rerum probat, quam inspector cordium laudat, quam diligit actor pulchritudinis, cui testimonium phibet magister veritatis. Nos autem nec sumus pulchri, quia affectibus terrenis sumus sedati, nec toti pulchri, quia sumus multis defectibus circumdati, nec sumus sine macula, quia peccatis multis sumus respersi, nec sumus Dei amici, quia nescimus utrum odio, uel amore simus digni.

Secundò fuit, & est pulchra in nobis. Quæ pulchritudo insinuatur Can. 6. Quæ est ista quæ progreditur quasi aurora, &c. Ipsa enim peccatores à tenebris peccatorum purgat lumine suæ gratiæ, ideo assimilatur auroræ, Ipsa errantes uiatores dirigat

rigit luce suę sapientię, ideo assimilatur Lunę. Ipsa frigidus accedit igne suę charitatis, ideo assimilatur. Ipsa dæmones terret fulgore maiestatis suę, ideo assimilatur aciei castrorum armatę. Propter ista dicit idsa Eccl. 24. Ego mater pulchrę dilectionis, &c. Est enim mater dilectionis inquantum frigidus accendit. Est mater timoris inquantum dæmones terret, & expellit. Est mater agnitionis inquantum errantes dirigit. Est mater spei inquantum peccatores recipit. Vel potest dici, quod nihil est pulchrius in die solis pręsentia. In nocte nihil pulchrius Luna. In confinio diei, & noctis nihil pulchrius aurora, hostibus nihil terribilius acie ordinata. Per diem igitur iusti intelliguntur. Istis electa est ut Sol, quia eos illuminat ad cognitionem, & inflamat ad amorem. Per noctem igitur intelliguntur peccatores. Istis enim est pulchra, vt Luna. Luna enim est torida, & frigida, quia eis infudit rorem suę gratię, & refrigerat contra cęstum concupiscentię. Per confinium diei, & noctis intelliguntur de nouo cõuersi. Istis est pulchra, ut consurgens aurora. Sicut enim aurora est media inter diē, & noctem, & tunc malę bestię fugiunt, & aues concinunt, sic ista tanquam mediatrix istos tales Deo reconciliat, tentationes ab eis fugat, & spiritualem lętitiam in eis generat. Dæmonibus autem est terribilis, ut castrorum acies ordinata, quia ad eius inuocationem territi fugiunt, & in infernum recedunt.

EXPRIMUNTUR QVÆ BEATÆ
 Virginis pulchritudinem constituent. Ser. CXX.

PULCHRITUDO Beatę Marię consistit in uenusto, & decenti decore, siue colore. Fuit enim colorata triplici colore, scilicet, nigro, albo, & rubeo. Cāt. 1. Nigra sum. Ecce color niger. Sed formosa. Ecce color albus. Sicut pelles Salomonis. Ecce color rubeus. Vnde dicit glo. ibi. De pellibus rubricatis fecit sibi Salomon tabernaculum.

Primus igitur color, scilicet, albus significat suam puritatem, & virginitatem. Est autem albus color lucis maximę

susceptius, est visus disgregatiuus, & est cæterorum colorum
 sustentamentum. Quia igitur in Beata Virgine maximè fuit
 color albus puritatis, & munditiæ, ideo in ea maximè radia-
 uit lux diuinę gratiæ. Quanto quidē maior est albedo, tanto
 magis se infundit luminis plenitudo. Albedo autem puritatis
 Beatę Virginis excelebat angelicam, & humanā. Anselmus.
 Decebat quippe, vt Virgo Beata ea puritate niteret qua sub
 Deo maior nequit intelligi. Quia igitur post Deum in ea
 maior puritas fuit, ideo post Deum maior in ea lux, & gratia
 fuit, ideo claritas eius assimilatur claritati Solis, & Lunę.
 Cant. 6. Pulchra, vt Luna electa, vt Sol. Sicut enim claritas
 Solis, & Lunę excedit claritatem omnium luminarium sic cla-
 ritas Virginis excedit claritatem omnium sanctorum, & an-
 gelorū. Secundò albus color puritatis, & suę virginittis tan-
 tus fuit, q̃ quodammodo disgregat visum. i. intuitum nostrę
 mentis. Disgregat etiam intellectum nostrum, quia ipsam nō
 sufficimus intueri, sed tamen ipsam possumus admirari. Ec-
 cles. 43. Pulchritudinem candoris eius admirabitur oculus.
 Eiusdem. 43. Refulgens radijs suis excecet oculos. Immo
 etiam disgregat intellectum angelicum, quia eius gloriam mi-
 rari & stupere possunt, sed considerare non sufficiunt. Vnde
 dicunt. Cantic. 6. Quę est ista, quę progreditur quasi au-
 rora consurgens. Item. 8. Quę est ista, quę ascendit de de-
 serto delitijs affluens. Vnde super illud Matth. 1. Non co-
 gnoscebat eam Ioseph donec, &c. Dicit Origenes, quòd
 quandiu Virgo Beata in vtero suo habuit Solem iustitię tan-
 tus fulgor exibat de eius facie, quòd Ioseph ipsam cogno-
 scere, & discernere non valebat, quia in eius faciem inten-
 dere non valebat, donec eius vterus non fuit euacuatus.
 Terriò albus color suę puritatis fuit sustentamentum cuius-
 libet virtutis. Sicut autem lana prius est alba, & postea di-
 uersis coloribus tingitur, sic Maria primo fuit alba, & postea
 diuersis virtutibus adornata. Alcuinus in libro de Trinitate.
 Beata Maria lana mundissima fuit in virginitate clarissima,
 quę sola digna esset filij Dei recipere dignitatem sicut lana
 cochilij sanguinem, vt ex ea fieret purpura Imperiali maie-
 state tantummodo digna, quàm quę nullus dignus induere

nisi angusta præditus dignitate. Secundò fuit colorati colore nigro humilitatis. Quanto enim erat albior, & purior in conspectu Dei, tanto magis se reputabat nigram in conspectu sui. Sæpe nanque res lucida nigrum habet effectum, sicut ostendit Augustinus in libro de ciuitate Dei, per tria exempla. Ignis enim splendidus carbones nigras facit, & omnia, quæ lambit teterzima reddit. Argentum lucidum lineas nigras facit. Oleum fulgidum maculas nigras effundit. Beata igitur Virgo licet habuerit ignem splendidum, idest animum diuina sapientia illustratum, licet habuerit argentum lucidum, idest, corpus virgineum, licet habuerit oleum fulgidum, idest abundantiam meritorum, tamen semper de se nigra, & humilia sentiebat dicens, Nigra sum, sed formosa. Notandum, quòd color niger visum congregat, album iuxta se positum magis commendat, & aliquando de se illuminat, sicut patet in pupilla, quæ quando est magis lucida est, quàm si esset alba. Color igitur niger humilitatis habet virtutes, & gratias intus in anima congregatas. Psalm. Qui emit fontes in conuallibus, per conualles intelliguntur mentes humiles, per fontes intelliguntur mentes cœlestes sive cœlestium gratiarum. Deus igitur in mentes humiles fuit, & congregat gratias, & virtutes. Non tantum humilitas habet congregare, sed etiam conseruare, quia sicut dicit Grego. Qui ceteras virtutes sine humilitate congregat, quasi qui puluerem ante faciem venti portat. Iste igitur color humilitatis in Beata Virgine congregauit virtutes omnium gratiarum, & virtutum. Ecclesiast. 24. In me omnis gratia uitæ, & ueritatis, in me omnis spes uitæ, & uirtutis. Item. In plenitudine sanctorum detentio mea. Non autem tantum humilitas congregauit in ea uirtutes, sed etiam conseruauit. Bernard. Beata igitur Virgo nunquam à filio suo Domino nostro didicit cœlos fabricare, nec angelos creare, non miracula perpetrare, sed tantum humiliari ceteraq; documenta uirtutum inter humilitatis custodiam aggregare. Vnde & in se solam humilitatem respexisse fatetur Dominum qui est custos uirtutum.

Secundò nigredo suæ humilitatis commendabat in ea

T 3

albedinem

Sermo CXX.

albedinem uirginitatis, quia sine humilitate sua uirginitas Deo non placuisset. Bernardus. Super quem requiescet spiritus meus nisi super humilem, non dixit nisi super Virginem. Si igitur Virgo humilis non fuisset Spiritus Sanctus super eam non requiescisset nec eam impregnasset. Quomodo namque de ipso conciperet sine ipso. Patet igitur quod Maria, etsi ex uirginitate placuit, tamen ex humilitate concepit. Vnde constat etiam quod ut placeret Virginitas proculdubio fecit humilitas.

Tertio nigredo humilitatis magis eam splendidam fecit in conspectu mundi. Nam totus mundus predicat eam beatam unde postquam dixit. Respexit humilitatem ancile sine subdit. Ecce enim ex hoc beatam me dicent omnes generationes. Deus quoque fecit eam sublimem, & altam unde subdit, Quia fecit mihi magna quia potens est.

Tertio fuit colorata dolore rubeo charitatis. Iste igitur color fuit in ea multipliciter generatus.

Primo igitur fuit rubea, quia fuit igne Spiritus Sancti inflammata in tantum, quod ad instar lapidis folgores igneos emittebat Cant. 8. Lampades ignis atque flamarum. Isa. 32. Dixit dominus cuius ignis in syon, & caminus in Hierusalem Per syon intelligitur Virgo Beata, quae semper Deum fuit speculata. Per Hierusalem intelligitur Christus, qui est pax nostra, & uisio gloriosa. In Christo igitur fuit caminus ignis Spiritus Santi per maximus. In uirgine fuit ignis immensus. In nobis autem uix est igniculus, id est amor per modicus. Isa. 30 Non inuenietur de fragmentis eius. scilicet Adae. qui cum tota sua posteritate fractus fuit testa. id est alicuius conscientia in qua portetur igniculus de incendio.

Secundo fuit rubea, quia fuit luce solari perfusa, & non tantum perfusa, sed etiam amicta. Apoc. 12. Mulier amicta sole, & non tantum amicta, sed etiam sole immerfa. Hieronimus. Iure sole perhibetur amicta, quia luci immarcescibili uidetur immerfa, nec summa tangi, sed operiri magis, & circumfundi, & tanquam ipso igne concludi.

Tertio fuit rubea, quia fuit in cellam uinariam introducta. Can. 1. Introduxit me rex in cellam uinariam. Istud tamen uinum tam abundanter hausit, quod etiam nobis copiose effudit.

effudit, Can. 1. Bibite amici, & inebriamini charissimi. Amicos potat, sed charissimos inebriat, quia sibi deuotis unum gratiæ infundit, sed deuotioribus, & perfectis maiorem gratiam tribuit.

Quarto fuit rubea, i. in Christi sanguine rubricata. Habuit enim Christi sanguine tinctam memoriam per recordationē Tinctam intelligentiam per deuotionem. Tinctam uoluntatem per affectionem, & forte iuxta crucem tinctam faciem per sanguinis Christi effusionem, ut possit dicere illud Exo. 4. Sponsus sanguinum mihi es Apo. 6. Luna, i. Virgo Beata tota facta est sanguis.

Quintò fuit rubea, quia fuit uestis purpurea effecta. Vnde cātatur de Christo. Indutus ueste purpurea. Color autem purpureus non statim imprimitur, sed sicut Ambrosius in lib. de apologia dicit. Primo uellus ignobili suco inficitur. deinde eius species diuerso sepe colore mutatur cum pleno lauacro depuratur, & sic color purpureus apponitur. Beata autem Virgo primo fuit ignobili suco infecta, quando fuit cum peccato originali concepta. Postmodum uero fuit diuerso colore depicta, quando fuit uarietate uirtutum adornata. psal. Omnis gloria eius filiæ regis. Deinde fuit lauacro Spiritus Sancti depurata, quando Spiritus in eam superuenit, qui totaliter eam purificauit, & sic fuit colore purpureo sublimata ita, quòd nulli alteri nisi imperatori celesti fuit idonea.

GRADVS GENERAQUE PURITATIS
recensentur Beata Virginis Sermo GXXI.

PURITAS Beatę Mariæ habuit magnam perfectionem quia fuit Virgo mente, & corpore, unde dicit Ambrosius in lib. de uirginibus. Virgo erat non solum corpore, sed etiam mēte, quæ nullo doli ambitu sincerum adulteraret affectum. Intantum enim eius puritas immensa, & perfectā fuit, quòd cum sit triplex puritas, scilicet diuina angelica, & humana, ipsam diuinam puritatē nouem mensibus in suo utero habuit. Ipsa puritatem angelicā transcendit, & omnē puritatē humanā ultra superauit, Anselmus. Decēbat quippe, ut Virgo

Sermo CXXI.

Beata ea puritate niteret, qua sub Deo maior nequit intelligi.

Secundò eius puritas habuit impetmixtionem, quia nulla quantumcunq; minima impuritas eius puritati se immiscuit. Sap. 7. Nihil inquinatum in illam incurrit. Eccle. 24. Quasi balsamum non mixtum odor meus. Non enim se potuit sibi immiscere peccatū originale, quia fuit à Spiritu sancto sanctificata, nec aliquod mortale, quia fuit à patris potentia roborata, nec aliquod veniale, quia fuit à splendore filij illustrata. Ideo poterat dicere illud Iudith. 14. Viuit dominus quia custodiuit me angelus eius, & hinc euntem, & ibi commorantem, & inde huc reuertentem. Deus enim per angelum suū custodiuit eam in mundum euntem, quia ipsam ab originali per Spiritum sanctum purgauit, & commorantem in mūdo, quia eam à peccato mortali conseruauit, & de mundo ad patriam reuertentem, quia sine macula venialia eam de mundo exire fecit.

Tertiò eius puritas habuit trasfusionem, quia in alios trās fundebatur. Quamuis enim esset pulcherrima à nullo tamen vnquam potuit concupisci. Et huius ratio est, quia eius pulchritudo aliorum corda meduliter penetrabat, & in eis omnes motus illicitos exinguebat. Istam puritatem non habuit nec Agnes, nec Catherina, nec aliæ virgines, quia quamuis ille non concupierunt, tamen fuerunt ab alijs concupitæ, quia ipsarum puritas non erat tanta, quòd aliorum corda penetraret, & in eis motus illicitos exingueret sicut exinguebat puritas beatæ Virginis. Ideo odor suæ puritatis assimilatur odori myrrhæ, & cedri, ut habetur Eccles. 2. Sicut enim odor myrrhæ expellit uermes, & odor cedri fugat serpentes, sic & odor suæ puritatis in alijs expellebat motus brutales.

Quartò eius puritas habuit perpetuitatem, & conseruationem. Nunquam eius puritas fuit in aliquo interrupta, nunquam uel in modico diminuta, nunquam aliquo tempore interpolata, sed semper fuit augmentata semper renouata, immo totaliter ultimata. Hiero. in sermo. de Assump. Iute Maria sole perhibetur amicta, quæ luci illi immarcescibili videtur immersa, neque summatim tangi, sed operiti magis, & circumfundi, & tanquam ipso igne concludi.

NEQVAVAM INDIGVISSE PV

rificatione Beatam Virginem probatur.

Sermo

CXXII.

PURIFICATIONE Virgo Maria non indigebat, nec ratione sui parturientis, nec ratione prolis, nec ratione legis, nec ratione mysterij, siue significationis.

Primò non indigebat ratione sui, quia erat tota purissima, tota sanctissima, tota mundissima. Si quidem Spiritus sanctus purificavit eius mentem. Luc. 1. Spiritus sanctus superueniet in te, Christus purificavit, & sanctificavit eius ventrem. Unde sequitur. Et virtus altissimi obumbrabit tibi. Pater purificavit eius mentem. Ps. Sanctificavit tabernaculum suum altissimus.

Secundò non indigebat ratione prolis, quia in filio nulla fuit impuritas, sed omnimoda sanctitas. In ipso quidem fuit triplex natura, scilicet, anima lucida, deitas vera, caro immaculata. Sap. 7. Candor est lucis æternæ, quantum ad primum, scilicet, quo ad animam lucidam. Et speculum sine macula quantum ad carnem immaculatam, imago bonitatis Dei, quantum ad deitatem veram secundum quam filius Dei est imago Dei. Col. 1. Qui est imago Dei invisibilis. Quod autem non indigeret purificatione ratione prolis patet, quoniam vas plenum amœno flore repletum balsamo, perfusum solari radio, nullam ex his immunditiam contrahit, sed efficitur magis purum, magis odoriferum, & magis lucidum. Christus enim est flos amœnus quo ad carnem. Cant. 2. Ego flos campi. Est balsamum odoriferum quo ad animam. Eccl. 24. c. Quasi balsamum non mixtum odor meus. Et est splendor paternus quo ad deitatem veram. Heb. 1. Qui cum sit splendor gloriæ, & figura substantiæ eius, &c. Virgo igitur beata ex quo portavit florem tam amœnum habuit maiorem puritatem munditiæ. Ex eo quòd habuit balsamum tam odoriferum, habuit maiorem redolentiam gratiæ. Ex eo quòd splendorem divinum habuit maiorem lucem sapientiæ.

Tertiò nō indigebat purificatione ratione legis. Lex enim purificationis tria supponebat, scilicet, fractionē . Ideo dixit. Mulier quæ sonat sexus fractionem. Supponit etiam seminū commixtionem. Ideo dicitur. Quæ suscepto semine. Tertiò supponit assimilationem, ut scilicet, filius sit similis parētibus in natura. Et ideo dicit. Peperit masculum. Ista autem tria in virgine penitus non fuerunt. Nam in ea nulla fuit fractio, sed perpetua illibatio, quia fuit Virgo ante partū in partū, & post partum . Dicunt tamen hæretici, quòd Virgo beata non fuit Virgo post partum , sed filios habuit de Ioseph , qui fratres Christi uocantur . Ad quod respondet Hieronymus contra Claudium dicēs, quòd in scriptura fratres quatuor modis dicuntur, scilicet, natura, ut Esau, & Iacob gēte, ut omnes Iudæi. Cognatione, ut Abraham, & Loth . Affectu qui in duos scinditur in specialem, & sic omnes Christiani dicuntur fratres, & communem, & sic omnes dicuntur fratres , quia sunt ex uno patre. Ibi non fuit seminum commixtio, quia non concepit ex seminum commixtione, sed mystico spiramine. Ber. in sermone de purificatione . Putas enim quòd dicturus Moyses mulierem quæ peperisset filium immundam esse non timuerit super matrem Dei blasphemiam irrogare . Et idcirco præmisit suscepto semine. Alioquin si non perituram præuidisset sine semine Virginem, quæ necessitas erat de suscepto facere mentionem. Patet itaque quòd lex matrem Domini non includit, quæ non suscepto semine peperit filium, tertio nō fuit in filio tantum assimilatio naturæ humanæ, sed etiam ibi fuit sublimitas diuinæ naturæ. Virgo enim peperit filium, & sibi similem quantum ad naturam humanam , & sibi dissimilem quantum ad naturam diuinam.

Quartò non indigebat purificatione ratione mysterij. siue significationis. Lex enim præcepit, ut puer die 40. & puella 80. ut scriptus ingrediuntur corpus suum in utero formatum, quod est templum ipsius animæ. Duplicauit autem Deus dies fœmina, ex eo, quòd homo unum tantum peccatum commisit, fœmina duo , quia superbiuit, & fructum uetitum comedit . Quia superbiuit humiliata est sub viri dominio . Quia fructum uetitum comedit, punita est in fructu suo, ut scilicet,

in dolore pariat filios. Vir autem peccauit in uno, quòd scilicet, fructum comedit, & ideo in acquirenda sibi cibum punitus fuit, quando sibi Deus dixit. In sudore vultus tui uelceris pane tuo. Sicut igitur mulier duplici pœna, & homo punitus est extra uterum. Sic in utero homo una pœna punitur, ut, 40. diebus sit sine anima. Mulier autem duplici pœna, ut duplo corpus eius sit sine anima. Istud autè mysterium in Christi corpore non habuit locum, quia anima in corpus Christi non est ingressa 40. die, sed quando Virgo consensit statim in instanti operatione Spiritus sancti corpus organizatum fuit, & Deus animam de nouo creatam illi corpori infudit, & utrunque suæ diuinitati uniuir, & ideo mox per Deus, & perfectus homo extitit Grego. Annunciante angelo, & Spiritu sancto adueniente mox uerbum in utero, mox intrat uerbum carnem.

VOLVIT TAMEN IPSA BEATA VIRGO

ex tribus purificari.

Sermo CXXIII.

PURIFICARI uoluit Beata Maria propter exemplum, documentum, & sacramentum.

Primò propter exemplum, quia dedit nobis exemplum humilitatis, paupertatis, & cōtatis. Humilitas autè aliqñ apparet in sermone, aliqñ in corde, aliqñ in humili conuersatione, aliquando in humili opere. Istam quadruplicem humilitatem habuit Maria. Nam ante conceptum ostendit humilitatem oris, cum dixit. Ecce ancilla Domini. Post conceptum manifestauit humilitatem cordis, ad quam Deus specialiter respicit. Vnde ipsa dixit. Respexit humilitatem ancillæ suæ.

In partu ostendit humilitatem conuersationis, quia fuit ibi humiliter conuersata. Non enim pro se, uel pro filio habuit thalamum pictum, nec lectum eburneum, nec culcitris molitiem, nec præciositatem pannorum, pro seruiantibus habuit bonem, & asinum. Humilitatem uero operis ostendit post partum, quando, scilicet, pariturum, aut duos pullos columbarum Deo obtulit. Ista autem erat oblatio pauperum, atq; humilium, Secundò ostendit exemplum paupertatis. Vbiq; enim regina

Sermo CXXIII.

regina cœli seruauit paupertatem. s. in suo coniugio, quia nō fuit desponsata imperatori, sed fabro pauperi. In suo puerperio, quia non habuit copiam ciborum, sed penuriam extremam. In suo offertorio, quia obrulit oblationem pauperum. In filij nutrimento, quia sicut dicit Hiero. Colo, & acu acquirebat vnde se, & Saluatorem mundi nutrebat. Tertiò ostendit exemplum communitatis. Nōluit enim esse singularis, sed cum cæteris seminis voluit esse communis. Vnde dicit Bern. in sermone de Purificatione. Putas non poterat commoueri animus Virginis ac dicere. Quid opus est purificatione? Cur abstineam ab ingressu templi, cuius uterus nesciens virum factus est templum Spiritus sancti. Cur non ingrediar templum, quæ templi dominum peperit, nihil in hoc conceptu impurum fuit, nihil illicitum, nihil purgandum. Nimirum cum proles ista venerit purgationem peccatorum facere. Verè beata Virgo non habes causam nec tibi opus est purificatione. Sed nunquid filio tuo opus erat circumcisione. Esto igitur inter mulieres tãquam vna illarum. Nam & filius tuus sic est in medio puerorum.

Secundò voluit purificari propter documentum, vt, scilicet, nos purificandos esse doceret. Debemus etiam purificari intus, & extra. Intrus quidem debet purificari voluntas ab omni mala affectione. Psal. Exercitabar, & scopebam spiritum meam. Intentionem ab omni duplicitate. Ioan. 4. Purificate corda vestra, &c. Rationem ab omni perturbatione. Sicut enim in aqua turbida imago non lucet, sic & ratio turbata non videt uerum. Proverb. 15. Aufer rubiginem de argento, idest, perturbationem ab animo, & egredietur vas purissimum, idest, ratio erit clara, & pura. Ezech. 22. Purissimas reddam aquas eius. Tunc Deus purissimam aquam reddit, quando rationem turbatam claram, & pacificam facit. Debemus etiam purificari extra quantum ad omnes sensus exteriores corporis. Nam debent purgari oculi ab omni illicita visione. Psalm. Auerte oculos meos ne videant vanitatem. Aures à detractione. Eccles. 28. Sepi aures tuas spinis, & noli audire linguam nequam. Os à praua locutione. Ephes. 4. Omnis sermo malus ex ore vestro non procedat.

cedat. Manus ab illicita operatione. Psal. Lauabo inter innocentes manus meas. Odoratum à lasciua odoratione. Amos 6. Optimo vnguento delibuti, & nihil compatiiebantur super contritione Ioseph. Ista autem omnia sunt purganda à negligentia, & torpore. Eccles. 7. De negligentia purga te cum paucis.

Tertiò voluit purificari propter sacramentum. Illa enim oblatio quam faciebat puerpera templum Dei ingressura erat sacramentalis, & figuratiua. Portabat enim secum agnum, vel si erat pauper pat turturum, aut duos pullos columbarum. Beata autem Virgo non obrulit agnum, siue quia pauper erat, siue quia verum agnum offerebat. Qui igitur vult intrare in templum cœlestem oportet, quòd intret aut per vitam actiuam, aut per contemplatiuam. Illi igitur agnum offerunt, & cœleste templum ingrediuntur, qui seruant innocentiam baptismalem. Psal. Ego autem in innocentia mea ingressus sum. Illi offerunt turturem, quæ est avis solitaria, & vaga, qui sequuntur vitam contemplatiuam. Illi offerunt columbam, quæ gregatim uolat, qui sectantur vitam actiuam. Vtraque autem avis bina ponitur, & vterque gemitum pro cantu habere dignoscitur, quia vita contemplatiua debet habere duplicem oculum. Vnum quo contempleretur cœlestia ad desiderandum, alium quo videat terrena ad despiciendum. Similiter & actiua debet habere duplicem actum. Vnum erga se ad sui correctionem, alium erga proximum ad ipsius ædificationem. Vtraque autem uita debet habere duplicem gemitum. Nam complatiua debet habere gemitum amoris, qui fit pro desiderio cœlestis patriæ, & gemitum deuotionis, qui fit pro consideratione passionis dominicæ. Similiter actiua debet habere duplicem gemitum. Vnus est gemitus compunctionis pro peccatis proprijs, alius compassionis pro peccatis, & miserijs alienis.

INVENIT QUIDEM BEATA VIRGO

Deum, quia scilicet eum sciuit querere.

Sermo CXXIIII.

QUÆSIVIT Deum Maria, & inuenire meruit, eo quòd ipsum quæsiuit suo loco, & tempore, & modo. Primo enim quæsiuit suo tempore, scilicet tempore gratiæ, & ideo inuenire meruit gratiā Dei, & per consequēs ipsum Deum. Ideo dixit sibi angelus. Inuenisti gratiam apud Deum. Hoc significatum est. Luc. 2. Vbi dicitur, quòd post triduum inuenerunt in templo filium. Primus dies fuit tempus ante legem, & tunc non poterat inueniri. Vnde dixit vnus ex eis. Exo 4. Obsecro domine, mitte quem missurus es. Secunda dies fuit tempus sub lege, & tunc etiam non poterat inueniri. Vnde dicebat vnus ex eis. Isa. 64. Utinam disrumperes cœlos, & descenderes. Tertia dies est tempus gratiæ, & in ista die si quæritur de facili inuenitur. Ideo dixit. Isa. 55. Quærite Dominum dum inueniri potest. Secundò quæsiuit eum in suo loco. Sed notandum, quòd Christus in tribus locis fuit quæsitus, scilicet in præsepio à pastoribus. In templo à parentibus. In sepulchro à sanctis mulieribus. Pastoribus quidem dictum fuit per angelum. Luc. 2. Inuenietis infantem in præsepio positum pannis inuolutum. Vbi notandum, quod Christus inuenitur in humilitate, ideo dicitur. Inuenietis infantem. Inuenitur in paupertate, ideo subditur. Pannis inuolutum. Inuenitur in carnis asperitate, ideo subditur. Positum in præsepio. In hijs tribus locis Maria Deum quæsiuit, & inuenit, scilicet in humilitate, scilicet quando se ancillā nominauit. In paupertate quando omnia terrena contempsit. Et in carnis maceratione seu asperitate quando virginitatem deuouit. Homines autem mundani econtra Deum quærere volunt in delitijs, diuitijs, & honoribus, sed ibi non inueniuntur. Iob. 28. Non inuenitur in terra suauiter viuientium, idest carnalium. Abyssus dicit. Non est mecum, idest humana cupiditas, quia non habet fundum, quia sicut dicitur. Eccles. 5. Auarus non implebitur pecunia. Et mare loquitur. Non est mecum,

mecum, idest feruens superbia. Superbus enim ad instar ma-
 ris semper tumet, semper feruet, semper est in motu tribula-
 tionum, & turbationum. Isa. 57. Impij quasi mare feruens,
 quod quiescere non potest. Secundò Christus fuit quæsitus
 in templo à parentibus. Vnde dixit ei mater. Ecce pater
 tuus, & ego dolentes quærebamus te. Primò enim quæsierunt
 apud seipsos, & nō inuenerunt. Postmodum quæsierunt inter
 cognatos, & notos, nec ibi similiter inuenerunt, deinde
 quæsierunt in comitatu, nec tandem ibi inuenerunt. Ulti-
 mo quæsierunt in templo, & tandem ibi inuenerunt. Est
 enim quadruplex amor, scilicet priuatus, mundanus, domesti-
 cus, & diuinus. Non potuerunt igitur apud seipsos inuenire
 eum, quia non inuenitur in amore proprio siue priuato, cum
 ille amor sit periculosus. 2. Thim. 3. Erunt homines seipsos
 amantes. Secundò non inuenitur in comitatu hominum mū-
 danorum, quia non inuenitur in amore mundano. Ioan. 14.
 Spiritum veritatis quem mundus non potest recipere. Ter-
 tiò non inuenitur inter cognatos, & notos, quia non est in
 amore domestico, idest in amore parentum. Bern. Quomo-
 do ò bonæ Iesu inter cognatos meos te inueniam, qui in-
 ter tuos cognatos minime es inuentus. Inuenerunt au-
 tem ipsum in templo Dei, idest, in amore spirituali, &
 diuino. Ioan. 14. Si quis diligit me sermonem meum serua-
 bit. De hijs quatuor amoribus dicitur. Luc. 14. Si quis venit
 ad me, & non odit patrem suum, aut matrem, hoc refertur
 ad amorem domesticum. Adhuc autem, & animam suam,
 hoc refertur ad amorem priuatum. Et qui non baiulat cru-
 cem suam, hoc refertur ad amorem mundanum. Illæ enim
 crucem baiulat qui crucifixus est mundo, & mundus sibi.
 Et venit post me, hoc refertur ad amorem spirituales, &
 diuinum. Tertiò quæsitus est in monumento à sanctis mu-
 lieribus, sed in monumento iacentem ibi minime repererūt,
 propter hoc Virgo Beata cum eis ire noluit siue propter do-
 lorem quem habuisset in videndo sepulchrum, siue propter do-
 lorem quem incurterat toriens percutiendo pectus suum,
 quia pro certo sciebat resurrexisse filium gloriosum, & im-
 mortalitate indutum. Credendum enim est, quòd Christus
 post

post resurrectionem primo matri apparuerit. Et hoc ostendi potest primo per auctoritatem sedulij qui dicit. Semper Virgo manens huius se visibus astant luce palam Dominus prius obtulit. Secundò per Romanæ Ecclesiæ antiquam consuetudinem, quia Romanus Pontifex in die Paschæ ad Sanctam Mariam Maiorem primam stationem facit, per hoc innuens, Beatæ Mariæ factam fuisse primam apparitionem. Tertiò per quandam moralem rationem, Christus enim præcepit, ut patrem, & matrem honoraremus. Sed qualiter ipse matrem honorasset si prius extraneos de sua resurrectione legitimasset, & matri desolatæ ultimo apparuisset. Tertiò quæsiuit eum debito modo. Modus autem quærendi secundum Dionysium triplex est. Primus est per sensibilibus manuductionem. Et iste est paruulorum incipientium, de quo dicitur. Rom. 1. Inuisibilia Dei à creatura mundi per ea, quæ facta sunt intellecta conspiciuntur. Sap. 13. A magnitudine enim spei, & creaturæ cognoscibiliter poterit horum Creator videri. Secundus modus est per intellectualium operationem. Et iste modus est magis prouectorum, & proficientium, qui reliquerunt sensibilia, & visibilia, & conuertunt se ad intellectualia, & tales Deum inueniunt. Prouer. 8. Qui vigilauerint ad me inuenient me. Tertius modus est per immediatam vñionem. Et iste modus est perfectorum qui reliquunt sensibilia, & intellectualia, & immediatè ad diuina ascendunt, & Deiformes effecti immediatè Deo se vñiunt. Et istum modum quærendi Deum habuit Beata Virgo. Deus enim est ignis, Sol, & amor. Beata autem Virgo intantum fuit igne diuino inflammata, quòd quodammodo fuit in ignem conuersa. Dicit enim Chrys. de Paulo. Vt enim ferrum missum in ignem totus est ignis, sic Paulus igne charitatis succensus totus effectus est charitas. Si ergo hoc dicitur de Paulo multo fortius hoc dici potest de Maria. Intantum etiam fuit Sole diuino perlustrata, quòd Sole fuit amicta. Apocalyp. 12. Mulier amicta Sole. Intantum fuit amore diuino repleta, quòd tota fuit amore liquefacta. Cantic. 5. Anima mea liquefacta est, ut dilectus locatus est.

MENTIS QUIETE POTIEBATVR BEATA

*Virgo, eo quòd ad optima utebatur ea.**Sermo*

CXXV.

QUIETEM iuterioris hominis, & vacationem mentis semper Maria Virgo dilexit, & ideo in thalamo suo clauso ostio morabatur. Et sicut dicit Bern. nò est credendum, q. angelus apertum ostium inuenerit, sed subtilitate suæ naturæ clauso ostio introierit. Voluit autem Virgo beata tumultus fugere, & sibi uacare multis de causis.

Primò ut orationes suas securius Deo effunderet.

Secundò ut castitatem suam cautius custodiret. Istas duas rationes assignat Bern. super Missus est dicens. Ingressus est angelus secretarium pudici cubiculi, ubi illa clauso ostio orabat in abscondito, quia nimirum sibi in proposito erat frequentias hominum fugere, colloquia vitare, ne uel orantis silentium turbaretur, uel continentis castitas turbaretur.

Tertiò. desiderauit quietem mentis habere ad suscipiendam gratiam Spiritus sancti se humiliando, quia sicut dicitur Isa. 66. Super quem requiescet spiritus meus nisi super humilem. & quietum. Hinc est, quòd Apostoli receperunt Spiritum sanctum sedentes, idest à curis secularibus quiescentes. Hinc est, quòd etiam filij Israel manna recipere non potuerunt quandiu fuerunt in Aegypto, uel quandiu habuerunt farinam Aegypti, & donec transierunt mare Aegypti. Ille est in Aegypto qui adhuc est cum peccato. Ille habet farinam Aegypti, qui adhuc habet occasionem peccati. Ille nondum intrauit mare Aegypti, qui adhuc præmitur curis mundi. Quia igitur beata Virgo perfectam quietem habuit ideo Spiritus sanctus in ea perfectè quieuit. In quibusdam enim nullo modo requiescit. In quibusdam enim requiescit, sed nò perfectè. In quibusdam verò requiescit, sed perfectè. Nam in peccatoribus noo requiescit, qui ibi est pugna continua. In sanctis peregrinantibus requiescit semiplenè, quia in eis est requies semiplena. In sanctis verò triumphantibus est requies plena, & ideo in eis perfectè requiescit. Et quia in

Sermo CXXV.

Beata Maria fuit requies perfecta, quia caro spiritui non resistebat, sed ipsa sensualitas totaliter rationi obediebat, ideo Spiritus sanctus in ea perfecte quiescebat. Legitur Gen. 8. quod Noe tribus vicibus emisit columbam. In prima uice non requieuit, quia loca paludosa inuenit. In secunda uice requieuit, sed non perfecte, quia ad archam redijt. In tertia uice perfecte requieuit, & ideo ad archam ultra non redijt, per quod datur intelligi, quod loca paludosa, idest immunda Spiritus sanctus fugit. In cordibus uero sanctorum peregrinantibus non perfecte quiescit. In cordibus uero sanctorum triumphum quiescit, & perfecte quiescit, quia in eis nullam carnis repugnantiam inuenit. Caro enim spiritui non repugnabat, nec aliquos inordinatos motus emittebat, sed penitus obediens erat.

Quarto uacationem, & quietem dilexit, ut sensus suos mundos custodiret, qui quidem ex conuersatione mundanorum saepe corrumpuntur. Seneca. Quotiens cum hominibus habitauit, totiens minus homine redijt. Legitur in uitis patrum, quod Arsenius Deum orauit qualiter posset saluari. Venit ad eum uox dicens. Arseni vis saluari, fuge homines, tace, & quiesce. Beata quidem Virgo in seruitio Dei sensus suos mancipatura erat, & ideo eos mundos seruare uolebat. Nam oculos uoluit seruare mundos, cum quibus Deum videre debebat, aures cum quibus Deum loquentem audire debebat. Nares cum quibus debebat odorem Christi sentire. Os cum quo Deo ore loqui debebat. Manus cum quibus debebat gestare Deum. Et ideo turbas hominum fugiebat, & in thalamo suo clausa manebat, ut sensus suos mundos custodiret.

Quinto uacationem, & quietem dilexit, ut diuinas consolationes reciperet, quae non recipiuntur in tumultu multitudinis, sed in solitudine mentis. Osee. 2. Ducam eam in solitudinem, & ibi loquat ad cor eius. Consolationes enim diuinae non infunduntur in curis humanis, sed in solitudine, idest in quiete mentis. Legitur 3. Reg. 27. quod quandiu Elias fuit in solitudine laute a Domino pascebatur, quia mittebat sibi singulis diebus panes, & carnes, & bibebat de torrente. Postquam autem solitudinem deferuit, & ad ciuitatem se transtulit, uix bucellam

cellam panis habere potuit, quia quando homo est in mentis quiete pascitur diuina consolatione. Cum vero tumultum patitur vix modicam consolationem habere meretur. Veruntamen in isto facto Eliæ ostenditur, quod consolationes sanctorum habent imperfectionem, admixtionem, & interruptionem. Habent quidem imperfectionem, quod notatur per hoc quod non pascebatur in meridie, sed tantum mane, & uespere. In mane quidem & uespere est lux, & calor, sed in quadam imperfectione, per quod notatur, quod sancti viri habent in presenti Dei cognitionem, & amorem, sed imperfectè. In futuro autem habebunt Dei perfectam cognitionem, & perfectum amorem. Ideo sponsa petit Can. 1. Indica mihi ubi pascas, ubi cubes in meridie. Secundò habent admixtionem, quia sæpe scilicet aliquibus uenialibus admiscuntur, quod notatur per hoc quod licet Elias haberet delicatum cibum, tamen habebat insipidum potum, quia bibebat de torrente aquam. Isa. 1. Vinum tuum mixtum est aqua. Tertiò habent interruptionem, quia Deus ab eis sæpe subtrahitur, & hoc ut feruentius queratur, & cauius custodiatur, & hoc significatur per hoc, quod illa talis refectio ab Elia fuit sublata. In virgine quidem Maria ista talia locum non habent, quia diuinae consolationes in ea semper perfectè fuerunt, semper impermixtè, & semper perpetuè. Ideo enim aliquas consolationes perdunt, aut quia Spiritum sanctum extinguunt. Vnde Apostolus monet 1. Thes. 5. Spiritum nolite extinguere, aut quia ipsum contristant. Eph. 4. Nolite contristare Spiritum sanctum Dei, in quo signati estis, aut quia Spiritui sancto resisterunt. Act. 7. Dura cervice, & incircuncisi cordibus, & auribus uos semper Spiritui sancto resistitis. Extinguitur autem spiritus sanctus per mortale peccatum. Contristatur per multiplicationem uenialium, resistitur sibi per inordinatum sensu alitatis appetitum. Sed in beata Virgine nihil fuit extinguens, quia nullum unquam commisit peccatum, nunquam aliqua uenialia perpetravit, nihil resistens, quia de carne sua nunquam aliquis motus illicitus pullulauit. Et ideo nunquam Spiritum sanctum seu spirituales consolationes emittere potuit.

Sermo CXXVI.

QVAESITA BEATAE VIRGINIS CVM

*Angelo qua, & quam sancta fuerint,
docet. Sermo CXXVI.*

QUOMODO fiet istud, dixit Maria ad Angelum, quoniam uirū non cognosco. Inter Angelum, & Virginem gloriosam quasi quidam dialogus factus fuit. Nam Virgo interrogauit, & modum requirit. Angelus modum exponit. Virgo consentit, & consentiens, ut sic fiat rogat, & petit.

Primò ergo Virgo interrogat, & modum requirit. Interrogauit Zacharias Angelum, & punitus fuit. Interrogauit Maria, & laudata fuit. Huius rationem assignat Petrus Rauennas dicens. Ille pectorum cognitor non uerba, sed corda praeuidit, non quid quisque dixerit, sed quid senserit indicauit. Erat enim interrogantium dissimilis causa species per diuersa. Hæc contra naturam credidit, ille pro natura dubitauit. Hæc integræ ordinē rei requirit, ille quòd Dens fieri iubet, fieri non posse præscribit. Ille impellentibus exemplis ad fidem non accedit. Hæc ad fidem sine exemplo præcurrit. Hæc miratur de partu virginali. Hic disputat de conceptu coniugali. Et sic patet, quòd Virgo non dubitauit de facto, sed tantum requisit de modo. Bern. super missus est. Non dubitat Virgo de facto, sed modum quærit, & ordinem. Non enim quærit an fiat, sed quomodo. Amb. super Lucam. Non de effectu Virgo dubitauit, sed effectus qualitatem inquisiuit. Nō ergo fidem renuit, non officium recusauit, sed accommodauit affectum, & sponndit obsequium dicens. Quomodo fiet istud, &c. Tribus enim modis potest aliqua mulier filium generare. Aut spiritualiter sicut fit in baptismo, uel in conuersione ad fidem, iuxta illud 1. Cor. 4. Nam in Christo Iesu per Euangelium ego uos genui, aut naturaliter sicut de muliere, & uiro, aut super naturaliter, scilicet operante Spiritu sancto. Quomodo ergo fiet istud angelo Dei. i. quomodo intelligis tu, quòd istud filium debeam generare. Si dicis spiritualiter, scilicet, quòd erit filius meus spiritualis magnum quidem erit talem
filium

filium spiritualem habere, sed tñ ad me nihil pertinebit, quod de mea substantia nihil habebit. Si vero naturaliter intelligis, scilicet, quod ipsum naturaliter generabo, & quod voluntas Dei sit, quod de Ioseph sponso meo debeam generare eum, gaudebo quidem de tam nobili prole, sed tamen dolebo de perdita virginitate. Si autem intelligis, quod supernaturaliter, & diuina virtute generabo, gaudebo quidem de prole tam magnifica, & de virginitate conseruata. Bern. super missus est. Cum Dominus testis conscientiarum mearum sciat uorum esse ancillam suam uirum non cognoscere, qua lege, quo ordine placebit sibi, ut illud faciam. Si oportebit me frangere uotum, ut talem filium pariam, & de filio gaudebo, & dolebo de proposito, fiat tamen uoluntas eius. Si autem concipiam uirgo, & pariam uirgo, quod utique si sibi placuerit ei impossibile non erit, tunc uerè sciam, quod Dominus respexit humilitatem ancillam suam. Et ideo angelus sibi modum exposuit, scilicet, quod non spiritualiter, nec naturaliter, sed supernaturaliter, & mirabiliter filium generabis dicens. Spiritus sanctus superueniet in te hoc est concipies non humano semine, sed mystico spiramine, quia Spiritus sanctus in te descendet, & de tua carne uirginea accipiet, & corpus suum sua uirtute perficiet. Et quoniam uirgo posset dicere, quomodo ipsa cum sit pura creatura posset lucem diuinam, quæ est inaccessibilis sustinere, angelus subiunxit. Et uirtus altissimi obumbrabit tibi. Deus quidem ignis inextinguibilis est. Est etiam lux inaccessibilis primo Thimo. sexto. Lucem habitat inaccessibilem. Est etiam dulcedo ineffabilis. Eccle. vigesimo quarto. Spiritus meus super mel dulcis, &c. Habendo igitur Virgo beata Deum in utero habuit ibi diuinum ignem diuinam lucem, & diuinam dulcedinem. Si igitur caro tactum modo dici carbonis non potest sustinere, si oculus non potest solem respicere, si palatum mel dulcissimum non potest ferre, quomodo pura creatura posset pati tantum caminum diuinitatis, posset respicere in solem tam infinitæ claritatis, posset sustinere suauitatem tam infinitæ dulcedinis, proculdubio non potuisset, nisi uirtus altissimi tibi obumbrasset. Et ideo dixit Angelus. Et uirtus altissimi

tissimi obumbrabit tibi. Ignis enim inextinguibilis,
 & diuinus se sibi obumbrabit, quando inter se, & ani-
 mam Virginis corpus assumptum posuit, & sic tantum ardo-
 rem sustinere potuit. Sicut aliquando hominē ad ignem vehe-
 mentissimum existēti, quia inter se, & ignem aliquod mediū
 ponit, & sic calorem ignis sustinere potest. Similiter lux diui-
 na sibi obumbravit, quando ipsa lux teste, idest carni terrenæ
 se vniuit. Nam testam siue laternam creauit, quando corpus
 suum in utero Virginis fecit, & tunc laternam intrauit quan-
 do ipsam carnem sibi vniuit, & sic Virgo, quæ non potuisset
 videre diuinam lucem in sui essentia vidit postea ipsam in la-
 terna. Ber. Quia Deus spiritus est, & nos umbra corporis sui,
 temperauit se nobis, vt per obiectum vnitæ carnis videamus
 verbum in carne, Solem in nube, lumen in testa, cereum in
 laterna. Similiter dulcedo diuina obumbravit quando tan-
 tam dulcedinem exteriori carni velauit, & sic eam sustinere
 potuit, sicut accidit alicui homini habenti bolum dulcissimū
 in ore qui eius tantam dulcedinem temperat atque velat. Be-
 ne igitur virtus altissimi obumbravit sibi quando ignis diui-
 nus corpus medium posuit, & lux ineffabilis testam intra-
 uit, & dulcedo tam mirabilis se velauit. Et sic patet,
 quod tota fuit inflammata in qua habitauit ignis inextin-
 guibilis; tota illuminata in qua habitauit lux inaccessibilis
 tota plena dulcedine melliflua, in qua habitauit dulcedo in-
 effabilis. Tunc Maria consensit humiliter dicens. Ecce an-
 cilla Domini. Non enim filius in ea uenisset nisi ipsi prius
 consensum præbuisset. Vnde dicit Bern. Ex ore tuo Virgo
 Beata pendet consolatio miserorum, redemptio captiuorum,
 liberatio damnatorum, salus denique miserorum filiorū Adā.
 Non est autem credendum, quod ipsa uerba ista, ita rude pro-
 tulerit, sed quod ipsa in terra genua flexit, terram osculata
 fuit, oculos & manus ad cælum leuauit, & præ nimio gau-
 dio lachrymas continere non potuit, & tūc cum magno cor-
 dis desiderio exclamauit. Ecce ancilla Domini. Istud aduer-
 bium. Ecce aliquando facit demonstrationem ad oculum si-
 cut ibi Ioan. 1. Ecce Agnus Dei. Aliquando ad intellectum
 sicut ibi. Isa. 7. Ecce Virgo concipiet. Non enim fiebat de-

monstratio

monstratio ad oculum, quia nondum nata erat Beata Virgo, sed fiebat demonstratio ad intellectum. Aliquando uero demonstrat affectum sicut habetur Ioan. 4. quando scilicet Iudæi dixerunt de Christo qui super Lazarum lachrymatus fuit. Ecce quomodo amabat eum. Quando igitur Virgo dixit. Ecce ancilla Domini, potest esse demonstratio ad oculum, ut sit sensus. Ecce præsens est prompta, & parata ancilla Dei ad obediendum. Vel potest fieri demonstratio ad intellectum. Quæsiui à te modum concipiendi, & exposuisti. Et ecce ancilla Domini. Modum ipsum intellexit, quod scilicet non naturaliter, sed supernaturaliter concipere debeam. Vel potest demonstrare affectum, ut sit sensus. Ecce ancilla Domini offert Deo suum desiderium, & affectum, & ideo ipsum meum affectum compleat per effectum. Ultimo Maria orauit, ut sic ueniat sibi sicut angelus dixerat cum ait. Fiat mihi secundum uerbum tuum. Istud signatum est. Iosue. 15. ubi dicitur, qd asaf sedens asino dixit patri. Terram arentem & australem dedisti mihi iunge mihi, & irriguam, deditq; ei irriguum superius & irriguum inferius. Asaf sedens asino est Virgo Maria, quæ dominabatur corpori suo qui habuit terram arentem, idest carnem ab omni amore concupiscentiæ desiccata, & terrā australem, idest animam afflatu Spiritus sancti inflammata, & tñ petijt irriguum superius, & inferius quando dixit. Fiat mihi s'm uerbum tuū. Nihil superius Deitate, nihil inferius mortali carne. Tunc igitur irriguum superius, & inferius habuit quando in eius utero uerbum caro factum fuit.

CUM SIT BEATA VIRGO REGINA cœli, ex hoc habuit sex prerogatiuas.

Sermo CXXVII.

REGINA cœli est Virgo Maria, de qua dicitur in Psal: Astitit Regina à dextris tuis. Commendatur autem Regina ista à Propheta in Psalmo isto à sex prerogatiuis. Primò à prerogatiua excellentis pulchritudinis cum dicitur: Omnis gloria eius filiæ Regis. Non enim curauit de pulchritudine faciei exterioris, quia sicut dicitur. Proverb. ult.

Falax gratia, & vana pulchritudo, sed curauit de pulchritudi-
 ne faciei interioris. Ideo dixit. Omnis gloria eius filiæ Re-
 gis ab intus. Pulchritudo autem faciei sicut dicit August. in
 lib. de Trinit. est quando ipsa facies est decentet colorata, hi-
 lariter affecta, & bene proportionata. Charitas autem facit
 animam coloratam, quia signatur per aurum. Finalis vero
 perseuerantia facit animam bene lætam. Cum magna enim
 lætitia anima de mundo recedit, quando vsque ad finem in
 bonis operibus perseuerauit. Ideo dicitur. Isa. 55. In lætitia
 agrediemini. Diuersitas autem virtutum facit animam bene
 proportionatā, quando, scilicet ad magnitudinem vnius virtu-
 tis sequitur magnitudo alterius virtutis. Ista tria in Beata Ma-
 ria fuerunt, quæ faciem eius animæ pulchram fecerunt. Ideo
 subditur. In fimbrijs aureis, &c. Ipsa habuit finalem perseue-
 rantiam, quæ notatur per fimbriam, quæ est finis uestimenti.
 Habuit etiam charitatem quod notatur per hoc, quod ista
 fimbria dicitur fuisse aurea. Proportionalitas autem signatur
 ex hoc, quod dicitur. Circundata uarietate, idest uirtutum diuer-
 sitate. Nam in ea magnitudini fidei respondebat magnitudo
 spei. Magnitudini spei respondebat magnitudo charitatis.
 Ista quatuor uirtutes proportionatas habuit Virgo Maria.
 Nam habuit magnam fidem. Luc. 1. Beata, quæ credidisti, &c.
 Magnam spem. Ecclesiast. 14. Ego mater pulchræ dilectio-
 nis, &c. Magnam charitatem intantum, quod præ nimia chari-
 tate languebat. Cantic. 5. Nunciate dilecto meo quia amore
 langueo. Magna, & fortia opera. Prouerb. ult. Manum suam
 misit ad fortia. Secundò commendatur ista Regina à uestium
 preciositate cum dicitur. Astitit Regina à dextris tuis in uesti-
 titu deaurato. Quæ uestimenta intelliguntur, aut prout ea
 habuit in mundo, aut prout ea habet in cælo. Nam in mun-
 do existens habuit uestimentum deauratum, idest corpus in-
 corruptum, & illibatum, animam uero habuit circumdatam
 uarietate, idest omnium uirtutum diuersitate. Ecclesiast. 24.
 In me omnis gratia uitæ, & ueritatis, in me omnis spes
 uitæ, & uirtutis. Vel possunt intelligi ista uestimenta prout
 ea habet in cælo nunc. Habet uestimentum deauratum, id-
 est corpus gloria immortalitatis indutum. Et est circumdata
 uarietate,

uarietate, idest, omnium sanctorum uniuersitate, qui eam circundant, uenerantur, & laudant. Ideo significata est per cortinam tabernaculi, quæ sicut dicit glos. super istum Psalmum, erat contexta de quatuor coloribus, scilicet de bysso retorta, & cocco bistincto, hiacintho, & purpura. Per byssum intelligitur candor, & castitas Virginum, quæ fuit retorta, quia habuerunt munditiam in mente, & corpore, per coccum qui est coloris rubei intelligitur ordo martyrum, qui fuerunt sanguine, & cocco bistincti, quia sanguine proprio fuerunt tincti in corpore, & sanguine Christi in mente. Per hiacinthum, qui sicut dicit Isidorus. Vno modo dicitur flos, qui est ad modum uiolæ, & habet colorem cælestinum intelligitur ordo Confessorum, qui fuerunt cælestes in conuersatione, iuxta illud. Philippen. 3. Nostra conuersatio in cælis est. Per purpuram intelligitur ordo Apostolorum. Sicut enim purpura est uestis Regalis, sic & Apostoli fuerunt spiritualiter uestis Christi, quia suis prædicationibus, & doctrinis eum ornauerunt. Vnde dicit pater filio. Isa. 48. Omnibus alijs uelut ornamento uestieris. Istæ ergo cortina, idest Virgo Maria contexta fuit hijs quatuor coloribus, idest ex hijs quatuor ordinibus, qui omnes eam circundant uenerantur, & laudant. Et quamuis describens habitum Reginæ non faciat mentionem de corona eius, tamen Apocalyp. 12. fit mentio, ubi dicitur, quod in capite eius erat corona stellarum duodecim, quæ fuerunt eius duodecim gratiæ singulares, quas ponit Bernard. quarum quatuor fluxerunt in sua carne, quia fuit uirginitatis primiceria sine corruptione fecunda, sine grauedine grauida, & sine dolore puerpera. Aliæ quatuor fluxerunt in eius mente, scilicet, deuotio credulitatis, martyrium cordis, reuerentia humilitatis, magnitudo pudoris. Aliæ quatuor fluxerunt sibi de cælo, scilicet, quia fuit sanctificata in utero, salutata ab Angelo, obumbrata à Spiritu sancto, & à Dei Filio impregnata.

Tertiò describitur ista Regina à sponsi nobilitate cum dicitur. Concupiscet Rex decorem tuum, &c. Quia ipse est magnæ reuerentiæ,

Sermo CXXVII.

uerentia, quia omnes adorant eum. Quia ipse est erga spon-
sam dilectionis immensa. Quia ipse Rex intantum eius
odorem dilexit, quod eam in sponfam accepit, & in Regi-
nam eam sublimauit, intantum, quod sicut Rege absente
Regina Regnum gubeinat, sic Virgo Beata quando Rex
Christus per mortem se absentauit, Ecclesiam Dei in illo
triduo rexit, quia fidem illibatam seruauit. Similiter quan-
do Rex Christus ad cœlum ascendit, ipsa tanquam Regi-
na Ecclesiam rexit, quia totius Ecclesie, & Apostolorum
magistra extitit, & remansit. Similiter quando Rex fa-
ciem suam alicui abscondit, tunc ipsa Regina maxime mi-
sericordiam suam ostendit, quando homo ad ipsam cum ve-
ro corde, & vera deuotione recurrit. Vnde illud, quod va-
næ mulieres dixerunt de Luna nos exponamus de ista Re-
gina. Hierem. 44. Sacrificauimus Reginae Cœli, & liba-
uimus ei libamina, & fecimus ei placentas, & tunc satura-
ti sumus panibus, & bene nobis erat, malumque non vidi-
mus. Ex eo autem tempore quo cessauimus sacrificare Re-
ginae cœli, & libare ei libamina, indigemus omnibus, &
gladio, & fame consumpti sumus. Debemus quidem Re-
ginae nostræ sacrificare corpora nostra per mortificationem,
& libare corda liquida per quandam lachrymosam compas-
sionem, & offerre sibi placentas, idest, conscientias munda-
das, & tunc ab ipsa saturabimur pane, idest, interna refe-
ctione, nec videbimus malum pœnæ æternæ, quia acqui-
remus bonum gratiæ, & gloriæ. Illi autem qui eam non
honorant habent penuriam gratiæ, & gloriæ, consumun-
tur fame, consolationis diuinæ, & gladio tentationis dia-
bolicæ.

Quartò describitur ista Regina ab odoris suauitate, cum
dicitur. Myrrha, & gutta, & cassia. Vbi dicit glo. Hic lau-
dat Propheta sponsum ab vxore, & ornatu. Sequitur in glo-
sa. His autem aromatis odores virtutum signantur, qui
odores nuptiali gaudio adhibentur, vt in nuptijs fieri so-
let. Habent autem istæ species aromaticæ has proprie-
tates, vt dicit glosa. Myrrha enim est amara, & conser-
uat carnes à putredine, & vermes expellit malæ concupi-
scentiæ,

scenitiæ, & sic castitas custoditur. Gutta expellit omnes infirmitates, & tumores. Et ideo signat humilitatem, quæ cordis duritiam curat. Cassia in aquosis locis nascitur, & crescit, & signat pietatem, quæ non nascitur in cordibus illorum, qui sunt duri, & aridi, sed tantum in cordibus illorum, qui sunt compassibiles, & deuoti. Istæ igitur tres species aromaticæ, idest, virtutes. scilicet myrrha castitatis, gutta humilitatis, & cassia pietatis in Maria fuerunt, quæ magnum odorem fecerunt. Nam eius castitas, siue virginitas fuit odorifera angelis. Humilitas odorifera Deo. Pietas eius fuit odorifera toti mundo. Ipse autem species aromaticæ spirabant odorem à vestimentis eius, & domibus eburneis. Vestis fuit eius anima quæ Christus vestitur, & ornat, & fuit odorifera, quia fuit aromatibus omnium virtutum plena. Domus autem eburnea fuit eius corpus, quia fuit domus Christi, iuxta illud Eccl. 24. Qui creauit me requieuit in tabernaculo meo. Et fuit domus eburnea propter castitatem, quia elephas dicitur esse animal castum, & frigidum; & ideo in ebore castitas designatur. Istæ autem species aromaticæ. scilicet eius castitas, humilitas, & pietas spirabant odorem ab eius anima, quæ fuit vestis Dei, & omnibus aromatibus virtutum fuit plena, & ab eius carne quæ fuit domus eburnea, quia fuit decorata virginali munditia.

Quinto describitur ista Regina à domicellatum, siue adolescentularum strenuitate. Solent enim Reginae domicellas siue adolescentulas habere, quæ sibi strenue famulantur, & seruiant. Ista igitur Regina nostra habet tria genera famularum. Primæ sunt filię regum, de quibus dicitur. Delectauerunt te filię regum in in honore tuo. Secundæ sunt filię Tiri, de quibus subditur. Et filię Tiri in muneribus. Tertiæ verò sunt virgines, de quibus subditur. Adducuntur regi virgines. Tres enim sunt status mulierum, quæ ipsi Reginae seruiunt, scilicet, bonæ viduæ, quæ signantur per filias Regum, quia ipse corpus suum in castitate, & munditia bene regunt. Aliæ sunt coniugatæ, quæ signantur per filias Tiri. Tirus enim interpretatur angustia, & signat coniugatas, quæ multas in mundo patiuntur angustias

siue

siue in sustinendo virum, quando est nimis austerus, siue in pariendo filios, & educando, & nutriendo eos, siue in alijs necessarijs procurandis. 1. Cor. 7. Tribulationem carnis habebunt huiusmodi. Tertiae sunt virgines, quae votum perpetuae virginitatis post ipsam emiserunt, quia ipsa prior omnibus emisit. Filiae igitur Regum, idest, bonae viduae Reginam suam delectat, quando se in munditia, & castitate conseruant. Filiae tiri, idest, bonae coniugatae sibi munera offerunt, quando operibus misericordiae intendunt, & in suo coniugio ordinate viuunt. Virgines autem post ipsam adducuntur, quando ipsam in munditia, & uirginitate imitantur.

Sexto describitur ista Regina à prolis fecunditate cum dicitur. Pro patribus tuis nati sunt tibi filij. Et possunt ibi uocari patres ipsi Patriarchae, vel Prophetae, vel Iudaei infideles à quibus ipsa originem duxit. Filij autem vocari possunt Virgines, vel Apostoli, vel deuoti Christiani. Est ergo sensus. Pro patribus tuis nati sunt tibi filij, i. virgines conjugia contemnentes, vel pro patribus tuis, idest, Prophetis, qui Christum venturum praedixerunt, nati sunt tibi filij, idest, Apostoli, qui Christum iam venisse praedicauerunt. Vel pro patribus tuis, i. iudeis infidelibus, qui Christum persequuntur, nati sunt tibi filij, qui Christum vera fide confitentur. Sequitur. Constitues eos principes super omnem terram. Primi enim filij, i. virgines principes super omnem terram constituuntur, quia vniuersali ecclesiae principantur. Secundi filij, s. deuoti Christiani super omnem terram principes constituuntur, quando conculcant terrena, & se subleuant ad coelestia appetenda. Tales enim qui sic terrena conculcant omnia possident sicut quidam sapiens per talem reductionem ostendit dicens. Qui omnia contemnit omnia sub pedibus habet omnibus praest. Qui omnibus praest omnibus dominatur, Qui omnibus dominatur omnia possidet. Igitur qui omnia contemnit omnia possidet. Ideo dicit Apostolus 2. Cor. 6. Tanquam nihil habentes, & omnia possidentes.

REQVIEM perfectam habuit Virgo Maria. Requit enim in seipsa, & requiescit in nobis. In se quidem ipsa requieuit in hoc mundo, & modo requiescit in cœlo. In hoc mundo vero requieuit in anima, & corpore. Corpore quidem, quia ipsa eius caro cum anima pugnam non habuit quemadmodum in præfenti habet cum omnibus, Gal. 5. Caro concupiscit aduersus spiritum. Anima verò cum Deo per amorem vnita fuit, & ideo cum Deo perfectè requieuit. Ideo dicere poterat cum Propheta. In pace in idipsum dormiam, & requiescam.

Secundò requiescit modo in cœlo cum corpore, & anima. Eccle. 24. In ciuitate sanctificata similiter requieui. Requiescit eius corpus cum Deo quantum ad omnes sensus. Nā eius oculi requiescunt in videndo faciem Christi. Aures eius in audiendo vocem Christi. Nares eius in sentiendo odorem Christi. Os eius loquēdo ore ad os cum Christo. Manus eius in tangendo personā Christi. Similiter eius aīa modo perfectè in Deo requiescit. Nā eius intelligentia requiescit in plenitudine summæ veritatis. Eius voluntas in dulcedine sumæ suauitatis. Eius memoria in cōtinuatione eternitatis, pp ista dī de quolibet beato, & multo fortius de ipsa, quæ est beatorū beatissima. Isa. 32. Sedebit populus meus in pulchritudine pacis in tabernaculis fiduciæ in requie opulenta. Ipsa enim modo sedet, & quiescit in pulchritudine pacis quantum ad visionem, & pulchritudinem summæ veritatis, in tabernaculis fiduciæ quantum ad securitatem eternitatis, in requie opulenta quantum ad dulcedinem summæ suauitatis.

Tertiò requiescit in nobis. Eccle. 24. Et in hijs omnibus requiem quæsiui. Præmisit enim sex genera hominum in quibus requiescit dicens. Girum cœli circuiui sola, & profundum abyssi penetraui, & in fluctibus maris ambulauī, & in omni terra steti, & in omni populo, & in omni gēte primatū habui, & oīum excellentiū sublimiū colla propria virtute calcaui, Et in hijs omnib. requiem quæsiui. Ex quibus

Sermo CXXVIII.

verbis habetur, quòd ipsa contemplatiuos continuè facit desiderare cœlestia. Ideo dicitur. Girum cœli circuiui sola. Tunc enim girum cœli circuit, quando contemplatiuos cœlestia desiderare facit, Ipsa præsumptiuos à sua præsumptione reuocat faciendo eos timere tormenta æterna. Ideo dicitur. Profundum abyssi penetraui. Tunc enim profundum abyssi penetrat, quando facit, vt præsumptiuosi pœnam æternam formident. Ipsa tribulatos ad patientiam animat inter aduersa, ideo subditur. In fluctibus maris ambulauit. Tunc in fluctibus ambulat, quando amariatos ad patientiæ virtutem reuocat. Ipsa auaros facit despicere terrena, ideo dicitur. In omni terra steti. Tunc in cordibus terrenorum stat quando eos ad contemptum terrenorum adiuuat. Ipsa peccatores facit superare vitia, & peccata, ideo dicitur. In omni gente, & in omni populo primatum habui. Peccatores dicuntur gentes gentiliter viuentes, siue genitales. Dicuntur etiam populi, idest, depopulati, quia dæmones eos per diuersa vitia depopulantur, & destruunt. Tunc enim ipsa in omni gente primatuum tenet, & populo quando facit ut ipsi peccatores vincant, & superent omne peccatum. Ipsa superbos reuocat ad humilia, ideo subditur. Et omnium excellentium, & sublimium colla propria virtute calcaui. Tunc enim excellentes, & sublimes calcat, quando superbos, & arrogantes ad uiam humilitatis reuocat. In omnibus autem supradictis sex generibus hominum sic correctis, sic reuocatis ipsa requiescit, ideo subdit. Et in hijs omnibus requiem quæsiui.

CHRISTI INCARNATIO SEV

Beata Virginis faciunditas assignatur Rori.

Sermo CXXIX.

Ros significat Christi incarnationem, uel faciunditatem Virginis.

primò nanq; significat Christi incarnationem. Ros quidem generatur in aeris interstitio temperatè calido, & temperatè frigido. Tria interstitia sunt cœlum, mundus, & infer.

infernus . Christi incarnatio non est facta in supremo inter-
stitio, idest, in cœlo, quia naturam angelicam non assumpsit.
Heb. 4. Nusquam angelos apprehendit. Nec est facta in infi-
mo, idest, in inferno, quia dæmones non redemit nec eis pe-
percit. 2. Petr. 2. Deus angelis peccantibus non pepercit. Sed
facta est in medio, idest, in mundo, quia naturam humanā
assumpsit, Gal. 4. Misit Deus filium suum factum ex muliere
factum sub lege. Ista autem oratio, idest, incarnatio facta
ex calido, & frigido. Duo enim induxerant Deum, vt ho-
mo fieret. scilicet abundantia charitatis ex parte sui, quæ fuit quasi
calor. Rom. 5. Commendat Deus charitatem suam in nobis
quoniam cum adhuc peccatores essemus Christus pro nobis
mortuus est. Et miseria generalis ex parte nostri, quæ fuit
quasi frigus. Psal. Propter miseriam inopum, & gemitū pau-
perum. Ex tali igitur calido, idest, ex charitate Dei, & ex ta-
li frigido, idest, generali miseria generis humani facta est
ista oratio .i. filij Dei incarnatio. In hoc tamen deficit si-
militudo, quia ibi est temperatus calor, & temperatum fri-
gus, hic vero est nimium caloris, Eph. 2. Deus qui diues est in
misericordia propter nimiam charitatem suam qua dilexit
nos cum essemus mortui peccato conuiuificauit nos Chri-
sto. Est etiam hic nimium frigus languoris, Ps. Omnes decli-
nauerunt simul inutiles facti sunt.

Secundò ros significat Virginis fecunditatem, quod osten-
ditur per triplicem similitudinem. Primò quia facta est ad
instar conchæ marinæ, quæ ex rore cœlesti generat marga-
ritam, Nam sicut dicit Isid. Concha marina certo tempore se
aperit, & rorem cœlestem recipit, & sic margaritam intra
sua viscera gignit. Sic beata Virgo consentiendo animum
suum aperuit, quando dixit. Ecce ancilla domini. Et tunc
ros Spiritus sancti in eam descendit, qui margaritam, idest,
Christum in eius utero generauit. Istam orationem Spiri-
tus sancti, & apertionem Virginis petebat Isa. dicens. Rorate
cœli desuper, & nubes pluant iustum, aperiatur terra, & ger-
minet saluatorem. Secundò ista Virginis fecundatio facta
est ad instar terræ, quæ rore cœlesti perfusa generat viridem
herbam, Deut. 32. Fluat, vt ros eloquium meum, & quasi stil-

Ros super gramina. Cui verbo alludens ecclesia ait, Descende in uterum virginis sicut ros super gramen. Ista igitur terra sic rore madefacta genuit lilium Paradisi Osee. 14. Ego quasi ros Israel germinavi quasi lilium. Israel interpretatur vir uidens Deum, & significat Virginem Mariam, quæ fuit uirilis in omni sua actione, & fuit uidens diuinam essentiam per contemplationem, & germinauit lilium, idest Christum candidum per innocentiam, & odoriferum per virtutum fragrantiam. Tertiò ista Virginis fecundatio facta est ad instar uelleris, quod rore plenum irrigauit aream, & impleuit concham, ut haberetur ludicum 5, Istud vellus significat Virginis uterum, in quo fuit plenitudo totius diuinitatis, ex qua plenitudine irrigata est area, idest vniuersalis ecclesia, & impleta est concha, idest omnium fidelium corda. Ber. Rigaturus Dominus aream cœlesti rore totum uelus prius infudit, redempturus etiam genus humanum uniuersum precium conculit in Mariam.

Tertiò ros significat Spiritus sancti infusionem, qui quidē in Maria se diffundens multa bona in ea operatus est. Primò enim fecit in eam contra estum carnalis concupiscentiæ refrigerationem. Eccl. 43. Ros obuians ardori uenienti humilem efficiet eum. Ideo dixit sibi Angelus. Et virtus altissimi obumbrabit tibi, idest ab estu omnis concupiscentiæ refrigerabit. Secundò dedit sibi spiritualis dulcedinis prægustationem. Nume. 11. Cum descenderet super castra ros descendebat, pariter & manna. Castra Dei fuit animus Virginis Mariæ, qui sic fuit uallatus, & munitus, quòd nunquam ingredi potuit inimicus. Cum igitur in istud castrum descendebat ros, idest Spiritus sancti oratio descendebat, pariter & manna, idest cœlestium prægustatio. Ipsam autem prægustationem habere promeruit propter munditiam, & puritatem quā semper seruauit. Sicut enim dicit glo. super illud uerbum Psalm. Quidat iumentis escam ipsorum, & pullis curuorum inuocantibus eum. Pulli enim curuorum quandiu habent pilos albos à parentibus desertuntur, & tunc cœlesti rore pascuntur. Quia igitur Virgo beata semper fuit alba, idest purissima, ideo semper fuit cœlesti rore pasta, Tertiò fecit in ipsa spiri-
tualem

qualem exultationem. Prout. 19. Sicut ros super herbam, sic hilaritas regis. Rex enim. i. Christus sibi arrisit quando animū suum inuenerabili exultatione profudit. De qua exultatione ipsa dicit. Exultauit spiritus meus in Deo salutari meo. Et ista exultatio fuit sicut ros super herbam, quia magnam in ea fecit fecundationem operum, & refrigerationem omnium uiriorum. Quartò dedit sibi uitæ æternæ messionem. Dicitur enim Gala. 6. Qui seminat in spiritu, de spiritu metet uitam æternam. Et quoniam ista in spiritu seminauit, ideo uitam æternam messiuit. Istam autem messionem non habuit se, sed à rore cœlesti, ideo poterat dicere cum Iob 29. Ros morabitur in messione mea. Quintò dedit sibi totius uitæ perfectio nem, quæ quidem consistit in orando, & contemplando. In huius figuram dicitur Gen. 27. In pinguedine terræ, & in rore cœli desuper erit benedictio tua. In ipsa etiam fuit ros cœlestis. i. cœlestium donorum magna auditas. In ipsa etiā fuit pinguedo terræ, idest operum misericordiæ magna fecunditas, quæ dicitur pinguedo terræ, quia ipsa opera misericordiæ sunt tantum in terra, & non in cœlo. Et in istis duobus consistit uitæ perfectio, scilicet in faciendo misericordiæ opera, & in desiderando cœlestia.

SIMILITVDINES ROSÆ ATTRIBVNTVR
Beate Virginis. Sermo CXXX.

ROSA dicitur Virgo Maria prout ipsa dicit Eccles. 24. Quasi plantatio rosæ in Hierico. Hierico interpretatur Luna, & significat ecclesiam militantem, in qua ad modum Lunæ quandiu est in præsentī uita multos habet defectus. In hac igitur hierico, idest in ecclesia militanti ipsa est plantata, quia ipsa inter nos, & Deum est media constituta. Rosa autē potest considerari quantum ad sui qualitatem, amœnitatem, & uirtutem. Qualitas autē eius potest esse quadruplex. Una est, quia rosa calida est, & frigida. Est enim frigida in folijs, & calida in semine, ita quod passionēs calidas sanat frigiditate foliorum, & passionēs frigidas

X sanāt

Sermo CXXX.

sanat caliditate seminum. Secunda est, quia rosa est aquosa, & tota rorida, i. rore plena. Ros autem intra latens excutitur calore solis, vel ignis. Tertia est, quia rosa quanto plus conteritur tanto maior odor sentitur. Quarta est, quia rosa de spinis nascitur, sed tamen naturam spinarum non imitatur. Propter ista quattuor Virgo beata rosæ assimilatur. Quidā enim sunt frigidi in amore Dei. Ipsam passionem frigidam ipsa sanat dum corū corda ad amorem Dei inflamat. Ideo dicitur Prouerb. vlt. Non timebit domui suæ frigoribus niuium, omnes domestici eius vestiti duplicibus. Frigus niuis est frigiditas mentis. Sed contra istud frigus ipsa domesticos suos, idest, sibi deuotos vestit duplicibus. sc. charitate Dei, & proximi. Quidam etiam sunt calidi, idest, malo igne concupiscentiæ inflammati. Sed istam passionem ipsa sanat, quia ignem malæ concupiscentiæ extinguit, & rorem gratiæ refrigerantis infundit, ideo dicitur Eccl. 43. Ros obuiās ardori uenienti humilem efficiet eum. Secundò ipsa est tota rorida, idest, rosē Spiritus sancti plena sicut angelus ei dixit. Ave gratia plena Dominus tecum. Istum autem rorem diuinæ gratiæ ab ea excutimus, quando per feruentia desideria exoramus. Ista autem talis excussio aliquando fit calore Solis, aliquando calore ignis. Sol est Christus. Mal. 4. Vobis timentibus nomen meum orietur sol iustitiæ. Ignis est spiritus sanctus. Luce. 12. Ignem ueni mittere in terram. Quando igitur ad ipsam afficimur uehementer ex eo q̄ sol iustitiæ est, & in utero suo habuit, tunc virtute solis ab ea rosē gratiæ excutimus. Quando uehementer ad ipsam afficimur ex eo, quodd ignis Spiritus sancti ipsam purgauit, & in ipsam superuenit, tunc virtute ignis ab ipsa rorem gratiæ impetramus. Ista autem desideria feruentia in nobis ipsa generat immo etiam præoccupat. Sapient. 6. Præoccupat qui se concupiscunt, ut se illis prior ostendat. Tertiò ipsa fuit contrita, idest, tribulationibus afflicta, & quanto plus sustinebat maiores contritiones tanto maiores reddebat odores. Nam in Aegyptum expulsa dedit odorem patientiæ. In passione filij gladio perforata, dedit odorem fidei perfectæ. In tribulationibus eorum, dedit odorem

com-

compassionis. In tribulationibus quas patiebatur à Iudæis dedit odorem gratiarum actionis. In tribulatione quam post Christi ascensionem patiebatur ex filij absentia, dabat odorem sancti desiderij, & deuotionis. Post istos tales odores debet quilibet currere, & ire per desideria, & per bona opera. *Can. 1.* Trahe me post te in odorem vnguentorum tuorum. Quartò ipsa fuit de Iudæis spinosis nata, sed tamen eorum mores non fuit imitata. Vnde cantat Ecclesia. Sicut spina rosam genuit Iudæa Mariam. Iudæi enim erant superbi, & ipsa humilima. Iudæi enim erant vitij plenij, & ipsa gratia plenissima. Iudæi enim erant infideles, & ipsa fide plenissima. Iudæi enim erant terrena appetentes, & ipsa cœlestium audissima, ideo dixit ei pater suus David. Audi filia, & vide, &c. Ipsa enim populum suum, & domum patris sui fuit oblita, quia eorum mores non fuit imitata. Fuit etiam ista rosa nata de Eua spinosa, sed eius naturam non est imitata. *Bern.* in quodam sermone. O Virgo virga nobilis Iesse, per quam in ramo conualuit, quod perierat in radice. Ramus amaritudinis Eua. Ramus æternæ dulcedinis Maria. Mira & profundissima dispensatio diuinæ sapientiæ, quòd nascitur talis virga de tali radice, talis filia de tali matre, talis libertas de tali seruitute proscripta, talis Imperatrix de tali captiua, de tam sicca spina tam florens rosa.

Secundò rosa potest considerari quantum ad suam amenitatem, delectat enim visum, olfactum, gustum, & tactum. Sic beata Virgo delectat nos quantum ad spirituales visum sua pulchritudine, quia eius facies est nimis gratiosa. *Heset 2.* Erat enim pulchra valde, & incredibili pulchritudine oculis omnium gratiosa, & amabilis videbatur. Delectat Angelos, quia eius facies est nimis delicata. *Psalm.* Vultum tuum depræcabantur omnes diuites plebis. Diuites plebis sunt Angeli, qui præ cæteris habent diuitias regni cœlestis. Delectat etiam ipsum Christum, quia eius facies est nimis speciosa. *Ps.* Cuncupiscet Rex decorem tuum. *Can. 2.* Ostende mihi faciem tuam sonef vox tua in auribus meis, vox enim tua dulcis, & facies tua decora.

Sermo CXXX.

Propter ista tria dicitur Iudith 14. Tu gloria Hierusalem, tu lætitia Israel, tu honorificentia populi nostri. Hierusalem interpretatur visio pacis, & signat Christum, qui est pax nostra. Israel interpretatur vir videns Deum, & signat angelum qui semper videt faciem patris. Populus noster signat genus humanum. In visione igitur faciei beatæ Virginis Christus gloriatur, angelus lætatur, & genus humanum honoratur. Secundò delectat spiritualem olfactum præ sui odoris immensitate. De cuius odore dicitur Can. 3. Odor vestimentorum tuorum, i. virtutum tuarum sicut odor thuris, quia & Deo sunt gratum sacrificium, & recreant animum nostrum. De odore virtutum ipsius dñi in Pl. Myrrha, & gutta, & cassia, &c. Myrrha quæ est amara signat castitatem, siue carnis mortificationem. Gutta quæ tumores frangit signat humilitatem. Cassia quæ in aquis nascitur signat fidem, quæ in baptismo percipitur. Istæ tres virtutes fuerunt in ea valde odoriferæ. Nam castitas, siue virginitas facit odorem angelo. Humilitas facit odorem Deo. Fides eius fecit odorem toti mundo. Tertiò delectat spiritualem gustum sua suauitate. Ecclesi. 24. Qui edunt me, adhuc esurient: & qui bibunt me, adhuc sitient. Ipsa enim reficit memoriam cogitationibus sanctis, intelligentiam intentionibus rectis, & voluntatem affectionibus mundis. Ecclesi. 45. Cibavit illum dominus pane vitæ, & intellectus. Ipsa enim cibatur memoriam pane vitæ, quando in talibus cogitationibus eam reficit. Ipsa cibatur intelligentiam pane intellectus, quando rectis intentionibus eam pascit. Ipsa voluntatem potat aqua sapientiæ, quando lapidis affectionibus eam nutrit. Quartò delectat spiritualem tactum sua suauitate, & lenitate. Ideo dicit Ber. Quid ad Mariam trepides accedere: humana fragilitas nihil in ea austerum, nihil terribile inuenies tota suavis est. Et quia sic suavis est ideo querenda est, & amplexanda per deuotionem. Prouerb. 4. Arripe illam, & exaltabit te, glorificaberis ab illa cum amplexatur fueris eam. Propter ista omnia cāntat ecclesia. Speciosa facta es, & suavis in delitijs tuis sancta Dei genitrix. Per hoc, quòd dicitur speciosa, notatur quòd ipsa delectat spiritualem tactum, per hoc, q̄ dicitur in delitijs nota

tur,



ror, quodd ipsa delectat spūalem gustum. Per hoc q̄ dicitur sancta Dei genitrix notatur, q̄ ipsa delectat spiritualement olfactum. In hoc q̄ dī Dei genitrix notatur q̄ in utero suo fuit balsamum Paradisi, & ideo tota odorifera extitit.

Tertiō rosa potest considerari quantum ad suam virtutē. Siquidem ex rosis aliqñ electuarium, aliqñ oleum, aliquādo emplastrū, aliquando collitium, & insuper diuersæ præparationes fiunt ex ipsis rosis contra diuersas infirmitates. Maxime autem rosa habet virtutē super quadruplicem infirmitatem. Ipsa enim stomachum, & cor confortat, fluxum ventris refrenat, oculos clarificat, dolorem capitis sanat. Sic B. Virgo cor confortat dando. s. Dei charitatem, quæ intra cor confortat, & fortem facit, q̄ p̄ Christum mortem parui pendit. Can. 7. Fortis est, ut mors dilectio, dura sicut infernus æmulatio. Aug. Omnia sæua, & immania facilia, & prope nulla facit amor. Ipsa fluxum peccatorum refrenat dando Dei timorem, qui vitare facit peccata. Prouer. 15. Per timorem dñi declinat oīs a malo. Ipsa oculum intellectus clarificat dando diuinorum cognitionem. Quæ quidem cognitio oculū mentis illuminat. Ps. Præceptum domini lucidum illuminans oculos. Ipsa caput quæ est spes sanat, quando spem nostram tepidam ad cælestia desideranda subleuat. Quod enim spes sit caput mentis dicitur 1. Thes. 5. Galeam spem salutis assumite. Propter ista dicitur Eccles. 24. Ego mater pulchræ dilectionis, & timoris, & agnitionis, & sanctæ spei. Ecce quod cor confortat per charitatem. Et timoris. Ecce quia fluxum vitiorum restringit per timorem. Et agnitionis. Ecce quia spiritualement visum clarificat per diuinorum illuminationem. Et sanctæ spei. Ecce quia caput mentis sanat per spei subleuationem.

ANGELICA SALVTATIO AD VIRGINEM

à quibus, qualiter, & propter quid sit dicenda,

Sermo

CXXXI.

SALVTATIO angelica a patre ad quem spectat auctoritas fuit imperata. A filio qui est Dei sapientia fuit

X

distata

dictata. A Spiritu sancto conscripta. De quo scriba dicit Propheta. Lingua mea calamus scribe. Et à tota trinitate fuit Angelo Gabrieli commissa. Et ideo ista talis, & tanta salutatio cum deuotione maxima est dicenda.

Videamus igitur à quibus debeat dici, qualiter, & propter quid. Debet autem maxime dici à viris cœlestibus, & deuotis. Quod significatur per hoc, quod tres illam salutationem composuerunt. scilicet Angelus, qui dixit: Ave gratia plena Dominus tecum benedicta tu in mulieribus. Ecclesia quæ addidit Maria. Et Helisabeth quæ dixit. Benedictus fructus ventris tui. Angelus autem est cœlestis, & purus. Dionysius. Angelus est speculum purum, clarum, incontaminatum, incoinquinatum, & immaculatum. Ecclesia est sine macula, & ruga, ut dicitur Ephes. s. Helisabeth pura, & iusta, & sine querela, ut habetur Lucæ 1. Ex hijs igitur datur intelligi, quod quicumque istam salutationem virginam dignè, & meritorie vult dicere debet habere corpus, & angelicum quantum ad Deum debet esse sine macula peccati, quantum ad seipsum, & debet esse sine querela quantum ad proximū. Vel potest dici, quod per angelum signantur Virgines. Ber. Quid decorius virginitate, quæ de homine angelum fecit. Per ecclesiam significantur viduæ. Ecclesia enim quodammodo vidua remansit, quando sponsus suus ad cœlos ascendit. Per Helisabeth, quæ erat copulata coniugio intelliguntur coniugati. Illi igitur qui seruant virginitatem, & quæ diuine custodiunt suam viduitatem, & qui licitè vtuntur copula matrimoniali, hanc salutationem dignè dicere possunt. Et tam in peccatores non debent cessare ab eius laude. Hiero. in ser. de Assump. Si Virgo es lauda, quia meruisti esse, quod laudas. Si continens es etiam debes laudare, quia non alium de constat, ut possis esse casta, quam ex gratia Christi, quæ plenissimè fuit in Maria, quam laudas. Quod si coniugata, aut certe peccatrix, nihilominus confitere, & lauda, quia misericordia in omnibus profluxit, & gratia, ut laudes. Et quāuis non sit speciosa laus in ore peccatoris, noli tamen cessare quia inde tibi promittitur venia, unde laudes.

Secundò videndum est qualiter ista salutatio sit dicenda.

Est

Est autem dicenda frequenter, humiliter, & deuotè. Frequenter quidem eam salutare debemus, quia ab ipsa frequenter beneficia recipimus, & multa. Isa. 23. Sume cytharam. i. salutationem angelicam. f. Ave, quæ quâdo dicitur facit Virgini quâdam melodiam. Et circui ciuitatem. i. Virginem gloriosam in qua omnes ciues. i. oēs cogitationes fuerunt unitæ in vnū finem. Et dicitur circui, quia tota & in circuitu est laudanda, quia in ea nihil fuit, quod non fuerit laude dignum. Deinde subdit Proph. Bene cane. Frequentia canticum, vt memoria tui sit. Ille bene canit, qui eam ore, corde, & opere laudat. Ille bene frequentat, qui ab eius laude non cessat. Et talem Virgo B. habet memoriā, quia eos copiosè remunerat, & dū vitam æternam eis donat. Eccl. 24. Qui elucidant me uitā æternam habebunt. Secundò ista salutatio dicenda est humiliter, quæ quidem humilitas non tm̃ debet esse in corde, sed et in corpore in genuflexione. Non. n. est magnum si ad istā salutationē mortalis homo genua ponitur in terrā, ad cuius prolationē rex cælorum descendit in terrā. Non est mirum si ad istā salutationem humiliat se vermiculus ad cuius prolationem rex gloriæ factus est paruus. Non est magnū si seruus se humiliat, & genua flectit, qñ reginā celi, & terræ salutat. Tertiò dicenda est deuotè. Tunc autē deuotè dicitur, qñ dicitur cū cordis attentione, cum recta intentione, & cum fide, & cū spei certitudine. Debet. n. dici cum cordis attentione ne conuerſat, & dicat Isa. 29. Populus hic labijs me hoc. cor autē eorum lon. est a me. Debet dici cū recta intentione. Multi enim salutant personas nobiles, vt videantur eis esse familiares, sic et multi reuerēter, & salutant B. Virginem, vt sibi esse deuotū credantur. De talibus pōt dici Mat. 6. Receperunt mercedem suam. Debet et dici cum fide, & spei certitudine, ut. Quæ posuimus ab ipsa nos hñe speremus. Superba. n. esset illa dñā, quæ non resalutaret salutes se. Et quia regina nostra est humilima, ideo eos, qui salutant eam dignè ipsos resalutat ad se inuitando. Eccl. 24. Transite ad me omnes, qui concupiscitis me, & à generationibus meis adimplemini.

Tertiò videndum est propter quid ista salutatio sit dicenda. Est autem dicenda propter exemplū debitum, & fructum.

Propter debitum quidem, quia saluatio debetur amicis beneficijs, & Dominis. Et ipsa est amica nostra. Eccl. 24. Ego inquit ipsa mater pulchræ dilectionis, timoris, & agnitionis. is quæ pulchræ diligo, & quæ amari uolo pulchræ. Cantica. 2. Surge propra amica mea. Est etiam benefica nostra. Sap. 7. Proposui pro luce habere illam. Venerunt autem mihi omnia bona pariter cum illa. Eiusdem 8. Proposui hanc adducere mihi ad conuiuandum, sciens quoniam mecum communibabit de bonis suis. De beneficijs autem quæ ab ipsa recipimus dicit Augu. in oratione. Per te Virgo beata hereditamus misericordiam miseri, & ingrati gratiâ; peccatores ueniam, sublimia infimi, cœlestia terreni, Domini homines, mortales uitam, patriam peregrini. Ideo sibi potest conuenire illud Ro. vlt. Salutare Mariam, quæ multum laborauit in nobis. Laborauit quidem in Aegyptum fugiendo, in filium nutriendo, dâ seipulus edocendo, paupertatem sustinendo, & pro nobis orando. Est etiam domina nostra, quæ ubique dominatur Eccl. 24. In omni populo, & in omni gente primatum tenui, & omnium excellentium, & sublimium colla propria uirtute calcaui. Ipsa habet dominium in cœlo, ideo dicit in omni populo, Angelorum. In mundo, ideo subdit. Et omnium excellentium, &c. Secundò debemus salutare eam propter exemplum. Habemus enim ex hoc exemplum ab Angelo, qui eam salutauit in thalamo. Vnde dicitur Luc. 1. Ingressus Angelus ad eam dixit. Aue gratia plena. A Ioanne qui eam salutauit in utero. Vnde dicitur. Exultauit in gaudio infans in utero meo. A Christo qui eam salutauit in cœlo 3. Reg. 1. c. Surrexit Rex in occursum matris adorauitq; eam, & salutauit, quando ipsa in cœlum deduxit. Debemus igitur erubescere eam non salutare postquam eam tales saluant. Eccl. 41. Erubescite à saluantibus de silentio. Ber. Inuitat nos ad Mariæ salutationem, Gabrielis exemplum Ioannis tripudium, & resalutationis lucrum. Tertiò debemus eam salutare propter fructum. Si enim salutamus eam cum deuotione ipsa resultat nos cum gratiarum exhibitione. Specialiter autem tres gratias dat resalutationibus. De quibus dicitur Eccl. 24. Obuiauit illi quasi mater honorificata. Obuiamus nos illi sanctis Desiderijs, & deuotis laudibus

laudibus. Obuiat ipsa nobis auxilijs opportunis. Dat atque nobis panem gratiæ. Vnde sequitur. Cibauit illum Dominus panem uitæ, & intellectus. Dat virtutum perseverantiæ. Vnde sequitur. Et firmabitur in illo; & non flectetur. Dat exaltationem gloriæ. Vnde sequitur. Et exaltabit illum apud proximios suos.

EADĒM SALVTATIO QVÆ ATTULERIT

Diabolo, Beata Virginis, & nobis.

Sermo CXXXII.

SALVTATIO virginea, qua fuit ab Angelo salutata est diabolo ualde odiosa, & est Virgini ualde gratiosa, & est nobis ualde fructuosa.

Est enim dico diabolo ualde odiosa nec mirum; quia per illam fuit territus. Can. 6. Terribilis ut castrorum acies ordinata. Per illam fuit confusus. Iudith. 14. Vna mulier Hebræa fecit confusionem in domo Nabuchodonosor. Per illam fuit contritus Gen. 3. Ipsa conteret caput tuum. Per illam fuit mortuus; Vnde dicitur Iudic. 6. idest in figura. Inter pedes Iael ruit & defecit, & mortuus est, scilicet, Syfara, id est, diabolus. Interpretatur enim Syfara exclusio gaudij, & significat diabolum, qui est exclusus à cœlesti gaudio. Quando igitur diabolus illam salutationem audit, ita est ac si audiret tonitruum, quò terretur. Psalm. Vox tonitruui tui in rota. Cum enim illa salutio profertur ita terretur tanquam si ebrius rotaretur, ita est, ac si uideret baculum, siue clauam, qua percutiatur. Num. 24. Confurge, virga de Israel, & percutiet duces Moab, idest dæmones, ita est sibi, ac si videret gladium, quo ingularetur. Iudith. 15. Amputauit Iudith pugione caput Holofernis. Iudith interpretatur glorificans, & significat virginem, quæ Deum semper glorificauit. Holofernis interpretatur infirmitas descensionis, & significat diabolum, qui multos educat robustos, & multos pacificos ad discensionem prouocat. Tunc enim Iudith caput Holofernis amputauit, quando Beata Virgo dominium suum ab eo abstulit. Ita est etiam sibi, ac si videret clauum, & malleum, quo

excere-

excerebretur. Iudic. 6. in figura. Sinistram manum misit Iael ad clauum, & dexteram ad fabrorum malleos tempus Syfate ualide perforans.

Secundò ista salutatio est virgini valde gratiosa. Cū enim illam audit, gratiosè eam ualde recipit, quia ibi recitatur sex priuilegia, quæ ipsa habuit. Primum est, quia fuit speculum totius munditiæ, quod notatur cum dicitur. Aue, idest sine ue alicuius culpæ. Sap. 7. Candor enim est lucis æternæ, & speculum sine macula. Secundum est, quia ipsa est lucerna totius ciuitatis supernæ, quod notatur in hoc quod dicitur Maria, quæ interpretatur illuminatrix. Vnde illud quod dicitur de Domino potest dici de domina. Apoc. 21. Lucerna illius, s. ciuitatis supernæ est agnus. Similiter lucerna illius est agna, i. Virgo beata. Bern. Mariæ præsentia totus illuminatur orbis, adeo ut etiam ipsa superna ciuitas clarius tutelet virgineæ lapidis illustrata fulgoribus. Tertium est, quia ipsa est aquæ ductus exiens de Paradiso. Ber. Propterea humano generi tanto tempore fluente gratiæ defuerunt, quia nondum intercesserat aquæ ductus. Quartum est, quia ipsa fuit thalamus regis gloriæ, qui, s. nouem mensibus in eius utero habitauit, quod notatur per hoc, quod dicitur. Dominus tecum. Psal. Tanquā sponsus Dominus procedens de thalamo suo. Eccle. 24. Qui creauit me requieuit in tabernaculo meo. Quintum est, quia ipsa facta est receptaculum benedictionis, quod notatur per hoc quod dicitur. Benedicta tu in mulieribus. Eua quidē incurrit maledictionem, & ista attulit benedictionem. August. Impleta est Maria gratia. Eua euacuata est culpa, maledictio Eua in benedictionem Mariæ mutatur. Auētrix peccati Eua, auētrix meriti Maria. Eua occidendo obfuit, ista uiuificādo profuit. Obedientia pro inobedientiā permutatur; fides pro perfidia compensatur. Sextum est, quia ipsa est mensa supernæ refectionis, quod notatur p hoc quod dicitur. Benedictus fructus uentris tui. Istum enim fructum benedictum uentris sui dat nobis ad comedendum, & bibendum. Can. 5. Comedite amici, & inebriamini charissimi. Dat etiam seipsam nobis ad manducandum. Eccl. 24. Qui edunt me adhuc esurient, & qui bibunt me, adhuc sitient.

Terriò ista salutaris est nobis valde fructuosa, quia liberat à confusione æterna, præseruat à culpa, & dignos nos facit vita æterna. Ecclesiast. 24. Qui audit me, idest mandata mea de me salutando non confundetur. Et qui operantur in me, idest, qui non tantum salutant me lingua, sed etiam bona vita non peccabunt. Et qui elucidant me, idest, qui lucide salutant me vitam æternam habebunt. Ista autem Regina est tam sublimis, & tam alta, quòd non posset à nobis dignè laudari propter suam sublimitatem. Est tamen tam humilis, & pia, quòd laudes nostras libèrer recipit propter suam benignitatem. Quamuis igitur omnino insufficientes simus propter infirmitatem nostram, & ipsa excedat omnem laudem humanam, non tamen debemus cessare ab eius laude. Ecclesiast. 43. Benedicentes Dominum, & etià Dominam exaltate eam quantum potestis, quia maior est omni laude. Nullus eà sufficienter potest laudare quàm sic salutat humiliter angelus, dicens. Ave gratia plena. Quam sic singulariter elegit Pater æternus. Psalm. Elegit eam in habitationem sibi. Quam reuerenter Filius honorat. Luc. 2. Erat subditus illis. Cui sic totaliter se commisit Spiritus sanctus. Luc. 1. Spiritus sanctus superueniet in te, &c. Quam vniuersaliter laudat & adorat totus mundus. Luc. 1. Ecce enim ex hoc Beata me dicent omnes generationes.

CAVSAS CONTINET OMNES SALVTATIO
illa ipsa, quibus meretur Beata Virgo saluari.

Sermo GXXXIII.

SALVTATIO Beatæ Mariæ qua angelus eam salutauit omnes causas comprehendit propter quas ipsa est merito salutanda. Si quidem salutanda est Domina tam formosa, ideo dicitur. Ave. Salutanda est Domina tam generosa, ideo dicitur. Maria. Salutanda est Domina tam gratiosa, ideo dñ. Gratia plena. Salutanda est tam Dña gloriosa, ideo dñ. Dñs tecum. Salutanda est Dña tam famosa, ideo dicitur. Benedicta tu in mulieribus. Salutanda est Domina tam fructuosa, ideo dicitur. Benedictus fructus ventris tui.

Primò

Primò igitur salutanda est Domina tam pulchra, & tam formosa, quod notatur per hoc quod dicitur. *Aue*, idest sine ve alicuius maculæ siue culpæ. Fuit enim sine macula in corpore, fuit sine culpa in mente, Ipsa enim habuit pulchritudinem mentis, & corporis. De pulchritudine corporis dicit Sanctus Epiphanius, quòd ipsa fuit staturæ mediæ, & quòd fuit coloris frumenti, & quòd habuit capillos flavos, & bonos oculos, & nigra supercilia, & nasum oblongum, & oblongas manus, digitos prolixos, & faciem longam. De filio autem dicit, quòd fuit coloris frumentitij, & quòd fuit sexpedum longitudine, & quòd habuit capillos longos, & flavos, & supercilia nigra aliquantulum circumflexa, & quòd habuit faciem longam aliquantulum inclinatam. Ex quibus apparet, quòd filius fuit matri multum consimilis. Quidam tamē expositor dicit, quòd Virgo Beata in oculis, & capillis fuit temperatè nigra. In colore vero fuit mixtim alba, & rubea. De pulchritudine mentis dicitur. Cant. 4. Tota pulchra es amica mea, & macula non est in te. Sunt quædam animæ, quæ non habent maculam alicuius peccati mortalis, & tamen non sunt pulchræ, quia multos defectus habent, & dato quòd sint totæ pulchræ, & quòd habeant omnes virtutes in sui perfectione sicut fuerunt Apostoli, non tamen fuerunt sine macula veniali. Virgo aurem gloriosa & fuit pulchra, quia nunquam aliquod peccatum commisit, & fuit tota pulchra, quia omnes virtutes in sua perfectione habuit, & nullus defectus in ea unquam fuit, & fuit sine macula, quia nunquam aliquod peccatum veniale commisit. Et ideo merito sponsus sibi dicit. Tota pulchra es amica mea, &c. Hugo de Sancto Vict. Quam pulchra es, & suavis quam scrutator rerum probat, quam inspector cordium laudat, quam diligit actor pulchritudinis, cui testimonium pethibet magister veritatis.

Secundò salutanda est Domina tam nobbilis & tam generosa quod notatur per hoc, q̃ dicitur Maria, quæ interpretatur Domina siue illuminatrix siue stella maris. Quæ triplex interpretatio triplicem eius nobilitatem insinuat. Quarum prima confurgit ex dominij vniuersitate. Secunda ex generis claritate. Tertia ex animi virtute. Prima igitur causatur ex do-

minij vniuersitate, quæ notatur ex prima interpretatione, quæ dicitur Domina. Ad perfectum autem dominium sicut dicit Dionysius in lib. de diuinis nominibus, tria requiruntur, si præminencia, continentia, & permanentia. Si enim aliquis debet esse Dominus oportet, quod aliquibus præminere, & quod aliqua possideat, & contineat, & quod ab ipso dominio non cadat. Ista tria habet Domina nostra. Vnde ipsa dicit. Eccl. 24. Ab initio, & ante sæcula creata sum. Ecce præminencia. Ipsa. n. oia sæcula præcessit, & si non ipse in dignitate. Et usque ad futurum sæculum non desinã. Ecce præminencia. Et in Hierusalẽ potestas mea. Ecce continentia. Secunda nobilitas causatur ex generis claritate, & ista accipitur ex secunda interpretatione, quæ dicitur illuminatrix. Olim quidẽ in veteri Testamento erant quatuor personæ clarissimæ. scilicet Patriarcha, Propheta, Rex, & Sacerdos. Ex ista quadruplici stirpe Virgo Beata descendit. Primò ex stirpe Patriarchali, quia descendit ab Abraham Patriarcha. Secundò ex stirpe Prophetali, ex Nathã. Propheta filio David sicut dicit David. Vnde, & Lucas texit suã genealogiã per Nathã. Tertiò ex stirpe Regali, quia ex David Rege. Ista duo. scilicet primam, & tertiam tangit Ecclesia dicens. Natiuitas gloriose Virginis Mariæ ex semine Abraham otta de tribu Iuda clara, ex stirpe David. Quartò descendit ex stirpe Sacerdotali. Ipsa enim fuit cognata Helisabeth uxoris Zachariæ. Zacharias enim fuit de tribu Leui. Helisabeth vero de filiabus Aaron sicut dicit Lucas. Et sic patet, quod Virgo Beata cum tribu Sacerdotali cognationem habuit. Tertia nobilitas causatur ex animi virtute. Et ista intelligitur ex trina interpretatione quæ dicitur stella maris. Ex hoc enim habetur, quod in ea fuit virtus humilitatis, virginis, & pietatis. Sicut enim stella est magna, sed vix parua, sic & Virgo Beata erat magna dignitate, sed fecerat se parua per humilitatem. Notatur autem sua virginitas, quia sicut stella sine sui corruptione radium emittit, sic ipsa sine sui violatione filium genuit. Notatur etiã eius pietas, quia sicut stella illa maris nautas in periculis dirigit, sic & ipsa tribulatis in periculis subuenit misericorditer. Habuit igitur nobilitatẽ virtutis, vnde ipsa dicit. Eccl. 24. In me omnis gratia vite, & veritatis, in me omnis spes vite, & virtutis.

virtutis. Quando igitur istæ duæ nobilitates, scilicet carnis, & virtutis inuicem coniunguntur merito collaudantur. Si vero separantur tunc nobilitas carnis non est laudabilis, sed viruperabilis. Nobilitas autem virtutis sine nobilitate carnis tanto amplius laudatur quanto per propriam vineens naturam laudabiliter operatur. Tertiò salutanda est Domina tam gratiosa; quod notatur per hoc quod dicitur. Gratia plena. Ipsa enim sicut dicit Ber. fuit gratiosa Deo per humilitatem. Angelo per virginitatem homini per fecunditatem. Qualiter autem est gratiosa toti mundi cantatur per Ecclesiam. Maria mater gratiæ, mater misericordiæ tu nos ab hoste protege, & hora mortis suscipe. Ipsa enim est gratiosa peccatoribus eius misericordiam implorantibus, unde dicitur. Mater misericordiæ. Ipsa est gratiosa omnibus morientibus, quia eos ab insidijs diaboli protegit. Ideo dicit. Tu nos ab hoste protege. Ipsa est gratiosa omnibus animabus de corpore egredientibus, quia eas in manu suscipit, & in cælum deducit, unde subditur. Et hora mortis suscipe. Fuit autem plena gratia in ventre, & in mente, & utraque gratiam habuit præ cæteris creaturis. Nam in mente intantum fuit Dei gratia plena, quod in ea nihil vacuum remansit. Quādiu enim vas potest aliquid recipere tandiu habet aliquid de vacuitate. Vnde omnis alia creatura aliquid vacuitatis habuit, quia maiorem gratiam recipere potuit. Virgo autem Beata intantum fuit plena gratia, quod maiorem recipere non potuit. Secundò fuit plena gratia in ventre, quia ibi habuit fontem omnium gratiarum. Et ista fuit maior gratia, quàm habere potuit, nisi diuinitati vniretur maior gratia intelligi non potuit, quàm quod esset mater Dei, unde dicit Ber. Legimus Stephanum plenum gratia, & fortitudine, & Apostolos repletos fuisse Spiritu sancto, sed longè dissimiliter à Maria. Nam nec in illo habitauit plenitudo diuinitatis corporaliter quemadmodum in Maria, unde dicit Bern. Nec illi conceperunt de Spiritu sancto quomodo Maria. Quartò salutanda est Domina tam gloriosa, quod notatur cum dicitur. Dominus tecum. Fuit enim secū Dominus pater, qui eam fecit valdè potentem. Dominus Filius qui eam fecit valdè sapientē, Dominus Spiritus sanctus qui

qui eam fecit valdè clementem . Prouerb. vlt. Manum suam
 misit ad fortia. Ecce quam potens. Os suum aperuit sapien-
 tia. Ecce quam sapiens. Et lex clementiæ lingua eius. Ecce
 quàm clementis. Ber. in quodam sermone. Tecum Dominus,
 vt te sanctificet, tecum ut te conseruet, tecum ut faciat ma-
 trem de filia, Reginam de ancilla, cœlum de terra. Idem ibi-
 dem. Dominus tecum, scilicet pater cum filio, filius cum pa-
 raclito, tota Trinitas opere indiuiso. Quintò salutanda est
 Domina tam famosa, quod notatur cum dicitur. Benedicta
 tu in mulieribus. Olim quidem mulieres habebant quatuor
 maledictiones. Vnam habebat fœcundæ, quia cum dolore
 pariebant. Genes. 3. In dolore paries. Secundam habebant
 steriles, quæ erant maledictæ à lege. Duas alias habebant
 communiter. Vna est maledictio subiectionis. Genes. 3. Sub
 viri potestate eris, & ipse dominabitur tui: Alia est maledi-
 ctio incinerationis. Vnde dictum fuit Adæ in persona sui, &
 omnium. Genes. 3. Maledicta terra in opere tuo donec reuer-
 taris in terram de qua assumptus es, quia pulvis es, & in pul-
 uerem reuerteris. Ab ista quadruplici maledictione Virgo
 Beata liberata fuit, & quadruplicem benedictionem habuit.
 Ipsa enim fuit sine dolore puerpera: Ipsa fuit sine sterilitate
 fœcunda. Ipsa fuit omnibus creaturis prælata. Ipsa est ueste
 immortalitatis induta. Qualiter autem fuit benedicta in
 mulieribus ostendit Ber. in quodâ sermone dicens. Benedicta
 tu in mulieribus, quia singularis meritis. Benedicta quia
 mulierû salutatrix es. Benedicta quia Virgo, & mater es. O
 verè fœmina super fœminas, Benedicta super omnes benedi-
 ctas prælecta. O verè gemma inestimabilis de thesauro cœ-
 lestis sapientiæ producta, & totius Trinitatis artificio incom-
 parabiliter adornata. Deinde subdit. Tu es verè benedicta
 in mulieribus, quia tu es martyrum gloria, Virginum decus,
 innocentiz speculum, castitatis exemplar, integritatis forma.
 Sextò salutanda est Domina tam fructuosa, quod notatur cū
 dicitur. Et benedictus fructus ventris tui. Iste fructus fuit
 Iesus Christus filius Dei qui nobis attulit triplicem benedi-
 ctionem. Nos enim eramus multis peccatis inuoluti, multis
 vulneribus temptationum confossi, & à cœlesti Regno exclusi.

Et ideo venit Iesus cum salute, ut nos à peccatis saluaret, quia Iesus interpretatur saluator, unde dicit angelus Matt. 1. Vocabis nomen eius Iesum, ipse enim saluum faciet populum à peccatis eorum. Venit enim Christus cum unguentis, ut vulnera nostra sanaret, quia Christus interpretatur vnctus, Eccl. 38. Unguentarius faciet pigmenta suauitatis, & vnctiones cōficiet sanitatis. Venit filius Dei portans secum gloriam, ut eā nobis daret, & ad cœleste regnum perduceret. Vnde cantat ecclesia. Ecce aduenit dominator Dominus, & regnum in manu eius, & potestas, & imperium. Habet igitur Christus tria in manu sua, scilicet, regnum, quia vult ipsum nobis dare. Habet in manu potestatem, quia potest ipsam dare. Habet in manu imperium, quia vult nos imperatores facere.

BEATA VIRGO SANCTIFICATA FUIT

secundum quadruplicem statum.

Sermo CXXXIIII.

SANCTIFICATA fuit Virgo Maria quantum ad quadruplicem statum suum, scilicet, dum erat in utero matris posita dum à Spiritu sancto fuit prœuenta, dum à filio Dei fuit impregnata, & dum ad cœlos fuit assumpta. Primò namque fuit sanctificata dum esset in utero matris posita. Et hoc ostēditur auctoritatibus, rationibus, & exemplis. Nam ostenditur. Primo auctoritate prophetæ, qui dicit. Sanctificauit tabernaculum suum altissimus. Secundò auctoritate ecclesiæ, quæ eius natiuitatem celebrat. Ber. Neq; enim festiuis laudibus nascens honoraretur si non sancta nasceret. Est itaque Virgo regia ueris honorum titulis cumulata, quæ proculdubio fuit ante sancta, quàm nata. Vnde etiam dicit Ildefonsus Tolletanus Archiepiscopus. Si non in utero matris sanctificata fuisset, natiuitas celebranda non esset. Nunc autem quia in ueneratione habetur auctoritate totius ecclesiæ constat eam ab ipso peccato originali fuisse immunem. Tertiò auctoritate sanctorum, & maxime. Bernar. qui dicit. Hanc enim cōstat omnimodè ab originali contagio sola Dei gratia priusquam nasceretur esse mundatam, quam nimirum pietas

pietas Christiana perhibet, uel non minus à Hieremia in utero sanctificatam, uel non magis à Ioanne Spiritu sancto repletam. Secundò hoc ostenditur rationibus. Vna est, quia tam preciosum thesaurum, scilicet Dei filium in eius utero non potuisset nisi sanctus, & mundus fuisse, quia sicut dicit Propheta. Domum tuam decet sanctitudo in longitudine dierum. Et Damascius. Sanctus enim ens in sanctis habitat. Alia ratio est, quia sicut dicit Anselmus. Decebat quippe ut beata Virgo ea puritate niteretur, qua sub Deo maior nequit intelligi. Sed puritas hominis Dei, id est Christi, esse, nec peccatum originale habere, nec unquam commisisse. Puritas vero maior præ ista est originale habuisse, & omnino ab ipso mundatum esse quantum ad reatum, licet nunquam ad actum. Et ista est puritas illorum, qui in baptismo regenerantur. Tertiò hoc ostenditur exemplis. Nam Hieremias fuit in utero sanctificatus sicut patet Hier. i. Priusquam te formarem in utero noui te, & antequam exires de vulua sanctificauit te. Similiter & Ioannes Baptista, iuxta illud Luc. i. Spiritu sancto replebitur adhuc ex utero matris sue. Si igitur Hieremias fuit in utero sanctificatus, ut esset Propheta Dei dignior, multo fortius Virgo gloriosa sanctificari debuit, ut esset dignissima mater Dei. Si Ioannes Baptista fuit sanctificatus, ut esset dignus Christum digito ostendere, & ipsam baptizare, multo fortius sanctificari debuit Virgo beata, ut esset digna Christum de suis visceribus generare.

Secundò fuit sanctificata à Spiritu sancto, quando, scilicet fuit præuenta, iuxta illud Spiritus sanctus superueniet in te, &c. Tunc enim Spiritus sanctus sic eam mundauit, & confirmauit, quod ulterius in peccatum cadere non potuit, quod tamen in alijs sanctificatis non repetitur, quia saltem uenialia committere potuerunt. Vnde dicitur de Ioanne Baptista. Antra deserti tenebris sub annis, &c. Ista autem immunitas à peccato ueniali, & mortali causabatur in ea ex ligatione fomitibus, qui ad malum inclinari poterat, ex inclinatione gratiæ, quæ ipsam ad bona omnia promouebat, & ex conseruatione diuinæ prouidentię, quæ ipsam ab omnibus custodiebat. Fuit igitur eius sanctificatio excellentior illa, quæ fit in baptismo, uel quæ facta est alijs sanctificatis in utero. Nam in baptismo tollitur culpa, sed remanet

Sermo CXXXIII.

fomes inclinans ad mortalia, & uenialia. In alijs verò sanctificatis in utero tollitur culpa, & remanet inclinatio fomitis ad ueniale, sed non ad mortale. In virgine autem ablata fuit omnis culpa originalis, & omnis inclinatio, siue ad ueniale, siue ad mortale. Ber. Ego puto, quòd copiosior sanctificationis benedictio, quàm in alijs sanctis in utero sanctificatis in eà descenderit, quæ non solum ipsius ortum sanctificauit, sed & vitam eius deinceps ab omni peccato conseruaret, quod alteri nemini quidem in natis mulierum creditur esse donatum. Decuit namque virginem, ut singulari priuilegio uitam absque omni peccato duceret, quæ dum peccati mortisq; peremptorem pareret, uitæ iustitiæque munus omnibus obtineret. Quod autem fuerit sine peccato testatur. Aug. in lib. de natura, & gratia dicens. Excepta sancta Virgine si omnes sancti, & sanctæ cum hic viverent interrogali fuissent utrū sine peccato essent omnes una uoce clamassent. Si dixerimus, quia peccatum non habemus ipsi nos seducimus. Excepta, inquam, hac sancta Virgine, de qua propter honorem Domini cū de peccatis agitur nullam prorsus uolo habere questionem.

Tertiò fuit sanctificata quando fuit à filio Dei impregnata. Tunc enim omnimodè ad diuinos usus tam mente, quàm corpore dedicata fuit, & tota luce diuinitatis resplenduit. Unde dicit Alcuinus in lib. de tri. Virgo quidem Maria lana mūdiffima fuit, quæ sola in se digna esset filij Dei recipere diuinitatem sicut lana conchilij sanguinem, ut ex eadem fieret purpura imperiali maiestate tantummodo digna, quāq; nullus esset dignus induere nisi augusta esset præditus dignitate.

Quartò fuit sanctificata quando ad cœlos fuit assumpta. Tunc enim omnes pœnalitates deposuit, & tam in corpore, quàm in anima glorificata fuit. Can. 6. Quæ est ista, quæ progreditur quasi aurora consurgens, &c. Ipsa enim ascendit quasi aurora consurgens. Ipsa enim ascendit quasi aurora per dotem agilitatis. Aurora enim quando apparet in Oriente statim & subito est in Occidente. Ipsa ascendit pulchra, ut Luna per dotem claritatis. Ipsa ascendit electa, ut Sol per dotem subtilitatis, & impassibilitatis. Habuit etiam dotes animæ, ideo subditur. Terribilis ut castrorum acies ordinata. Castra

hic

hic uocantur sancta agmina. De quibus dicitur Gen. 32. Castra Dei sūt hæc. Ipsa igitur istis castris est terribilis, idest admirabilis, & maximè illis de cœlesti hierarchia superiori. Nā Seraphin in ea admirantur tam immensum amorem. Cherubin admirantur in ea tam profundam cognitionem. Throni tam tranquillam, & suauissimam fruitionem.

ASSERITVR BEATAE VIRGINIS

sanctificatio in utero matris suæ.

Sermo

CXXXV.

SANCTIFICATA fuit Virgo Maria in utero matris suæ. Spiritus enim sanctus ipsam mundauit ab originali quantum ad maculam, & reatum, quauis ibi fomes remanserit quantum ad essentiam, sed tamen fuit ligatus, quia nec ad malum inclinabat, nec à bono retrahebat. Postmodum autem quando Spiritus sanctus in ea superuenit ipsum fomitem, quantum ad essentiam extinxit penitus, & purgauit, propter quod pars ab ea separata in corpus Christi de fonte nihil habuit. Cæteri quidem cum originali concipiuntur, Christus autem fuit sine originali conceptus, & sine originali natus. Virgo autem Maria medium tenet locum. Fuit enim cū originali concepta, sed sine originali nata. Istam differentiā uidetur tangere Iob 3. ubi dicitur de die originalis culpæ, qui incepit quando aperti sunt oculi Adæ, & Eux. Obtenebrentur stellæ caliginē eius expectet lucem, & non ueniat, nec ortum surgentis auroræ. Stellæ enim. i. cæteri sancti in illo die culpæ originalis fuerunt obtenebrati, quia fuerunt cum originali concepti. Et ideo dicitur. Obtenebrentur stellæ caliginæ eius. Sed ista dies culpæ originalis non uidit lucem, idest Christum, nec in suo conceptu, nec in suo ortu. Et ideo dicit. Expectet lucem, & non videat. Auroram uero, i. Virginē Mariam non uidit quantum ad ortum, sed uidit quantum ad cōceptum. Et ideo dicit. Nec ortum surgentis auroræ. Spiritus enim sanctus sic ipsam in matris utero mundauit, & confirmavit, q̄ ulterius, nec mortaliter, nec uenialiter peccare potuit, non quidem ipso tollente liberum arbitrium, sed defe-

Sermo CXXXVI.

¶ Cum. Et ipsa sola gloriari potest se nunq̃ aliquod commississe peccatum. Dicitur enim Prou. 20. Quis potest dicere mundū est cor meum purus sum à peccato. Nullus nisi Christus potest dicere, mundum est cor meum à peccato originali. Nulla vero creatura nisi Virgo beata potest dicere mundum est cor meum à peccato, scilicet mortali, & ueniali. Mundum est à periculo cadendi in mortale, & ueniale. Mundum est cor meum ab omni inclinatione, uel difficultate ad bonum. Nulli etiam sancti nisi in utero sanctificati, & Apostoli per Spiritum sanctum confirmati dicere possunt. Mundum est cor meum à peccato mortali. Mundum est à potentia cadendi in mortale, mundum est ab omni inclinatione ad malum. tamen non fuerunt mundati ab omni difficultate ad malum primum. scilicet à ueniali, nec à potentia cadēdi in mortale, nec ab inclinatione ad malum, nec à difficultate ad bonum. Et ideo dicitur 1. Ioan. 1. Si dixerimus, quia peccatum non habemus ipsi nos seducimus. Quauis autem Beata Virgo ex tali sanctificatione sic fuerit confirmata, q̃ non potuerit peccare, tamen potuit merita cumulare. Ista enim est differentia inter comprehensores, & uiatores, quia comprehensores non possunt peccare. nec mereri. Viatores autem & possunt peccare, & possunt mereri. Et quoniam beata Virgo simpliciter fuit viatrix, & sc̃m qd fuit comprehendens, ideo ipsa fuit quodammodo in statu medio. Ipsa enim non potuit peccare. Et quantum ad hoc conueniebat cum comprehensoribus, & potuit mereri, & quantum ad hoc conueniebat cum uiatoribus.

*MIRABILIS COGNITIO ET SAPIENTIA
Beata Virginis celebratur. Sermo CXXXVI.*

SAPIENTISSIMA fuit Virgo Maria, vnde dicit Ber. Quid de Deo non sapiebat, in qua Dei sapientia latebat. Christus ut ait Apostolus est Dei virtus, & Dei sapientia, & in ipso sunt omnes thesauri sapientie, & scientie Dei absconditi. Christus autem fuit in Maria, ergo Dei virtus, & Dei sapientia, & omnes thesauri sapientie, & scientie Dei fuerunt in Maria, vnde profunda, & occulta Dei mysteria

myſteria ipſa cognouit ſuper omnem intellectum humanū, angelicum, & apoſtolicum.

Primò quidem cognouit ſuper intellectum humanum, angelicum, & apoſtolicum, quia præ omnibus prophetis multo meliora, & maiora reuelata fuerunt ſibi. Ipſa quidem cognouit ea non tantum audiendo per inſpirationem, de quo modo dicitur in Pſalm. Audiam quid loquatur in me Dominus Deus. Non tantum videndo per ſpeculationem, de quo dicitur 1. Cor. 13. Videmus nunc per ſpeculum in enigmate, ſed etiam guſtando per experientiam, & fruitionem. Prouer. vlt. Guſtauit & vidit quoniam bona eſt negociatio eius odorando per deuotionem. Cant. 4. Odor vnguentorum tuorum ſuper omnia aromata. Iſti duo modi taliter diſtinguuntur, quoniam deuotio, quæ eſt circa humanitatem Chriſti comparatur guſtui, Ioā. 6. Qui manducat meam carnem & bibit meū ſanguinem, &c. Deuotio autem quæ eſt circa diuinitatem ſpiritualem comparatur adoratui. Nam faucibus ſapores corporum, naribus uero odores ſpirituum diſcernuntur.

Secundò cognouit diuina myſteria, & maximè myſterium incarnationis Dominicæ ſupra intellectum angelicum. Nam illud myſterium cognouerunt ſuperiores Angeli à Deo immediate per infulam inſpirationem. Medi; uero cognouerunt à ſuperioribus per traditam illuminationem. Inferiores uero aliqui cognouerunt ab Apoſtolis per prædicationē. Vnde ſuper illud Ephe. 3. Vt innotescat poteſtatibus multiformis ſapientia Dei, dicit glo. quòd angelicis ſpiritibus per prædicationem Apoſolorum aliquid accreuit. Et Hieronymus dicit, quòd angelicæ dignitates myſterium incarnationis ad plenum non cognouerunt, donec filiſ Chriſti paſſio cōſumata, & per Apoſolos per mundum prædicata. Virgo autem Maria illud cœleſte myſterium tripliciter cognouit. Primò per angelicam nunciationem. Angelus enim nesciuit ſibi reuelare modum incarnationis, ſed tantum illud myſterium nunciauit. Vnde dicit Bernar. Spiritus ſanctus ſuperueniet ibi te, ideſt ſuper omnes Angelos, & creaturas in te ueniet, & ideo non me interroges, quia ſuper me eſt, & non poterò ad illud. Ascende ergo, & ne ſtes inter An-

Sermo CXXXVI.

gelos, quia paululum cum pertrāsieris inuenies, quem diligit anima tua. Secundò cognouit per diuinam inspirationem. *Bea. super Missus est.* Modum quo cum de Spiritu sancto cōcipies Dei virtus, Dei sapientia est. Christus in suo secretissimo consilio sic obumbrando conteget, & occultabit, ut sibi tantum notus habeat, & tibi. Scies utique, sed illo doctore, quo & actore. Non enim doctori potest nisi à donante, nec potest adisci nisi à suscipiente. Tertiò cognouit per beatam experientiam. *Bea. ubi supra.* Ouis enim excepta nisi fortassis illa, quæ hæc sola experiri meruit intellectu capere possit, qualiter ille splendor inaccessibilis virginis se infuderit. Et forrè dictum est obumbrabit tibi, quia sola Trinitas per se, & cum sola Virgine uoluit operari. Soli datum datum est nosse cui datum est experiri. Ac si dicat Angelus. Quid à me requiris, quòd in te mox experies? Idem. Nemo unquam sicut beata Virgo gustauit, quàm suavis est Dominus inebriabuntur ab ubertate domus Dei, quoniam apud eam immo intra eā erat fons uitæ.

Tertiò cognouit cœleste mysterium super intellectu apostolicum, quia docuit totam congregationem apostolicam. Hieronym. in sermo. de Assump. Ascendente Domino Iesu in cœlum Virgo uacat cum Apostolis in scola virtutum, ac meditatur in lege mandatorum Dei, conuersatur cum senatoribus cœli intra curiam Paradisi sub disciplina Spiritus sancti totiusque maiestatis diuinæ. Inuenitur prima inter primos cohortes summæ regis quorum iam uita non erat è terris, sed de cœlis. Idem ibidem. Inter Apostolos nimirum, Virgo B. post Christi resurrectionem intrans, & exiēs familiaris de Christi incarnatione, ac resurrectione contulit.

A P P E L L A T V R S P E C V L V M

Beata Virgo congruis rationibus.

Sermo CXXXVII.

S*P E C V L V M* dicitur Virgo Maria quadruplici de causa. Primò propter speculi compositionem. Speculum enim componitur ex vitro, & plumbo. Per vitrum, quod est lucidum

lucidum signatur eius uirginitas, quæ fuit lucida coram Deo. Sap. 4. O quam pulchra est casta generatio. Per plumbum quod est ductile, & habet colorem cinereum intelligitur eius humilitas, quia ueri humiles ad omne bonum de facili ducuntur, & insuper reputant se cineres coram Deo iuxta illud. Genes. 18. Loquar ad Dominum meum cum sim puluis, & cinis. Et sicut plumbum per se, uel uitrum non facit speculum, nisi simul, coniungantur, sic nec Mariæ uirginitas sine humilitate fecisset eam speculum Dei. Et ideo coniuncta est humilitas uirginitati, & e conuerso. Et sic facta est speculum Dei in quo refulsit Christus qui est imago Dei. De ista tali coniunctione uirginitatis, & humilitatis dicit Hugo de S. Vi. O uirginitas humilis, & humilitas uirginis, quomodo in unum conuenistis, quid fecistis? sic sublimastis humilem, sic fecundastis Virginem, ut Virgo pariat Dei filium, & humilis habeat sponsum Deum. Sicut ille qui speculum facit quantumcunque sit magnus, tamen totam suam imaginem ibi conspiciat, sic & Christus matrem suam creauit, & tamen immensus se totus ibi recepit. Isa. 12. Exulta, & lauda habitatio Syon, quia magnus in medio tui sanctus Israel. Psalm. Nunquid Syon dicet homo, & homo natus est in ea, & ipse fundauit eam altissimus. Si autem speculum non esset tersum, & clarum nequaquam ibi quisquam suam imaginem conspiceret, sic nec Christus se in Mariæ utero posuisset nisi purissimus fuisset. Ideo potest dici de ea illud. Sap. 7. Candorem enim lucis æternæ, & speculum sine macula. Secundò dicitur speculum propter radij solaris penetrationem. Sicut enim radius solaris speculum intrat, & exit sine speculi corruptione, sic & Christus qui est uerus Sol istud speculum intrauit in conceptu, & exiuit in partu sine Virginis uiolatione. De hoc sic dicit Augustinus in sermone de Nat. Domini. Solis radius specular penetrat, & soliditatem eius insensibili subtilitate pertiansit. Et talis uidetur extrinsecus qualis intrinsecus. Itaque nec cum ingreditur uiolat, nec cum egreditur dissipat, quia in ingressu, & egressu eius speculum integrum perseverat. Specular ergo non rumpit radius Solis, sic integritatem Virginis ingressus, aut egressus uitare non potuit radius diuinitatis.

Sermo CXXXVII.

Tertio dicitur speculum propter rerum representationem. Omnia enim, quæ sunt in speculo relucunt, sic in Beata Virgine tanquam in speculo Dei debent omnes suas impuritates & maculas videre, & eas mundare, & corrigere. Nam superbi ibi cognoscent suas maculas respiciendo ibi ad suam humilitatem. Auari respiciendo ad suam paupertatem. Luxuriosi respiciendo ad suam virginitatem. Hieronymus in sermone de Assumptio. Christus Virginem matrem elegit, ut ipsa omnibus exemplum castitatis in ea tanquam in speculo refunderet forma virginitatis, habensque in ea magisteria expresse probitatis. Ambrosius in lib. de Virginitibus. Sit itaque in nobis tanquam in imagine descripta Mariæ uirginitas ex qua uelut speculo refulget spes castitatis, & forma uirtutis. Hoc signatum est. Exod. 38. ubi dicitur, quod Moyses fecit labrum æneum, & basim suam de speculis mulierum. Sacerdotes enim in illis speculis maculas faciei suæ respiciebant, & eas lauabant, ut sic irent mundi ad sacrificandum, sic etiam nos in hoc speculo Dei nostræ mentis maculas debemus aspicere, ut sic mundi possimus Deo mundo corde, & corpore deservire. Sicut enim speculum omnium imagines tam maiorum, quam minorum recipit, & de re quam sit pulchra, uel deformis ueritatem dicit, sic & Virgo gloriosa omnes ad se uenientes recipit intra viscera suæ pietatis, & tamen ueritatem dicet in iudicio tam probis, ut saluentur, quam contra malos, ut merito puniantur. Non enim est ira fortior, quam ira mansueti quando irascitur. Ideo Christus qui est agnus mansuetus erit in iudicio terribilis, & fortis. Nam sicut dicit Apocalypsi. 6. Re-probi dicent montibus, & petris. Cadite super nos à facie sedentis super thronum, & ab ira agni. Timendum est igitur peccatoribus ne Beatæ Mariæ mansuetudo, & clementia eis in iudicio uertatur in iram. Nam sicut dicit Propheta. Ipsa est testis in cælo fidelis. Testis autem fidelis non mentietur, sicut dicitur. Proverb. 14. Et ideo ad instar speculi, declarabit, & manifestabit de omnibus ueritatem.

Quarto dicitur speculum propter ipsius fulgorem. Sic & ipsa tota fuit fulgida. Hieronymus. Sanè credo, quod Vir-

go Maria tota fuit fides in credendo, tota oculus in cognoscendo, tota charitas in diligendo, tota virtus in operando, tota candor in concipiendo, tota splendor in pariendo, & tota decus in ascendendo.

*BEATAE VIRGINIS DEFENDITVR PV-
ritas, licet sponſum habuerit. Ser. CXXXVIII.*

SPONS A Dei est Virgo Maria, quæ habuit duplicem sponſum, ſcilicet cœleſtem, & terrenum, Sponſus terrenus fuit Ioseph. Et quamvis Beata Virgo fecerit votum perpetuæ uirginitatis conſenſit tamen ſponſo ſuo Ioseph nō in copulam carnalem, ſed maritalem ſocietatem. Et talis conſenſus facit matrimonium eſſe uerum, quia ſicut dicit Auguſt. Matrimonium facit non facit copula carnalis ſed pactio, coniugalis. Et ſatis uerifiſimile eſt, & credendum, quōd Deus utrique reuelauit, q̄ debebant ſimul Virgines permanere. Et ſi forte dicatur, quōd ipſa Virgo conſenſerit in carnalem copulam intelligendum eſt, q̄ nō conſenſerit abſolute, ſed ſub conditione. ſi Deus hoc uellet. Voluit aut̄ Chriſtus, q̄ mater ſuam ſponſum haberet multiplici ratione, Prima eſt q̄ ipſa erat tenera puella ideo indigebat uiro maturo, & gran deuo, ut ab ipſo cuſtodiretur. Vnde dicit Ber. ſuper miſſus eſt. Mos erat Iudæorum, ut à die deſponſationis uſque ad diem nuptiarum ſponſi ſponſas in cuſtodiam reciperent, & earum pudicitiam eo curioſius ſeruatent, quo ſibi ipſi fideliores exiſtant. Secunda ratio eſt, quia ipſa erat Virgo uerecunda, ideo indigebat uiro ſibi matrimonialiter coniuncto, ne tanquam adultera infamaretur. Bernard. ubi ſupra. Quis autem uidens eam non deſponſatam, & tamen gravidam, non potius diceret meretricem quàm uirginem, nec dicebat hoc dici de matre Dei. Tolerabilius fuit Chriſtum ad tempus de coniugio natum putari, quàm de fornicatione matrem inculpari. Ambroſ. ſuper Lucam. Maluit Domini uſque aliquos de ſuo ortu, quàm de marris pudore dubitare. Sciebat enim teneram eſſe Virginis uerecundiam, & lubricam famam pudoris, nec putauit ortus ſui fidem matris iniurijs aſtruendam.

Tertia

Sermo CXXXVIII.

Terttia ratio est, quia erat sola, & ideo indigebat fideli socio à quo & ante partum, & in partu, & post partum associaretur & à laboribus releuaretur. Vnde Hieronymus super Matth. ponens istam rationem, & alias dicit desponsata Christus concipitur. Primo quidem, ut per generationem Ioseph origo Mariæ monstraretur. Secundo ne velut adultera à Iudæis reputaretur: tertio quoque, vt fugiens in Ægyptum haberet viri solatium. Quarta ratio est, quia ipsa erat diabolo suspecta, ne. Lesset illa Virgo de qua prophetauerat Isaias. Et ideo debuit esse in matrimonio, ut ipsum mysterium diabolo celaretur. Ber. ubi supra. Nunquid non poterat Deus apertū aliquod signum ostendere quomodo fieret, ut nec eius ortus infamaretur, nec matri criminaretur, poterat utique. Sed non poterat latere dæmones, quod scirent homines. Idem ibidem. Necessario igitur Maria viro desponsatur, quia per hoc, & sanctum à canibus absconditur, & à sponso virginitas comprobatur, & tam Virginis perecundiæ parcitur, quàm famæ prouidetur, & à secretis cœlestibus hostis excluditur.

Secundò habuit sponsum cœlestem .s. Deum, qui cum ea spirituale matrimonium contraxit. Et istud matrimoniū habuit triplicem gradum, triplicem consensum, triplicem bonū, & triplicem copulam siue coniunctionē. Habuit quidē triplicem gradum, quia fuit initiatum, ratificatum, & consummatū. Initiatum quidē per uerba de futuro ab Isaiā qui dixit. Ecce Virgo concipiet, &c. Deinde fuit ratificatū per uerba de præsenti quādo ipsa consensit, & dixit. Ecce ancilla Dñi. Vltimo fuit consummatum, quādo filius Dei in thalamū uteri uirginalis naturam nostram sibi æternaliter copulauit. Vnde clamat Ecclesia. Ecce cōpleta sunt omnia, quæ dicta sunt de Virgine Maria. Secundo in illo matrimonio fuit triplex consensus. .s. consensus animi, consensus uerbi, uel saltem consensus signi. His tribus modis consensit Virgo Beata. Et istum triplicem consensum ipsa Virgo Beata postmodum in suo cantico expressit. Nam consensum animi expressit cū dixit. Magnificat anima mea Dñm. Consensum signi expressit cum subdit. Et exultauit spiritus meus in Deo salutarī meo. Exultauit. i. extra saltauit, i. tantum gaudium habuit in animo, q̃ etiam manifestabatur

nifestabatur in exteriori signo. Consensum uerbi expressit cū subdidit. Quia respexit humilitatem ancillæ suæ. Et hoc fuit quando dixit. Ecce ancilla Domini. Tertio in matrimonio fuit triplex bonum s. bonum fidei, prolis, & sacramenti. Fidei quidem, quia uotū uirginitatis, quod Beata Virgo emisit semper illibatum seruauit. Fuit ibi bonum prolis, quia Dei filium de eius castis uisceribus generauit. Fuit etiam ibi bonum sacramenti, quia nunquam à filio suo diuisa fuit, uel separata. Quarto in illo matrimonio fuit triplex copula. Nam in matrimonio triplex coniunctio inuenitur. Vna causatur ex consensu animorum: secunda ex permixtione corporum: tertia ex indiuisibili habitatione ambotū. Eodem modo inter Christum, & Virginem Beatam fuit cōiunctio aīorum per mutuā charitatem. Cant. 6. Ego dilecto meo, & dilectus meus mihi. Fuit coniunctio corporum per naturæ unitatem, quia una est caro Christi, & matris, unde de hoc potest exponi illud, quod dī. Genes. 2. Erunt duo in carne una. Nam ad formandum corpus Christi fuerunt duo. s. Spiritus sanctus qui ipsam carnem Virginis mundauit, & corpus Christi formauit, & ipsa Virgo, quæ materiā ministravit. Fuit etiā indiuisibilis habitatio ambotū ibi, quæ sicut in uita sua dilexerūt se ita, & in morte nō sunt separati. Io. 19. Stabat iuxta crucē Iesu mater eius.

TRAMONTANA STELLA EX MULTIS

Beatam Virginem significat. Sermo CXXXIX.

STELLA maris, quæ uulgariter dicitur tramontana signat Virginem Beatam multis rationibus. Primò ratione nominis. Istud enim nomen s. stella maris non conuenit Christo, nec alicui sancto uiro, nec alicui sanctæ fœminæ, sed tantum Virgini Mariæ. Quod aut conuenit Christo proprie patet, quia ipse est fons totius luminis, & ideo sibi magis cōpetit esse solem, q̃ stellā. Nec competit et alicui uiro sancto, quia ipsa stella maris ita dirigit nauē, q̃ ipsa non dirigitur à nauī. Nauis. n. est Ecclesia. Apostoli igitur, & cæteri sancti, ita dirigebant Ecclesiā suis doctrinis, q̃ ipsi nihilominus indigebāt dirigi ab Ecclesia sanctorū meritis, & deuotis orōnibus, unde

Sermo CXXXIX.

vnde & Apostolus sæpe petebat orari pro se. Beata autē Virgo nauem Ecclesiæ ita dirigebat suis doctrinis, & exemplis, q̃ ipsa non indigebat dirigi aliquorum meritis, quia in ipsa erat plenitudo omnium meritorum. Non competit etiā alicui sanctæ sceminæ dici stella maris, nec coniugata, nec vidua, nec virgini, nec pœnitenti. Stella enim maris vniuersaliter dirigit omnes nauigantes. Et Maria omnes nauigantes dirigit suis exemplis. Coniugata quidem sicut fuit Helisabeth informant tantum coniugatas, vt Dei mandata custodiant, vnde dicitur. Luc. 1. de iphs cōiugatis. Erant iusti ambo pariter ante Deum. Vidua vero sicut fuit Anna informant tantum viduas, vt ieiunijs, & orationibus insistant. Vnde dī. Luc. 2. de Anna vidua, q̃ non discedebat de templo, &c. Virgines vero informant tantum alias virgines, vt impudicos vsus virorum fugiant, vnde dī. Genes. 14. qui Rebecca puella cum vidisset Isaac tulit pallium suum, & operuit se. Similiter pœnitentes sicut fuit Magdalena informant tantum pœnitentes, vt. s. habeant opera misericordiæ, & pœnitentiæ. Beata autē Maria omnes suis exemplis illuminat, & informat. Nā informat coniugatas, vt viris suis obediant, sicut ipsa semper obediens fuit Ioseph. Informat viduas, vt post mortem viri alios non accipiant, sed in viduitate permaneant, sicut ipsa vidua mansit post mortem Ioseph, informat virgines, vt hominum consortia fugiant, sicut & ipsa fugiebat, & in thalamo suo clausa manebat. Informat pœnitentes, vt opera pœnitentiæ faciant sicut, & ipsa faciebat, quamuis enim pœnitentes nunquā fuerit, quia nunquā fecit illud quod debuerit pœnitere, tñ sic opera pœnitentiæ faciebat, ac si fecisset vnde deberet pœnitere. Quia igitur Virgo Beata per mare huius mundi nauigantibus radios exemplorum emittit, idēo stella maris vocari debuit.

Secūdo dī stellā maris ratione attractiue virtutis. Sicut. n. illa stella ferrum ad se trahit, sic Maria ad se sæpe mentes ferreas trahit, & conuertit. Ferrum autem est durum, frigidum, & ponderosum, & signat peccatores, qui sunt frigidi ad amandum Deum, duri ad conuertendum, ponderosi propter amorem terrenorum, quia semper stant in imis, & nunquā se ad superna subleuāt, sicut patet in Theophilo qui prius erat frigidus,

duſ, & durus, & ponderoſus, quę beata Virgo inflammauit, & conuertit, & ad cœleſtia ſubleuauit.

Tertiò dicitur ſtella maris ratione ſtationis, quia hæc ſtella eſt quaſi ſine motu, & à ſuo puncto non diſcedit. Sic beata Virgo à puncto non diſcedit, ideſt, à filio, ſed ſemper pro nobis biſiugiter intercedit, & orat, & nos cuſtodit. Sicut enim dicitur de filio, ſuo. Ecce non dormitabit nec dormiet, ſic ipſa non dormitat, ſed ſemper pro nobis orat, intercedit, & uigilat, unde poteſt eſſe uerbum ſuum illud quod dicitur Iſa. 21. Super ſpeculam domini ego ſum uigilans iugiter, & ſtans per diem, & ſuper cuſtodiam domini ego ſum ſtans totis noctibus. Ipſa enim eſt uirga de radice Ieſſe, de qua dicitur Hiere. 1. Virgam uigilantem ego uideo.

Quartò dicitur ſtella maris ratione illuminationis. Bern. Tolle corpus ſolare, quod illuminat mundū, & ubi dies? Tolle ſtellā maris, & quid niſi caligo inuoluens, & umbrę mortis & tenebrę relinquuntur. Hæc autem ſtella ſemper ad nos lumen ſuum emittit, ita q̃ nec occidit nec occumbit. Aliæ ſtellæ. i. Apoſtoli in Chriſti paſſione occubuerunt, quia lumen fidei amiſerunt. Ipſa autem nūquam occubuit, quia lumen fidei ſemper ſeruauit. Sæpe autē contingit, q̃ aliqui ſancti aliquibus peccatoribus occidunt, quia ſuffragia eis ſæpe ſubtrahunt, quia indigni ſunt. Iohel. 2. Stellæ ſplendorem ſuum retraxerunt. Beata autē Virgo nunquam occidit, ſed oībus lumine ſuę gratię emittit. Unde ipſa dicit Eccl. 24. Uſq; ad futurum ſæculum non deſinam. ſ. alicui in neceſſitatibus conſtituto.

Quintò dicitur ſtella maris ratione directionis, quia nauigātes in mari huius mundi dirigit, & ad portū ſalutis deducit. Nā in mari huius mundi ſunt multi fluctus perſecutionum, multi venti tribulationum, multi ſcopuli perſecutionum, multe tenebrę ignorantiarum. Et ideo iſta ſtella maris omnes tales dirigit, & ad portum deducit. Fulbertus. Oportet hanc ſtellam ſemper attendere, quod qui fecerit non inanis glorię uento iactabitur, nec ſcopulis aduerſorum frangetur, nec abſorbetur uoluptatum voragine, ſed proſperè perueniet ad portum quietis. Ber. ſuper miſſus eſt. In anguſtijs in periculis, in rebus dubijs, cogita Mariam, inuoca Mariam, non recedat

recedat à corde, non recedat ab ore, ipsam sequens non deuias, ipsam rogans, non desperas, ipsam cogitans non erras ipsa non tenente corruis, ipsa protegente non metuis, ipsa duce non fatigaris, ipsa propitia peruenis. Idem. Ipsa est præclara, & eximia stella ex Iacob orta, super hoc mare & spaciolum necessario subleuata micans meritis, & illustrans exemplis. Si igitur insurgunt venti tentationum, si incurris scopulos tribulationum, respice stellam, voca Mariam, & si non impetres orationis eius suffragium non deferas conuersationis exemplum.

Sextò dicitur stella ratione girationis. Illa enim stella est sicut cardo, vel axis firmamenti. Sicut enim ostium voluitur, siue vsatur in cardine, & rota in axe, sic firmamentum contra ipsam. Eodem modo tota curia cœlestis circa beatam Virginem se voluit, & girat, quia eam tanquam dominam, & reginam circundant, iuxta illud quod cantat Ecclesia. Sicut dies verni circundabant eam flores rosarum, & lilia conuallium, idest, ordo confessorum, & virginum. Ideo dicit Propheta. Astitit regina à dextris tuis in uestitu deaurato circundata varietate. Sancti enim sunt quædam vestis beatæ Virginis, ipsam tanquam dominam, & reginam adornantes. Quæ quidem vestis est multiplici varietate contexta. Nam Apostoli ibi ponunt colorem aureum, Martyres colorem rubeum, Confessores colorem indignum, Virgines & Angeli colorem candidum.

Septimò dicitur stella maris ratione situationis. Est enim hæc stella sita in summo poli respectu omnium aliarum, & est sita contra Aquilonem. Sic beata Virgo exaltata est super choros omnium angelorum, vnde cantat Ecclesia. Exaltata est sancta Dei genitrix super choros angelorum ad cœlestia regna. Est etiam sita ad Aquilonem, quia radios gratiæ suæ semper dirigit ad peccatores. Vnde etiam ipsa dicitur Luna, quia sicut Luna dat lucem suam noctibus, sic beata Virgo gratiam suam peccatoribus.

BEATÆ VIRGINIS LAUDES.

summuntur a stella matutina.

Sermo CXXX.

TERtia matutina dicitur Virgo Maria, de qua dicitur Eccles. 51. Quasi stella matutina in medio nebulae. In primo enim mundo erat triplex nebula, scilicet, superbia, avaritia, & carnalis immunditia. Ipsa igitur fulsit in medio nebulae superbiae per humilitatem, in medio nebulae avaritiae per paupertatem, & in medio nebulae carnalis immunditiae per virginitatem. Assimilatur autem Virgo isti stellae propter nomina, propter propria, & propter officia. Ista autem stella habet multa nomina.

Primo enim dicitur Venus non quia sit dea amoris sicut fabulae poetarum fingunt, sed quia illos in quibus dominatur disponit ad amandum. Secundo dicitur stella matutina ex eo quod mane sequens denunciat, & diem inchoat. Tercio dicitur lucifer ex eo quod praeter ceteris stellis, & planetis maiorem habeat lucem. Quarto dicitur hesperus inquantum, scilicet, noctem sequentem respicit, & eam illustrat. Ista quattuor nomina possunt Virgini convenire iuxta alia quatuor, quae dicuntur Eccl. 24. Ego mater pulchrae dilectionis, & timoris, & agnitionis, & sanctae spei. Ipsa enim potest dici Venus inquantum homines in Dei amorem inflammat. Et quantum ad hoc ipsa est mater pulchrae dilectionis. Secundo potest dici stella matutina inquantum ipsa est principium novae vitae sicut stella matutina est principium diei sequentis. Et quantum ad hoc dicitur mater timoris. Timor enim est principium gratiae, & novae vitae, iuxta illud Psal. Initium sapientiae est timor Domini. Tercio dicitur lucifer inquantum dat principium agnitionis divinae. Et quantum ad hoc dicitur mater agnitionis. Quarto dicitur hesperus inquantum respicit, & illuminat peccatores, qui sunt in tenebris culpa. Et quantum ad hoc dicitur mater sanctae spei.

Secundo dicitur stella matutina propter ipsius stellae propria. Illa enim stella multas habet proprietates, quia est calida,

lida, malitiæ matris refrenatiua, temperata, humida, & iocunda. Iste aut. proprietates non sunt in ipsa stella nisi quantum ad effectus. Eodem modo B. Virgo habet in nobis istos effectus. Dat. n. calorem dilectionis diuinæ, refrenat furorē iracundiæ, dat temperantiā, siue temperamentū discretionis maturæ, iocunditatem conscientie, humorem obedientie, humidum. n. male terminatur in termino proprio, sed in termino alieno, quia uerus obediens nō debet duci sensu proprio, sed alieno. Ista quinque notantur Iac. 3. quæ ad B. Virginem matrem sapientiæ possunt applicari. Sapientia, inquit, quæ de sursum est, primum quidem pudica est, deinde pacifica, siue modesta, suadibilis bonis, plena misericordia, & fructibus bonis. Nam in quantum ipsa dat calorem diuini amoris ipsa est pudica, quia facit animum pudicum. Amor enim Dei omnem amorem illicitum extinguit, & omnem carnalitatem restringit. In quantum ipsa refrenat furorem iracundiæ dicitur pacifica, quia facit animum pacificum. In quantum dat temperamentum discretionis maturæ dicitur modesta, quia facit aīum modestum, & maturum. In quantum facit cor humidum per veram obedientiā dicitur suadibilis, & bonis consentiens. In quantum dat iocunditatem conscientie dī plena misericordia, & fructibus bonis, quia conscientia quæ est plena bonis operibus multum est iocunda, iuxta illud Ps. Iocundus homo qui miseretur, & commodat.

Tertiò assimilatur stellæ matutine pp quædam ipsius stellæ officia. Habet. u. terrere fures, fugere lupos, releuare infirmos, excitare ad cantandum aues, & letificare viatores. Similiter officium B. Mariæ terrere dæmones. Iob. 23. Si subito apparuerit aurora arbitratur ymbra mortis. Ps. Ortus est sol idest, lux solaris. i. Virgo Maria, & congregati sunt, & in cubilibus suis collocabuntur. Secundò fugat hæreticos. August. Gaude Maria Virgo. cunctas hæreses sola interemisti. Tertiò consolatur pusillanimes. Idem. Sancta Maria succurre miseris, iuua pusillanimes. Vnde potest esse vox sua illud Baruch 4. Animæ quiores filij estote, & clamate ad Deum. Quartò excitat angelos, & sanctos ad laudandum Deum, quod significatum est Exod. 25. Vbi dicitur, quod

Maria

Maria sumpsit tympanum. Quinto lætificat omnes viatores qui tendunt ad patriam. Istud significatum est. Matth. 2. vbi dicitur, quòd magi uidentes stellam gausi sunt gaudio magno valdè.

A STELLAE PURITATE, ASPECTV, ET motu, similitudinariè honoratur Beata Virgo.

Sermo CXLI.

STELLA dicitur Virgo Maria, Christus uerò Sol. Hugo de Sancto Victore. Maria stella, Christus Sol. Ideo peccatores uelut in nocte à Maria consolantur. Iusti uero tanquam in die à Christo sole illuminantur. Ideo si pertimescis ad Christum accedere, ad Mariam respice, genus tuum conspicias, nihil illic quod timeas inuenis. Dicitur igitur Maria stella iuxta illud. Numc. 24. Orietur stella ex Iacob, & consurget virga de Israel. Et assimilatur hic stellæ, & virgæ. Stellæ, quia semper erat in cœlo mente; Virgæ, quia habitabat in terra corpore. Stellæ, quia protulit radium in quo est lux diuinitatis. Virgæ, quia protulit fructum in quo est caro terrestres. De ista stella dicit Ber. Ipsa proprietates stellæ Virgini matri cōuenit valdè, quia sicut stella sine sui corruptione suū emittit radium, sic absque sui læsione Virgo peperit filium; nec syderei radij suam minuunt claritatem, nec Virginis filius suam integritatem. Notandum autem, quòd stella in sua essentia magnam habet puritatem, in apparentia paruitatem, in motu uelocitatem, & inter cetera corpora magnam dignitatem. Sic & Virgo puritatem maximam habuit quantum ad illa tria, de quibus dicitur. 1. Thess. 5. Integer spiritus uester anima, & corpus sine querela seruetur in Aduentu Domini nostri Iesu Christi. Habuit enim corpus purissimum, quia sine omni contagione. Vnde potest esse uerbum suum illud quod dicitur. Sap 8. Veni ad corpus coinquinatum. Habuit animam purissimam, quia sine peccati admixtione. Ibidem. Sortitus sum animam bonam. Habuit spiritum purissimum, quia semper fuit coniunctus cum Deo per amorem, quia sicut dicitur. 1. Cor. 6. Qui adheret Deo vnus spiritus est cū eo.

Sermo CXLI.

Secundò stella in apparentia habet magnam paruitatem. Quamuis enim quælibet stella dicatur esse maior, quàm tota terra, tamen punctalis, & modica esse videtur. Eodem modo & Maria quamuis esset maximè, tamè de se sentiebat humilia. Nā humilitatem habuit in aīo, in uerbo, in facto, in signo in animo humilitatem habebat, quia nulli vnquā se præponebat, sed alios sibi sicut Ioseph quem sibi præposuit dicēs Lu. 2. Pater tuus, & ego dolentes querebamus te. Nunquam se ingerebat, sed omnibus locum dabat, qui ad filium suū ire volebat, quod notatur Mat. 12. vbi dicitur. Ait quidā. Mater tua, & fratres tui foris stant quærentes te. Ber. Vbi Maria aliqñ præsumptuosa fuisse inuenitur? Foris stabat quærens locum filio, nec auctoritate materna aut sermonem interrupit, habitationem in qua filius erat iriupit. Secundò habuit istā humilitatem in verbo, quia non vocauit se matrem Dei, nec dñam mundi, nec reginam celi, sed ancillam Christi cū subdit. Ecce ancilla domini. Item. Respexit humilitatem ancille suę. Tertiò habuit istā humilitatem in signo. Magnum quidem signum humilitatis fuit, quia filio suo iā in cælum ascendente, & ipsa in hoc mundo loco filij remanente, tamen in loco nouissimo poni voluit, volens seruare illud Luc. 13. Recūbe in nouissimo loco. Dicitur enim Act. 2. vbi enumeratis omnib. Apostolis subditur. Hij oēs erant vnanimiter perseuerantes in oratione cum mulierib. & Maria matre Iesu. Sicut. n. absente sole inter cetera sydera luna magis mundum illuminat, & tamen tenet infimum locum, sic Maria absente sole iustitię, & in cælo regnante inter mundi lumina magis mundum illuminauit, & locum nouissimum tenuit.

Quartò habuit istā humilitatem in facto, quia postquam iā erat Dei mater effecta ancillā Helisabeth se fecit cum ei ministravit. Ber. in montana Virgo cum festinatione abiit; & Helisabeth salutauit, & in eius ministerio quasi mensibus tribus humilis stetit. Deinde subdit. Hic fuit Virginis ascensus ut difficile rumperetur triplex funiculus, feruebat siquidem in corde charitatis, splendebat in carne virginitas, & in obsequio eminebat humilitas.

Tertiò stella habet in motu velocitatem. Nam à motu
sui

sui superioris, idest, firmamenti mouetur citissimè, quia quotidie omnia loca lustrat in circuitu. Motu vero proprio mouetur lentissimè, quia per centum annos, ut dicunt mouetur per vnum gradum. Eodem modo Virgo Maria non mouebatur motu proprio, sed motu sui superiori, idest, Spiritus sancti. Nā ut mota fuit à Spiritu sancto, vt virginitatem seruaret statim votum emisit. Motā fuit à Spiritu sancto, vt conceptioni filij Dei assentiret statim acquieuit. Motā fuit ut ad seruiendum cognate pergeret, & mox ad montana conscendit. Motā fuit ut iam pragnās, & vicina partui in Berhleem pergeret statim perrexit. Motā fuit, vt rediret, statim redijt. Ecce quomodo non mouebatur à seipsa, sed à Spiritu sancto qui erat in ea, ubi semper regebat ipsam.

Quartò inter cetera corpora stella habet magnam dignitatem. Nam sē Philosoph. in stellis non cadit corruptio nec casus, nec error. Sic & in ipsa stella nulla fuit corruptio, nec in sua natiuitate, quia sine peccato nata fuit, nec in sua conceptione, quia de Sp. Sanct. generauit, nec in sua vita, quia nūquam aliqd peccatum commisit. nec in sua morte, quia nec mortis nexib. deprimi potuit. Secundò in ipsa nō fuit aliquis casus, quia cadere nō potuit à gratia Dei, quia erat in gratia confirmata, nec à fide Dei, quia erat à Spiritu sancto edocta, nec a charitate Dei, quia erat tota Deiformis effecta. Tertiò non fuit in ipsa aliquis error, quia in suis affectionibus, uel operationibus nunquam errare potuit, quia pater eam semper gubernauit. Filius eam semper duxit. Sp. sanct. tandem ipsam in ciuitatem supernam introduxit. Vnde pp ista tria potest dicere cum Proph. Tenuisti manum dexteram meā, & in voluntate tua deduxisti me, & cum gloria suscepisti me.

VTERVS B. VIRGINIS FVIT THALAMVS

Christi, sed dotibus ornatus varijs.

Sermo

CXLII.

THALAMVS Christi fuit vterus Virginis. Dicitur autem thalamus à Thelamone duce Romanorum. Qui cū quandam Sabinam virginem rapuisset, dictū est per

oraculum, & illa virgo Thalamoni in coniugem traderetur. Et quoniam illarum nuptiarum feliciter successerunt, ordinatum fuit, ut cubiculum sponsi, & sponsarum thalamus diceretur. Quia igitur Deus nuptias in utero virginali celebravit, quando scilicet naturam humanam sibi copulavit, ideo eius uterus thalamus recte dici potest. Habet autem rex .i. Christus thalamum suum similiter, & regina suum .i. Virgo B. De thalamo autem regis dicitur in Ps. In sole posuit tabernaculum suum, & seipsum solem posuit in tabernaculo suo. i. in Virginis utero. Ex hoc fuit in filij conceptione. Et ipse tanquam sponsus procedens de thalamo suo. Et hoc fuit in natiuitate. Consueuerunt autem thalami regales per tria distingui cubicula, scilicet, per cubiculum æstiuale, hyemale, & commune. Consueuerunt etiam pannis preciosis adornari, varijs coloribus depingi, & diuersis floribus aspergi. In primo igitur thalamo virginali fuerunt tria cubicula, scilicet, eius spiritus, anima, & corpus. De quibus dicitur 1. Thess. 5. Ipse autem spiritus pacis sanctificet vos per omnia, ut integer spiritus vester, anima, & corpus sine querela seruetur in aduentu domini nostri Iesu Christi. In primo igitur cubiculo. i. in spiritu suo requieuit pater, quia eius spiritum Deiformem, & diuinum fecit. In secundo cubiculo. i. in eius anima requieuit Spiritus sanctus, quia eius animam omni virtute, & gratia adimpleuit. In tertio cubiculo. i. in eius utero requieuit filius, qui in eius utero nouem mensibus habitauit. Iste est igitur ille architrichinus, qui in nuptijs uteri virginalis tria triclinia præparauit, & ideo facta est totius Trinitatis nobile triclinium. Quod iste thalamus fuerit pannis purpureis, & gemmis adornatus dicitur Cant. 2. Ferculum fecit sibi Rex Salomon de lignis libani. Ferculum dicitur uas escarum, & signat Virginis uterum, in quo fuit ille, qui est uas omnium sanctorum, & angelorum, & fuit de lignis libani, quia eius uterus fuit odoriferus, incorruptibilis, & serpentium infernalium expulsiuus. Postea subditur. Reclinatorium fecit argenteum, ascensum purpureum, media charitate construxit. Ista sunt illa tria cubicula superius dicta. scilicet, eius spiritus, anima, & corpus, quæ fuerunt tam preciosis pannis adornata. Nam eius spiritus

supe.

superior fuit ornatus purpura .i. dominicæ passionis continua memoria, & recordatione. Ideo dicitur, quod ascensum purpureum fecit. Nam filij passionem semper in corde gerebat, ita quod dicere poterat illud Exo. 4. Sponsus sanguinum tu mihi es. Eius uterque in quo se Christus reclinavit fuit adornatus panno aureo, idest, pudore virgineo. Ideo dicitur, Reclinatorium fecit argenteum. Sicut enim aurum incorruptum est fulgidum, & preciosum, sic eius virginitas, eius reddidit incorruptum quo ad se, fulgidum per exemplum quo ad nos, preciosum quo ad Deum. Eius anima quæ fuit media inter spiritum, & corpus fuit ornata panno gemmato, idest, charitati, & amore divino. Nam subditur, Media charitate construit. Charitas enim est gemma lucida, quæ omnes alias virtutes facit esse fulgidas. De ista gemma charitatis dicitur Eccl. 9. Gemmula carbunculi in ornamentum auri. Est enim charitas perfecta, quæ habet secum annexam humilitatem, & puritatem. Ideo in beata Maria fuit gemmula humilitatis, & carbunculus ferventis charitatis, & aurum incorruptibilis virginitatis.

Tertio iste thalamus virginalis fuit varijs coloribus depictus, colore nigro humilitatis, albo puritatis, & rubeo charitatis. Can. 1. Nigra sum. Ecce nigredo humilitatis. Sed formosa. Ecce albedo puritatis. Sicut pelles Salomonis, quæ erant rubescatæ. Ecce rubedo charitatis. Sicut enim color niger iuxta album positus, ipsum album commendat, sic ipsa humilitas virginitatem magis exornat. Si enim beata Virgo fuisset virgo, sed superba, nec Deo placuisset, nec filius Dei de ea carnem assumpsisset. Et sicut color rubeus inter album, & nigrum positus pulchritudinem magnam facit, sic charitas beatæ Mariæ humilitatem eius exornabat, virginitatem Deo gratam reddebat. Nam sine charitate, & humilitas esset ficta, & virginitas esset vacua. Fuit etiam iste thalamus virginalis diversis floribus aspersus. s. rosa patientiæ. Ecclesiast. 24. Quasi plantatio rosæ in Hierico. Viola humilitatis profundæ, & lilio puritatis, & munditiæ. De istis duobus floribus dicitur Cant. 2. Ego flos campi, & liliū conuallium.

Sermo CXLIII.

Habet etiam ista regina, idest, Virgo Maria thalamum suum in quo similiter tria cubicula fuerunt. Primum est eius uterus speciosus in quo habitauit diuina sapientia, & quantum ad hoc facta est sponsa eterni regis. Eccl. 24. Qui creauit me requieuit in tabernaculo meo. Secundum est eius amplexus viscerosus in quo habitat uniuersalis ecclesia. Et quantum ad hoc ipsa est aduocata generis humani. Omnes enim electos ipsa recipit intra viscera suae pietatis, cum ipsa sit mater gratiae, & mater misericordiae. Tertius est eius locus gloriosus in quo ipsa habitat sublimata. Et quantum ad hoc ipsa est domina, & regina totius curiae celestis. Propter ista tria dicitur Apoc. 12. Mulier amicta Sole, & Luna sub pedibus eius, & in capite eius corona stellarum duodecim. Tunc enim sole amicta fuit, quando Christum qui est sol iustitiae in suo utero habuit. Lunam autem sub pedibus habet, quia ecclesiam sub sua protectione tenet. Habet autem coronam stellarum duodecim, quia ipsa est regina trium ordinum. scilicet Martyrum, Confessorum, & Virginum, & nouem ordinum angelorum.

A CAUSA EFFICIENTI, MATERIALI,

formali, & finali B. Virgo Dei templum uocatur. Sermo CXLIII.

TEMPLUM Dei est Virgo Maria iuxta illud Psal. Suscepimus Deus misericordiam tuam in medio templi tui. Dicitur autem Virgo beata templum ratione causae efficientis, materialis, formalis, & finalis.

Causa autem efficiens huius templi fuit Deus trinitas. Nam pater istud templum fundauit. Ps. Fundauit eam altissimus. Spiritus sanctus consecrauit. Ps. Sanctificauit tabernaculum suum altissimus. Fundatum, & consecratum filius inhabitauit. Eccl. 24. Qui creauit me requieuit in tabernaculo meo. Forma autem huius templi fuit, quia fuit valde amplum. Unde dicitur templum quasi tectum amplum, vel tenens amplum. In ipsa enim Virgine gloriosa fuerunt quatuor ualde ampla. Primum quidem habuit amplum uterum ad Deum suscipiendum, quia sicut cantat ecclesia, quem coeli ca-

Si capere non poterant tuo gremio contulisti. Petrus Rauennas. Quod erat in principio apud Deum intra se Virgo præcepit verbum, facta quæ est magnum deitatis templum, quæ possibilium erat humanitatis hospitium. Idem. Ipsa quidem Virgo maior fuit cælo, fortior terra, latior orbe. Nam Deum quem mundus non capit, sola concepit, portauit enim, qui portat orbem. Idem. Quantum sit Deus ignorat ratio, miratur huius Virginis utrum, cælum pauet, tremunt angeli, creatura non sustinet, natura non sufficit, & una puellula in sui pectoris hospitio capit, recipit, oblectat, ut terris pacem, cælis gloriam, salutem perditis, vitam mortuis dederit terrenis cum cælestibus parentelam, Dei cum carne commercium fecit. Sic enim totum manna erat in urna, & totum erat in archa, & tota archa claudebatur in templo, sic & deitas tanquam manna dulcissimum tota erat in urna, idest, in Christi anima. Anima tota erat in archa, idest, in Christi carne deifica. Et hæc omnia claudebantur in terra, idest, in utero Virginis gloriosè. Secundò habuit amplum intellectum ad diuinum lumen recipiendum. Sicut oculus non sufficit intueri solem nisi in radijs suis, sic intellectus noster non potest cognoscere Deum nisi in operibus suis. Intellectus autem Virginis non indigebat radijs, quia habebat intra se præsentiam solis. Eccles. 28. Sicut sol oriens mundo in altissimis Dei, sic mulieres sanctæ species in ornamento domus suæ. Nec indigebat lumine lucernæ, idest, manu ductione alicuius creaturæ, quia in utero suo habebat diuinam lucernam fulgentem. Ibidem. Lucerna splendens super candelabrum sanctum, & species faciei, scilicet, mulieris super ætatem stabilem, nec indigebat sicut filij Israel columna ignis, uel nubis, idest, manu ductione alicuius angeli cælestis, quia ipsa habebat illam columnam ignis, & nubis, idest, Christum in quo erat ignis deitatis, & nubes humanitatis. Ibidem. columnæ aureæ super bases argenteas, & pedes firmi super plantas stabilis mulieris. Tertiò habet amplum affectum ad compatiendum. Nam intra sinum suæ pietatis, & misericordiæ omnes recipit. Ideo dicitur de ea. Maria mater gratiæ, mater misericordiæ. Recipit peccatores

tores quibus impetrant Dei misericordiam . Ideo subditur . Mater misericordiæ . Recipit tentatos quos à diabolo protegit . Ideo subditur . Tu nos ab hoste protege . Recipit animas de hoc mundo egredientes quas suis manibus in cælum deducit . Ideo subditur . Et hora mortis suscipe . Quarto habet amplum meritum ad subueniendum . Subuenit quidem omnibus per sua merita in mundo , & in iudicio . In mundo quia habet subueniendi potentiam , sapientiam , & voluntatem . Prouerb 21 . Thesaurus desiderabilis , & oleum in habitaculo iusti . Potest quidem subuenire , quia habet thesaurum . Vult subuenire , quia habet pietatis oleum . Scit subuenire , quia fuit mater iusti , idest Christi qui est Dei sapientiæ habitaculum . Subueniet in iudicio . Non enim dicit sicut dixerunt virgines ille . Ne forte nõ sufficiat nobis , & uobis , &c . quia & eius merita sufficient sibi ad exaltationem super angelos , & nobis sufficient ad necessitatem nostram . Prouerb . ultimo . Laudent eam in portis opera eius , scilicet , quæ iudicio faciet , quia tunc fideles suos , & deuotos suscipiet , proteget , & defendet . Materia vero huius templi spiritualis fuerunt aurum , argentum , & lapides preciosi . Virgo enim Maria super fundamentum fidei edificauit aurum , idest animum . Deificatum , & diuino amore repletum . Edificauit argentum , idest corpus virgineum . Edificauit lapides preciosos , scilicet refulgentiam omnium virtutum . Causa vero finalis templi est duplex . Ad hoc enim fit templum , vt Deus ibi laudetur , & ut ibi habitare dignetur . Propter istum duplicem finem Deus istud templum spirituale construxit , scilicet propter Dei laudem , & sui habitationem . Sicut enim in templo Deus glorificatur , laudatur , & honoratur , sic & ipsa est ad Dei laudem , & gloriam , Dei lætitiā , & honorificentiam . Ideo dictum fuit in figura Iudith . 14 . Tu gloria Hierusalem , tu lætitia Israel , tu honorificentia populi nostri . In ipsa etiā tanquam in suo templo Dominus habitat sicut asseritur . Lucæ . 2 . Dominus tecum . Berni . Dominus pater tecum qui genuit quem concipis , & Dominus filius tecum quem carne tua induis .

*AFFERVNTVR PLVRES CAVSÆ, CVR
Beata Virgo terra dici possit. Sermo CXLIII.*

TERRA dicitur Maria multiplici de causa.

T Primò quauis terra sit omnium elementorum infima est tamen præ omnibus elementis magis adornata, sic B. Virgo præ omnibus sanctis fuit magis infima per humilitatem, sed magis ornata propter virtutum varietatem. Infimam se uocabat dicens Luc. 2. Respexit humilitatē ancillæ suæ, sed ornata virtutibus se ostendebat, dicens Eccl. 24. In me omnis gratia uitæ, & veritatis, in me omnis spes vitæ, & virtutis. Hieron. Cæteris sanctis gratia per partes præstatur Mariæ uerò se tota infundit gratiæ plenitudo. Ipsa siquidem fuit omnibus gratijs à Deo uisitata, amore Dei inebriata, & cunctis virtutibus locupleta. Psal. Visitasti terram, &c.

Secundò dicitur terra, quia licet videatur in superficie despecta, intus tamen continet preciosa, s. aurum, argentum, & lapides preciosos. Sic & Maria exterius videbatur despecta, tamen interius continebat cœlestē thesaurum, s. Dei filium. Can. 1. Nigra sum. s. exterius per conuersationem, sed formosa interius per filij Dei in meo utero habitationem. Psal. Omnis gloria eius filiæ regis.

Tertiò dicitur terra, quia licet sit multipliciter attrita est tu firmiter stabilita. Sic & Virgo Maria fuit multipliciter attrita in filij passione, iuxta illud Luc. 2. Tuam ipsius animam pertransibit gladius, sed tamen fuit fortis per constantem fidem Eccl. 1. Generatio præterit, generatio aduenit, terra uero in æternum stat. Nam generatio apostolorum præterit à fide, generatio Latronis, & Centurionis uenit ad fidem. Terra uerò. i. Maria in æternum stat, quia fidem eius semper seruauit.

Quartò dicitur terra, quia licet sit frigida, & sicca, est tñ supernorum luminarium maximè insipientiē susceptiua, sic & B. Virgo fuit sicca ab humore cupiditatis, & frigida ab oī concupiscentia carnalitatis, fuit tñ diuinarum influētiarum maximè susceptiua. Nam secundum Ber. In uentre fuit plena gratia deitatis, in corde gratia charitatis, in ore gratia assabulationis, & in

Sermo CXLIII.

& in manibus gratia misericordiae, & largitatis. Quintò dicitur terra, quia terra exterius venustatur plantis, & intus ditatur thesauris. in intimis est plena tormentis, quia ibi infernus esse prohibetur. Sic & Virgo Beata fuit exterius ornata venustatè morum, interius ditata thesauro virtutum, in intimo cordis vulnerata doloribus tormentorum. Lucæ. 2. Tuam ipsius animam pertransibit gladius. Cant. 1. Nigra sum, sed formosa filiae Hierusalem sicut pelles Salomonis, quæ erant rubricatæ. Ipsa enim fuit nigra, & denigrata in filij passione præ vehementia doloris, sed erat formosa decore virtutis, & rubicunda feruore conuersationis. Sextò dicitur terra, quia sicut dicit August. in lib. de Trin. bona terra est altitudine montium, temperamento collium, & plantitiæ camporum. Sic Virgo Beata fuit bona terra per cœlestium contemplationem. Ecclesiast. 24. Ego in altissimis habito. Fuit temperata per discretionem. De cuius temperamento discretionis dicitur. Luc. 2. Maria autem conseruabat omnia verba hæc conferens in corde suo. Fuit plana per humilem conuersationem, quia cum Apostolis, & cæteris mulieribus sanctis conuersabatur. Act. 2. Vbi enumeratis omnibus Apostolis, in fine concludit Lucas. Hij omnes erant perseuerantes in oratione cum Maria matre Iesu.

EX TRIBVS BEATA VIRGO ASSIMILANDA est terra. Sermo CXLV.

TERRAE assimilatur Virgo Maria. Quæ quidem fuit terra bona, terra bono semine seminata, terra fecundata, & terra ad germinandum apta.

Primò quidem fuit terra bona. Bona autem terra secundum Virgilium cognoscitur per tria, scilicet per colorē, quia nigredo attestatur bonitati terræ. Secundo per saporem, quia si gleba terræ aqua aspergitur, & ad gustum ponitur, si est dulcis est bona, si est salsa est mala. Tertio per fossæ repletionē, quia si fossa repleta post aliquod tempus deficit mala est, si fuerit æquata erit mediocriter, si superabundauit erit optima. Istis tribus modis cognoscitur, quòd Beata Virgo fuit bona

bona terra. Primò per nigredinem humilitatis. Cantic. 1. Nigra sum, sed formosa. Homo qui diutius stat ad calorem Solis color eius nigrescit, & decoloratur. Christus enim qui est Sol verus nouem mensibus in utero Virginis habitauit. Et ideo non fuit mirum si ipsam nigram, & humilem fecit, & ipsam ab omni colore mundano decolorauit. Ideo ipsa dicit. Nolite me considerare, quòd fusca sim eo, quòd decolorauit me Sol. Secundò cognoscitur fuisse bona terra per saporem, quia tota fuit dulcis, & suauis. Cantic. 6. Pulchra es amica mea suauis, & decora. Bernard. Quid ad Mariam trepidet accedere humana fragilitas nihil in ea austerum reperiens, nihil terribile tota suauis est, & omnibus omnia facta est, & omnibus misericordiæ sinum aperit, ut de eius plenitudine accipiant vniuersi. Tertio cognoscitur fuisse bona terra per fossæ repletionem, quia à corde suo omnem amorem mundanum effodit, & sanctis meritis illud adimpleuit, & superabundauit. In omni enim opere suo superabundauit. Non enim tantum præcepta, non tantum consilia, sed in ipsis consilijs superabundauit. Nam consilio paupertatis addidit nihil proprium possidere, nec in speciali, nec in communi. Consilio virginali addidit seruare castitatem virginalem. Consilio obedientiæ addidit non solum obedire suo superiori, idest Deo, non solum suo æquali, idest Ioseph sponso suo, sed etiam suo inferiori, idest, Helisabeth in cuius obsequium tribus mensibus mansit.

Secundò ista terra fuit bono semine seminata. Nam Deus in agrum uteri sui seminauit semen æternum, antiquum & nouum, idest Deitatem suam, quæ est æterna, carnem suam, quæ est antiqua, idest ab Adam producta, & animam, quæ de nouo fuit creata. De hijs tribus seminibus tanquam ex tribus farinis, factus est ille panis cœlestis, qui dicit. Ioan. 6. Ego sum panis viuus qui de cœlo descendi. Istud signatum est. Genes. 18. Vbi Abraham, idest Deus pater dixit Saræ, idest Virgini Mariæ. Accelera tria fata simile, & commisce, & fac panes subcineritios. Tunc enim Sara, idest Virgo Beata tria fata farinæ miscuit quando Christum existentem in hijs tribus substantijs de suis uisceribus generauit.

Tertiò

Tertiò ista tertia fuit secunda. Bona enim terra generat
 siue facit fructum tricesimum, melior sexagesimum, opti-
 ma centesimum, Istum triplicem fructum terra virginalis
 protulit. Ipsa enim fuit nupta. Et quantum ad hoc protu-
 lit fructum tricesimum. Ipsa fuit vidua derelicta quando
 Ioseph sponsus suus defunctus fuit. Et quantum ad hoc
 protulit fructum sexagesimum. Ipsa fuit Virgo perpetua.
 Et quantum ad hoc protulit fructum centesimum. Quarto
 ista terra fuit apta ad germinandum. Isa. 45. Aperiat ter-
 ra, & erumet Saluatorem. Ipsa enim aperuit animum
 suum ad consentiendum quando dixit. Ecce ancilla Domi-
 ni. Vbi dicit Bernard. Surge curre aperi. Surge per fidem.
 Curre per deuotionem. Aperi per confessionem, Respon-
 de verbum, suscipe verbum, profer tuum, suscipe diuinum,
 emitte transitorium, amplectere sempiternum. Secundo
 aperuit uterum ad concipiendum. Eius enim uterus fuit
 clausus omni viro, sed apertus Christo, ideo signatur per por-
 tam de qua dicitur. Ezech. 44. Quæ semper clausa fuit, &
 nullus per eam nisi Dominus introiuit. August. Quid est hæc
 porta clausa erit, nisi Maria, quæ semper intacta fuit. Et
 quid est vir non transibit per eam, nisi quia Ioseph non co-
 gnouit eam. Tertiò aperuit os suum ad benedicendum cum
 dixit. Magnificat anima mea Dominum. Psalm. Aperi os
 tuum, & implebo illud. Et bene dixit adimplebo, quia cum
 alias parce locuta fuerit, tamen prolixè locuta fuit, quan-
 do Deum benedixit. Econtrariò uerò nos sumus multum in
 verbis inutilibus prolixi, in laudando uerò Deum sumus mul-
 tum auari. Quarto aperuit os suum ad miserendum. Za-
 char. 11. Aperi libane portas tuas. Libanus interpretatur
 candidatio, & signat Virginem Mariam totam pulchram,
 & candidam, quæ habet in se tres portas, scilicet, poten-
 tiæ, sapientiæ, & misericordiæ. Et ideo dicit portas in
 plurali. Quidam enim peccant per infirmitatem huma-
 nam, illis aperit portam suæ potentiæ, quia dat eis uirtutem
 resistendi. Alij peccant per ignorantiam illis aperit por-
 tam suæ sapientiæ, quia dat eis cognitionem sciendi. Alij
 peccant per malitiam, illis aperit portam suæ misericor-
 diæ,

dix, quia dat eis gratiam penitendi. Quintò aperit manum suam ad largiendum. Prouer. ult. Manum suam aperuit inopi. Aperuit quidem manum suam bonis, largiendo eis gratiā. Malis obtinendo misericordiam. Temperatis dando resistentiam, mortuis introducendo in gloriam. Propter ista quatuor dicitur. Maria mater gratiæ, mater misericordiæ, &c.

DISPENSATRIX BEATA VIRGO
est triplicis thesauri Dei. Sermo CXLVI.

THESAURARIA Dei est Virgo Maria. Habet enim Deus triplicem thesaurum, scilicet, potentiæ, sapientiæ, & misericordiæ. Thesaurus potentiæ est patris, sapientiæ filij, misericordiæ Spiritus sancti. Istum triplicem thesaurum Deus commisit dispensandum Virgini gloriosæ.

Primò quidem pater sibi commisit thesaurum suæ potentiæ intantum, quòd ipsa potenter Deum traxit, potenter diabolum contriuit, & potenter nos in gloriam introducit. Potenter quidem Deum traxit, quando virtute suæ humilitatis, virginitatis, & charitatis Deum in suum uterum uenire fecit. Magna enim potentia est vincere inuincibilem, uincere omnipotentem, superare illum quem cœli capere non poterant, & in suo utero continere. Can. i. Cum esset rex in acubitu suo, idest in sinu patris, nardus mea dedit odorem suum. Nardus est herba parua, & virtuosa. Inquantum est parua significat humilitatem, inquantum est odorifera significat virginitatem eius, inquantum est virtuosa significat eius virtuosam operationem. His tribus virtutibus virginis Christus electus, scilicet virginitate, humilitate, & charitate in eius uterum descendit. Secundò potenter diabolum contriuit. Magna quidem potentia est illum contere. Iob 51. Non est potestas super terram, quæ compareretur ei, qui factus est, ut nulum timeret. Genes. tertio. Ipsa conteret caput tuum. Non enim solum in serpente infernali ipsa cōtriuit caudam, idest consumationem, & malum actum. Non solum corpus, idest malum consensum, sed etiam caput, idest malam

sugge-

Sermo CXLVI.

suggestionem, & malum cogitatum, quia nunquam nec minimam cogitationem in eius cor immittere potuit. Tertiò potenter nos in gloriam introducit. Magna potentia est hominem tam infimum ducere ad cælum. Ista enim potestas data est Virgini Mariæ, vt in cœlestem Hierusalem animas introducat. Eccl. 24. In Hierusalem potestas mea. Ista tria quando sibi ad memoriam ueniunt magnum gaudium sibi faciunt. Magnum gaudium habet de eo, q̃ sic Deum traxit, de eo q̃ diaboli malitiam sic euasit, & de eo, quòd hominem ad cælum introducit. Vnde in figura huius dicitur Iudith 3. Non permisit me Dominus ancillam suam coinquinari, sed sine peccato, & pollutione reuocauit me gaudentem in victoria sua, idest de eo, quòd ipsum per meam humilitatem deui ci, quæ tamen sua victoria est, quia gratia sua adiuuante hoc feci in euasione mea, idest de eo, quòd penitus malitias euasi, in liberatione uestra. i. de eo, quòd de periculis mundi uos liberaui, & in cælum deduxi.

Secundò filius commisit sibi thesaurum suæ sapientiæ in tantum q̃ ipsa primo Dei cognitionem tribuit, ideo uocatur mater agnitionis. Eccl. 24. Ego mater pulchrę dilectionis, &c. Secundò per mare huius mundi sapienter nos dirigit, & ad portū nos deducit, ideo uocatur stella maris. Tertiò actus nostros sapienter dirigit, & disponit. Prouer. 14. Sapiens mulier, idest Virgo beata, edificat domum suam, idest gubernat sanctam ecclesiam. Insipiens, idest Eua estructam quoque destruet manibus, quando, scilicet, manus suas ad pomum vetitum porrexit.

Tertiò Spiritus sanctus commisit sibi thesaurum suæ misericordiæ, & istum thesaurum ipsa dispensat largiter sine aliqua retentione. Prouer. vlt. Mannam suam aperuit inopi, & palmas suas extendit ad pauperes. Secundò dispensat communiter sine personarum acceptione. Vnde ipsa omnes communiter inuitat, & dicit. Transite ad me omnes, qui concupiscitis me, &c. Tertiò dispensat uelociter sine magna præcum multiplicatione. Vnde ipsa potest dicere illud Iob trigessimoprimo. Si oculus uiduæ, idest animæ Christi præsentia uiduata expectare feci, &c. Seruat enim quod

quod dicitur Eccl. 4. Cor inopis ne afflixeris, & ne protrahas donum angustianti. Quartò dispensat sapienter, quia in maiori subuenit necessitate. Tunc enim maior eius sentitur pietas, quando maior sentitur necessitas, ideo uocatur Luna. Nā Luna est vicina terræ, lucet in nocte, & lucet absente Sole. Ipsa enim est vicina peccatoribus, citò eis misericordiam impendendo. Ipsa lucet in nocte aduersitatis patientiam tribuendo. Ipsa quando Sol, i. Deus se abscondit alicui lucet gratiam impendendo.

*VT THRONS MODO STAT PRO SOLIO,
modo pro ordine angelico, ita Beata Virgini
attribuitur. Sermo CXLVII.*

TH R O N V S dupliciter accipitur. s. pro solio regali, & pro ordine supremę hierarchiæ, qui dicitur ordo thronum. Et quantum ad istas duas acceptiones virgo Maria potest dici thronus.

Primò quia ipsa fuit thronus. i. sedes, & solium summi regis in suo utero, & nunc est in mundo, & erit in iudicio. Christus enim fecit ipsam thronum suum dum esset in utero suo. In huius figuram dicitur 3. Re. 10. Fecit Rex Salomon thronum de ebore grandem, & uestiuit eum auro fuluo nimis. Iste enim thronus fuit de ebore per virginitatem, & fuit de auro per feruentem charitatem, & fuit grandis per humilitatem. Nam quanto hic fuit humilior, tanto coram Deo fuit sublimior. Christus igitur requieuit in eius virginitate, quia diligit mundiciam, requieuit in eius charitate, quia diligit fraternā concordiam, requieuit in eius humilitate, quia diligit mentē tranquillam. Secundò ipsa est thronus Dei peccatoribus, qui sunt in mundo. Ideo dicitur Heb. 4. Accedamus cum fiducia ad thronum gratiæ. Aliqui peccant ex amore malę inflammatae sicut Dauid, qui malo amore inflammatus in adulterium cecidit. Et sicut Matthæus, qui terrena cupiditate allectus illicita lucra exercuit, isti ad istum thronum accedentes inueniunt misericordiam, ideo subdit. Ut misericordiam consequamur. Alij peccant ex ignorantia, & cecitate sicut Apo-

stolus

Sermo CXLVII.

Stolus, qui dicit. Ignorans feci in incredulitate. Isti ad istum thronum accedentes inueniunt gratiā. Et ideo subdit. Ut gratiam inueniamus in tēpore opportuno. Tertiò ipsa erit thronus Christi in iudicio, & hoc quantū ad illos, qui erūt à dextris. Solus Christus iudicabit. Apoc. 12. De throno procedent fulgura, & uoces, & tonitrua. Ipse enim Christus omnes citabit dicens. Surgite mortui uenite ad iudicium. Et talis citatio dicitur tonitruum, qui non expergiscitur, non dormit; sed mortuus est. Citatos examinabit dicens. Esuriui, & non dedistis mihi manducare, &c. Vltimò contra sic citatos, & examinatos sententiā fulminabit dicens. Ite maledicti, &c. Et istud est fulgur, quod de throno pcedit. Illi uero qui erunt à dextris ad Virginem gloriosam, tanquam ad thronum gratiæ, & misericordiæ confugient. Psal. Thronus eius sicut Sol in conspectu meo. Ipsa. n. in iudicio existens erit sicut Sol coram Deo, quia præ ceteris habebit maiorem splendorem, & maiorem calorem gratiæ. Et erit sicut Luna perfecta, quia contra tenebrosam Dei indignationem erit deuotis suis ad lucē & consolationem. Et erit sicut testis fidelis, quia coram filio suo bonum testimonium perhibebit. Vnde dicit ecclesia. Recordare uirgo mater dum steteris in conspectu Dei, ut loquaris pro nobis bona, & ut auertas indignationem suā à nobis. Sicut Sol refulgendo, ut loquaris pro nobis bona, scilicet, pro nobis apud tuum filium testimonium perhibendo, & ut auertas indignationem suam à nobis ipsum reconciliando.

Secundò dicitur thronus ex eo, q̄ habet proprietates Angelorum, qui throni dicuntur, quæ quidem sunt sex secundū beatum Diony. Prima est maxima celsitudo, quæ B. Mariæ conuenit, quæ ut dicitur Eccl. 24. Ego in altissimis habito, & thronus meus, &c. Ipsa enim habitat in altis, quia super omnes sanctos est exaltata. Habitat in altioribus, quia super omnes Angelos est sublimata. Habitat in altissimis, quia à dextris filij est collocata. Vnde dicitur in figura 2. Reg. 2. Positus est thronus matris regis, quæ sedet ad dextram eius. Secunda proprietas thronorum est regis circumdatio, quæ sibi conuenit. De qua dicitur Hierc. 31. Nouum faciet Dominus super terram fœmina circumdabit uirum. Vbi triplex nouitas
notatur

notatur. Prima est, quia circumdat. i. sine corruptione generat. Ber. Illud. n. est circumdatum, quod est ex omni parte clausum. Secunda est, quia circumdat virum Ber. Si dixisset infan- tem, vel paruulum, nec nouum uideretur nec mirum, quia vir erat Iesus necdum natus sapientia non ætate, non corpore, sed animi vigore. Dicitur. n. vir non pp ætatem, sed pp sapien- tiæ plenitudinem quam habuit ab instanti cōceptionis. Ter- tia est, quia dī super terram. Ecclesia quidem quotidie gene- rat filios in cœlo sine corruptione, & cum gratiæ plenitudine ubi obitus sanctorum dicitur natale, quia tunc sancti nascū- tur in cœlo. Et istud non est nouum. Sed q̄ ista talis genera- tio fiat super terram, istud est omnium nouorum nouissimū. Tertia proprietas thronorum est stabilis collocatio, & ista proprietas conuenit beatæ Mariæ similiter, quæ fuit stabilis filio in vita, in morte, & post mortem. Nam in vita stabilis fuit per amorem, quia nunquam ab eius amore discessit. In morte fuit stabilis per associationem, quia iuxta crucem suam semper stetit. Et post mortem fuit stabilis per fidem, & per amorem. Non enim sicut Apostoli, qui discesserunt à fi- de, sed non ab amore, nec a sancta societate sicut sanctæ mu- lieres, quæ semper iuxta crucem steterunt. Virgo autem bea- ta immobilis semper stetit, & in fide, & in amore, & in socie- tate. Quarta proprietas thronorum est regis susceptio, & ista etiam conuenit beatæ Mariæ, quæ excellentiori modō Christum suscepit. Omnes. n. tam boni quàm mali suscipiūt Christum per præsentiam, & essentiam. Boni verò suscipiūt per inhabitantem gratiam. Virgo autem beata Christū susce- pit per gratiæ plenitudinem in mente, & per præsentia corpō- salē in uentre. Quinta proprietas thronorum est regis dilatio & ista similiter conuenit B. Mariæ, quæ Christum de cœlo de- tulit. Iō vocatur ferculum à ferendo. Cant. 5. Ferculum fecit sibi Rex Salomon, &c. Vocatur & nubes. Isaia 19. Ascen- det dominus super nubē leuem, & ingreditur in Aegyptū. Ipsa enim tanquam pluuiam salutarem compluit. Isa. 45. Nubes pluant iustum. Vocatur etiam nauis. Prouerb. ulti- mo. Facta est quasi nauis institutis de longe portans panem suum. Sexta proprietas thronorum est familiaris appari- tio,

Sermo CXLVIII.

tio, & ista similiter cōuenit beatæ Mariæ. Familiarius enim, & apertus sibi Christus mysterium incarnationis reuelauit, quam cæteris sanctis, vel etiam angelis. Nam Salomon dixit se illud ignorare Proverb. 30. Tria sunt mihi difficilia, & quartum penitus ignoro, quod est via viri in adolescentia. Ioannes etiam Baptista se non sufficere soluere corrigiam calciamenti eius, idest, exponere profunditatem tanti mysterij. Gabriel etiam de modo requisitus ipsum non exposuit, sed ad Spiritum sanctum remisit dicens. Spiritus sanctus superueniet in te, &c. Bern. super Missus est. Ac si dicat Angelus. Quid à me requiris, quod in te mox experies. Sciens, scies, & feliciter scies, sed illo doctore quo & actore. Ego sum missus nunciare virginalem conceptum non creare. Virgo autem Maria non tantum illud mysterium sciuit per infusam sapientiam, sed maxime per experientiam. Ber. Qualiter ille, idest, splendor inaccessibilis virginis se infuderit uisceribus soli datum est scire cui datum est experiri.

**CVM BEATA VIRGO TURBATA EST IN
salutatione Angeli, qua consideranda ueniant. Sermo CXLVIII.**

TURBATA est Maria in sermone, & cogitabat qualis esset ista salutio. In his uerbis ex parte Virginis ponuntur duo. scilicet eius turbatio, & eius prudens cogitatio. Ex parte angeli ponuntur alia duo. angelica confortatio, & nascituri filij commendatio.

Primò igitur ponitur Virginis perturbatio cum dicitur. Turbata est in sermone eius. Non est turbataurbatione impatientiæ, sedurbatione pudoris, timoris, & admirationis. Est ergo turbata, idest, verecundata, vel expauesacta, vel admirata. Primò igitur est turbata, idest, verecundata. Angelus quidem sibi apparuit in forma iuuenis pulcherrimi. Non enim sibi apparuit in ætate senili, quia illa ætas dicit defectum in uirtute; & sensu, nec apparuit in ætate puerili, quia licet illa ætas dicat nouitatem, tamen dicit imperfectio-

nem,

nem. Et ideo fuit conueniens, vt in ætate iuuenili, & medio-
cri apparetet, quia illa ætas dicit nouitatem, & perfectionem,
& ille uenerat nunciare illum, qui nouus erat quantum ad hu-
manitatem, & perfectus quantum ad diuinitatem. Beata igi-
tur Virgo illum pulcherrimum iuuenem videns, & nō cogno-
scens eum angelum esse, & se solam cū eo in thalamo vidēs
fuit nimis turbata i. uerecundata. Hiero. ad Eustochium. Ma-
ria tantæ puritatis extitit, vt mater dñi esse meretur, ad
quam cum Gabriel Angelus in viri specie descendisset con-
sternata, & perterrita respondere non potuit. Nunquam. n.
à viro aliquo fuerit salutata. Ambrosius super Lucam. Tre-
pidare quidem virginum est, & ad omnes virorum ingres-
sus pauere, omnes eorum affatus vereri. Discant ergo mu-
lieres propositum pudoris imitari. Disce virgo verborum
vitare lasciuia. Maria etiam angeli verebatur salutatio-
nem. Bernard. super Missus est. Solent virgines quæ verè
virgines sunt esse pauidæ, & vt timenda caueant etiam tuta
pertimescere. Proinde quicquid nouum, quicquid subitum
fuerit totum suspicatur infidias totumque extra se reputant
machinatum. Secundò fuit turbata. i. expauescēta. Ange-
lus quidem cum luce, cum candida, & luminosa veste sibi ap-
paruit, & ideo ex tali fulgore expauescēta fuit. Non enim
venit Angelus in veste nigra, sed fulgida, & candida. Quod
quidem conueniebat triplici ratione. s. ratione annuncian-
tis, quia candor vestimenti designabat fulgorem, & clarita-
tem angeli. Secundò ratione annuncianti, quia annuncia-
batur ille, qui est candor lucis æterne, & speculum sine
macula. Tertiò ratione illius cui fiebat annuntiatio, quæ
fuit tota candida, & ab omni peccato penitus aliena. Cuius
conceptus fuit purissimus, & partus mundissimus. Beata igitur
Virgo videns angelum cum tanta claritate venientem, & cū
tam fulgida veste fuit turbata. i. expauescēta. Vnde cantat ec-
clesia. Et expauescit Virgo de lumine. Tertiò fuit turbata. i.
nimis admirata. Et maxime de duobus. Primò de eò quòd
Angelus clauso ostio intrauit. Ber. vbi supra. Non est suspi-
candum, quòd angelus apertum inuenerit Virginis ostiolum
cui nimirum erat in proposito frequentias hominum fugere,

Sermo CXLVIII.

colloquia uitare, ne uel orantis silentium turbaretur, uel continentis castitas tentaretur. Nec fuit ei difficile per ostiolum clausum Virginis abdita penetrare, cui utiq. ex naturæ suæ subtilitate, & licet corpus quantūcunq; solidū, uel spissum peruium est ac penetrabile. Secundò admirata fuit de eo q̃ tam nouam, & inauditam salutationem sibi fecit. s. q̃ Deus debebat esse secum non tantum in mente per gratiam, sed etiam in ventre per susceptam naturam humanam. Petrus Rauen. Quamuis motu blando, affectu pio Virginem sibi Deus in matrem, famulam sibi uerteret in parentem, viscera tamen eius turbata sunt, ipsa quoq; conditio cum eius conditor Deus quem tota creatura non capit, totum intra Virginis pectus se recipit. Nam ut angelum uidit eius mens contremuit, & in eius ingressus sensit deitatis ingressum.

Secundò ponitur ipsius Virginis prudens cogitatio cum dicitur. Cogitabat qualis esset ista salutatio. Circa quattuor versabatur eius consideratio. Primò circa salutantis qualitatem utrum. s. esse bonus nuncius, uel non. Sciebat enim quòd diabolus se in angelum lucis sæpe transfigurat, sed tamē Dei reuelatione statim cognouit, quia erat bonus angelus, & specialis Dei nuncius. Bernard. ubi supra. Sciebat nempe Virgo prudens, quòd frequenter angelus Sathanæ sæpe se in angelum lucis transfigurat. Sed quia simplex, & humilis erat nil tale de sancto angelo penitus æstimabat de ipso angelo. Et ideo qualis esset ista salutatio cogitabat. Secundò eius salutatio versabatur circa salutantis nonitatem, quia nunquam auditum est à sæculo, quòd aliqua fœmina ab aliquo angelo sit uocata benedicta, uel plena gratia. Et ideo talis nouitas uerborum eam quodammodu turbauit, & eam in admirationem adduxit. Petrus Rauennas. Angelus uenerit in specie blandus, in sermone terribilis humana proferens, diuina promittens. Vnde & Virginem quam leniter sollicitauit visus, turbauit auditus. Augustinus in sermone de Annunciatione. Post illius benedictionis præfagium terretur Virgo nouitate uerborum. Tertio eius cogitatio uersabatur circa suam indignitatem, quia non reputabat se dignam Angeli uisione, & salutatione. Ber. ubi supra.

supra. Nimirum indignam sese angelica salutatione, & visione reputabat, & forsan in mente talia meditando voluebat. Vnde hoc, vt angelus domini ueniat ad me? Quæ ratio eius cogitatio uersabatur circa Dei bonitatem; quæ tanta erat, quòd per ipsam humanum genus saluare, & redimere disponebat. Bernard. ubi supra. Vt quid Virgo debitam tibi dixeris gratiã Angelorum, quæ inuenisti gratiam apud Deum. Inuenisti quæ ante te inuenire nemo potuit, gratiam uidelicet apud Deum. Quam gratiam & Dei & hominum pacem, mortis destructionem, uitæ reparationem. Hieronymus in sermone de Assumptione. Hæc est quæ cœlis gloriam dedit, Deum terris, gentibus fidem, uitijs finem, uitæ ordinem, moribus disciplinam. Ista quatuor diligenter reuoluens in corde suo noluit statim respondere, sed cogitabat qualis esset ista saluatio. Petrus Rauennas. Cito nanque respondere fatuitatis est humanæ, cogitare uerò ponderis est maximi, & iudicij permaturi. Bernard. ubi supra. Turbata est, sed non perturbata. Quod ergo turbata est fuit uerecundiæ uirginalis, quòd uerò non perturbata, fuit fortitudinis, quòd uerò tacuit, & cogitauit prudentiæ. Turbatus sum, inquit, Propheta, & non sum loentus, & cogitauit dies antiquos. Sic Maria turbata est, sed non fuit locuta, sed cogitabat qualis esset ista saluatio. Ex parte uerò angeli duo ponuntur.

Primo eius confortatio cum dixit. Ne timeas Maria, &c. In hoc enim cognoscitur Angelus bonus à malo, quia bonus Angelus in principio terret, in medio confortat, in fine lætificat. Ideo iste Angelus in principio Virginem terruit, quando ipsa turbata fuit. In medio confortauit, quando dixit, ne timeas Maria. In fine lætificauit, quando grauidam de Dei filio dereliquit. Angelos uerò malus, quando se in angelum lucis transfiguratur, in principio multum terret, in medio diuersis tentationibus multum conturbat, in fine uerò multum contristat. Et quoniam Deus illa quatuor uidetur Angelo reuclasse, circa quæ cogitatio Beatæ V I R G I N I S uersabatur, ideo Angelus ad illa quatuor per or-

Sermo CXLVIII.

dinem respondit. Primò enim eius cogitatio uersabatur circa salutaris qualitatem, utrum, scilicet, esset bonus angelus, uel non. Ideo dixit sibi. Ne timeas Maria, nihil hic doli, uel fallaciæ, nullas hic insidias suspiceris. Non sum homo, sed spiritus, non Sathanæ, sed angelus Dei. Secundò uersabatur eius cogitatio circa salutationis nouitatem, quia multum mirabatur, quòd Angelus plenam gratia uocauerat cum hoc nunquam auditù foret. Ideo dixit ei Angelus. Inuenisti gratiam apud Deum. Vt dicit Petrus Rauennas. Ne timeas Maria. Timet siquidem non qui inuenit, sed qui perdit. Quid ergo timer, qui securitatem concipit rerum, parit gaudia seculorum. Timor non est ubi diuinum negocium est non humanum. Quid timer Maria cui iudex est causa assertor integritas, testis innocentia? Tertiò uersabantur eius cogitationes circa suam indignitatem, quia non reputabat se dignam Angeli uisione, vel salutatione. Ad quod respondet Angelus dicens. Ecce concipies, & paries filium. Ac si dicat. Quæ concipies Dei filium digna es proculdubio uidere Angelum. Quæ es mater Dei, digna es salutari ab Angelo Dei. Bernardus super Missus est. Ne timeas Maria. O si scires quantum tua humilitas altissimo placeat, quanta de te apud ipsum maneat sublimitas, angelico te indignam, nec alloquio, nec obsequio iudicares. Non miteris Maria, quòd Angelus ad te uenit, nam & maior Angelo uenit. Non miteris Angelum dominicum, nam & Dominus angeli tecum. Postremò quidem Angelum videas, cum iam angelicè uiuas.

Quartò uersabatur eius cogitatio circa Dei bonitatem, quæ tanta erat, quòd ipse ipsam Dominus humanum genus saluare disponebat. Et istam suam cogitationem Angelus approbat, dicens. Vocabis nomen eius Iesum, Hebraicè, Sothet Græcè, Latine Saluator dicitur. Hoc enim nomen est, quod cæcis uisum, surdis auditum, claudis gressum, mutis sermonem, uitam mortuis dedit, totamque diaboli potestatem de obsessis corporibus uirtus huius nominis effugauit.

Secundò ponitur ex parte angeli filij nascituri commendatio cum dicitur. Hic erit magnus, & filius altissimi vocabitur. Dicitur enim Christus fuisse magnus, & parvus. Nam dicitur fuisse maior angelo, & minor. Maior iuxta illud. Heb. 1. Tanto melior angelis effectus, quanto differentius præ illis nomen hæreditavit. Minor iuxta illud Psalm. Minuisti cum paulominus ab angelis. De Domino enim Iesu Christo est loqui secundum quatuor modos. Primo de ipsa persona ratione diuinæ naturæ, & quantum ad hoc ipse est maior angelis, & Rex, & Dominus angelorum. Secundo de persona ratione humanæ naturæ, & quantum ad hoc potest dupliciter considerari, vel secundum quòd ipsa natura humana est vnita diuinæ, & iterum maior est omnibus angelis, vel secundum quòd consideratur in se circumscripta diuinitate, & secundum hoc est minor singulis. Quantum ergo ad primos tres modos maior est angelis, & sic intelligitur uerbum Apostoli qui dicit. Tanto mellor, &c. Quantum uero ad quartum modum est minor angelis, & secundum hoc intelligitur uerbum Prophetæ qui dicit. Minuisti cum paulominus ab angelis.

PULCHRA SVNT, QVÆE CONVENIUNT, ut uas Dei dicatur Beata Virgo.

Sermo CXLIX.

VAS Dei fuit Virgo maria. Fuit enim vas purum, & nouum, vas profundum, vas solidum, vas admirandum, vas admirabile, & vas aromaticum.

Primo igitur fuit vas purum, & nouum. 3. Regum 2. Auferre mihi vas nouum, & mittite in illud sal. Istud autem vas nouum fuit uterus virginis, qui fuit nouus, quia ab omni uetustate culpæ fuit penitus mundus. In istud vas sal sapientiæ fuit missum, quando Christus qui est Dei sapientia in eius uterum intrauit. Non solum autem istud vas fuit nouum, & purum, sed etiam purissimum. Prou. 25. Aufer rubiginem de argento, & egredietur vas purissimum. Triplex enim rubigo genus humanum occupauerat. Prima est rubigo culpæ

A a 4 origina-

Sermo CXLIX.

originalis. Psal. Ecce enim in iniquitatibus cōceptus sum, &c. Ista rubigo ab ipso vase Dei fuit ablata in sui sanctificatione, quando, scilicet in utero matris fuit sanctificata. Psalm. Sanctificauit tabernaculum suum altissimus. Secunda est rubigo culpæ actualis. Prouer. 20. Quis potest dicere mundum est cor meum? purus sum à peccato? Ista rubigo fuit ab ipso vase Dei ablata in Spiritus sancti superuentione, & filij Dei cōceptione. Quamuis enim nunquam venialiter peccauerit, tamen ex tunc peccare nō potuit, Spiritu sancto ab ea liberum arbitrium non auferente, sed in bono confirmante. August. in libro de natura, & gratia. Excepta Dei genitrice Maria si omnes sancti, & sanctę Dei dum adhuc viuerent interrogati fuissent vtrum siue peccato essent, omnes vna voce clamassent. Si dixerimus quia peccatum non habemus ipsi nos seducimus, & veritas in nobis non est excepta inquam Sancta Virgine, de qua cum de peccatis agitur propter honorem Dei nullam prorsus volo quæstionem habere. Tertia est rubigo pēnalitatis, quia multæ pēnalitates tam mentales, q̄ corporales hominem circundat propter quod clamat Apostolus. Rom 7. Infelix ego homo, quas me liberabit de corpore mortis huius? Ista rubigo fuit ab ipso vase ablata in sui Assumptione, quia tunc corpus suum induit immortalitatem, & animæ impassibilitatem. Potest igitur esse verbum patris ad Spiritum sanctum, vt sibi dicat de argento, idest de corpore, & animæ Mariæ fulgido. Aufer rubiginem culpæ originalis, & egredietur vas purissimum. Aufer omnem rubiginem omnis culpę actualis, & egredietur vas purissimum, aufer omnem rubiginem omnis pēnalitatis, & egredietur vas purissimum. Secundo fuit vas profundum, quia per profundam humilitatē, & ideo profundē meruit Dei gratia adimpleri. Cor nostrum est vas quod tunc profundē foditur, quando homo profundē humiliatur. Sed sunt quidam quorum cor tantum cauatur, & foditur in superficie, quia habent solū humilitatē in ore, & in exteriori cōuersatione, superbiam vero in corde. Eccl. 24. Est qui nequiter se humiliat, & interiora eius plena sunt dolo. Alij sunt qui habent cor fossum & concavum usq; ad medium, sicut sunt serui Dei, qui sic humiliantur exterius

in signo cōversationis, sic interius humiliantur in medio cordis. De quibus dñ. Mich. 6. Humiliatio tua in medio tui. Nul-
 lus unquam fuit qui ita cor concāuum habuerit. usque ad
 fundum qui se humiliauerit sicut Christus, & B. Virgo. Ille. n.
 profundè se humiliat qui inferius descendere non pōt, sicut
 fecit Christus quando descendit ad susceptionem nostræ na-
 turæ, & usque ad tolerationem pœnæ. Phil. 2. Exinaniuit se-
 metipsum, &c. Sic etiam B. Virgo non potuit se profundius
 humiliare cū esset mater Dei dixit se ancillam, & pedissequā
 Dei. Et quia profundius humiliavit se quā aliqua creatura,
 ideo tantam gratiam recepit quantam aliqua pura creatura
 recipere non potuit. Terriò fuit uas solidum, quia nunquam
 frangi potuit. Eccl. 30. Quasi uas auri solidum ornatū omni
 lapide precioso. Cæterę mulieres franguntur in conceptu per
 uiolentiam, franguntur in partu per dolorem, & afflictio-
 nem, franguntur in uia per multorum peccatorum perpetra-
 tionem, quia quodlibet peccatum frangit cor humanum. Ec-
 cles. 21. Cor fatui quasi uas confractum, omnem sapientiam
 non tenebit, Franguntur in obitu per incinerationem. Virgo
 autem Maria fuit uas solidū quia in suo conceptu habuit in-
 tegritatem, in partu iocūditatē, in uita peccati immunitatē,
 in obitu induit immortalitatem. Quartò fuit uas admirādū.
 Eccle. 41. Vas admirabile opus excelsi. Si n. esset aliquod uas
 quod maius seipso contineret illud esset uas mirabile. Rursus
 si esset aliquod uas, quod uinum, & aquam sine aliquo mē-
 dio simul contineret, & tamen nulla commixtio fieret, illud
 esset uas mirabilissimū. Tale uas fuit Virgo Beata, quia il-
 lud quod in utero suo continebat maius seipsa erat. Vnde di-
 cit August, & cantat Ecclesia. Sancta & immaculata uirgi-
 nitas quibus te laudibus efferam nescio, quia quem cœli ca-
 pere non poterant tuo gremio contulisti. Ipsa enim existens
 clausa conceptum filij Dei recepit. Existens clausa similiter
 in partu ipsum effudit. Ideo uocantur. Cant. 4. Hortus con-
 clusus fons signatus. Ipsa etiam in uase sui uteri habuit uinū
 diuinitatis, & aquam humanitatis, & tamen nulla facta est
 commixtio, seu confusio naturarum. Vnde cantat Ecclesia.
 Deus homo factus, id quod fuit permansit, & quod non erat
 allūpsit,

assumpsit, non commixtionem passus, neque diuisionem. Quinto fuit vas aromaticum. In eius enim utero, & animo fuerunt omnes species aromatum omnium virtutum, de quibus ipsa dicit. Eccles. 24. In me omnis gratia vitæ, & veritatis, in me omnis spes vitæ, & virtutis. Nam ibi est species aromatica, quæ vivificat mortuos, ideo dicitur. In me omnis gratia vitæ. Ibi est alia, quæ illuminat cæcos. Et ideo dicitur. Et veritatis. Ibi est alia, quæ sanat infirmos, & desperatos. Ideo dicitur. In me omnis spes vitæ. Ibi est alia, quæ corroborat, & confirmat debiles, & languidos. Ideo subditur, & virtutis. In isto etiam vase continentur vnguenta contra omnes infirmitates. Nam ibi est vnguentum quod deprimat tumorem superbix, scilicet consideratio suæ humilitatis. Aliud est ibi quod extinguit sitim auaritiæ, scilicet consideratio suæ paupertatis. Aliud est ibi, quod expurgat immunditiam luxuriæ, scilicet consideratio suæ virginitatis.

BEATÆ VIRGINIS VBERA VT EIUS

pietatem notant, ita spiritualia dicuntur.

Sermo C L.

VBERA spiritualia habet Virgo Maria, quæ sunt eius pietas, & charitas quibus nos consolatur, & nutrit, iuxta illud. Isa. 46. Satiemini ab vberibus consolationis vestræ. Habent enim vbera vim attractiuam, conuersiuam, & effusiuam. Primo quidem habent vim attractiuam cum sint spongiosa, & porrosa. Eodem modo ubera B. Mariæ habent vim attractiuam, quia nos ad se, & ad Deum trahunt. Sunt autem quatuor, quæ naturaliter attrahunt, scilicet simile, calidum, & quædam proprietates rerum sicut patet in adamante, & vacuum. Ista quatuor inducunt Virginem Mariam, ut per vbera suæ charitatis nos ad se trahat. Propter ista quatuor possumus sibi dicere. Aperi mihi soror mea, amica mea, columba mea, immaculata mea. Primo quidem quod attrahit est simile. Et ideo ipsa debet nos attrahere per similitudinem naturæ, ideo dicitur. Soror mea. Eccles. 13. Omne animal diligit sibi simile. Eph. 5. Nemo unquam carnem suam odio habuit, sed nutrit, & fouet eam. Secundum quod attrahit est calidum,

lidum, & ideo ipsa debet nos attrahere propter calidum charitatis intimè, ideo dicitur. *Amica mea*, idest quæ me intimè diligis, & quam ego intimè diligo. Cant. 7. *Ego dilecto meo*. scilicet intendo per amorem, & ad me cōversio eius. Idē. *Dilectus meus mihi*, & ego illi. Tertium quod attrahit est proprietas naturalis, & ideo ipsa debet nos attrahere propter pietatem suæ misericordiæ. Sicut enim Domino semper proprium est misereri semper, & parcere, sic etiā & ipsi Domine, ideo subditur. *Columba mea*. Sicut enim columba caret felle, sic & ipsa non habet fel amaritudinis, sed tota plena est dulcedine pietatis. Cant. 1. *Meliora sunt ubera tua uino*. Vbera Euæ fuerunt plena uino, scilicet sententia mordacis iustitiæ, sed ubera Mariæ fuerunt meliora, quia plena sunt lacte dulcis misericordiæ. Quartum quod attrahit est uacuum, & ideo debet nos attrahere per uacuum humilitatis profundè, ideo subditur. *Immaculata mea*. Ipsa enim omnino euacuauit se à maculis mundi, & maximè à macula superbix. Sicut enim superbia facit cor inflatum, sic & humilitas facit cor uacuum, & à tali uacuitate debemus attrahi nostræ Reginæ, scilicet, ut non alta, sed humilia sentiamus. Secundo ubera habent uim conuersiuam. Sunt enim posita in pectore, ut cordi sint uicinia, ut sic per calorem cordis fiat decoctio sanguinis, & ad materiam lactis facilius conuertatur, ideo dicitur lac esse sanguis bis coctus, semel in uenis, semel in mamillis. Istam uim conuersiuam habent ubera Beatæ Virginis Mariæ. Faciunt enim in nobis quatuor conuersiones propter quas ipsa dicit. Ecclesiastic. 24. *Ego mater pulchræ dilectionis, & timoris, & agnitionis, & sanctæ spei*. Primo nanque per ubera charitatis, & pietatis ipsa conuertit frigus nostrum in calorem, quando expellit torporem à nobis, & introducit calorem diuini amoris. Secundo conuertit cor nostrum à mœrore in gaudium, & delectationem, quando, scilicet, aufert tristitiam sæculi, & dat timorem Dei, scilicet, timorem filialem, qui quidem est delectatio cordis iuxta illud. Ecclesiastic. 1. *Timor Domini delectat cor, & dabit gaudium, & lætitiā in longitudine dierum*, ideo sequitur. Et timoris. De ista delectatione dicitur.

Isa. 15. Delectabitur infans ab urbe. Tertiò conuertit tenebras nostras in lucem, quando scilicet, expellit ignorantiam, & errorem, & dat ueram Dei cognitionem, ideo subditur. Et agnitionis. Isa. 45. Mamilla regum delectabilis. Reges fuerunt Apostoli, & sacri expositores, horum regina fuit Virgo Maria. Tunc igitur uerborum regum mamillam lactamus, quando eorum sacris doctrinis, meritis, & exemplis, in Dei cognitione erudimus, Quartò conuertit tempestatem in tranquillitatem, quando scilicet, aufert dubietatem uacillautem, & dat spem animum tranquillatè, ideo subditur. Et sancte spei. Spem enim animæ firmat, & tranquillat, iuxta illud Hebræ 6. Confugimus ad tenendam nobis spem, quàm sicut anchoram habemus tutam ac firmam. Istam spem propheta ab uberibus virginis se gloriabatur recepisse dicens. Spes mea ab uberibus matris meæ.

Tertiò ubera habent vim effusiua, quia lac effundunt. Est autem lac candidum, nitidum, frigidum, & pingue, & significat quatuor beneficia, quæ recipimus ab uberibus charitatis Mariæ. De quibus dicit Thro. 4. Candidiores Nazarei eius niue, nitidiores lacte, rubicundiores ebore antiquo, saphiro pulchriores. Est igitur lac candidum, quia Nazarei, id est eius deuoti ab ipsa recipiunt candorem innocentie, ideo dicitur. Candidiores Nazarei eius niue. Secundò lac est nitidum, quia ab ipsa accipiunt nitorem munditie, ideo subditur. Nitidiores lacte. Tertiò lac est nature frigide contra estum, quia ab ipsa recipiunt refrigerium contra estum concupiscentie, ideo subditur. Rubicundiores ebore antiquo. Ebor enim est nature frigide. Quartò lac est pingue, quia ab eius uberibus recipimus pinguedinem deuotionis internæ, ideo subditur. Saphiro pulchriores. Saphirus enim habet colorem ethereum, ideo significat cœleste desiderium.

*EA REFERVNTVR DE BEATA VIRGINE,
qua item de uellere. Sermo CLI.*

VELVS significat Virginem Mariam propter quinque causas.

Primò quia uellus est de carne, sed sine corruptione carnis decisum, sic etiam Christus natus est de Virginis carne, sed sine carnis corruptione. Quid Gedeonis uellus, quod utique de carne, sed sine carnis vulnere decisum in area ponitur nisi carnem assumptā de carne virginis, & sine detrimento virginis. Amb. Maria rectè uelleri comparatur, quæ Dñm ita concepit, ut cum toto hauriret corpore, nec eiusdem corporis scissuram pateretur, sed etiam mollis ad obsequium, solida ad sanctimoniam, Quauis igitur uellus sit de corpore, nescit tñ corporis passionis, quia licet Maria fuerit in carne, tamen uita carnis nesciuit, nec unquam aliquam corruptionem sensit, sed semper impolluta, & illibata permansit.

Secundò dicitur, q̄ fuit rore Spiritus sancti perfusa, hoc significatum est Iudic. 6. Vbi dicitur, q̄ uellus impletum est rore area sicca remanente quod Gedeon expressit, & conchā impleuit. Vellus quidem bibulus est, & multum roris recipit, sed expressum leniter effundit. Cor enim Virginis erat bibulum, i. ualde sitibundum ad rorem Spiritus sancti recipiendū, & ideo præcipuè metuit plenitudinem gratiarū. Petrus Rauē. Ille cœlestis imber illapsu placido se in uirgineum uellus effudit. Ber. Totaq; diuinitatis unda bibulo se nostrę carnis in uellere se collocauit, donec patibulo crucis pressa terris omnibus pluuiam salutis effunderet, ac uitalibus partita stillicidijs, fidei germina irrigaret. Quia igitur istud uellus uirgineum sic est plenum, ideo potest tam leui desiderio tangi quin statim impleat concham, idest animam nostram.

Tertiò dicitur, quòd fuit cœlesti pluuiā madida. Psalm. Descendit sicut pluuiā in uellus. Plane cœlestis imber uirgineum uellus infudit, & tota diuinitatis unda in carne se conculit, ac demum crucis per patibulum extēsum expressit omnibus terris pluuiam salutis, ac humanis mentibus stillicidia gratiæ præstitit.

Quartò dicitur uellus, quia ad instar uelleris fuit tineta, maximè colore rubeo, & sic eius caro effecta est purpura cœlesti Imperatore solummodo digna. Alcuinus in hbr. de tri. B. Maria lana mūdissima fuit, & uirginitate clarissima, quæ sola

rat Spiritus sanctus, totam incanduerat diuinus amor, ita ut in ea nihil esset, qđ mundanus violaret affectus. Sicut enim aurum ad presentiam ignis liquefcit, sic & eius anima ad presentiam ignis diuini tota liquefacta fuit. Can. 5. Anima mea liquefacta est. Secundò continebat splendorem diuinum, & ideo tota fuit illuminata. De quo splendore dicit Heb. 1. Qui cum sit splendor gloriæ, &c. Sol enim iustitiæ ipsam nouem mensibus induit, & ideo totam splendidam fecit. Apoca. 12. Mulier amicta sole. Tertiò continebat thesaurum sapientiæ, & ideo tota fuit sapientifica. De quo thesauro dicitur Coll. 2. In quo sunt omnes thesauri sapientiæ, & scientiæ Dei absconditi. De isto thesauro sapientiæ effudit flumina doctrinarū. Eccl. 24. Ego sapientia effudi flumina. Et quia sic est sapientifica, ideo sic sapienter ecclesiam Dei disponit. Prouer. 14. Sapient mulier edificauit domum suā. Quartò continebat fontem misericordiæ, & ideo tota fuit pijsima, de quo fonte dī Gen. 2. Fons egrediebatur de loco uoluptatis. De isto fonte suæ gratiæ, & misericordiæ hauriunt illi, qui sunt in via ad aliquā suauitatem. Hauriunt illi qui sunt in patria ad plenam satietatem. Can. 5. Bibite amici mei, & inebriamini charissimi. Quintò continebat niueum candorem, de quo dicitur Sap. 7. Candor enim lucis æternæ, & speculum sine macula. Et ideo remansit ibi puritas. Can. 4. Tota pulchra es amica mea. Anselmus. Decebat ut Virgo beata ea puritate niteret, qua sub Deo maior nequit intelligi. Sextò continebat diuinum odorem, de quo dicitur Eccl. 24. Ego quasi vitis fructificaui suauitatem odoris. Et ideo remansit ibi mira suauitas, ideo adolescentulæ clamant, & dicunt. Trahe me post te, idest odorē vnguentorum tuorum currimus. Septimò continebat suauē dulcorem, illum, scilicet, qui dicit ibidem. Spiritus meus super mel dulcis, & hæreditas mea super mel, & fauam. Et ideo remansit ibi mira pietas ideo vocatur mater gratiæ, & mater misericordiæ.

Secundò eius uenter dicitur beatus ratione ipsius uentris continentis. Ipse quidē uenter primo fuit thalamus Christi. Ps. Ipse tanquā sponsus procedens de thalamo suo. Eccl. 24. Qui creauit me requieuit in tabernaculo meo. Secundò fuit habitatio.

habiraculum Spiritus sancti, vnde dixit ei Angelus. Spiritus sanctus superueniet in te. Verè superuenit, quia super omnem creaturam in eam uenit, uerè superuenit, quia desuper miraculosè concepit, uerè superuenit, quia ipsa os cordis, non infra, sed desuper habuit. Tertiò fuit apotheca carismatum, quia Deus ibi reposuit medicinas contra omnia genera infirmitatum. Eccl. 38. Altissimus de terra creauit medicinam. Eiusdem 43. Medicina omnium in festinatione nebulæ. Hoc est in Christi carne purissima festinata, quia citò decisa, & in corpus formata. Ber. Apotheca est Maria omnium gratiarum, in qua cœlestis pigmentarius cum omnibus suis vnguētis se collocauit, cum omnibus delitijs accubuit. Quartò fuit fons omnium gratiarum. Can. 4. Fons hortorum, &c. Alij fontes hauriunt aquam ab inferiori, & redundant ad superius, iste autem fons cœlestis aquas suarum gratiarum haurit à superiori, quia monte libani, i. ab altitudine Trinitatis, & fuit ad nos interiores per dona suæ largitatis. Quintò fuit aceruus tritici, & liliorum. Cant. 7. Venter tuus sicut aceruus tritici uallatus lilijs. Eius enim uenter fuit uallatus illo tritico, de quo dicitur Io. 12. Nisi granum frumenti cadens in terram, &c. Quod quidè fuit ad instar tritici. Aceruus enim tritici in imo est latus, in summo angustus, in medio autem nec nimis latus, nec nimis angustus, quia Christus quantum ad naturam infimam, idest humanam fuit nobis manifestus, quantum uero ad naturam summam, idest diuinitatem fuit nobis ualde angustus, i. ualde obscurus. Quantum uero ad naturam mediam, i. animam fuit nobis partim occultus, & partim manifestus. In huius. n. significationem dñr tres Missæ in Natali: Vna in nocte profunda, & significat eius diuinitatem, quæ nobis totaliter fuit obscura. Secūda dicitur in aurora, & significat eius animam, quæ partim nobis fuit occulta, & partim manifesta. Tertia dñ in luce manifesta, & clara significat eius humanitatē, quæ nobis fuit totaliter manifesta. Ille uenter fuit plenus aceruo tritici, fuit uallatus lilijs, ideo dicit lilia in plurali, quia omnia, quæ in ipsa fuerunt, pura, & munda fuerunt. Habuit enim mundas cogitationes, affectiones, intentiones, locutiones, & operationes, Nos autem miseri vix unum lilium habere possumus,

somus, vel cogitationem sanctam, vel affectionem mundam, vel intentionem rectam, vel operationem bonam. Et dicit vallatus, quia eius venter undique circumdatus fuit lilij puritatis, & munditiæ, scilicet intus & extra, sursum, & deorsum, à dextris & à sinistris, ante & retro, ita quòd hostis ad eius cor nunquam intrare potuit, nec aliquam impuritatem immittere potuit. Nam intus inueniebat lilium puritatis extra lilium castitatis, sursum lilium contemplationis, deorsum lilium humilitatis. A dextris lilium temperantiæ, à sinistris lilium patientiæ, ante lilium prudentiæ de futuris, retro lilium iustitiæ de præteritis. Nos autem miseri non sumus vallati lilij puritatis, sed spinis & vrticis malarum concupiscentiarum, & ideo corda nostra sunt dæmonibus parua in quæ malas suggestiones ingerunt, & prauas delectationes immittunt.

BEATÆ VIRGINIS VERBA LAUDANDA

sunt quinque conditionibus. Sermo CLIII.

VERBA Beatæ Mariæ habuerunt quinque laudabiles conditiones.

Primò eius verba non fuerunt multum proluxa, sed valdè pauca, & breuia. Non enim in tota serie Euangelij inuenitur fuisse locuta nisi sepius, & tunc breuiter est locuta. Primo enim locuta est cum angelobis, scilicet. Quomodo fiet istud. & Ecce ancilla Domini. Bis locuta est Heli-sabeth, scilicet eam salutando, & postea in Dei laudem prorumpendo dicens. Magnificat anima mea Dominum. Bis locuta est cum filio, scilicet semel in templo quādo dixit, fili quid fecisti nobis sic, & semel in nuptijs quādo dixit, vinū non habēt, & semel ministris dicens, quodcūq; dixerit vobis factæ. Semper breuiter est locuta nisi quando in laudem Dei prorupit. Discant ergo mulieres raro loqui, & nunquam in verbis effluere, nisi fortè in oratione, & Dei laude.

Secundò eius verba non fuerunt leuiter prolata, sed multū præmeditata. Luc. 2. Maria autem conseruabat, &c. Vbi dicit Beda. Virginalis munditiæ Maria custodiens secreta

Sermo CLIII.

Christi, quæ nouerat nemini diuulgare uolebat, sed hæc reuerenter expectabat quando, scilicet hoc necessarium esset. Et licet ipsa secreta ad tempus tacuerit ore, tamen vigili meditatione scrutabatur corde. Bern. Ve nobis qui spiritum habemus in naribus, ve qui totum spiritum proferimus, & qui undiq; confluimus. Maria autem conseruabat ea, quæ audiebat in corde suo. Fuit enim velox ad audiendum, tarda verò ad proferendum. Beda. Imitemur fratres piam matrem Dei, seruantes omnia verba & facta Saluatoris nostri. Harum meditatione diurna, & nocturna importunos inanum cogitationum atque nocentium repellemus incursum. Harum crebra consolatione nos, & proximos à fabulis superfluis, & male dulcoratis detractionum colloquijs castigemus, & ad diuinæ laudis frequentiam ascendere festinemus.

Tertiò eius verba non fuerunt præsumptuosa, sed ipsa in loquendo multum fuit timida, & uerecunda. Bernard. Vbi Maria aliquando loquitur nunquam præsumptuosa fuisse videtur. Foris stabat quærens loqui filio, nec auctoritate materna sermonem interrupit, aut habitationem in qua filius habitabat irripit. Eius quidem sermo certissimus index fuit ingenitæ mansuetudinis, ac uerecundiæ virginalis, aliorum uerecundiam suam reputans defectum vini non potuit dissimulare, ubi verò à filio increpata fuit, tanquam mitis, & humilis corde nihil respondit, nec tamen desperauit, sed admonuit ministros, quòd quid eis diceret facerent. Et subdit Bernard. Timens Maria audiuit filium in parabolis loquentem discipulis ministeria reuelantem, miracula facientem, vidit in cruce pendentem expirantem, vidit resurgentem, & ascendentem, & in hijs uerecundiam Virginis auditur.

Quartò eius verba non fuerunt vacua, sed multum fructuosa, & virtuosa. Nam locuta est cum angelo, & ad eius verbum Deus factus est homo, locuta est cum Helisabeth, & tripudiauit Ioannes clausus in utero, locuta est cum filio in templo, & Deus hominibus factus est subditus, locuta est in nuptijs, & manifestauit gloriam suam Iesus Christus.

Quintò eius verba non fuerunt improuida, sed multum discreta.

discreta. Nam ille qui loquitur debet videre quid, quando, cui, ubi, & quō loquatur. Maria igitur discretè considerauit quid loqueretur, quia uerba non uana, nec fabulosa, sed omnia uerba sua fuerunt utilia, & ad nostram ædificationem pertinentia. Considerauit etiam cui loqueretur, quia non cuilibet uiro, sed Dei angelo, in quo instruuntur mulieres uitate uiroꝝ locutiones. Considerauit ubi loqueretur, quia non in foro locuta fuit, sed in domo, in quo etiam instruuntur mulieres, ut in foro non loquantur, sed à uiris in domo instruuntur. Considerauit iterum quando loqueretur, quando, scilicet fuit magis opportunum, sicut dicitur. Ecclesiast. 8. Omni negotio tempus est, & opportunitas. Beda. Quod de Domino, uel à Domino dicta, uel acta cognouerat, mater Virgo diligenter retinebat in corde, ut cū tempus prædicandæ, uel scribendæ incarnationis eius adueniret sufficienter uniuersa prout essent gesta quærētibus explicare posset. Considerauit etiam quo modo loquerent, quia non clamose, sed mature, & tacite loquebatur. Nunquam enim locuta est clamose nisi in filij passione. Tunc enim secundum Augustinum fortiter eiulauit. Sed de garulis mulieribus dicitur. Prouerb. 7. Garula uaga quietis impatiens non ualens in domo consistere.

UT PVLCHRÆ DICATUR VIRGA BEA-

ta Virgo, flos & ipsamet consideratur.

Sermo. CLIIII.

VIRGA dicitur Virgo Maria, flos filius eius iuxta illud. Isa. 11. Egređietur Virga de radice Iesse, &c. Ista autem Virga commendabilis est quantum ad se, & quantum ad florē. Quantum ad se commendabilis est quadrupliciter. Primo quantum ad modum prodeundi, quia non dicitur fuisse orta, sed egressa. Egređietur inquit Virga de radice Iesse, ipsa enim Virga fuit orta de radice Iudæorum, sed tamen egressa est natura radicis. Radix. n. ad imma, virga uerò ad alta tēdir, radix uerò ad terram, Virga in aere, & Solis calore, & cœli rore crescit, sic Iudæi petebant imma uitiorum, illa uerò alta

Sermo CLIIII.

virtutum, illi erant fixi in terrâ per cupiditatem terrenorum, hæc in aere per auiditatem cœlestium, illi pascebantur amore carnali, hæc nutriebatur amore spirituali, illi constrigebantur frigore infidelitatis, hæc fouebatur calore diuinitatis. Secundo ista virga commendabilis est quantum ad malum germinandi, quia non germinauit operatione humana, sed virtute diuina, ideo significata est per virga Aaron, quæ miraculosè floruit, & amigdalas fecit, ut habetur. Num. 17. Sic Virgo Beata miraculosè, & super substantialiter filium generauit, qui secundum August. assimilatur amigdalæ siue nuci, quia in nuce sunt tria, scilicet exterior pellis fragilis, in medio testa dura intus verò nucleus dulcis. In Christo quidem fuerunt tres substantiæ, scilicet, caro exterior, quæ habuit infirmitatem, & Deitas interior, quæ habuit omnem dulcedinem, & anima media, quæ contra omnes passionem habuit fortitudinem, vt nunquam per impatientiam vinceretur. Quamuis enim fuerit virga multum gracilis, tamen fructum portauit qui totum mundum satiauit, immo qui totum mundum suo robore sustentauit. Tertio ista virga commendabilis est quantum ad virtutem operandi. De cuius virtuosâ operatione dicitur in Psalm. Virgam virtutis tuæ emittere Dominus, &c. Olim quidē diabolus dominabatur in mundo. Nam in cordibus avarorum dominabatur per cupiditatē terrenam, in cordibus superbiorum per ambitionem variam, in cordibus delictiosorum per carnalem concupiscentiam. Et ideo Deus hanc virgam creauit in qua tria posuit, scilicet stimulum, hamum, & viscum. Stimulo autem virguntur siue punguntur boues, hamo capiuntur pisces, visco capiuntur aues. Diabolus quidem erat bos in quantum exercebat agriculturam, id est in quantum inducebat homines ad auaritiam terrenorum, erat piscis in quantum homines natâre faciebat in aquis deliciarum, erat avis in quantum homines volare faciebat per sublimitatem honorum. Deus igitur huic virgæ stimulum apposuit quando carni Virginis se vnuit, & sic bouē, id est diabolum de cordibus avarorum eiecit. Ecclesiastic. 38. Stimulo boues agitât. Tunc etiam isti virgæ hamum apposuit quando Deitatem suam sub esca carnis velauit, & sic

istum

istum malum piscem cepit. Iob. 40. An extrahere poteris hamo Leviathan. Ibidem. In oculis eius quasi hamo capies eum. Isti etiam virgæ laqueum siue viscum posuit, quando sapientiam suam in humana carne de Virgine assumpta occultavit, & sic istam avem irretiuit, & cepit. Iob. 40. Nunquid illudes ei quasi aui. Eiusdem 18. Tenebit plantam eius laqueo. Quarto commendabilis est ista uirga quantum ad officium utendi. Vfus enim virgæ ad quatuor officia utilis uidetur esse ad quæ Virgo Mariâ fuit nobis concessa. Primus usus est ad dominij ostentationem, & sic ea utuntur Reges & Principes, & quantum ad hoc data est nobis Virgo Maria, ut uidelicet sit nostra Domina, & Regina. Psal. Virgam virtutis tuæ, &c. Secundus usus est ad defensionem & percussionem, & sic ea utuntur bellatores, & quantum ad hoc data est nobis, ut à dæmonibus nos defendat, & eos percutiat. Nume. 17. Consurget uirga de Israel, & percutiet duces Moab; Isa. 30. Ad uocem Domini pauebit Assur uirga percussus. Tertius usus est ad directionem, & sic pastores uirga utuntur, ut gregem suum regant & dirigant, & quantum ad hoc data est nobis, ut in præsentī uita nos dirigat, & ad patriam æternam deducat. Quartus usus est ad sustentationem, & sic ea utuntur infirmi & debiles, & quantum ad hoc data est nobis, ut nostram infirmitatem sustentet & regat. Psal. Virga tua, & bacculus tuus, &c. Secundò ista uirga commendabilis est quantum ad florem, qui quidem flos est ipse Christus qui dicit. Cant. 3. Ego flos campi. Dicitur autem Christus flos campi & non horti triplici de causa. Primo quia ut flos horti nascitur, terra aperitur. Flos autem campi sine terræ apertione nascitur, idest Christus sine Mariæ uiolatione. Secundo dicitur flos campi, & non horti, quia flos horti est clausus, flos uerò campi omnibus est apertus. Similiter etiam odor pietatis Christi nulli clauditur, sed omnes ad ipsum possunt accedere, & misericordiam inuenire. Tertio dicitur flos campi. In partibus ultramarinis dicitur nasci quidam flos qui habet stipitem asperum, & quinque folia habet, idest, quinque vulnera passionis.

num virginalis vero centesimū. Istud ostendit Christus Mat.
 13. Vbi dicitur q̄ bona terra fecit fructum tricesimum, sexa-
 gesimum, & centesimum. Secundò ostendit Christus de ipsa
 virginitate quanti sit honoris. Intantum igitur Christus ho-
 norat virgines, q̄ facit eos ioculatores, & familiares suos, siue
 domesticos, & seruitores. Apoc. 14. de virginibus. Cantabant
 quasi canticum novum ante sedem Dei, ecce quia sunt iocu-
 latores Dei. Hij sequuntur agnum, ecce quia sunt de familia
 Dei. Sine macula sunt ante thronum Dei, ecce quia sunt do-
 micelli, & seruiunt in mensa Dei. Tertiò Christus ostendit
 de virginitate quanti sit præmij. Apoc. 12. ubi dicitur de mu-
 liere, quæ significat beatam Virginem, quæ erat amicta Sole,
 & Luna sub pedibus eius, & in capite corona stellarum duo-
 decim, & in utero habens. & merito sic habebat diuinū splen-
 dorem. Vbi notatur, q̄ Deus Virgines beatas ornata superio-
 ri, quia habebat coronā stellarum duodecim, ornat ab inferiori,
 quia Lunam habent sub pedibus, i. mutabilem mundum
 ornat ab exteriori, quia habebunt corpus immortalitate ve-
 stitum, ornat ab interiori, quia habent animum glorificatum.
 Secunda ratio sumitur ex parte diuini operis. Et istam ratio-
 nem ostendit Aug. & Ansel. Opera Quidem Dei debent esse
 perfecta, iuxta illud Deut. 32. Dei perfecta sunt opera. Deus
 enim fecerat hoīem sine fœmina, & homine, sicut Adā, fece-
 rat de homine fœminā, sicut Euā, & facit quotidie de homi-
 ne, & fœmina, & ideo ut eius opera essent perfecta quartum
 modum debuit adhibere. s. ut faceret hominem de fœmina
 sine homine, sicut fecit Christum de Maria Virgine.

PROBATVR VIRGINITAS BEATÆ

Virginis.

Sermo CLVII.

VIRGINITATEM illibatam habuit Beata Ma-
 ria, cuius virginitas multas habuit prærogatiuas. Vi-
 dendū est igitur qualiter ostenditur, & probari potest
 quòd ipsa fuit virgo. Secundò videndum est de prærogatiuis,
 quas habuit sua virginitas.

Circa primū notādū, q̄ eius virginitas ostendit, & pbatu
 scilicet.

testimonijs, exemplis mysterijs, & miraculis. Testimonijs quidem, s. Dei, qui dixit per Isa. Prophetam 7. Ecce Virgo concipiet, testimonio Angel, qui dixit Mat. 1. Quod enim in eam natum est de Spiritu sancto est, & testimonio hominis fide digni. Duæ quidem personæ antiquitus erant fide dignæ, s. sacerdos, & propheta. Ostenditur igitur testimonio Hieremæ Prophætæ. Hier. 31. Nouum faciet Dñs super terrā, scēmina circūdabit uirū. Secundò testimonio Zachariæ sacerdotis. Nā sicut dicit Origenes super Mat. In templo uiderat quidā locus solum sacris virginibus deputatas ad orandum. Et cum B. Virgo ibi post partum cum ceteris adoraret, & sacerdotes templi eam expellerent, Zacharias sacerdos pater Ioannis Baptiste eam defendebat asserens eam virginem peperisse. Ob hoc Iudei indignati ipsum inter templum, & altare occiderunt.

Secundò ostenditur multis mysterijs, s. virgē, portē, & uelleris. Et primò virgē Aaron, q̄ floruit miraculosē, & fructus fecit. Ber. Nec virgē floris vigore lesit emissio, nec virginis pudorem sacri partus editio. Idem. Hæc est virga sublimis, planta cœlestis, sanctior vniuersis, quæ uerticem sanctum erexit usque ad Dñm maiestatis, quia nimirum in altum emiserrat radices humilitatis, Hæc est virga Iesse, & flos filius eius, flos inquam campi, sed non horti. Admodum enim campi sine omni adminiculo virginis alius floruit. Secundò mysterio portæ, quæ Domino fuit aperta, cæteris autem clausa, ut haberetur Eze. 44. August. in sermo. de Annuncia. Quidem est, q̄ porta hæc erit clausa, nisi q̄ Maria semper fuit intacta? Et quid est vir non transibit per eam, nisi q̄ Ioseph non cognouit eam? Tercio mysterio uelleris de cœlo perfusi. Ber. Quid Gedeonis uellus significat, quod utique fuit consum de carne, sed sine vulnere carnis, nisi carnem assumptam absque omni detrimento uirginitatis?

Tercio ostenditur eius uirginitas exēplis. Ponit autē Augustinus tria exempla dicens. Qui lapideas scripsit tabulas sine stylo ferreo, ipse grauidauit Mariam Spiritu sancto, & qui produxit panes sine aratione, ipse impregnauit Mariam sine corruptione, & qui fecit uirgam sine pluuia germinare, ipse fecit filiam Dauid sine semine generare. Sunt etiam alia

requieuit, & fuit virga directionis, quia omnia opera sua somper in Deum direxit, & fuit virga regni Dei, quia Deus per ipsam regnum, quod diabolus usurpauerat acquisiuit, ista autem virga quauis fuerit recta, quantum ad Deum per rectam intentionem, tñ fuit & est flexibilis ad nos per cōpassionem. Nam modo flectitur ad iustos impetrando eis gratiam, modo flectitur ad peccatores impetrando eis ueniam, modo flectitur ad morientes expellendo ab eis fallaciam, modo flectitur ad iam mortuos eorum animas deducēdo ad gloriam. Propter ista dicimus. Maria mater gratiæ, mater misericordiæ, tu nōs ab hoste protege, &c.

IVXTA TRIA TEMPORA PARTVS FVIT

Virgo. Sermo CLVI.

VIRGINITATEM perpetuam habuit Mariā, & ante partum, & in partu, & post partum. August. super Ioann. Sicut in sepulchro ubi erat repositum corpus Domini, nec ante, nec postea mortuus iacuit, sic uterus Marię nec ante, nec postea quicquam mortale concepit. Istud autem conueniens fuit quatuor rationibus.

Prima sumitur ex parte filij nascentis. Et ista est quadruplex. Prima est, quia Deus committebat sibi precium redemptionis humanę, de qua dicitur Prou. ult. Mulierem fortem quis inueniet procul, & de vltimis finibus precium eius, quia de natura diuina, & suprema, & natura humana tam infima. Et quia tale precium in utero ponebatur, ideo debuit esse vas integrum per carnis integritatem, & virginitatem. Virginitas enim est integritas mentis, & corporis. Sed de multis dicitur Eccl. 2. 1. Cor fatui quasi uas contractum, oēm sapientiam non tenebit. Aggei. 1. Qui mercedes congregauit misit eas in saccum pertusum. Secunda est, quia committebat sibi thesaurum cœlestis sapientiæ. Illum thesaurum, de quo dicitur Col. 2. In quo sunt omnes thesauri sapientiæ, & scientiæ Dei absconditi. Et ideo debuit esse uas nouum. i. virginitatis gloria decoratum. Hoc significatum est 4 Reg. 1. Vbi Helyseus, idest Deus pater posuit sal, idest diuinam sapientiam in uas

tria exempla. *f. glorificati corporis, syderis, & apis.* Et primò corporis glorificati, quia corpus Christi gloriòsum clauso se pulchro exiuit, & ad discipulos ianuis clausis introiuit. Eodẽ modo clauso utero virginis exire potuit. Secundò ostendit exemplo syderis. *Ber.* Nec syderis radius suam minuit claritatem, nec virginis filius suam integritatem. Tertiò ostendit exemplo apis. Nam secundum *Amb.* Si apes mellificant, & filios generant sine commixtione, multo fortius & *Maria* generare potuit sine corruptione.

Quartò ostenditur miraculo radij procedentis de facie virginis. Dicit enim quædam glo. super illud *Mat.* Non cognoscebat eam Ioseph donec, &c. q. Ioseph non poterat uidere Mariam facie, quam *Sp.ritus sanctus* à conceptione penitus impleuerat, ideoque quam desponsauerat in facie non cognoscebat, donec virtus eius enacnaretur. Si igitur *B. Maria* sic erat fulgida in facie, manifestum est, q. erat fulgidior in uentre, & fulgidissima in mente.

Quintò hoc ostenditur figura, siue sacramento. Et istam figuram siue sacramentum assignat *Orige.* super *Mat.* dicens. Sicut rubus comburi nidebatur, & ignis eum non tangebat, & sicut tres pueri inclusi in camino ignis habebantur, & eos nō eos non ledebat incendium, nec odor sumi erat in eis, uel quẽ admodum *Danieli* intra lacum leonum incluso claustris non apertis allatum est ei prandium ab *Abacuch*, ita & hæc sancta Virgo genuit Dominum, sed immaculata permansit.

Secundò videndum est de prærogatiuis quas habuit eius uirginitas. Quæ quidem prærogatiuæ sunt plures, quia eius uirginitas fuit integra, *f. corpore, & spiritu*, iuxta illud *The.* *5.* Integer spiritus uester anima, & corpus sine querela seruetur in Aduentu Dñi nostri Iesu Christi. Ipsa quidem habuit integritatem corporis, quia ipsum semper illibatum seruauit, integritatem animæ, quia nunquam modica cogitatio illicita in eius animam introiuit, integritatem spiritus, quia nunq. à Deo per aliquod peccatum separatus fuit. *Can. 4.* Tota pulchra es amica mea, & macula non est in te. Ipsa enim, fuit pulchra in corpore, quia ipsum semper illibatum seruauit fuit sine macula in anima, quia nunq. aliquod peccatum, siue cogitatio

tatio mala intrauit, fuit tota pulchra in spiritu, quia nunquā veniale peccatum commisit. Secunda prærogatiua est, quia eius virginitas prius fuit Deo dicata. Ber. Si precia rerū pen- samus de charitate super omnes enim alias, quæ proposuit primum vitam angelicam ducere, & vouere propositum vir- ginitatis immortale, quod nec aliquatenus titubauit angelo filium promittente. Et quā ipsa prima primo votum virgini- tatis emisit, ideo per amygdalum figuratur. Sicut. n. amygda- lus inter cæteras arbores prius flores producit, sic inter cæte- ras mulieres ipsa prius votum virginitatis emisit. Pl. Adduce- retur regi virgines post eam. Vere post eam. Tempore, exem- plo, dignitate, & vtilitate. Tempore quidem, quia ante ipsam nulla, post ipsam verò multæ, quia multæ virginitatem suam Deo deuouerunt. Exemplo verò, quia omnibus exemplū ser- uandæ virginitatis exhibuit. Dignitate quidē, quia virginita- tem cum fecunditate seruauit. Vtilitate, quia sua virginitate totum mundum saluauit. Ideo bene dicitur Eccl. vlt. Florebit amygdalus, impinguabitur locusta, & dissipabatur caparus. Tunc amygdalus floruit, quando beata Virgo virginitatem vouit. Tunc locusta. i. gentilitas instabilis, & uaga fuit Spiri- tus sancti gratia impinguata. & caparus. i. plebs Iudaica fuit totaliter dissipata. Caparus. n. est frutex spinosus super terrā, expāsus, & signat populum Iudaicum durum, & rebellem, & semper terrenis curris adhærentem. Tertia prærogatiua est, quia habuit virginitatem transfusam, quia in alios trāsfun- debatur. Quamuis enim pulcherrima fuerit, tamen a nullo vn- quam potuit concupisci, quia eius puritas corda omnium pe- netrabat, & in eis omnes motus illicitos exstinguebat. Ideo comparatur myrrhæ, & cedro, quia sicut odor myrrhæ fugat vermes, & odor cedri expellit serpentes, sic & odor suæ vir- ginitatis de aliorum cordibus expellebat motus brutales. Quarta prærogatiua est, quia habuit virginitatem fecundā, quia. s. fuit Virgo, & mater, quod quidem nulla habuit. Sedu- lius. Gaudium matris habens cum virginitatis honore, nec primam similem visa est nec habere sequentem. Quinta præ- rogatiua est, quia habuit virginitatem ornatam. Ipsa enim tanquam Virgo prudens lampades suas. s. corpus suum, &

animam

animam ornauit oleo pietatis, licino puritatis, & lumine veritatis, & igne charitatis. Eccles. 24. Ego mater pulchræ dilectionis, ecce ignis charitatis. Et timoris, ecce licinum puritatis, quia sicut dicitur Eccles. 1. Timor domini expellit peccatū. Et agnitionis, ecce lumen veritatis, & sanctæ spei, ecce oleum pietatis.

RECTE INSTITUIT VITAM SVAM B.

Virgo & quantum ad se & quantum ad

alios.

Ser. CLVIII.

VITÆ & conuersatio B. Mariæ fuit ordinata quantum ad se & quantum ad alios. Ordinauit enim vitam suam quantum ad Deum, & ante Christi Conceptionem, Resurrectionem, & Ascensionem. Nam ante Christi cōceptum in adolescentia sua dū adhuc in templo cum suis coetaneis commotaretur valde ordinauit vitam suam. De cuius ordinatione sic dicit Hierony. ad Chromatium, & Heliodorum. Hanc, inquit. regulam B. Virgo seruabat, ut a mane vsq; ad tertiam orationi insisteret, a tertia usque ad nonam textrimo operi se occuparet, à nona ab oratione non recedebat quousque illi angelus appareret, de cuius manu escam accipere solebat, & semper in melius in Dei amore proficiebat. Post resurrectionem Christi, & eius ascensionem ordinauit vitam suam circa tria. Primò circa assiduam orationem, & gratiarum actionem. Vnde dicitur Act. 1. q. Apostoli erant in oratione cū Maria matre Iesu. Glo. super illud Luc. 1. Exultauit spiritus meus in Deo salutari meo. Totum in timoris animi affectum in agendis gratiarum laudib. offero, totum q. uiuio, totum q. sentio, q. discerno in eius magnitudine contemplando, & in eius præceptis obseruandis impendo. In ipsum tantum existo, q. terrena non cuto, prosperitas me non extollit, aduersitas me non frangit, sed in illius sola spiritus meus delectatur memoria a quo salus æterna speratur in illius perpetua diuinitate cuius conceptione caro mea fecundatur. Secundò circa locorū sacrorum visitationem, vnde dicit Sanct. Odilo, Si scire volumus quid Dei genitrix post Christi resurrectione

resurrectionem antequam ipsa celos ascenderet agebat, sine
 dubio loca dominicæ natiuitatis, passionis, sepulturæ, resur-
 rectionis, & ascensionis frequenter visitabat, & in eis lachry-
 mas fundebat, & oris sui sanctissimi oscula imprimebat. De
 hac sic dicit S. Hiero. in ser. de Assump. Fortassis præ nimio
 amore quo filius eius ac dñs sepultus dicitur, interdum eam
 habitasse credimus, quatenus pijs pasceretur internis obru-
 tibus, non quod iam viuens cum mortuis quæreretur, hoc enim
 habet impatiens amor, ut quod desiderat ipsum semper inuenire
 credat, ignorat quippe rationem, nam ratione multotiens ca-
 ret modum nescit, nec aliud cogitare potest quam quod dili-
 git. Amor. n. de possibilitate non accipit solatium, nec de dif-
 ficultate remedium. Tertiò circa Apostolorum, & discipulo-
 rum instructionem, & informationem. Vnde dicit Hiero. v-
 bi supra, Post ascensionem Christi gñaliter Mariæ conuersa-
 tio cum Apostolis fuit usque ad eorum dispersionem sicut di-
 cit Lucas. Hij omnes erant perseverantes in oratione cū Ma-
 ria matre Iesu. Deinde subdit, Ecce domino Iesu ascendente
 in cælum vacat Virgo in scola virtutum, versatus cum sena-
 toribus cæli, in curiam Paradisi sub disciplina Spiritus san-
 cti totiusque maiestatis diuinæ, inuenitur prima inter primas
 cohortes summi regis quorum vita non erat in terris, sed de
 cælis, De hoc etiam dicit sanctus Odilo. Intuitu dominicorū
 locorum peracto, Virgo B. ad Apostolorum remeabat cōsor-
 tium. Credimus. n. ipsam interfuisse gaudijs ascensionis do-
 minicæ, & in die Penthecostes cum ceteris Apostolis Spiri-
 tus sancti gratiam percepisse, quam constat eam à conceptio-
 ne Christi plenissimè habuisse. Hiero. vbi supra Virgo beata
 inter choros Apostolorum post resurrectionem intrans, &
 exiens familiaris de Christi incarnatione ac resurrectione
 cum eis contulit. Quam sane beatissimā Virginem, & si om-
 nes discipuli venerati sunt, Ioannes tamen amplius, & specia-
 lius usque ad finem uitæ suæ sibi deseruiuit.

Secundò ordinavit vitam suam quantum ad se. Nam ha-
 buit quædam per quæ ordinabantur eius interiora, & quæ-
 dam per quæ ordinabantur eius exteriora, & quædam per
 quæ simul, & eius interiora, & eius exteriora. Sua quidem

interiora ordinauit, quia habuit affectiones sinceras, cogitationes sanctas, & intentiones rectas. De eius sinceris affectionibus dicit Amb. in lib. de virginib. Quid nobil. us matre Dei quid splendidius ea quam splendor elegit. Quid castius ea quæ corpus sine corporis contagione generauit. Nam de cæteris uirtutibus eius quid loquar? Virgo erat non solum corpore, sed etiam mente, quæ nullo doli ambitu sincerum adulteraret affectum. De eius sanctis cogitationibus dicit idem ibidem. Virgo beata ad ipsum ingressum angeli inuenta est domi in penetralibus sine comite, nequis attentiqnem eius arumperet, nequis obstreperet. Neq; enim comites feminas desiderabat, quæ bonas cogitationes socias habebat, quin etiam sibi minus tunc videbatur sola cum sola esset. Nā qūo sola cum tot libri adessent tot Archangeli tot Prophetæ. De eius rectis intentionibus dicit idem ibidem. Corde erat humilis, uerbo grauis, animo prudens, loquendi parcius, legendi studiosior. Non in incerto diuitiarum, sed in prece pauperis spem reponens intenta operi, uerecunda sermoni, arbitrium mentis, solita non hominem, sed Deum quærere. Secūdo habuit ea per quæ ordinabantur eius exteriora. De hoc etiam sic dicit Amb. ubi supra. Nihil in ea totum in oculis nihil in uerbis procax, nihil in actu uerecundum, non gestus fractior, quæ in incessu solutior, non vox petulantior, ut ipsa corporis species fuerit simulacrum mentis, & figura probitatis. Tertio habuit ea per quæ ordinabantur eius interiora, & exteriora, s. quattuor uirtutes, iustitiam, prudentiam, temperantiam, & fortitudinem. Habuit enim prudentiam, & fortitudinem. Ber. Quod turbata est fuit uerecundiæ uirginalis q; non est turbata fuit fortitudinis, q; tacuit, & cogitauit fuit prudentiæ. Habuit etiam iustitiam in eo q; se humiliauit, & obediuit dicens. Ecce ancilla domini fiat mihi s. m. uerbum tuum. Humilitas, & obedientia sunt partes iustitiæ. Habuit etiam temperantiam. De cuius temperantia dicit Ambr. ubi supra. Quid exequar ciborum parsimoniam, officiorum redūdantiam, alterum ultra naturam superfuisset. Illic nulla intermissa tempora, hic congeminauit ieiunio dies, & si quando successisset reficiendi uoluntas, cibus plerumque obuius, qui mortem

mortem arceret non delicias ministraret. Dormire non prius cupiditas, quàm necessitas fuit, & tamen cum quiesceret corpus vigilabat animus, qui frequenter in somnis, aut lecta repetit, aut somno interrupto continuat, aut disposita gerit, aut gerenda pronunciat. De hijs quattuor eius virtutib. dicit Ber. Virgo beata fuit fortis in proposito, temperata in silentio, prudens in interrogatione, iusta in confessione.

Tertiò ordinavit vitam suam quantum ad alios, & hoc quantum ad duas partes iustitiæ, quæ sunt declinare à malo & facere bonum. Primam partem iustitiæ habuit, quia neminem unquam læsit. Vnde dicit Ambr. vbi supra. Nullum fuit sollicita ledere, omnibus bene velle, maioribus natu assurgere, æqualibus non invidere, iactantiam fugere, rationem sequi, amare virtutem. Quando ista vel vultu læsit parentes, quando discessit a propinquis, quando irrisit humilem debilem, quando vitavit inopem? Hiero. in Epist. ad Cromatiū, & Heliodorum. Mariam irascentem nullus vidit, hanc male dicentem nullus audiuit, omnis sermo eius ita erat gratia plenus, ut in eius lingua cognosceretur Deus. Quantum ad secundam partem iustitiæ omnibus profuit. S. verbo, obsequio, & exemplo, & temporalis subsidio. Verbo quidem, quia socias suas semper ad bonum informabat. Hiero. vbi supra. Sollicita erat circa socias suas ne aliqua ex eis in sermone peccasset, nec aliqua in risu vocem exaltaret, nec aliqua in iniurijs, aut superbia circa patrem suam existeret. Sine intermissione benedicebat Deum, & ne forte in salutatione sua à laudibus domini tolleretur, si quis illam salutabat, illa pro salute Deo gratias respondebat. Primum autem exijt ab ea, ut dum homines saluantur, Deo gratias dicant. Secundò profuit in obsequio, quod pater quia tribus mēsis in obsequio Heli sabbeth mansit. Amb. Quam in propinquis fuit religiosa seripura diuina commemorat. Nam humilior facta est vbi à Deo se cognouit electam, & statim ad montana ad cognatā suam accessit, non utiq; ut exemplo crederet, quæ iam crediderat oraculo. Beata, inquit, quæ credidisti, & cum ea tribus mensibus mansit. Tanti autem temporis intervallo non fides quæritur, sed pietas exhibetur. Tertiò profuit temporalis subli.

subsidio. Vnde dñ in sui persona de muliere forti. Prouer. vlt. Manum suam aperuit inopi, & palmas suas extendit ad pauperes. Qualiter autē ad pauperes fuerit liberalis patet ex hoc, q̄ totum aurum quod magi obtulerunt pauperibus erogauit, ita q̄ post modicum in sui purificatione nō habuit unde posset emere agnū. De ipsius liberalitate ad pauperes dicit Hieron. in Epistola ad Cromacium, & Heliodorum. De esca quam de manu angeli recipiebat Virgo reficiebatur, quæ uero à Pontificibus recipiebat pauperibus erogabat. Quotidie videbantur ei angeli loqui, & quasi charissimi obtemperabāt ei. Quarto profuit exemplo, quia eius vita speculum fuit sanctitatis, & religionis exemplum. Ambr. in lib. de Virginibus. Sit nobis tanquam in imagine descripta vita Mariæ, de qua uelut ex speculo refulget species castitatis, & forma uirtutis. Hinc summatis exempla uiuendi ubi tanquam in exemplari magisteris sunt prōbitatis expressa, quæ quid corrigere, quid effugere, quid tenere debeat ostendunt. Et infra. Extra domum nescia, nisi cum ad Ecclesiam conueniret, & hoc ipsum cum parentibus propinquis, & domesticis operosa secreta forensi stipata comitatu, nullo tamen meliore, quā seipsa, quæ in incessu aspectuq; venerabilis non tamen uestigium pedis tolleret. Hieron. ubi supra. In uigilijs inueniebatur prior, in sapientia legis eruditior, in humilitate humilior, in carminibus Dauid præstantior, in charitate gratiofior, in puritate purior, in omni uirtute perfectior. Quia igitur Virgo Beata, ut dictum est sic alios suis illuminabat exemplis, ideo sibi potest conuenire illud quod dicitur, Eccl. 26. Sicut Sol oriens mundo in altissimis Deo, sic mulieris bonæ species in ornamentum eius Sol est Christus, mundus est Beata Virgo, quæ illuminata à Deo totam militantem Ecclesiam illuminat. Quare autē B. Virgo dicatur mundus ostendit Cyprianus dicēs. Lego & intelligo, quia Maria est quidam mundus intelligibilis, & admirabilis, cuius terra soliditas humilitatis, cuius mare latitudo charitatis, cuius cœlum altitudo conuersationis, cuius Sol splendor intelligentiæ, cuius Luna decor munditiæ, cuius Lucifer fulgor sanctitatis, cuius arcturus gratia septiformis, cuius sydera aliarum uirtutum ornamenta pulcherrima.

LAUDES VITIS LAUDIBUS CONVENIUNT
Beata Virginis. Sermo CLIX.

VITIS significat beatam Mariam, quæ dicit Eccl. 24. Ego quasi vitis fructificavi suauitatem odoris, &c. ubi ipsa ostenditur qualiter fuerit vitis respectu filij, & qualiter respectu sui. Nam respectu filij ipsa fuit vitis, quæ protulit fructum plurimum, fructum suauissimum, & fructum odoriferum, ideo dicit. Ego quasi vitis fructificavi suauitatem odoris, protulit autem fructum plurimum, quia fuit à patre purgata, ideo dicit. Ego quasi vitis fructificavi. Pater quidem ipsam purgavit dum adhuc esset in utero, & sic fuit sancta nata, & tunc fecit fructum magnum. Deinde purgavit ipsam, quando Spiritum sanctum in ea misit, & tunc fecit fructum maiorem. Deinde purgavit ipsam, quando splendorem suum, scilicet. filium suum in eius uterum misit, & tunc fecit fructum maximum. Secundo fecit fructum suauissimum, quia fuit calore Spiritus sancti excocta. Et ideo subditur. Suauitatem. Tunc enim vitis fructum dulcem producit quando radijs solis eius vinas exurit, & sic vinum suauissimum facit. Radius igitur Spiritus sancti totam ipsam virginem inflammavit, & ideo fructum suauissimum produxit. Can. 2. Fructus eius dulcis gutturi meo. Quod enim tota fuerit à Spiritu sancto inflammata ostendit Hieron. in sermo. de Assump. ubi dicit. Totam ipsam repleuerat Spiritus sancti gratia, totam incanduerat diuinus amor, ita quod nihil esset, quod mundanus violaret affectus, sed ardor continuus, & ebrietas perfusi amoris. Quæ fructum suauissimum produxit dicitur Can. 2. Fructus eius dulcis gutturi meo. Tertio ista vitis fecit fructum odoriferum ex eo quod fuit à filio imbalsamata. Et ideo subdit. Odoris. Filius. n. Dei, qui est verum balsamum nouè mensibus in eius utero habitauit, & tandem de ipsa in natiuitate exiuit, & tunc ipsa fructum odoriferum produxit. Vnde postquam ipsa dixit. Bonus cyperi dilectus meus mihi, subdit. In vineis engadi. Dicitur enim quod vinee engadi balsamum producebant, quæ verum balsamum produxit, i. Christum Eccl. 24. Sicut cinnamomum,

namum, & balsamum aromatizans. Ibidem. Quasi balsamum non mixtum odor meus. Sicut igitur vitis aquam putrefactam conuertit in uinum suauissimum, & odoriferum, sic B. Virgo amorem mundi, qui est aqua putrida in nobis, in amorē Dei, qui est tanquam uinum suauissimum, & odoriferum conuertit, qui replet animam suauitate deuotionis, & trahit ipsam ad odorem imitationis suæ, Cant. 2. Trahe me post te in odorem unguentorum tuorum.

Secundò ostenditur qualiter ipsa virgo fuerit vitis respectu sui cum dicit. Et flores mei fructus honoris, & honestatis. Flores fuerunt eius virtutes, quæ fuerunt coram Deo, & coram hominibus valde odorifere intm̄ q̄ eius odor delectabat Deum, ut posset dicere illud Gen. 17. Ecce odor filij mei, &c. Quod homines recreabat. Cant. 2. Vineę florentes odorē dederunt. Quod dæmones effugabat. Cant. 2. Capite nobis vulpes paruulas, quæ demoliuntur vineas. Nam vinea nostra floruit. Quod etiam in ipsa estasim faciebat. Cant. 2. Fulcite me floribus stipate me malis, quia amore langueo. Ipsos autem flores, idest ipsas virtutes habuit cum fructibus, idest cū bonis operibus, ideo dicitur. Flores mei fructus. Sicut enim flores sunt inutiles nisi omnino sequat̄ fructus, sic & ipse virtutes sunt vacuę nisi bona opera concomitantur. Ideo dicitur 1. Cor. 6. Hortamur uos ne in uacuum gratiam Dei recipiatis. De fructibus istorum florum Beatæ Mariæ dicitur Cant. 7. Videamus si flores fructus parturiunt. Ipsa enim non habuit virtutes ociosas, quia dicitur Prou. vlt. Panem ociosa nū comedit. Ista opera faciebat ad honorem Dei, & ideo dicit. Fructus honoris, quia in omnibus suis operibus semper Dei gloriam, & honorem quærebat, iuxta illud 1. Cor. 4. Siue comedatis, siue bibatis, siue aliquid aliud faciatis, omnia in honorem Dei facite. Faciebat autem omnia opera sua ad edificationem proximi, ideo subditur. Et honestatis. Eius. n. opera tam honesta erant, q̄ omnes videntes attrahebāt. Honestum enim est, quod per se allicit. Seruauit enim illud Matt. 5. Sic luceat lux uestra coram hominibus, &c. De ista uite potest intelligi illud, quod dicit Gen. 40. Videbam corā me vitē, in qua erant tres propagines crescere paulatim in gemmas, & post

Sermo CXLIX.

flores uuas maturefcere. Ex quibus verbis habetur, q̄ in ifta vite fuerunt tres propagines, & in qualibet propagine fuerūt tria. ſ. gemmæ, flores, & uuæ. Per tres propagines intelligūtur tres in unitate perſonæ, per alia tria, quæ fuerunt in propagatione intelliguntur tres in Chriſto ſubſtantia. Iſta igit̃ vitis fuit Virgo beata in cuius utero fuerunt tres propagines .i. tres perſonæ. Nam ibi fuit perſona patris, qui Chriſti incarnatio nem fecit, ibi fuit perſona Spiritus ſancti, qui eam ſimiliter operatus fuit, ibi fuit perſona filij, qui corpus humanum ſibi induit. In iſta autem propagine, .i. in Chriſto fuerunt gemma flos, & uua. i. diuina natura, anima, & caro. Per gemmā enim quæ eſt principium florum, & fructuum intelligitur eius diuinitas, quæ eſt cauſa, & principium oīum rerum. Vnde Chriſtus interrogatus à Iudeis, rñdit principium qui & loquor uobis. Per florem intelligitur eius aīa, quæ omniū uirtutū odoribus fuit plena. Can. 2. Odor vnguentorū tuorum ſuper oīa aromata. Per uuā intelligitur eius caro, quæ plena fuit ſanguine precioſo, & tandē poſita fuit in torculari crucis, vnde emanauit muſtum noſtræ redemptionis. Vnde angeli admirantes dixerunt Iſa. 63. Quare rubrum eſt indumentum tuum. De iſta etiam vite poteſt exponi illud Iudicium 9. Ierunt ligna, vt vngerent ſuper ſe regem dixeruntq̃; oliuæ ficui, & vſti, ut eis imperaret. Reſponſio oliuæ fuit, q̄ non poterat deferere ſuā pinguedinem. Reſponſio ficus fuit, q̄ nolebat deferere ſuam dulcedinem. Reſponſio vitis fuit, q̄ nolebat deferere ſuā iocūditatem. Per iſta tria. ſ. oliuā, ficum, & uitem intelligit̃ Virgo Maria. Ipſa. n., uit oliua pp pinguedinem ſpiritualis gratiæ, ipſa fuit ficus pp dulcedinem ſuæ pietatis, & miſericordiæ, ipſa fuit vitis pp lætitiā iocunditatis internæ. Ligna igit̃ ſyluarum fuerunt Iudei, qui fuerunt duri, inflexibiles, & ſylueſtres, qui libentius uoluiffent, q̄ B. Virgo fuiſſet princeps ſuæ ſynagogæ, quam Chriſtus eccleſiæ ideo dixerunt ei. Veni, impera nobis. .i. ueni, & relinquo Chriſtū, vt ſis domina ſynagogæ noſtræ, ſed ipſa renuit, quia ſi hoc feciſſet amiſſiſſet pinguedinem gratiæ ſpiritualis, & dulcedinem ſuæ pietatis, & lætitiā internæ iocunditatis. Vnde pater ſuus Dauid eam per annos multos antequam naſceretur, oīno adinuocauit,

ruit, vt synagogam dimitteret, & Christo filio suo regi semper adhereret dicens. Audi filia, & vide, & inclina aurē tuam & obliuiscere populum tuum, & domum patris tui.

VNITAS SECVNDVM SVA QVATTOR

significata aptatur Beata Virgini & Christo.

Sermo

CLX.

VNITAS magna fuit inter Christum, & B. Virginē matrem eius. Est autem quadruplex vnitas.

Prima est quæ est inter virum, & vxorem, de qua dicitur Ge. 2. Erunt duo in carne una. Ista vnitas fuit inter Christum, & Virginem, quia eam in sponsam sibi fecit, & accepit, & cum ea spirituale matrimonium contraxit. Osee 2. Sponsabo te mihi in fide. Istud autem matrimonium initiatum fuit per angelum per verba de futuro, quando dixit. Ecce concipies in utero, & paries filium. Deinde ratificatum fuit per verba de presenti, quando Virgo consensit, & dixit. Ecce ancilla domini, &c. Vltimo fuit consumatum, quando filius Dei naturam humanam sibi in vnitate personę cōiunxit. Et tūc uerificatum fuit illud, erunt duo in carne una. Nā in vna carne. i. in vno corpore Christi generando, & formando fuerunt duo. s. Virgo, quæ carnis materiam ministravit, & Spiritus sanctus, qui de ipsa corpus formauit.

Secunda est vnitas, quæ est inter patrem, siue inter matrē & filium, de quo dicitur Gen. 44. Si intrabo ad patrem meū, puer. s. Benjamin defuerit cum anima illius ex anima huius dependat morietur. Ex ista aut vnitate fit, q̄ mater debet diligere filium tanquam rem suam, filius debet honorare matrem suam tanquam causam suam, & filius & mater debent sibi adinuicem cōicere actiones suas. Ista igitur vnitas naturalis fuit inter B. Virginem, & Christum. Ipsa. n. filium diligebat vt rem suam, vt posset dicere illud 2. Re. 1. Sicut mater vnicū amat filium ita te diligebam. Et filius honorabat matrem, vt causam suam, iuxta illud Lu. 2. Erat subditus illis. Et mater & filius cōicabant sibi adinnicem actiones suas. Nam filius fuit tantę potentię, q̄ creaturam suam fecit matrem suam

mata fuit. Hiero. Totam Virginem Mariam repleverat Spiritus sancti gratia, totam diuinus amor incanduerat, ita ut in ea nihil penitus remanent, quod mundanus violaret affectus. Ad ipsam etiam flectendam ad misericordiam non oportet uti magna violentia precum, sed leui deuotione cordium, ideo vocatur virgula, quæ cito flectitur. Can. 3. Quæ est ista, quæ ascendit per desertum sicut virgula fumi. Ipsa enim habuit flexibilitatem ad misericordiam, ideo dicitur virgula, ipsa habuit benignitatem, quia omnimodam innocentiam, quia nūquam aliquod pondus peccati habuit, ideo dicitur fumus, ipsa habuit redolentiam per odoriferam famam, ideo dicitur ex aromatibus. Ipsa habuit magnam virtutem, & efficaciam in expellendo sædæmones, ideo dicitur myrrhæ, ipsa habuit deuotionem internam, ideo dicitur thuris, ipsa habuit omnium virtutum plenitudinem, & abundantiam. Et ideo subditur. Et uniuersæ pulueris pigmentarij.

VULNERA EXPONUNTUR, QUÆ LAUDES

Gloriam B. Virginis terminant.

Ser. ultimus.

VULNERATA multis gladijs siue sagittis fuit Maria. Primus gladius est timoris, de quo dicitur in Ps. Confige timore tuo carnes meas. Istum gladium Virgo beata habuit, per quem à se omnia vitia carnis refecauit. Habuit autem timorem non seruilem, sed filialem, qui permanet in sæculum sæculi, & animam facit pulchram. Vnde dicit. Ego mater pulchræ dilectionis.

Secundus est gladius diuini sermonis, de quo dicit Heb. 4. Viuis est sermo Dei, & efficax omni gladio ancipiti. Istum gladium Maria in corde portabat, quia uerba Dei in corde reseruabat, ut dicitur Luc. 2. Amb. nec historia, nec litera docet B. Mariam gladio vitam finisse. Incertum est autem utrū Symeon pro gladio materiali dixerit an pro verbo Dei valido, & acutiori omni gladio ancipiti.

Tertius est gladius amoris, de quo dicit sponsa Can. Vulnerata charitate ego sum. De hijs tribus gladijs dicit Ber. Est sagitta quædam timor domini, desideria carnis confingit, & interst.

202 *Sermo CLXI. De B. Virgine.*

interficat, ut spiritus saluus fiat. Est etiā sagitta sermo domini uiuus. & efficax penetrans usque ad diuisionem animę & spiritus. Est etiam sagitta electa amor Christi, qui animam Marię non tantum confixit, sed etiam pertrāsiuit, ut nullam in pectore uirginali particulam animę uacuam amore reliquerit. Aut certe pertransiuit eam ut ueniret usq; ad nos, & de plenitudine eius nos omnes acciperemus.

Quartus est gladius doloris quo vulnerata fuit in filij passione. Lu. 2. Tuam ipsius animam pertransibit gladius. Ber. Verē pertrāsiuit, ut eam immetiēdō plus quam martyrem predicemus, in qua nimirum sensum corporeę passionis excessit compassionis affectus.

Quintus est gladius persecutionis, quia multas cum Apostolis persecutiones perpessa est. Ambr. super illud, tuam ipsius animam pertransibit gladius. In scriptura sacra, inquit, gladij nomine temporalis tribulatio figuratur iuxta illud Ps. Gladium euaginauerunt peccatores. Idem. Gladius eorum iniret in corda ipsorum. Et de Ioseph tribulato dicitur. Ferrū pertransiit animam eius. Quamquam autem multę tribulationes animam transfoderint Virginis beatissimę, illic tamen illa specialiter designatur, quę mātērna transfixit viscera domino in cruce moriente, qui cum Patre, & sancto Spiritu uiuit, & regnat in sæcula sæculorum. Amen.

Finis.

VENETIIS, M D X C.

Apud Baretium de Baretijs.















Prof. 2/92

BIBLIOTECA
NAZIONALE
LAB.
RESTAURI
CENTRALE
ROMA

